

# পুরাণ সংগ্ৰহ ।

মহর্ষি রুঞ্চৈষ্যায়ন বেদব্যাস প্রণীত ।

## মহাভারত ।

বিরাট পর্বা ।

### ষষ্ঠ খণ্ড ।

শ্রীযুক্ত কালীপ্রসন্ন সিংহ মহোদয় কর্তৃক  
মূল সংস্কৃত হইতে বাঙ্গালা ভাষায় অনুবাদিত ।

“যেমন পঞ্চ ভূত হইতে ত্রিবিধ লোকের উৎপত্তি হয়, সেই রূপ এই সর্বাংকুষ্ঠ ইতিহাস  
হইতে কবিগণের বৃদ্ধি উৎপন্ন হইয়া থাকে।” মহাভারত ।

কলিকাতা ।

পুরাণসংগ্ৰহ যন্ত্র ।

নংকালী ১১৮০ ।

PRINTED BY RADHA NAUTH BIDDEARUTTNA

## ভূমিকা ।



পুরাণসংগৃহের ষষ্ঠ খণ্ডে মহাভারতীয় বিরাট পর্ষদবিস্তারে অনুবাদিত, মুদ্রিত ও প্রচারিত হইল। দুর্যোধনভয়ভীত পঞ্চ পাণ্ডব পতিপরায়ণা পাঞ্চালী সমভিব্যাহারে কি প্রকারে বিরাটভবনে এক বৎসর প্রচ্ছন্ন ভাবে অবস্থিতি করিয়াছিলেন ; দুর্যোধন কীচক কিরূপে অপরিবারে ভীমহস্তে নিহত হয় ; কীচকবধ সংবাদ শ্রবণে উপযুক্ত অবসর বিবেচনায় ত্রিগর্ভের কিরূপে বিরাটের গোধন অপহরণ করে ; কিরূপে দুর্যোধন কুরুচতুরঙ্গিণী সমভিব্যাহারে অর্জুন কৰ্তৃক পরাজিত হয় ; এবং কিরূপে পঞ্চ পাণ্ডব কৃষ্ণ সমভিব্যাহারে ত্রয়োদশ বৎসর বনবাসক্লেশ সহ্য করিয়া প্রতিজ্ঞা প্রতিপালনপূর্বক বিরাটভবনে প্রকাশিত হন ; এই পর্ষদ তাহা বর্ণিত হইয়াছে।

বহুল আয়াসসম্মান্য পুরাণসংগৃহ কার্যে হস্তক্ষেপ করণসময়ে আমার এমন ভরসা ছিল না যে, এতাদৃশ অত্যল্প কালমধ্যে দূরবগাহ ভারতের বিরাট পর্ষদ পর্য্যন্ত অনুবাদিত ও প্রচারিত হইবে ; এক দিবসের জন্যও আমার মনে হয় নাই যে, মহাভারতের বাঙ্গালি অনুবাদ সহৃদয়সমাজ গ্রাহ্য করিবেন। আমি দুরুর জলপিঞ্জল ভেলা ধারা পার হইতে সংকল্প করিয়াছি ; কত দিনে যে পরপার প্রাপ্ত হইব তাহা হৃদয়মন্দিরেও সন্মুদিত হয় না। ভয়ানক জলজন্তুর ভীষণ রব, উত্তুঙ্গ তরঙ্গমালার গুবল বেগ প্রতিপদে উৎসাহ ভঙ্গ করিতেছে। এখানে কেবল ঘনঘটাব্যক্ত গগনমণ্ডলমধ্যবর্তী গমনমার্গপ্রদর্শক নক্ষত্র স্বরূপ সহজনসমাজের একমাত্র গুণগুণ-হিতা গুণ ভরসায় তাঁহাদিগের উৎসাহেই অব্যাহাতে বিরাটপর্ষদ সম্পূর্ণ করিলাম।

সারস্বতাশ্রম }  
১৭৮৩ শকাব্দাঃ }

ত্রিকালীপ্রসন্ন সিংহ ।





মহাভারতীয় বিরাট পর্বের সূচিপত্র ।

প্রকরণ	পৃষ্ঠা	স্তম্ভ	পংক্তি
অজ্ঞাত বাসার্থ যুধিষ্ঠিরাদির মন্ত্রণা	১	১	১
ধৌম্যের উপদেশ	৪	২	১৫
অস্ত্রসংস্থাপন	৭	১	২৪
শ্রীদুর্গার স্তব	৮	২	১৬
যুধিষ্ঠিরের বিরাটভবনে প্রবেশ	২	২	৩৫
ভীমের প্রবেশ	১১	১	১০
দ্রৌপদীর প্রবেশ	১১	১	২৭
সহদেবের প্রবেশ	১৩	১	৩২
অর্জুনের প্রবেশ	১৪	১	২৪
নকুলের প্রবেশ	১৫	১	১৪
জীমূত বধ	১৬	১	১
দ্রৌপদী-কীচকসংবাদ	১৭	২	১৪
দ্রৌপদীর সুরা আহরণ	১২	২	৫
কীচক কর্তৃক দ্রৌপদীর অবমাননা	২০	২	৩
দ্রৌপদী-ভীমসংবাদ	২২	২	২২
কীচকবধ	২২	২	১৭
উপকীচকবধ	৩৩	২	৩
কীচকদাহ	৩৪	২	৩৪
দুর্যোধনসমীপে চরণের প্রত্যাগমন	৩৬	১	২৮
কর্ণ ও দুঃশাসনের বক্তৃতা	৩৭	১	১৫
দ্রৌণের বক্তৃতা	৩৭	২	২৭
ভীষ্মের বক্তৃতা	৩৮	১	১৮
কৃপাচার্য্যের বক্তৃতা	৩৯	১	১২
মৎস্য দেশে সূশর্ম্মাদির যুদ্ধযাত্রা	৩৯	২	২২
মৎস্যরাজের সমরোদ্যোগ	৪০	২	১৪
সূশর্ম্মার সহিত বিরাটের যুদ্ধ	৪১	২	১৭
সূশর্ম্মার বিগ্নহ	৪২	২	৩৩
বিরাটের বিজয় ঘোষণা	৪৫	১	১২
উত্তরের আত্মপ্রাণ	৪৫	২	২২
দ্রৌপদী কর্তৃক বৃহন্নলার সারথ্য কখন	৪৬	২	৬
উত্তরের যুদ্ধযাত্রা	৪৭	১	৩৩
উত্তরের ভয় ও অর্জুন কর্তৃক আশ্বাসন	৪৮	২	৫
কৌরবগণের অর্জুনবিষয়ক কথোপকথন	৫০	২	১০
উত্তরের প্রতি অর্জুনের অস্ত্রগৃহণের আদেশ	৫১	২	১

	পৃষ্ঠা	স্তম্ভ	পংক্তি
উত্তর কঙ্ক অত্রারোপণ	৫১	২	২৫
উত্তরের অত্র বিষয়ে প্রশ্ন	৫২	১	২৫
অঙ্কনের প্রত্যুত্তর	৫২	২	৩৩
উত্তরের পাণ্ডবপরিচয় প্রাপ্তি	৫৩	২	৭
অঙ্কনের যুদ্ধে গমন	৫৪	২	১৩
কৌরবগণের উৎপাত দর্শন	৫৬	১	২৫
দুর্যোধনের বক্তৃতা	৫৭	২	২
কর্ণের আত্মসম্বোধ	৫৯	১	১৩
কৃপাচার্য্যের বক্তৃতা	৬০	১	৭
অশ্বখামা কঙ্ক কর্ণের ভৎসনা	৬১	১	১২
দ্রোণাচার্য্যের বক্তৃতা	৬২	১	৩১
ভীষ্মের ব্যূহ রচনা	৬৩	১	২৮
গোধন প্রত্যাহারণ	৬৪	১	২২
অঙ্কনের সহিত কর্ণের সংগ্রাম ও পলায়ন	৬৫	১	৩১
অঙ্কনের সহিত কৃপাচার্য্যের সংগ্রাম, দেবগণের আগমন ও কৃপের পলায়ন	৬৬	২	৩১
দ্রোণাচার্য্যের যুদ্ধ ও পলায়ন	৭১	১	২০
অশ্বখামার যুদ্ধ	৭৩	২	১৫
কর্ণের পুনরুদ্ধ ও পলায়ন	৭৪	২	১
দৃশ্যাদির যুদ্ধ	৭৫	২	১৮
সকুল যুদ্ধ	৭৭	১	৩৫
ভীষ্মের যুদ্ধ ও পলায়ন	৭৮	২	২৪
দুর্যোধনের যুদ্ধ ও পলায়ন	৮০	২	৮
যুদ্ধের উপসংহার	৮১	১	৩৫
অঙ্কন উত্তরের কথোপকথন	৮২	২	৩৭
উত্তরের নগর প্রবেশ, যুদ্ধস্থির ও বিরাতের দ্যুতক্রীড়া } এবং উত্তরের প্রতি বিরাতের সময়বিসয়ক প্রশ্ন }	৮৩	২	৩৩
বিরাতোত্তরসংবাদ	৮৭	১	২১
পাণ্ডবগণের আত্মপ্রকাশ	৮৮	১	১৪
উত্তরার বিবাহ প্রস্তাব	৮৯	২	৩৩
উত্তরার বিবাহ	৯০	১	৩৩

বিরাত পর্ষের সূচিপত্র সম্পূর্ণ।

## মহাভারত ।

### বিরাট পর্ব ।

পাণ্ডব প্রবেশ পর্যা্যায় ।

#### প্রথম অধ্যায় ।

নারায়ণ নরোত্তম নর ও দেবী সরস্বতীকে  
প্রণাম করিয়া জয় উচ্চারণ করিবে ।

জনমেজয় জিজ্ঞাসা করিলেন, হে ব্রহ্মণ !  
আমার পূর্বপিতামহগণ দুর্ঘোষনভয়ে ব্যা-  
কুল হইয়া কি রূপে বিরাট নগরে অ-  
জ্ঞাত বাস করিয়াছিলেন, এবং পতিপরা-  
য়ণা ব্রহ্মবাদিনী ঋপদনন্দিনীই বা কি প্র-  
কার অজ্ঞাত বাসের ক্লেশ ভোগ করিলেন ?

বৈশম্পায়ন কহিলেন, হে নরাধিপ !  
তোমার পূর্বপিতামহগণ বিরাট নগরে যে  
প্রকারে অজ্ঞাত বাস করিয়াছিলেন ; তাহা  
শ্রবণ কর । ধার্মিকবর যুধিষ্ঠির ধর্মের নি-  
কট সেই প্রকার বর লাভানন্তর আশ্রমে  
প্রত্যার্ত হইয়া ব্রাহ্মগণ সমীপে সমুদায়  
বৃত্তান্ত আনুপূর্বিক নিবেদন করিলেন ; এবং  
যে ব্রাহ্মণের অরণী সংযুক্ত মনুদণ্ড অপকৃত  
হইয়াছিল, তাঁহারেও তাহা প্রদান করিলেন ।

অনন্তর মহামনা যুধিষ্ঠির সমুদায় অনু-  
জগণকে একত্র করিয়া অর্জুনকে সম্বোধন-  
পূর্বক কহিলেন, হে ধনঞ্জয় ! আমরা রাজ্য  
হইতে বিবাসিত হইয়া দ্বাদশ বৎসর অতি  
কষ্টে অতিবাহিত করিয়াছি ; এক্ষণে ত্রয়ো-  
দশ বৎসর উপস্থিত ; অতএব এমন কোন  
উৎকৃষ্ট স্থান মনস্থ কর, যে স্থানে এই

সম্বৎসর কাল অরতিগণের অজ্ঞাতসারে  
অতিপাত করিতে পারি ।

অর্জুন কহিলেন, হে মহারাজ ! আমরা  
ধর্মপ্রদত্ত বর প্রভাবে অবশ্যই নরগণের  
অজ্ঞাতসারে কালাতিপাত করিব সন্দেহ  
নাই ; এক্ষণে বাসোপযোগী কতকগুলি  
রমণীয় গুহতম স্থান উল্লেখ করি, আপনি  
তন্মধ্যে কোন স্থান মনোনীত করুন । কুরু-  
মণ্ডলের চতুর্দিকে পাঞ্চাল, চেদি, মৎস্য,  
শূরসেন, পটঞ্জর, দশার্ণ, নবরাষ্ট্র, মল্ল, শাল,  
যুগন্ধর, বিশাল কুস্তিরাষ্ট্র, সুরাষ্ট্র ও অবন্তি,  
এই সকল পরম রমণীয় প্রচুর অম্মশালী  
জনপদ বিদ্যমান আছে ; ইহার মধ্যে কোন  
স্থানে বাস করিতে আপনার অভিরুচি হয়,  
বলুন আমরাও তথায় এই বৎসর অতি-  
বাহিত করিব ।

যুধিষ্ঠির কহিলেন, হে মহাবাহো !  
সর্বভূতেশ্বর ভগবান ধর্ম যাহা কহিয়া-  
ছিলেন, কখনই তাহার অন্যথা হইবে না ।  
আমরা অবশ্যই রমণীয় বাসস্থান অনু-  
সন্ধান করিয়া অকুতোভয়ে তথায় বাস ক-  
রিব । মৎস্যরাজ্য বিরাট বলবান, ধর্মশীল,  
বদান্য, বৃদ্ধ ও সতত প্রীতিভাজন ; বিশে-  
ষত পাণ্ডবগণের প্রতি অমুরক্ত ; অতএব  
আমরা এই সম্বৎসর কাল বিরাট নগরে

বাস করত মৎসরাজের কার্য সমুদায় সম্পাদন করিব। হে কুরুনন্দনগণ! বিরাট নগরে গমন করিয়া ভূপতি সন্নিধানে যে যে কৰ্মের পরিচয় প্রদান করিতে হইবে, এক্ষণে সকলে তাহা নির্দিষ্ট কর।

অর্জুন কহিলেন, হে নরদেব! আপনি বিরাট নগরে কোন্ কৰ্ম অবলম্বন করিয়া কাল যাপন করিবেন? আপনি ধীর-স্বভাব, বদান্য, লজ্জাশীল, ধার্মিক ও সত্য-প্রতিজ্ঞ; অতএব এই আপেক্ষকালে কোন্ কৰ্ম অবলম্বন করিবেন? হায়! ধর্মরাজ কখন কিঞ্চিৎমাত্রও ছুঃখ ভোগ করেন নাই; তিনি এই ঘোরতর বিপত্তিসাগর হইতে কি প্রকারে উত্তীর্ণ হইবেন।

যুধিষ্ঠির কহিলেন, হে ভ্রাতৃগণ! আমি বিরাট ভূপতির নিকট গমন করিয়া যে কৰ্ম করিব তাহা শ্রবণ কর। আমি কঙ্কনাম্বা অক্ষয়দয়জ দ্যুতপ্রিয় ব্রাহ্মণ হইয়া মহা-আ বিরাট নৃপতির সভ্যপদে অধিকৃত হইব। বৈতুর্ধ্য ও কাঞ্চনময় ক্রুঞ্চ ও লোহিত বর্ণে রঞ্জিত মনোহর অক্ষয়টিকা সকল যথাস্থানে সন্নিবেশিত করিব। এইরূপে আমি সহামাত্য সর্বদ্য বিরাট নৃপতির সম্ভাষণ সাধনে যত্ববান হইয়া কালান্তিপাত করিলে কেহই আমারে জানিতে পারিবে না। যদি মৎসরাজ আমারে জিজ্ঞাসা করেন, তাহা হইলে, পূর্বে আমি রাজ্য যুধিষ্ঠিরের প্রাণ-সম সখা ছিলাম; এই কথা বলিব। আমি যে রূপে কাল যাপন করিব, তাহা তোমাদিগকে কহিলাম। এক্ষণে, বৃকোদর! তুমি কি প্রকারে বিরাট নগরে বাস করিবে, বল।

দ্বিতীয় অধ্যায়।

তখন ভীমসেন কহিলেন, হে ধর্মরাজ! আমি স্থির করিয়াছি যে মহারাজ বিরাটের সমীপে সমুপস্থিত হইয়া “আমি পৌরগন, আমার নাম বল্লব” এই বলিয়া পরিচয় প্র-

দান করিব। হে রাজন্! আমি পাক কার্যো-সাতিশয় সুনিপুণ। বিরাটরাজ্যভবনে নানাবিধ সুপ প্রস্তুত করিব। পূর্বে সুশিক্ষিত পাচকগণ রাজ্যার নিমিত্ত যে সমুদায় উত্তমোত্তম ব্যঞ্জন প্রস্তুত করিয়াছে, আমি তাহা অপেক্ষা উৎকৃষ্টতর ব্যঞ্জন সকল প্রস্তুত ও অপরিমিত কার্তভার আহরণ করিয়া মহারাজের প্রীতি সম্পাদন করিব; তদর্শনে তিনি পরম পরিতুষ্ট হইয়া অবশ্যই আমারে নিযুক্ত করিবেন সন্দেহ নাই। হে ধর্মরাজ! আমি তথায় একপ অলৌকিক কার্য করিব যে বিরাটরাজ্যের অম্যান্য কিস্করগণ আমারে রাজ্যার ন্যায় সম্মান করিবে। আমি সকলের অন্ন পান-প্রদানের কর্তা হইব। মহাবলিষ্ঠ হস্তী বা বৃষভগণকে নিগ্রহ করিতে হইলে অনায়াসে তাহা সম্পাদন করিব। সমাজে যাহারা আমার সহিত বাহুযুদ্ধ করিতে প্রবৃত্ত হইবে, আমি রাজ্যার প্রীতি বন্ধনের নিমিত্ত তাহাদিগকে প্রহার করিয়া ধরাতলে পাতিত করিব, কিন্তু সংহার করিব না। লোকে জিজ্ঞাসা করিলে “আমি ইতিপূর্বে মহারাজ যুধিষ্ঠিরের অন্ন-সংস্কারক পশুনিগৃহীতা সুপকর্তা ও মল্ল-যোদ্ধা ছিলাম” বলিয়া আত্মপরিচয় প্রদান করিব এবং মতত স্বয়ং আত্মরক্ষায় যত্ববান হইব। হে মহারাজ! আমি এই রূপে অজ্ঞাত বাস করিতে সংকল্প করিয়াছি।

তৎপরে যুধিষ্ঠির অর্জুনকে লক্ষ্য করিয়া কহিতে লাগিলেন, অধিখাণ্ডবকানন দক্ষ করিবার মানসে ব্রাহ্মণবেশ ধারণপূর্বক স্বয়ং যাহার সমীপে আগমন করিয়াছিলেন; যিনি ক্রুঞ্চ সমভিব্যাহারে এক রথে আরোহণ-পূর্বক পন্নগ ও রাক্ষসগণকে পরাজয় করত খাণ্ডবারণ্য দাহন করিয়া হস্তাশ্বনকে পরিতুষ্ট করিয়াছিলেন; যিনি সর্পরাজ বাসুকীর উগিনীয়ে হরণ করিয়াছিলেন; সেই সর্বধর্মরাজ্যপ্রাণী অর্জুন কি রূপে অজ্ঞাত

বাস করিবেন? যেমন প্রতাপশালীদিগের মধ্যে সূর্য, ছিপদের মধ্যে ব্রাহ্মণ, সর্পের মধ্যে আশীবিষ, তেজস্বীদিগের মধ্যে অগ্নি, আয়ুধের মধ্যে বজ্র, গোসমূহের মধ্যে ককু-  
 ঝান, হৃদের মধ্যে সমুদ্র, বর্ষণকারিব মধ্যে পঙ্কনা, নাগের মধ্যে ধৃতরাষ্ট্র, হস্তির মধ্যে ঐরাবত, প্রিয়তমের মধ্যে পুত্র, ও সুরদের মধ্যে ভার্যা; তদ্রূপ ধনঞ্জয় সমুদায় ধর্মুর্কর-  
 গণ অপেক্ষা শ্রেষ্ঠ। এই গাণ্ডীবধন্য অর্জুন ইন্দ্র ও নারায়ণের তুল্য প্রভাব সম্পন্ন; ইনি পঞ্চ বর্ষ ইন্দ্রতবনে বাস করিয়া স্বীয় বীর্ঘ্য প্রভাবে অস্ত্রবিদ্যায় সুশিক্ষিত ও দিব্যাস্ত্র সমুদায় প্রাপ্ত হইয়াছেন; ইহাঁরে দ্বাদশ রুদ্র, ত্রয়োদশ আদিত্য, নবম বসু ও দশম গ্রহ বলিয়া জ্ঞান করা যায়; ইহাঁর বাহুদ্বয় সম, দীর্ঘ ও জ্যাঘাতকঠিন; ইনি উভয় হস্তেই সমানরূপে বাণ নিক্ষেপ করিতে পারেন। যেমন হিমালয় সমুদায় পর্বত অপেক্ষা, সমুদ্র নদীগণ অপেক্ষা, ইন্দ্র দেবগণ অপেক্ষা, অগ্নি বসুগণ অপেক্ষা, শার্দূল যুগগণ অপেক্ষা ও গরুড় অন্যান্য পক্ষীগণ অপেক্ষা শ্রেষ্ঠ; তদ্রূপ এই ধনঞ্জয় সমুদায় বীরগণ অপেক্ষা প্রধান। ইনি কি রূপে অজ্ঞাত বাস করিবেন?

অর্জুন কহিলেন, হে ধর্মরাজ! আমি বিরাটভবনে গমন করিয়া 'আমি ক্লাব' বলিয়া প্রতিজ্ঞা করিব। আমার ভুজদ্বয়-  
 সংলগ্ন জ্যাঘাতচিহ্ন গোপন করা ছড়র; আমি বলয় দ্বারা উহা আচ্ছাদিত করিব। কর্ণে কুণ্ডল, করে শঙ্খ ও মস্তকে বেণী ধারণ এবং আমার নাম 'বৃহস্পতি' বলিয়া আত্ম-  
 পরিচয় প্রদান করিব। পুত্রপুত্র স্ত্রীজনসু-  
 লভ আখ্যায়িকা পাঠ করিয়া রাজা ও তাঁ-  
 ঠার অশ্বপুত্রবাসিনী রমণীগণের মনোরঞ্জন করিব। বিরাটরাজের পুরস্ত্রীগণকে বিবিধ গীত, নৃত্য ও বাদ্য শিক্ষা করাইব। সতত লোকের অর্ঘ্যচার ব্যবহার কীর্তন করত মাস-

পূর্বক আত্মগোপন করিব। রাজা পরিচয় জিজ্ঞাসা করিলে বলিব যে, আমি ইতিপূর্বে মহারাজ যুধিষ্ঠিরের ভবনে দ্রৌপদীর পরি-  
 চর্যা করিতাম। হে ধর্মরাজ! আমি এই রূপে ভ্রাম্যচ্ছাদিত বহির ন্যায় আত্মগো-  
 পন পূর্বক বিরাটরাজতবনে সুখে বিহার করিব।

পুরুবশ্রেষ্ঠ অর্জুন এই বলিয়া তুষ্টী-  
 মূর্ত হইলেন; তখন মহারাজ যুধিষ্ঠির অন্য ভ্রাতারে সম্বোধন পূর্বক কহিতে লাগিলেন।

### তৃতীয় অধ্যায় ।

যুধিষ্ঠির কহিলেন, হে নকুল! তুমি সুখসম্ভোগ সমুচিত, সুকুমার, গুর ও প্রিয়-  
 দর্শন; এক্ষণে সেই বিরাটরাজের রাজ্যে কি কর্ম করিবে, তাহা কীর্তন কর। নকুল কহিলেন, মহারাজ! আমি অশ্ববিজ্ঞান ও অশ্বরক্ষণে সুনিপুণ এবং অশ্বশিক্ষা ও অশ্বচিকিৎসায় সম্পূর্ণ পারদর্শিতা লাভ করিয়াছি; এক্ষণে গ্রীষ্মক নামে আপনার পরিচয় প্রদান পূর্বক বিরাটরাজের অশ্বা-  
 ধিকারে নিযুক্ত হইব। এই কার্য আমার একান্ত প্রিয়তর। হে রাজন্! আপনার ন্যায় আমিও অশ্বগণকে নিতান্ত প্রিয় বোধ করিয়া থাকি। হে মহারাজ! বিরাটনগর নিবাসী কোন ব্যক্তি আমার পরিচয় জিজ্ঞা-  
 সা করিলে কহিব আমি পূর্বে ধর্মরাজ যুধিষ্ঠিরের অশ্বাধিকারে নিযুক্ত ছিলাম। হে রাজন্! আমি এই রূপে প্রচ্ছন্ন বেশে বিরাট নগরে বাস করিতে বাসনা করিয়াছি।

তখন যুধিষ্ঠির মহদেবকে কহিলেন, মহ-  
 দেব! তুমি বিরাটরাজ সম্বন্ধে কি প্রকারে পরিচিত হইবে এবং কি রূপ কার্যাসূচন দ্বারা প্রচ্ছন্ন বেশে কালান্তিপাত করিবে?

মহদেব কহিলেন, আমি গোসমূহের প্রতিবেশ, দোহন ও সম্মান বিষয়ে সমাক-

পারদর্শী ; বিরাতরাজ সমীপে তদ্বিপাল নামে আপনার পরিচয় প্রদানপূর্বক তাঁহার গোসাধ্যান কার্যে নিযুক্ত হইব। আমি অতি কৌশলে বিরাতরাজ্যে কালাতিপাত করিব ; আপনি আমার নিমিত্ত কিছুমাত্র চ্ছঃখিত হইবেন না। পূর্বে আপনি নিরন্তর আমাকে গোচর্য্যায় নিয়োগ করিতেন, তদ্বিবন্ধন তদ্বিষয়ে আমি অশেষবিধ কৌশল বিশেষ রূপে জ্ঞাত আছি। গোলক্ষণ, গোচরিত এবং তাহাদের শুভ ও অশুভ সমুদায়ই আমার বিদিত আছে। যাহাদিগের মুত্র আশ্রাণ করিয়া বন্ধ্যা নারী পুত্রবতী হয়, আমি এই রূপ শুভ লক্ষণ সম্পন্ন রূষত সকলকেও জ্ঞাত আছি। হে মহারাজ ! গোচর্য্যায় আমার সবিশেষ প্রীতি আছে, অতএব আমি এই কার্যে নিযুক্ত হইবার ইচ্ছা করিয়াছি। হে রাজন ! আমি এই রূপে অজ্ঞাত বেশে বিরাতরাজ্যের ভূষ্টি সম্পাদন করিব।

যুধিষ্ঠির কহিলেন, হে সহদেব ! আমাদিগের প্রাণপ্রিয়া ভার্গ্যা দ্রৌপদী জননীর ন্যায় পালনীয় ও জ্যেষ্ঠা ভগিনীর ন্যায় পূজনীয় ; ইনি কি রূপ কার্য অবলম্বন পূর্বক তথায় কালাতিপাত করিবেন। এই পতিপরামর্গা স্কুমারী রাজকুমারী যাজ্ঞসেনী অন্যান্য নারীর ন্যায় কোন প্রকার কার্য সাধনে সমর্থ নহেন। ইনি আজন্ম কাল কেবল মাল্য, গন্ধ, অলঙ্কার ও বিবিধ বস্ত্রের বিষয়ই সম্যক জ্ঞাত আছেন।

দ্রৌপদী কহিলেন, মহারাজ ! লোকে শিল্প কর্ম সম্পাদনার্থে কিল্লরী নিযুক্ত করিয়া থাকে। সৎকুলসম্ভূত রমণীরা কদাচ তৎকার্যে প্ররুত্ত হন না বলিয়া লোকের বিশ্বাস আছে ; অতএব আমি কেশসংস্কার-কুশল সৈরিক্কাী বলিয়া তথায় আপনার পরিচয় প্রদান করিব এবং রাজা জিজ্ঞাসা করিলে কহিব পূর্বে আমি কুরুরাজ যুধি-

ষ্ঠিরের আলয়ে দ্রৌপদীর পরিচারিকা ছিলাম। হে রাজন ! আমি এই রূপে আজ্ঞ গোপনপূর্বক রাজমহিষী স্তুদেশ্যার পরিচর্যা করিব। আমি উপস্থিত হইলে তিনি অবশ্যই আমাকে নিযুক্ত করিবেন ; অতএব এক্ষণে আপনি আমার নিমিত্ত আর মনস্তাপ করিবেন না।

তখন যুধিষ্ঠির কহিলেন, হে কৃষ্ণ ! তুমি উত্তমই কহিতেছ। অতি মহৎ বংশে তোমার জন্ম হইয়াছে এবং তুমি সতত সদাচারেই নিরত থাক, কদাচ পাপাচারে প্ররুত্ত হও না ; অতএব দেখিও যেন বিপক্ষগণের দৃষ্টিপথে পতিত হইও না ; যেন সেই পাপাচারপরায়ণ ধুর্ভেরা পুনরায় সুখী হয় না।

চতুর্থ অধ্যায়।

যুধিষ্ঠির কহিলেন, তোমরা বিরাত রাজ্যে যে সমস্ত কার্যানুষ্ঠান করিবে তাহা কহিলে ; আমিও স্বয়ং যাহা করিব তাহা কহিয়াছি। এক্ষণে পুরোহিত ধৌম্য, দ্রৌপদীর পরিচারিকা স্মৃত ও পৌরগবগণ সমভিব্যাহারে ঋপদরাজত্ববনে গমনপূর্বক আমাদিগের অধিহোত্র রক্ষা করুন এবং ইন্দ্রসেন প্রভৃতি সকলে রথ লইয়া অবিলম্বে দ্বারকানগরীতে গমন করুন। কেহ জিজ্ঞাসা করিলে সকলেই কহিবেন যে পাণ্ডবেরা আমাদিগকে দ্বৈতবনে পরিত্যাগ করিয়া তথা হইতে যে কোথায় প্রস্থান করিয়াছেন, আমরা তাহার বিস্মু বিসর্গও অবগত নহি।

অনন্তর পাণ্ডবেরা পরম্পর এইরূপ অবধারিত করিয়া পুরোহিত ধৌম্যকে আমন্ত্রণ করিলেন। তখন মহর্ষি ধৌম্য তাঁহাদিগকে সম্মেহ সম্বোধন করিয়া কহিতে লাগিলেন, হে পাণ্ডবগণ ! তোমরা ব্রাহ্মণ স্কুলং ঘান প্রহরণ ও অগ্নি বিষয়ক কর্তব্য অবধারণ করিয়া দিলে ; এক্ষণে যাহা কহিতেছি অব-

হিত হইয়া শ্রবণ কর। ধর্মরাজ যুধিষ্ঠির ও অর্জুনকে সতত দ্রৌপদীর রক্ষণাবেক্ষণ করিতে হইবে। তোমরা লোকবৃত্তান্ত সমস্তই জ্ঞাত আছ; কিন্তু বিদিত বিষয়েও উপদেশ প্রদান করা সুরুদর্শের অবশ্য কর্তব্য; লোকে ইহাকেই সনাতন ধর্ম, ও অর্থ কাম বলিয়া নির্দেশ করিয়া থাকে; এই নিমিত্ত আমি তোমাদিগের ইতিকর্তব্যতা নির্দেশ করিয়া দিতেছি; শ্রবণ কর।

হে পাণ্ডবগণ! তোমরা রাজকূলে বাস করিবে; অতএব আমি রাজকূলের বিষয় উল্লেখ করিতেছি। যে ব্যক্তি রাজকূলের সমস্ত অবগত হইয়াছে; তথায় তাহারেও অতি ক্লেশে কাল যাপন করিতে হয়। তোমরা সম্মানিত হও বা অবমানিতই হও, যেকপে হউক ছদ্মবেশে তথায় এক বৎসর অতিক্রম করিবে। পরে চতুর্দশ বৎসর মনুষ্যস্থিত হইলে স্বেচ্ছানুসারে ব্যবহার করিতে পারিবে। হে পাণ্ডুনন্দনগণ! রাজত্বনস্থ ব্যক্তির কোন বিষয় পর্যবেক্ষণ করিতে ইচ্ছা হইলে, অগ্রে ভূপালের অনুমতি লইবে; রহস্য বিষয়ে কাহাকেও বিশ্বাস করিবে না এবং যথায় অন্যে পরাভব করিতে না পারে, এই রূপ স্থানে অবস্থান করিবে। যে ব্যক্তি আমি মহারাজের প্রিয় এই মনে করিয়া ভদীয় যান, পর্শাঙ্ক, পাঠ, গজ বা রথে আরোহণ না করেন; তিনিই রাজগৃহে বাস করিতে সমর্থ হইবেন। যথায় উপবিষ্ট হইলে ছুট লোকেরা আশঙ্কা করিবে, তথায় কদাচ উপবেশন করিবে না। ভূপাল জিজ্ঞাসা না করিলে তাঁহারে কোন বিষয়ে অনুশাসন করা অকর্তব্য এবং মৌনাবলম্বনপূর্বক তাঁহার আরাধনা ও অবসর ক্রমে সমুচিত সৎকার করা বিধেয়। নৃপভিগণ অনৃতবাদী মনুষ্যের প্রতি সতত ক্রোধ প্রকাশ ও মিথ্যাভাষী মন্ত্রীকে নিম্নত অবমাননা করা থাকেন। প্রাজ্ঞ ব্যক্তি কদাচ

রাজমহিষী, অস্তঃপুরচারী, রাজার দ্বেষ ও তাঁহার অহিতকারী ব্যক্তিগণের সহিত মৈত্রী করিবেন না। রাজার সমক্ষে সামান্য কার্যও আগ্রহপূর্বক সম্পাদন করিবে। এই রূপে রাজার পরিচর্যা করিলে কদাচ বিপদস্ত হইতে হয় না। উন্নত পদ প্রাপ্ত ব্যক্তিও জিজ্ঞাসিত বা নিয়োজিত না হইলে স্থায় মর্যাদানুরোধে জাত্যক্ষের ন্যায় ব্যবহার করিবেন। পুত্র, পৌত্র বা ভ্রাতাও মর্যাদা অতিক্রম করিলে ভূপাল আর তাহারে সমুচিত সমাদর করেন না। অগ্নি ও দেবতার ন্যায় রাজার উপাসনা করিবে। নিখাবাদী মনুষ্যকে রাজা অবশ্যই বিনাশ করিয়া থাকেন। প্রমাদ, গর্ভ ও ক্রোধ পরিত্যাগপূর্বক স্বামীর আজ্ঞানুবর্তী হইয়া কার্য করিবে। কর্তব্যাকর্তব্যনির্ণয়স্থলে যাহা স্বামীর হিত ও প্রিয়কর হয় তাহাই বর্ণন করিবে। যে স্থলে হিতকর প্রিয় বাক্য নিতান্ত দুর্লভ; সে স্থলে প্রভুর প্রিয় বাক্যে উপেক্ষা করিয়া হিত বাক্য বলাই কর্তব্য। কদাচ স্বামিবাক্যের প্রতিকূলাচরণ করিবে না এবং অপ্রিয় ও অহিত কথা তাঁহার নিকট বর্ণন করিবে না। পশুিত ব্যক্তি আপনাকে প্রভুর অপ্রিয় পাত্র মনে করিয়া তাঁহার সেবা করেন ও সর্বদা অপ্রমত্ত চিত্তে তাঁহার হিত ও প্রিয় কার্যে তৎপর হন। যে ব্যক্তি প্রভুর অনিষ্ট চেষ্টা, তাঁহার অহিতচারীদিগের সহবাস ও অনধিকারচর্চায় পরাজুথ হন; তিনি রাজকূলে বাস করার উপযুক্ত পাত্র। পশুিতেরা রাজার দক্ষিণ অথবা বাম পার্শ্বে উপবেশন করিবেন; অস্ত্রশস্ত্রধারী রক্ষকগণ তাঁহার পশ্চাৎ ভাগে থাকিবে এবং সম্মুখে বিস্তীর্ণ আসন বিন্যস্ত থাকিবে; তথায় উপবেশন করা নিষিদ্ধ।

কোন গুঢ় বিষয় প্রত্যক্ষ হইলেও তাহা অন্যের নিকট ব্যক্ত করিবে না; তাহা

হইলে সামান্য ব্যক্তিদিগেরও অবিশ্বাস-  
ভাজন হইতে হয়। রাজারা যদি মিথ্যা কথা  
বলেন, তাহা অন্যের নিকট কদাচ প্রকাশ  
করিবে না। তাঁহারা মিথ্যাবাদীর প্রতি  
অত্যন্ত বিরক্ত হন এবং পণ্ডিতাভিমানী  
লোকদিগকে ঘণা করেন। আমি বীর বা  
বুদ্ধিমান এই বলিয়া কদাচ রাজার নিকট  
গর্ভ প্রকাশ করিবে না। যিনি অপ্রমত্ত  
চিত্তে সতর্কতাপূর্বক রাজার প্রিয় ও হিত  
কার্য করেন; তিনিই তাঁহার প্রণয়াম্পদ  
ও ঐশ্বর্য্যশালী হইয়া নানাবিধ ভোগসুখে  
কাল যাপন করিতে পারেন। দেখ, যাহার  
কোপে অশেষ ক্লেশ এবং প্রসাদে মহাফল  
লাভ হয়; কোন্ বুদ্ধিমান ব্যক্তি তাঁহার  
অনভিমত কার্য্যানুষ্ঠান করে।

রাজসভায় স্থির ভাবে সমাসীন থাকিবে; হস্ত, পাদ ও ওষ্ঠ প্রভৃতি সতত সঞ্চালন করিবে না; উচ্চৈঃ স্বরে কথা কহিবে না এবং অতি গোপনে নিষ্ঠীবন ও বাতাদি পরিত্যাগ করিবে। কোন প্রকার হাস্যের বিষয় উপস্থিত হইলে রুচ হইয়া অতি হাস্য, ও ঐশ্বর্য্যাবলম্বন-পূর্বক হাস্য সম্বরণ, এই উভয়ই বিরুদ্ধ। অতি হাস্যে উন্নততা ও হাস্য সম্বরণে গাভীর্য্য প্রকাশ করা হয়, এই নিমিত্ত তৎকালে মৃদু মৃদু হাস্য করা কর্তব্য। যিনি লাভে রুচ ও অপমানে দুঃখিত হন না, এবং সর্বদাই অপ্রমত্ত থাকেন, তিনিই রাজভবনের উপযুক্ত পাত্র। যে পণ্ডিত অমাত্য সর্বদা রাজা ও রাজপুত্রের স্তব স্তুতি করেন, তিনি চির কাল প্রিয় পাত্র হইয়া থাকেন। যে অমুগ্ধীত অমাত্য কোন কারণ-বশতঃ নিগ্ধীত হইয়াও রাজার প্রতি বিদ্বেষ প্রকাশ না করেন, তিনি পুনরায় সম্পদ লাভ করিতে পারেন। যিনি রাজার নিকট উপজীবিকা লাভ ও তাঁহার বিষয়ে বাস করেন, তিনি সতত ভূপতির সমক্ষে এবং পরোক্ষে তদীয় গুণানুবাদ করিবেন। যে

অমাত্য বলপূর্বক বিষয় ভোগ করিবার নি-  
মিত্ত রাজার নিকট প্রার্থনা করেন, তিনি  
অচির কাল মধ্যে পদচ্যুত হন এবং তাঁহার  
প্রাণসংশয় উপস্থিত হয়। বুদ্ধিমান ব্যক্তি  
রাজকৃত উপকার সতত বিপক্ষের নিকট  
প্রকাশ করিবে না এবং রাজারে সর্বদা  
শিক্ষা প্রদানে সমুদ্যত হইবে না। যে ব্যক্তি  
বলবান; অমান, সত্যবাদী, মৃদু ও দান্ত হইয়া  
সর্বদা ছায়ায় ন্যায় ভূপতির অনুগত হইতে  
পারেন, তিনিই রাজকুলের উপযুক্ত। প্রভু  
অন্য ব্যক্তিরে কোন কার্যে নিয়োগ করিলে  
যিনি কি করিব বলিয়া সেই কর্মে অগ্র-  
সর হন, তিনিই রাজভবনে বাস করিবার  
যোগ্য পাত্র। যিনি ভূপতি কর্তৃক গুঢ় বা  
প্রকাশ্য কার্যে নিয়োজিত হইয়া তৎসাধনে  
পরাজুখ না হন, তিনিই রাজগৃহে বাস করি-  
বেন। যিনি প্রবাসিত হইয়া পরম প্রণয়-  
াম্পদ পুত্র কলত্র প্রভৃতি স্মরণ করেন না, এবং  
সুখের নিমিত্ত দুঃখ সহ্য করিতে পারেন,  
তিনিই রাজগৃহে বাস করিবার উপযুক্ত।  
কদাচ রাজার সদৃশ বেশ ভূষা করিবে না;  
তাঁহার সমীপে অতি হাস্য করিবে না;  
এবং মন্ত্রণা বহু ব্যক্তির নিকট ব্যক্ত করিবে  
না। অর্থস্পৃহা পরিত্যাগপূর্বক কার্য  
করিবে; কারণ কোন দ্রব্য অপহরণ করিলে  
বন্ধন অথবা প্রাণনাশ হইবার সম্পূর্ণ সম্ভা-  
বনা। প্রভু যান, বস্ত্র, অলঙ্কার অথবা অন্য  
যে কোন বস্তু প্রসাদস্বরূপ প্রদান করিবেন,  
তাহাই সতত ধারণ করিবে। এই রূপে  
সাবধানে কালাতিপাত করিতে পারিলে  
রাজার প্রিয় পাত্র হওয়া যায়।

হে পাণ্ডবগণ! সম্প্রতি তোমরা প্রয়-  
ত্নাতিশয় সহকারে এই রূপে চিত্ত সংযত  
করিয়া আপনাদিগের সুশীলতা প্রদর্শন-  
পূর্বক বিরাট নগরে সম্বৎসর কাল অতি-  
বাহিত কর। অনন্তর আপনাদিগের রাজ্য  
লাভ করিয়া স্বেচ্ছানুরূপ ব্যবহার করিবে।



যুধিষ্ঠির কহিলেন, হে দ্বিজসন্তম ! আপনি যাহা আদেশ করিলেন, আমরা কদাচ তাহার অন্যথাচরণ করিব না। মাতা কুন্তী ও মহামতি বিদুর ভিন্ন আপনার ন্যায় সচুপদেষ্টা আর কেহই নাই; অতএব এক্ষণে আমরা কিরূপে এই দুঃখার্ণব উত্তীর্ণ হইব, কিরূপে প্রস্থান করিব এবং কিরূপেই বা আমাদের জয় লাভ হইবে, তাহার উপায় বিধান করুন।

দ্বিজোত্তম ধৌম্য যুধিষ্ঠির কর্তৃক এই রূপ উক্ত হইয়া প্রস্থানোচিত সমুদায় আয়োজন করিলেন এবং তাঁহাদিগের রাজ্য লাভ, সমৃদ্ধি ও বৃদ্ধির নিমিত্ত অগ্নি প্রজ্বলিত করিয়া মন্তোচ্চারণপূর্বক আছতি প্রদান করিতে লাগিলেন। পাণ্ডবেরা সেই অগ্নি ও তপোধান ব্রাহ্মণদিগকে প্রদক্ষিণপূর্বক দ্রৌপদীকে অগ্রে লইয়া প্রস্থান করিলেন। তাঁহারা গমন করিলে পর ধৌম্য অগ্নিহোত্র গ্রহণ করিয়া পাঞ্চাল নগরে উত্তীর্ণ হইলেন এবং ইন্দ্রসেন প্রভৃতি পূর্বোক্ত লোকেরা যাদবগণের নিকট গমনপূর্বক সুসংবৃত হইয়া অশ্ব রথ রক্ষা করত পরম সুখে কাল যাপন করিতে লাগিলেন।

পঞ্চম অধ্যায় ।

বৈশম্পায়ন কহিলেন, অনন্তর স্বরাজ্য লিপ্সু শ্মশ্রুধারী পাণ্ডবগণ গোধাক্ষ লিত্রাণ বন্ধন ও ধনু, খড়্গ, আয়ুধ, তুণ গ্রহণপূর্বক পাদচায়ে কালিন্দী নদীর দক্ষিণ তীরে উপস্থিত হইলেন; তথা হইতে কখন বা গিরিছুর্গে, কখন বা বনছুর্গে অবস্থানপূর্বক মৃগয়া করত গমন করিতে লাগিলেন। এই রূপে দশার্ণ দেশের উত্তর, পাঞ্চাল দেশের দক্ষিণ এবং যকুল্লোম ও শূরসেনের মধ্য দিয়া মৎস্য দেশে প্রবিষ্ট হইলেন। তখন দ্রুপদনন্দিনী রাজা যুধিষ্ঠিরকে কহিলেন, মহারাজ! নানাবিধ ক্ষেত্র ও এই পথ সমু-

দায়ের অবস্থা দৃষ্টিগোচর করিয়া স্পষ্টই বোধ হইতেছে যে, মৎস্যরাজের রাজধানী অতি দূরবর্তী হইবে; আমিও সাতিশর পরিশ্রান্ত হইয়াছি; অতএব এই রাত্রি এই স্থানেই অবস্থান করুন।

যুধিষ্ঠির কহিলেন, হে ধনঞ্জয়! তুমি যত্ন সহকারে পাঞ্চালীরে বহন কর; যখন অরণ্য অতিক্রমণ করিয়াছি, তখন একবারে রাজধানীতে গিয়া অবস্থিতি করিব। গজরাজ তুলা অর্জুন দ্রৌপদীকে গ্রহণ করিয়া দ্রুত পদসঞ্চারে গমন করত বিরাট নগরের সমীপে উপস্থিত হইয়া অবতারণিত করিলেন।

তখন রাজা যুধিষ্ঠির অর্জুনকে কহিলেন, হে পার্থ! এই আয়ুধ সকল কোথা রাখিয়া পুর প্রবেশ করিব? বদ্যপি আমরা অস্ত্র শস্ত্র লইয়া নগর মধ্যে প্রবিষ্ট হই, তাহা হইলে সমুদায় লোক সাতিপয় উদ্ভিন্ন হইবে। তোমার গাণ্ডীব ধনু লোক মধ্যে কাহারও অবিদিত নাই; ইহা গ্রহণ করিয়া নগর মধ্যে প্রবেশ করিলে, মনুষ্য মাত্রেই আমাদের চিনিতে পারিবে। যে রূপ প্রতিজ্ঞা করিয়াছি, তদনুসারে অজ্ঞাত বাসসময়ে এক ব্যক্তি জানিতে পারিলেও পুনরায় দ্বাদশ বৎসর বন বাস করিতে হইবে।

অর্জুন কহিলেন, মহারাজ! এই পর্বতশৃঙ্গে এক ছুরারোহ শমী বৃক্ষ দৃষ্টিগোচর হইতেছে। উহার শাখা সকল অতি ভয়ঙ্কর; বিশেষতঃ উহা শ্মশানের সমীপবর্তী ও হিংস্র জন্তু সমাকীর্ণ ছুর্গম অরণ্যে পরিবৃত। বোধ হয়, উহার সমীপে এমন কেহ নাই যে, আমরা উহাতে শস্ত্রগুলি সংস্থাপিত করিবার সময় তাহার দর্শনপথে নিপতিত হইব। অতএব ঐ শমী বৃক্ষে আয়ুধ সমস্ত সংস্থাপন করিয়া, নগর প্রবেশপূর্বক যথাযোগ্য রূপে কাল যাপন করিব।

ধনঞ্জয় ধর্মরাজকে এই প্রকার কহিয়া

শত্রু সংস্থাপন করিবার উপক্রম করিতে লাগিলেন। তিনি যাহা দ্বারা এক রথে সমুদায় দেব ও মনুষ্যগণকে পরাজিত এবং সুসমৃদ্ধ জনপদ সকল আয়ত্ত করিয়াছিলেন, সেই গভীরনিঃস্বন, অরাতিবলনিসুদন গাণ্ডীব শরাসন মৌর্যশূন্য করিলেন। মহারাজ যুধিষ্ঠিরও যে ধনু দ্বারা কুরুক্ষেত্র রক্ষা করিয়াছিলেন, এক্ষণে তাহা হইতে অক্ষয় গুণ বিশ্লেষিত করিলেন। মহাবল ভীমসেন যদ্বারা পাঞ্চাল জনপদ পরাজিত ও দ্বিধ্বজয় কালে একাকী তুরি তুরি অরাতিগণকে দুরীভূত করিয়াছিলেন; বজ্রাহত পরিত বিক্ষোভের ন্যায় যাহার বিক্ষার ধ্বনি শ্রবণ করিয়া, সপত্নগণ রণ পরিত্যাগ-পূর্বক পলায়ন করিত; যাহার প্রভাবে সিদ্ধুরাজ জয়দ্রথ পরাভূত হইয়াছিলেন; এক্ষণে তিনি সেই শরাসন হইতে জ্যোপাশ অবতারিত করিলেন। যিনি কুলে, রূপে অমুপম বলিয়া নকুল নামে প্রসিদ্ধ, সেই ইন্দ্র সূদৃশ, মিতভাষী, মাত্রীন্দন যে শরাসন দ্বারা পশ্চিম দিক্ পরাজয় করিয়াছিলেন; এক্ষণে তাহারও মৌর্যী অপারূপ হইল। দক্ষিণাচারপরায়ণ সহদেব যে ধনু দ্বারা দক্ষিণ দিক্ পরাজয় করিয়াছিলেন; এক্ষণে তিনিও তাহা হইতে গুণপাশ বিয়োজিত করিলেন। অনন্তর সেই সমস্ত ধনু এবং সুদীর্ঘ খড়্গ, মহাসূচ্য তুণ ও ক্ষুরধার শর সমুদায় একত্র সম্বলিত হইল।

তখন রাজা যুধিষ্ঠির নকুলকে কহিলেন, বীর! তুমি এই শমী বৃক্ষে আরোহণ করিয়া, এই সমস্ত অস্ত্র শস্ত্র উহাতে সংস্থাপন কর।

তখন নকুল সেই শমী বৃক্ষে আরোহণ-পূর্বক উহার যে যে স্থানে বক্রভাবে বারি বর্ষণ হয়, সেই সেই স্থানে গাণ্ডীব প্রভৃতি চারি খানি ধনু ও সমুদায় অস্ত্র শস্ত্র সুদৃঢ় পাশ দ্বারা দৃঢ়রূপে বন্ধন করিয়া রাখিলেন।

লোকে শব্দগুণ আশ্রয় করিয়া দূর হইতেই এই বৃক্ষ পরিহার করিবে এই অভি-প্রায়ে পাণ্ডবগণ সেই শমী বৃক্ষে একটি মৃত শরীর বন্ধন করিয়া রাখিলেন এবং গোপাল ও মেঘপাল প্রভৃতি সকলের নিকটে এই কথা প্রচার করিয়া দিলেন যে, আমরা পুরী-চরিত কুলধর্ম্মানুসারে অশীতিশতবর্ষব্যয়কা গতাস্থ প্রস্থান্তরে ইহাতে বন্ধন করিয়া রাখিলাম।

তদনন্তর রাজা যুধিষ্ঠির আপনাদিগের পঞ্চ জনের জয়, জয়ন্ত, বিজয়, জয়ৎসেন ও জয়দ্বল এই পাঁচটি গুঢ় নাম রাখিয়া কৃষ্ণা ও ভ্রাতৃগণ সমভিব্যাহারে সেই ত্রয়ো-দশ বর্ষ অজ্ঞাতচারে অতিবাহন করিবার নিমিত্ত নগর মধ্যে প্রবিষ্ট হইলেন।

ষষ্ঠ অধ্যায়।

বৈশম্পায়ন কহিলেন, ধর্ম্মরাজ যুধিষ্ঠির রমণীয় বিরাট নগরে গমন করত মনে মনে ত্রিভুবনেশ্বরী ভগবতী দুর্গার স্তব করিতে লাগিলেন। হে যশোদানন্দিনি নারায়ণ প্রণয়িনি, কুলবিবর্জিনি, কংসধ্বংসকারিনি, অসুরবিনাশিনি, ভগবতি, বরদে, কৃষ্ণে! আপনারে নমস্কার। আপনি ব্রহ্মচর্য্যস্ব-রূপা বাসুদেবের ভগিনী। দুর্দান্ত কংস বল-পূর্বক আপনারে আকর্ষণ করত শিলাতলে নিক্ষেপ করিতে উদ্যত হইলে আপনি অনায়াসে তাহার হস্ত হইতে আকাশপথে গমন করিয়াছিলেন। হে ত্রিভুবনেশ্বরী! আপনি দিব্য বস্ত্র ও মাণ্যে বিভূষিত হই-য়াছেন; আপনার করতলে সুতীক্ষ্ণ খড়্গ ও খেটক শোভা পাইতেছে। হে ত্রৈলোক্য-তারিণি! যাহারা ভূভার অবতারণ জন্য কায়মনোবাক্যে আপনারে স্মরণ করেন, আপনি দুস্তর পাপপঙ্ক হইতে তাহা-দিগকে উদ্ধার করিয়া থাকেন।

অনন্তর রাজা যুধিষ্ঠির ভ্রাতৃগণের সহিত দেবীরে সন্দর্শন করিবার মানসে পুন-

রায় বহুবিধ স্তব করিতে লাগিলেন । হে কালার্কনদৃশে, চতুর্ভুজে, চতুর্ভুজ্যে, মমূর-পিচ্ছবলয়ে, পীনপরোধরে, পৃথুনিতম্বিনি, কেয়ূরধারিণি, দেবি ! আপনি লক্ষ্মীর ন্যায় শোভা পাইতেছেন । আপনার মুখমণ্ডল চন্দ্রমণ্ডলবিস্পর্কী ; শ্রবণযুগল সুবর্ণ-কুণ্ডলে বিভূষিত, মুকুট অতি বিচিত্র এবং কেশপাশ পরম রমণীয় । হে নানা আয়ুধ-ধারিণি ! আপনার বিপুল বাহুযুগল শক্রধ্বজসদৃশ । আপনি ভুজঙ্গাতোগরূপ মেখলাদামে বিভূষিত হইয়া বিষধরপরি-রূত 'মন্দর গিরির শ্রী ধারণ করিয়াছেন । শিখিপচ্ছবিনির্মিত উন্নত ধ্বজদণ্ডে আপ-নার কি অনির্কটনীয় শোভা হইয়াছে ! হে ত্রিদশেশ্বর ! আপনি কৌমার ত্রত ধার-ণপূর্বক সুরলোক পবিত্র করিয়াছিলেন বলিয়া ত্রিদশগণ নিরন্তর আপনার স্তব ও পূজা করিয়া থাকেন ; আপনি ত্রৈলোক্য রক্ষা করিবার নিমিত্ত মহাসুর মহিষাসুরকে সংহার করিয়াছেন । আপনি জয়া, বিজয়া, বরদা ও সংগ্রামে বিজয়প্রদা ; অতএব এ-ক্ষণে আমার প্রতি প্রসন্ন হউন, রূপা করিয়া আমারে বিজয় দান করুন । হে শীঘ্রমাংস-পশুপ্রিয়ে, কামচারিণি ! নগেশ্ব বিদ্যাচল আপনার শাস্ত্রত বাসস্থান । আপনি যাত্রা করিলে ভূতগণ আপনার অনুগমন করে । হে কালি ! হে মহাকালি ! যাহারা তারা-বতারণ মানসে প্রভাতে আপনারে স্মরণ ও প্রণাম করেন, তাহাদিগের ধন পুত্র লাভ দুর্লভ হয় না । হে দুর্গে ! আপনি দুর্গ হইতে উদ্ধার করেন বলিয়া লোকে আপ-নারে দুর্গা বলিয়া থাকে । কান্ডারে অবসন্ন, জলধিজলনিমগ্ন ও দম্বুহস্তে নিপতিত জনের আপনিই একমাত্র গতি । হে দেবি ! জল প্রতরণে, কান্ডারে ও অটবীতে বিপন্ন হইয়া ভক্তিপূর্বক আপনারে স্মরণ করিলে আর অবসন্ন হইতে হয় না । হে সুরেশ্বর ! আ-

পনি কীর্তি, লক্ষ্মী, ধৃতি, সিদ্ধি, লক্ষ্মা, বিদ্যা, মন্ততি, বুদ্ধি, সন্ধ্যা, রাজি, প্রভা, নিদ্রা, জ্যোৎস্না, কান্তি, ক্রমা ও দয়া । আপনার পূজা করিলে নরের বন্ধন, মোহ, পুত্রনাশ, ধনক্ষয়, ব্যাধি, মৃত্যু ও ভয় কিছুই থাকে না । হে তন্ত্রবৎসলে, শরণাগতপালিকে, দুর্গে ! আমি রাজ্যভ্রষ্ট হইয়াছি ; এক্ষণে আপনার শরণাপন্ন, আপনারে প্রণাম করি, আপনি আমারে রক্ষা করুন ।

দেবী রাজার এবম্বিধ স্তবে পরিতুষ্ট হইয়া তাঁহার সমীপে আগমনপূর্বক কহি-লেন, হে রাজন্ ! আমার প্রসাদে অচির কাল মধ্যে তোমার সংগ্রামে বিজয় লাভ হইবে । তুমি নিখিল কৌরববাহিনী পরা-জয় করিয়া ভ্রাতৃগণের সহিত পরম শ্রীত মনে নিষ্কণ্টকে রাজ্য ভোগ করিবে এবং তোমার সখ্য ও আরোগ্য লাভ হইবে । হে ধর্মরাজ ! যে সকল নিপ্পাপ ব্যক্তির আমার নাম সঙ্কীর্তন করে, আমি প্রসন্ন হইয়া তাহাদিগকে রাজ্য, আয়ু, অপূর্ব দেহ ও পুত্র প্রদান করি । যাহারা প্রবাস, নগর, শক্র, সঙ্কট, সংগ্রাম, কান্ডার, গহন কানন, পর্বত ও সাগর প্রভৃতি দুর্গম স্থলে বিপন্ন হইয়া এই রূপে আমারে স্মরণ করে, তাহা-দিগের কিছুই দুর্লভ থাকে না । যাহারা ভক্তিপূর্বক এই উৎকৃষ্ট স্তোত্র শ্রবণ বা পাঠ করে, তাহাদিগের সমুদায় কার্য সিদ্ধ হয় । হে পাণ্ডবগণ ! আমি প্রসন্ন হইয়া বলি-তেছি, তোমরা বিরাট নগরে অবস্থিত করিলে তত্রত্য লোক ও কৌরবেরা কেহই তোমাদিগকে জানিতে পারিবে না ।

দেবী যুধিষ্ঠিরকে এই কথা বলিয়া পাণ্ড-বগণের রক্ষা করিয়া সেই খানেই অন্তর্হিত হইলেন ।

সপ্তম অধ্যায় ।

বৈশম্পায়ন কহিলেন, মহারাজ ! তদ-

নস্তর মহাবিষ আশীবিষের ন্যায় ছুরাসদ, কুরুবংশাধতংস মহামুভব রাজা যুধিষ্ঠির, বৈদর্য্য ও কাঞ্চনময় অক্ষগুটিকাসকল বস্ত্র দ্বারা বেষ্ঠনপূর্ব্বক কক্ষে নিক্ষেপ করিয়া সর্বাঙ্গে সভাস্থ বিরাটরাজার নিকট উপনীত হইলেন। তিনি অপূর্ব্ব রূপ ও বলপ্রভাবে সাক্ষাৎ অমরের ন্যায় নিবিড় জলদজালজড়িত সূর্যের ন্যায় ও ভস্মাচ্ছন্ন বহির ন্যায় দীপ্তি পাইতে লাগিলেন। বিরাটরাজ অচিরকালমধ্যে অভ্রপটল-সংবৃত সুধাংশুসদৃশ সভাগত যুধিষ্ঠিরের প্রতি দৃষ্টিপাত করিয়া মন্ত্রী, ব্রাহ্মণ, সূত, বৈশ্য ও অন্যান্য সভ্যদিগকে জিজ্ঞাসা করিলেন, হে সভাসদগণ! যিনি প্রথমে আগমন করিয়া রাজার ন্যায় সভা নিরীক্ষণ করিতেছেন, উনি কে? উনি ব্রাহ্মণ নন, আমার বোধ হয়, কোন রাজা হইবেন। উঁহার সমভিব্যাহারে দাস, রথ ও হস্তী কিছুই নাই; তথাচ উনি দেবরাজ ইন্দ্রের ন্যায় শোভা পাইতেছেন। যেমন মদমত্ত বারণ অকুতোভয়ে নলিনীর সমীপে সমুপস্থিত হয়, তক্রূপ ইনিও আমার নিকট অসঙ্কচিত চিত্তে আগমন করিতেছেন। যাহা হউক, উঁহার আকার প্রকার দর্শনে উঁহােরে রাজা বলিয়া আমার বোধ হইতেছে।

বিরাটরাজ এই রূপ তর্ক বিতর্ক করিতেছেন, ইত্যবসরে ধর্ম্মরাজ যুধিষ্ঠির তাঁহার সন্নিধানে উপনীত হইয়া কহিলেন, মহারাজ! আমি ব্রাহ্মণ জাতি; সর্ব্বস্বান্ত হওয়াতে জীবিকা লাভের নিমিত্ত আপনকার নিকট উপস্থিত হইয়াছি; মানস করিয়াছি, এই স্থানে অবস্থানপূর্ব্বক মহাশয়ের অভিনাযানুরূপ কার্য্য সংসাধন করিব। তখন বিরাটরাজ সাতিশয় প্রকৃষ্ট মনে স্বাগত প্রস্তুপূর্ব্বক তৎক্ষণাৎ তাঁহার বাক্য স্বীকার করিয়া কহিলেন, তাত। তোমারে নমস্কার। এক্ষণে তুমি কোন রাজার রাজ-

ধানী হইতে আগমন করিতেছ? তোমার নাম ও গোত্র কি? এবং তুমি কি কি শিল্পা কার্য্যের অনুষ্ঠান করিয়া থাক? এই সমস্ত সত্য করিয়া বল।

যুধিষ্ঠির কহিলেন, মহারাজ! আমি ব্যাভ্রপদী গোত্রসম্বৃত ব্রাহ্মণ, আমার নাম কঙ্ক; পূর্বে আমি ধর্ম্মরাজ যুধিষ্ঠিরের প্রিয় সখা ছিলাম; দ্যুতে আমার সবিশেষ নিপুণতা আছে। বিরাট কহিলেন, আমি তোমার প্রার্থনা পূরণে সন্মত আছি; তুমি মৎস্য দেশ শাসন কর; আমি তোমার একান্ত বশস্বদ, দ্যুতানুরক্ত ব্যক্তিগণ আমার প্রিয় পাত্র; অতএব তুমিও আমার প্রিয় ও রাজ্য লাভে সম্যক্ উপযুক্ত। যুধিষ্ঠির কহিলেন, মহারাজ! আমি নীচ লোকের সহিত কখনই দ্যুতক্রীড়া করিব না এবং আমি যাহারে পরাজয় করিব, সে আমার ধন লাভে কদাচ অধিকারী হইবে না; আপনি অনুকম্পা করিয়া আমার এই প্রার্থনার সন্মত হউন। বিরাট কহিলেন, আমি তোমার অহিতকারী ব্রাহ্মণকে বিষয় হইতে নিরাসিত করিয়া দিব এবং অন্যে তোমার অপ্রিয়ানুষ্ঠান করিলে তৎক্ষণাৎ তাহার প্রাণ নাশ করিব।

হে জানপদবর্গ! তোমরা সকলেই সমাগত হইয়াছ; এক্ষণে আমি যাহা কহিতেছি, শ্রবণ কর। অদ্যাবধি প্রিয় সখা কঙ্ক আমার ন্যায় সকল বিষয়েই সম্পূর্ণ অধিকারী হইলেন। অনস্তর ধর্ম্মরাজের প্রতি দৃষ্টিপাত করিয়া কহিলেন, সখে! আমি তোমার সহিত এক যানে আরোহণ করিব এবং আমার ন্যায় তোমারও প্রচুর বস্ত্র ও অপরিয়াপ্ত পান ভোজন লাভ হইবে। আমি গৃহের দ্বার সকল উন্মার্টন করিয়া দিতেছি, তুমি সর্ব্বদাই বাহ্যস্তর পর্য্যবেক্ষণ করিবে, যদি কেহ জীবিকা লাভে অসমর্থ হইয়া তোমার নিকট

কিঞ্চিৎ প্রার্থনা করে, তাহা হইলে তুমি তৎক্ষণাৎ আমারে বলিবে, আমি নিঃসন্দেহ তাহার মনোরথ পূর্ণ করিব ; আমার সম্মি-  
থানে তোমার কিছুমাত্র শঙ্কা নাই ।

হে মহারাজ ! এই রূপে ধর্মরাজ যুধি-  
ষ্ঠির বিরাটের সহিত সমাগত হইয়া পরম  
সমাদরে বাস করিতে লাগিলেন, কেহই  
তাঁহার এই বৃত্তান্তের বিন্দু বিসর্গও অবগত  
হইতে পারিল না ।

অষ্টম অধ্যায় ।

বৈশম্পায়ন কহিলেন, অনন্তর ভীমপু-  
ত্রাক্রম ভীমসেন সকললোকবিকাশী প্রভা-  
করের ন্যায় স্বীয় তেজঃপ্রভাবে দীপ্যমান  
হইয়া অসিত বসন পরিধান এবং করে  
কোষনিষ্কাশিত অসিতাঙ্গ অসি, মস্তদণ্ড ও  
দক্ষী ধারণপূর্বক সুপকারবেশে মৎস্যরাজ-  
সমীপে সমুপস্থিত হইলেন । মৎস্যরাজ ভূ-  
পতিপন্থিত অস্তিকাগত কুন্তী-কুমারকে অব-  
লোকন করিয়া সমাগত জনপদবাসীদিগকে  
কহিলেন, ঐ যে সিংহসদৃশ, উন্নতক্ষত্র,  
সূর্য্যাসদৃশ পরম রূপান, অদৃষ্টপূর্ব যুবা  
দৃষ্টিগোচর হইতেছেন ; উনি কে ? আমি  
সবিশেষ অনুধাবন করিয়াও উঁহার অভি-  
সন্ধি স্থির করিতে সমর্থ হইতেছি না ।  
অতএব তোমরা অবিলম্বে উঁহার পরিচয়  
জিজ্ঞাসা কর ; উনি গন্ধর্ষরাজ হউন বা  
দেবরাজই হউন, আমি বিচার না করিয়া  
উঁহার মনোরথ পরিপূর্ণ করিব ।

তাহারা মৎস্যরাজের আদেশানুসারে  
ক্রতপদ সঞ্চারে ভীমসেনসম্মিথানে সমুপ-  
স্থিত হইয়া সমুদায় রাজবাক্য নিবেদন ক-  
রিল । মহাত্মা বৃকোদর তাহাদিগের বাক্যে  
প্রত্যুত্তর না করিয়া বিরাটের সম্মিকটে আগ-  
মনপূর্বক অসঙ্কুচিত বাক্যে কহিলেন,  
মহারাজ ! আমি সুপকার, আমার নাম  
বল্লব, আমি অতি উত্তম ব্যঞ্জন প্রস্তুত ক-  
রিতে পারি ; আমারে গ্রহণ করুন ।

বিরাট কহিলেন, হে বল্লব ! তোমারে  
সুররাজের ন্যায়, নররাজের ন্যায় রূপলা-  
বণ্য ও বিক্রমসম্পন্ন দেখিয়া সুপকার বলিয়া  
বিশ্বাস হইতেছে না ।

ভীম কহিলেন, নরেন্দ্র ! আমি সুপকার  
আপনার পরিচারক ; পূর্বে রাজা যুধিষ্ঠি-  
রের সুপাধিকারে নিযুক্ত ছিলাম । আমি  
কেবল সুপকার্য্যে পারদর্শী নই ; আমার  
তুল্য বাহুবোদ্ধা বলবান্ও অতি দুর্লভ ।  
আমি সর্বদা হস্তী ও সিংহের সহিত সংগ্রাম  
করিতাম ; এক্ষণে নিরন্তর আপনার প্রিয়  
কার্য্য সম্পাদন করিব ।

বিরাট কহিলেন বল্লব ! আমি তো-  
মার মনোরথ পরিপূর্ণ করিলাম ; তুমি  
মহানসে অধিকার গ্রহণ কর ; কিন্তু এক-  
কার কর্ম তোমার উপযুক্ত বলিয়া বোধ  
হইতেছে না ; তুমি সসাগর ধরামণ্ডলের  
অধিকারযোগ্য । যাহা হউক, তুমি আত্ম-  
কামনানুসারে মহানসে নিযুক্ত হইলে ;  
আমি তোমারে তত্রস্থ সমস্ত অধিকৃতবর্গের  
উপরে আধিপত্য প্রদান করিলাম ।

ভীমসেন এই রূপে মহানসে নিযুক্ত  
হইয়া বিরাট নৃপতির সান্তিশয় প্রীতিভা-  
জন হইলেন । তত্রস্থ পরিচারক বা অন্য  
কোন ব্যক্তি তাঁহার প্রকৃত পরিচয় অবগত  
হইতে সমর্থ হয় নাই ।

নবম অধ্যায় ।

বৈশম্পায়ন কহিলেন, অনন্তর অসিত-  
লোচনা দ্রৌপদী নীল সূক্ষ্ম সূকোমল ও সুদী-  
ঘ কেশপাশ বেণীরূপে বন্ধন, অতিমাত্র  
মলিন একমাত্র বসন পরিধান করিয়া সৈ-  
রিন্দ্রীবেশে দীনভাবে গমন করিতে লাগি-  
লেন । নাগরিক পুরুষ ও স্ত্রীলোকেরা ক্রত  
পদে তাঁহার নিকট আগমন করিয়া “তুমি  
কে? তোমার অভিজ্ঞা কি ?” ষড়ংবার এই  
রূপ জিজ্ঞাসা করিতে লাগিল । তখন দ্রৌ-

পদী তাহাদিগকে কহিলেন, আমি সৈরিন্দ্রী, যদি কেহ আমারে কোন কার্যে নিযুক্ত করেন, আমি তাহা সুচারুরূপে সম্পাদন করিব, এই নিমিত্ত এখানে আগমন করিয়াছি। কিন্তু তাহার তাঁহার অসামান্য রূপ লাভণ্য, বেশ বিন্যাস ও মধুর বাক্য শ্রবণ করিয়া তাঁহারে অন্নার্থিনী দাসী বলিয়া বিশ্বাস করিতে পারিল না।

বিরাটমহিষী সূদেষ্ণা প্রাসাদে আরোহণ করিয়া ইতস্তত দৃষ্টিপাত করিতেছিলেন, ইত্যবসরে পাণ্ডবপ্রিয়া দ্রৌপদী তাঁহার নেত্রপথে নিপতিত হইলেন। রাজমহিষী তাঁহারে তাদৃশ রূপবতী, অনাথা ও একবসনা দেখিয়া নিকটে আহ্বানপূর্বক জিজ্ঞাসা করিলেন, ভদ্রে! তুমি কে ও তোমার অভিলাষই বা কি? দ্রৌপদী কহিলেন, আমি সৈরিন্দ্রী, যিনি আনারে নিযুক্ত করিবেন, আমি সুচারুরূপে তাঁহার কৰ্ম সম্পাদন করিব, এই কারণেই এ স্থানে আগমন করিয়াছি।

সূদেষ্ণা কহিলেন, হে ভাবিনি! তুমি যে প্রকার কহিতেছ, তোমার ন্যায় কামিনী গণের পক্ষে তাহা কখনই হয় না; ফলত তুমিই নানাবিধ দাসদাসীগণের নিয়োগ্য। তোমার গুলফভাগ অমুচ্চ, উরুদ্বয় সংহত, নাভিপ্রদেশ অতি গম্ভীর, নাসিকা উন্নত, অপাক্ষ, কর, চরণ, জিহ্বা ও অধর লোহিত বর্ণ, বাক্য হংসের ন্যায় গদগদ, কেশকলাপ অতি মনোহর, অঙ্গ শ্যামলবর্ণ, নিতম্ব ও পয়োধর নিবিড়তম, পঙ্করাজি কুটিল, মধ্যভাগ ক্ষীণ, গ্রীবা কম্বুর ন্যায়, শিরা সকল অদৃশা এবং মুখমণ্ডল পর্ণচন্দ্রের ন্যায় রমণীয়; তুমি কাশ্মীরী-তুরঙ্গীর ন্যায় এবং পদ্মপলাশলোচনা কন্যার ন্যায় সৌন্দর্য্য ধারণ করিয়াছ; হে ভদ্রে! তোমারে পরিচারিণী বলিয়া কোন প্রকারেই বোধ হইতেছে না; তুমি যক্ষ-

রমণী কি দেবকামিনী? গন্ধকী কি অম্বরী, ভূজঙ্গবনিতা, কি এই নগরের অধিষ্ঠাত্রী দেবতা? বিদ্যাধরী বা কিম্বরী অথবা স্বয়ং রোহিণী? অলম্বুধা কি মিশ্রকেশী? পুণ্ডরীকা কি মালিনী? অথবা তুমি ইন্দ্রাণী, বারুণী, বিশ্বকর্মাণী পত্নী, ব্রহ্মাণী কি অন্যান্য দেবকন্যাগণের অন্যতমা হইবে? যাহা হউক, তুমি কে, বল।

দ্রৌপদী কহিলেন, আমি দেবী, গন্ধকী, অম্বরী বা রাক্ষসী নহি। সত্য কহিতেছি, আমি সৈরিন্দ্রী, আমি কেশসংস্কার, বিলেপন, পেষণ এবং মল্লিকা, উৎপল, কমল ও চম্পক প্রভৃতি কুসুমকলাপের বিচিত্র মালা গ্রন্থন করিয়া থাকি। প্রথমে কৃষ্ণপ্রিয়তমা সত্যভামা তৎপরে কুরুকুলের একমাত্র সুন্দরী দ্রুপদকুমারীর সেবা করিয়াছিলাম; সেই সেই স্থানে সমুচিত অশন বসন সহকারে পরম সুখে কাল যাপন করিতাম; স্বয়ং দেবী আমারে মালিনী বলিয়া আহ্বান করিতেন। আজি আপনার আলায়ে আগমন করিয়াছি।

সূদেষ্ণা কহিলেন, হে কল্যাণি! আমি তোমারে মস্তকে স্থান দান করিতে পারি; কিন্তু ভয় হয় পাছে রাজা সর্বাঙ্গকরণে তোমার নিমিত্ত চঞ্চল হন। পুরুষের কথা দূরে থাকুক, এই রাজকুল ও আমার গৃহবাসিনী রমণীগণ মোহিত হইয়া অনন্যমানে তোমারে নিরীক্ষণ করিতেছে। দেখ, আমার আলায়জাত তরুজাত তোমারে দর্শন করিবার নিমিত্ত অবনত হইতেছে; হে নিবিড়নিতম্বিনি! বিরাটরাজ তোমার অলৌকিক অঙ্গসৌর্ভব নিরীক্ষণ করিলে আমারে পরিত্যাগ করিয়া সর্বাঙ্গকরণে তোমাতেই অনুরক্ত হইবেন। হে তরলায়ন্তলোচনে! তুমি যে পুরুষের প্রতি সানুরাগ দৃষ্টিপাত করিবে, অথবা তুমি সতত যাহার নেত্রপথে নিপতিত হইবে; সে অবশ্যই

অনঙ্গশরের বশবর্তী হইবে। মনুষ্য যেমন  
অগ্নিহত্যার নিমিত্ত বৃক্ষে আরোহণ করে;  
তোমারে রাজগৃহে স্থান দান করা আমার  
পক্ষে সেই রূপ। ফলত তোমারে স্থান  
দান করা কঙ্কটীর গর্ভ ধারণের ন্যায় আমার  
যত্নস্বরূপ হইবে।

দ্রৌপদী কহিলেন, হে ভাবিনি! বিরাট  
বা অন্য কোন পুরুষ আমারে লাভ করিতে  
সমর্থ নহেন; পাঁচ জন যুবা গন্ধর্ব্ব আমার  
স্বামী; তাঁহারা কোন মহাসত্ত্ব গন্ধর্ব্বরা-  
জের তনয়; ঐ পাঁচ জন সতত আমারে রক্ষা  
করিয়া থাকেন। যিনি আমারে উচ্ছ্রিত  
দান না করেন এবং পাদ প্রক্ষালন না  
করান; \*আমার পতি গন্ধর্ব্বগণ তাঁহাদি-  
গের প্রতি প্রসন্ন হন। যে পুরুষ ইতর  
কামিনীর ন্যায় আমার প্রতি লোভপরবশ  
হন; তাঁহারে সেই রাত্রিই শমনসদনে  
গমন করিতে হয়। কোন পুরুষ আমারে  
স্বধর্ম্ম হইতে পরিচালিত করিতে সমর্থ  
নহে। আমার প্রিয়তম গন্ধর্ব্বগণ এক্ষণে  
দুঃখসাগরে নিমগ্ন হইয়াও প্রচ্ছন্ন ভাবে  
আমারে রক্ষা করিয়া থাকেন।

স্বদেষ্ণা কহিলেন, হে আনন্দবর্দ্ধিনি!  
তোমার অভিলাষানুরূপ বাস প্রদান করিব।  
তোমারে কদাচ কাহারও চর্ষণ বা উচ্ছ্রিত  
স্পর্শ করিতে হইবে না।

হে জনমেজয়! পতিপরায়ণা দ্রুপদন-  
ন্দিনী এই রূপে বিরাটভার্য্যা কর্তৃক পরি-  
সাস্তিত হইয়া বিরাট নগরে বাস করিতে  
লাগিলেন। কেহই তাঁহারে চিনিতে পা-  
রিলেন না।

দশম অধ্যায় ।

বৈশম্পায়ন কহিলেন, সহদেবও অল্প-  
তম গোপবেশ ধারণ ও তাহাদিগের ভাষা  
অভ্যাস করিয়া বিরাটের নিকট গমন করি-  
লেন। তিনি রাজভবনসমীপবর্তী গোষ্ঠে

দণ্ডায়মান ছিলেন; রাজা তাঁহারে নয়ন  
গোচর করিবামাত্র অতিমাত্র বিস্ময়াপন্ন  
হইয়া তাঁহার নিকট লোক প্রেরণ করিলেন।  
অনন্তর বিরাটরাজ সমাগত কুরুনন্দনকে  
রাজপুত্র বিবেচনা করিয়া সমুচিত সম্মান  
প্রদর্শনপূর্ব্বক জিজ্ঞাসা করিলেন; তাত :  
আমি পূর্ব্বে তোমারে কখন দেখি নাই;  
তুমি কাহার পুত্র, কোথা হইতে আগমন  
করিলে এবং তোমার অভিপ্রায়ই বা কি,  
সমুদায় যথার্থ করিয়া বল।

তখন সহদেব জলদগম্ভীর স্বরে কহি-  
লেন, মহারাজ! আমি বৈশ্য, আমার নাম  
অরিষ্টনেমি, আমি কৌরবদিগের গোসংখ্যা  
কার্য্যে নিযুক্ত ছিলাম। সম্প্রতি রাজসিংহ  
পাণ্ডবেরা কোথায় গিয়াছেন, কিছুই জানি  
না, আমিও বিষয়কর্ম্মশূন্য হইয়া জীবন  
ধারণ করিতে নিতান্ত অসমর্থ; অতএব  
আপনি ক্ষত্রিয়শ্রেষ্ঠ, আপনার নিকট থা-  
কিতে অভিলাষ করি; অন্য রাজার নিকট  
যাইতে আমার ইচ্ছা হয় না।

বিরাটরাজ কহিলেন, হে অমিত্রকর্ণণ!  
তুমি যথার্থরূপে আত্মপরিচয় প্রদান কর,  
তোমার আকৃতি দর্শনে স্পষ্ট প্রতীতি হই-  
তেছে যে, তুমি ব্রাহ্মণ অথবা আসমুদ্র ক্ষি-  
তীশ ক্ষত্রিয় হইবে; বৈশ্যের কর্ম্ম করা তো-  
মার উচিত হয় না। তুমি কোন রাজার  
রাজ্য হইতে আসিয়াছ, কি কি শিল্প কর্ম্ম  
জান, সর্ব্বদা কিরূপে আমার নিকট বাস  
করিবে এবং কিরূপ বেতনই বা প্রার্থনা  
কর?

সহদেব কহিলেন, পাণ্ডবজ্যেষ্ঠ যুধি-  
ষ্ঠিরের অষ্ট শত সহস্র গো, অন্যের দশ স-  
হস্র ও অপরের বিংশতি সহস্র ধেনু ছিল।  
আমি সেই সকল ধেনুর সংখ্যা করিতাম;  
লোকে আমারে তন্তুপাল বলিত। আমি  
দশ যোজনের মধ্যস্থিত গো সমুদায়ের  
সংখ্যা করিতে পারি এবং ভূত ভবিষ্যৎ ও

বর্তমান অবগত আছি। আমার গুণরাশি মহাত্মা কুরুরাজের সুবিদিত ছিল, তিনি আমার প্রতি অতিশয় প্রীত ছিলেন। যে সকল উপায় দ্বারা শীঘ্র গোসংখ্যার বৃদ্ধি হয় এবং তাহাদিগের কোন প্রকার রোগ না জন্মে, তাহা আমার বিদিত আছে; আমি এই সকল জানি। হে মহারাজ! যে সমুদায় ঋষভের মুত্র আত্মাণ করিলে বন্দ্যারও গর্ভ হয়, আমি পূজিতলক্ষণ সেই সকল ঋষকেও চিনিতে পারি।

বিরাটরাজ কহিলেন, আমার পশুশালায় নানা জাতীয় অসংখ্য পশু একত্র সমাহিত রহিয়াছে, তাহাদিগের মধ্যে কাহার কি গুণ তাহাও প্রকাশিত হয় নাই, আমি তোমার হস্তে সেই সকল পশু ও পশুপালগণের ভার সমর্পণ করিতেছি, এক্ষণে উহারা তোমার অধীন হইল।

নরোত্তম সহদেব এই রূপে রাজার নিকট সুপরিচিত হইয়া পরম সুখে তথায় বাস করিতে লাগিলেন। রাজাও তাঁহার অভিলাষানুরূপ বেতন প্রদান করিতেন। অন্য লোকে তাঁহারে কোন ক্রমেই চিনিতে পারে নাই।

একাদশ অধ্যায়।

বৈশম্পায়ন কহিলেন, মহারাজ! অনন্তর পরম সুন্দর উন্নতাকার অর্জুন স্ত্রীলোকের ন্যায় কুণ্ডলযুগল, শঙ্খ, বলয় ও অঙ্গদ ধারণ এবং সুদীর্ঘ কেশকলাপ উন্মোচনপূর্বক বিরাটরাজের সভামণ্ডপে গমন করিতে লাগিলেন। গমনকালে ভ্রূমণ্ডল বিকম্পিত হইতে লাগিল। রাজা সেই পরম তেজঃসম্পন্ন প্রচ্ছন্নরূপী গজেন্দ্রবিক্রম ম-হেন্দ্রতনয়কে নিরীক্ষণ করিয়া সভাগণকে জিজ্ঞাসা করিলেন, এই ব্যক্তি কোথা হইতে আসিতেছেন? আমি পূর্বে ত কখনই এই রূপ দর্শন বা শ্রবণ করি নাই। সত্যেরা

কহিলেন, মহারাজ! ইনি যে কে, আমরা ইহার কিছুই বলিতে পারি না।

অনন্তর বিরাটরাজ বিস্ময়োৎকুল লোচনে অর্জুনকে কহিলেন, হে মহাত্মন! তুমি স্ত্রীলোকের ন্যায় কুণ্ডলযুগল, শঙ্খ, বলয় ও অঙ্গদ ধারণ এবং কেশকলাপ উন্মোচন করিয়াছ; অথচ পুরুষের ন্যায় শর, শরাসন ও বর্ম ধারণ করিয়া সাতিশয় শোভা পাইতেছ; তোমার অমরসদৃশ রূপ ও মাতঙ্গসদৃশ বিক্রম দর্শনে তোমারে স্ত্রীব বলিয়া কোন মতেই বিশ্বাস হইতেছে না। অতএব তুমি যানে আরোহণপূর্বক স্বেচ্ছানুসারে ভ্রমণ কর। অদ্যাবধি তুমি আমার পুত্র বা আমারই তুল্য হইলে। আমি নিতান্ত বৃদ্ধ, সমস্ত রাজকার্য্য পর্যালোচনে একান্ত অসমর্থ হইয়াছি; অতএব তুমিই এক্ষণে মৎস্য দেশ শাসন কর।

অর্জুন কহিলেন, মহারাজ! আমি নৃত্য গীত ও বাদ্যে দক্ষতা লাভ করিয়াছি; অতএব দেবী উত্তরারে নৃত্য শিক্ষা করাইবার নিমিত্ত আমার নিয়োগ করুন। আমার নাম বৃহল্লা। যে কারণে আমি এই রূপ হইয়াছি, তাহা আপনাকে আর কি বলিব, উহা স্মরণ হইলে আমার হৃদয় শোকে বিদীর্ণ হইয়া যায়। হে রাজন্! আপনি আমারে পিতৃমাতৃহীন পুত্র বা কন্যা বলিয়া জ্ঞাত হইবেন। বিরাট কহিলেন, হে বৃহল্লা! আমি তোমার মনোরথ পূর্ণ করিতেছি, তুমি আমার কন্যা ও তদনুরূপ অন্যান্য নারীগণকে নৃত্য প্রয়োগ বিষয়ে সুনিপুণ কর। কিন্তু আমার মতে এই কার্য্য তোমার সমুচিত হয় নাই; তুমি এই সমাগরা ধরা শাসনের উপযুক্ত পাত্র।

তদনন্তর মৎস্যরাজ অর্জুনের নৃত্য গীত বাদ্য প্রভৃতি কলা সমুদারে বিশেষ নৈপুণ্য সন্দর্শনপূর্বক মন্ত্রিগণের সহিত পরামর্শ স্থির করিয়া অবিলম্বে স্ত্রীলোক দ্বারা তাঁহার



পরীক্ষা করাইলেন । পরে তাহাদিগের বা-  
কে তাঁহারা প্রকৃত ক্রীষ স্থির করিয়া অস্ত্র-  
পুর গমনে অনুমতি করিলেন । তিনি তথায়  
নিরন্তর বাস করত রাজকুমারী উত্তরা এবং  
তাঁহার সখী ও পরিচারিকাগণকে নৃত্য  
গীত বাদ্যে সম্যক্ শিক্ষা প্রদান করত ক্রমশ  
তাঁহাদিগের একান্ত প্রিয় পাত্র হইয়া উ-  
ঠিলেন ।

হে মহারাজ ! এই রূপে মহাবীর অ-  
র্জুন নর্তকের কার্য্য অবলম্বনপূর্ব্বক নারী-  
গণের সহিত অস্ত্রপুরে বাস করিতে লাগি-  
লেন ; বাহ্যভাস্তরচারী পুরুষেরা কেহই এই  
গূঢ় ব্যাপার অবগত হইতে পারিল না ।

দ্বাদশ অধ্যায় ।

বৈশম্পায়ন কহিলেন, অনন্তর নকুল  
ক্রতপদ সঞ্চারে মৎস্যরাজের নিকট গমন  
করিতে লাগিলেন । মহারাজ বিরাট ও  
অন্যান্য ব্যক্তি তাঁহারা মেঘনিমুক্ত সূর্য্যম-  
ণ্ডলের ন্যায় বোধ করিতে লাগিলেন । তিনি  
বাজিরাজি নিরীক্ষণ করিতে করিতে আ-  
গমন করিতেছেন দেখিয়া মৎস্যরাজ অনু-  
চরগণকে কহিলেন, এই অমরোপম পুরুষ  
কোথা হইতে আগমন করিতেছেন ? ইনি  
যখন আমার অশ্বগণকে বিশেষরূপে নিরী-  
ক্ষণ করিতেছেন, তখন অবশ্যই এক জন  
সুবিচক্ষণ হয়তত্ববেত্তা হইবেন, সন্দেহ  
নাই । যাহা হউক, সত্বরে উঁহারা আমার  
সমীপে আনয়ন কর ।

এমন সময়ে নকুল রাজসম্মিধানে সমুপ-  
স্থিত হইয়া কহিলেন, হে মহারাজ ! আপনার  
জয় হউক, আমি নৃপতিগণের অভিপ্রেত  
হয়তত্ববেত্তা ; আপনার অশ্বপাল হইতে  
বাসনা করি ।

বিরাট কহিলেন, আমি যান, ধন ও নি-  
বেশন সমুদায় তোমারে প্রদান করিতেছি ;  
তুমি আমার অশ্বপাল হইবার উপযুক্ত পাত্র ।

একণে তুমি কোথা হইতে কি প্রকারে আগ-  
মন করিতেছ, পূর্বে কোথা ছিলে এবং  
কি কি শিল্প কর্ম্ম জান, তাহার পরিচয়  
প্রদান কর ।

নকুল কহিলেন, মহারাজ ! পূর্বে পাণ্ডব-  
জ্যেষ্ঠ রাজা যুধিষ্ঠির আমারে অশ্বকার্য্যে নি-  
যুক্ত করিয়াছিলেন । আমি অশ্বগণের প্রকৃতি,  
শিক্ষা ও চিকিৎসা এবং ছুফ্ত অশ্বের শাসন  
সবিশেষ অবগত আছি । আমার নিকটে  
কোন বাহন কাতর হইতে পায় না এবং অশ্বের  
কথা দূরে থাকুক । আমার নিকটে বড়বাগণে-  
রও ছুফ্ততা সুদূরপরাহত হয় । রাজা যুধিষ্ঠির  
ও অন্যান্য ব্যক্তি আমারে ঐশ্বিক বলিয়া  
আহ্বান করিতেন ।

বিরাট কহিলেন, আমার যাবতীয় অশ্ব,  
অশ্বযোজক ও সারথিগণ অদ্যাবধি তোমার  
অধীন হউক । একণে যদি এই কার্য্যই তো-  
মার অভিলষিত হইল ; তবে তোমারে  
কিকপ বেতন প্রদান করিতে হইবে বল । কিন্তু  
অশ্ববন্ধন তোমার উপযুক্ত কার্য্য নয় ; আ-  
মার মতে তুমি ভূপালের উপযুক্ত । তুমি রা-  
জা যুধিষ্ঠিরের নিকটে যেকপ ছিলে, আমার  
নিকটেও সেই রূপ প্রিয়দর্শন হইয়া থাক ।  
হায় ! একণে রাজা যুধিষ্ঠির ভৃত্যবিধীন হ-  
ইয়া কিকপে অরণ্যমধ্যে অবস্থিত করিতে-  
ছেন । গন্ধর্ব্বোপম নকুল এই রূপে বিরাট  
কর্তৃক সমাদৃত হইয়া অন্যের অজ্ঞাতসারে  
বাস করিতে লাগিলেন ।

হে রাজন্ ! সসাগরা ধরাধীশ্বর পাণ্ডব-  
গণ এই রূপে ছুঃখিত হইয়াও প্রতিজ্ঞা পূর-  
ণের নিমিত্ত বিরাট নগরে অজ্ঞাত বাস  
সমাধান করিতে লাগিলেন ।

পাণ্ডব প্রবেশ পরীক্ষায় ।

## সময় পালন পর্বাধ্যায়।

ত্রয়োদশ অধ্যায়।

জনমেজয় জিজ্ঞাসা করিলেন, হে দ্বিজোত্তম ! মহাবীৰ্য্য পাণ্ডবেরা এই রূপ প্রচ্ছন্ন বেশে মৎস্য নগরে থাকিয়া কি কার্য্য করিয়াছিলেন ?

বৈশম্পায়ন কহিলেন, মহারাজ ! পাণ্ডবেরা মহাত্মা ধৰ্ম্ম ও তৃণবিন্দুপ্রসাদে বিরাট নগরে মৎস্যরাজের পরিচর্যা করত অজ্ঞাত বাসে কাল যাপন করিতে লাগিলেন। যুধিষ্ঠির বিরাট রাজার সভাসদ হইলেন। তিনি রাজা, রাজপুত্র ও সমুদায় সভ্যগণের পরম প্রিয় পাত্র ছিলেন। তাঁহার অক্ষবিদ্যায় অসাধারণ নৈপুণ্য থাকাতে, যেমন লোকে মূত্রবন্ধ পক্ষিগণকে লইয়া স্বেচ্ছানুসারে ক্রীড়া করে, তদ্রূপ তিনি প্রতিদিন তাঁহাদিগের সহিত ক্রীড়া করিয়া বিপুল ধনোপার্জনপূৰ্ব্বক গোপনে ভ্রাতাদিগকে প্রদান করিতেন। ভীমসেন মৎস্যরাজপ্রদত্ত মাংস প্রভৃতি বিবিধ ভক্ষ্য দ্রব্য যুধিষ্ঠিরকে প্রদান করিতেন। অর্জুন অন্তঃপুরে যে সকল জীর্ণ বস্ত্র পাইতেন তাহা বিক্রয় করিতে আসিয়া অন্যান্য পাণ্ডবদিগকে প্রদান করিতেন। সহদেব গোপবেশ ধারণপূৰ্ব্বক অন্যান্য ভ্রাতৃগণকে দধি দুগ্ধ ঘৃত প্রদান করিতেন। নকুল অশ্বগণের উত্তমরূপ পালন করিয়া রাজপ্রসাদে যে অর্থ প্রাপ্ত হইতেন, তাহা ভ্রাতাদিগকে প্রদান করিতেন। তপস্বিনী দ্রৌপদী, লোকের অজ্ঞাতসারে অতি সাবধান হইয়া পাণ্ডবগণকে নিরীক্ষণ করিতেন।

এই রূপে মহারথ পাণ্ডবগণ পরম্পরের সাহায্য করত পুনর্গর্ভস্থিতের ন্যায় অতি কষ্টে বিরাট নগরে কাল যাপন করিতে লাগিলেন। তাঁহারা ধার্ত্তরাত্নের ভয়ে নি-

তান্ত শঙ্কিত হইয়া সর্বদা দ্রৌপদীকে পর্যবেক্ষণ করিতেন।

অনন্তর চতুর্থ মাসে মৎস্য নগরে সুসমৃদ্ধ ব্রহ্মমহোৎসব সমারম্ভ হইল। ঐ মহোৎসবে চতুর্দিক্ হইতে মহাবল পরাক্রান্ত মহাকায় অনুরসন্নিভ রাজসংকৃত মল্লগণ সমুপস্থিত হইল। তাহারা নৃপসন্নিধানে বারংবার স্ব স্ব অসাধারণ ক্ষমতা প্রকাশপূৰ্ব্বক পরিচিত হইয়াছে। তন্মধ্যে এক জন সর্বপ্রধান, সে সমুদায় মল্লগণকে রঞ্জে আহ্বান করিতে লাগিল, কিন্তু কেহই তাহার সম্মুখীন হইতে পারিল না। এই রূপে সমাগত সমস্ত মল্লগণ তদীয় বিক্রম দর্শনে বিমোহিত হইলে মৎস্যরাজ স্বীয় স্ত্রদের সহিত তাঁহায়ে যুদ্ধ করিতে কহিলেন। ভীমসেন রাজার আজ্ঞা শ্রবণ করিয়া অতিশয় হুঃখিত হইলেন; কারণ যুদ্ধে প্রবৃত্ত না হইলে রাজারে প্রত্যাখ্যান করা হয়, কিন্তু যুদ্ধ করিলে স্বীয় বাহুবল প্রকাশিত হইয়া যায়; যাহা হউক, অগত্যা তাঁহায়ে যুদ্ধে সম্মত হইতে হইল। তখন তিনি বিরাটের সংকার করিয়া শাদুলের ন্যায় ধীরে ধীরে মহারঞ্জে প্রবেশপূৰ্ব্বক কোটি বন্ধন করিলেন। তাঁহায়ে দেখিয়া সকলেই হুঙ্ক হইল। পরে তিনি, বৃত্রানুরসদৃশ বিখ্যাতবিক্রম মহামল্ল জীমুতকে তথায় আহ্বান করিলেন। মহাবল পরাক্রান্ত, মহোৎসাহ, রঞ্জভুমিগত সেই বীরযুগল, ষষ্টিবর্ষদেশীয় মহাকায় মত্ত মাতঙ্গের ন্যায় শোভা পাইতে লাগিলেন। তদনন্তর উভয়ে প্রকৃষ্ট ও পরস্পর জয়কাজ্জ্বলী হইয়া বাহুযুদ্ধে প্রবৃত্ত হইলেন। বজ্র ও পর্বতপাতের ন্যায় অতি ভয়ঙ্কর শব্দ হইতে লাগিল। তাহারা পরস্পরের ছিদ্ৰাঘ্নেষণতৎপর ও বিজিগীষ হইয়া কখন সাংঘাতিক বাহু প্রহার, কখন মুষ্ঠ্যাঘাত, কখন নিদারুণ পদাঘাত, কখন শলাকার ন্যায় স্ত্রীক্ষনধাঘাত,

কখন চপেটাঘাত, কখন পাৰাণসুদূত জঘন-  
প্রহার ও কখন বা মস্তকে মস্তকে সংঘটন-  
পূৰ্বক ঘোরতর সংগ্রাম করিতে লাগিলেন ।

সেই বীরবৃগল সংগ্রামে পরস্পরকে  
আকর্ষণ ও বিকর্ষণপূৰ্বক জামুপ্রহার করিতে  
লাগিলেন এবং গভীর শব্দে পরস্পরকে  
ভৎসনা করত সুদূত লৌহপরিঘের ন্যায়  
বাহু দ্বারা বেঁচন করিলেন । তখন মহাবল  
পরাক্রান্ত ভীমসেন, সিংহ যেমন হস্তীরে  
আক্রমণ করে, তক্রপ সেই তর্জুন গর্জ্জন-  
কারী মল্লকে আকর্ষণপূৰ্বক ভুজবলে উৎক্ষিপ্ত  
করিয়া ঘুরাইতে লাগিলেন । তদর্শনে সমস্ত  
মল্ল ও মৎস্য দেশনিবাসিগণ সাতিশয়  
বিস্ময়াপন্ন হইলেন । তৎপরে মহাবাহু  
বৃকোদর তাঁহারে এক শত বার ঘূর্ণিত ও  
বিচেতন করিয়া ভূতলে নিক্ষিপ্ত ও নি-  
স্পিষ্ট করিলেন ।

এই রূপে লোকবিক্রমিত জীমূত বিনিহত  
হইলে বিরাটরাজ ও তাঁহার বন্ধুবর্গের আ-  
হ্বাদের আর পরিসীমা রহিল না । তখন  
মৎস্যরাজ প্রসন্ন মনে রক্তস্থলে ভীমসেনকে  
বিপুল বিস্ত্র প্রদান করিলেন । তৎপরে  
মহাবীর বৃকোদর ক্রমে ক্রমে সমস্ত মল্ল ও  
বীর পুরুষদিগকে পরাভব করিয়া মৎস্য-  
রাজের পরম প্রিয় পাত্র হইলেন । মৎস্যরাজ  
যখন দেখিলেন যে, তথায় ভীমের তুল্য  
বীর পুরুষ আর কেহই নাই ; তখন তিনি  
তাঁহারে সিংহ, ব্যাঘ্র ও দ্বিরদগণের সহিত  
যুদ্ধে ব্যাপ্ত করিয়া দিলেন ।

অনন্তর বৃকোদর রাজাজ্ঞায় অস্তঃপুরে  
প্রবেশপূৰ্বক স্ত্রীগণসমন্বে সিংহ শার্দূল  
প্রভৃতি পশুগণের সহিত যুদ্ধ করিতে লা-  
গিলেন । অর্জুনও সঙ্গীত এবং নৃত্য  
দ্বারা বিরাটরাজ ও তাঁহার অস্তঃপুরচারিণী  
রমণীগণের চিত্ত বিনোদন করিতে লাগি-  
লেন । নকুল অশ্বগণকে বিনীত ও গমন  
বিষয়ে সুশিক্ষিত করিয়া রাজার সন্তোষ

সম্পাদনপূৰ্বক তাঁহার নিকট বহুতর অর্থ  
প্রাপ্ত হইলেন । সহদেব কর্তৃক বৃষভগণ  
অতি বিনীত হইয়াছে দেখিয়া রাজা আহ্বা-  
দিত চিত্তে তাঁহারে বহু বিস্ত্র প্রদান করিলেন ।  
ক্রৌপদী মহারথ পাণ্ডবদিগকে নিতান্ত ক্লি-  
শ্যমান দেখিয়া বিষণ্ণ মনে দীর্ঘ নিশ্বাস  
পরিত্যাগ করিতে লাগিলেন ।

হে মহারাজ ! পুরুষর্ষভ পাণ্ডবেরা এই  
রূপে প্রচ্ছন্ন ভাবে বিরাট ভূপতির কার্য  
সম্পাদন করত তথায় বাস করিতে লা-  
গিলেন ।

সময় পালন পর্ব সমাপ্ত ।

## কীচকবধ পর্যাখ্যায় ।

চতুর্দশ অধ্যায় ।

বৈশম্পায়ন কহিলেন, মহারথ পাণ্ডবগণ  
প্রচ্ছন্ন হইয়া মৎস্য নগরে বাস করিতে  
লাগিলেন । ক্রপদনন্দিনী পরিচারভাজন  
হইয়াও বিরাটমহিষী ও অন্যান্য রমণীগ-  
ণের পরিচর্যা ও সন্তোষ সাধন করত অতি  
ছুঃখে অস্তঃপুরে অবস্থিতি করিতে লাগি-  
লেন । এই রূপে তাঁহাদিগের দশ মাস  
অতিক্রান্ত হইল ।

একদা বিরাট ভূপতির সেনাপতি মহা-  
বল কীচক ক্রপদনন্দিনীর অলোকসামান্য  
রূপলাবণ্য অবলোকন করিয়া কন্দর্পশরের  
নিতান্ত বশবর্তী হইল এবং কামাকুলিত  
চিত্তে সুদেষ্টাসমীপে গমন করিয়া সহাস্য  
বদনে কহিল, আমি এই সুরূপা কমিনীকে  
বিরাটরাজের ভবনে কখন নয়নগোচর করি  
নাই । যেমন মদিরা গন্ধ দ্বারা উন্মাদিত  
করে, সেই রূপ এই ভাবিনীর মনোহর  
রূপ আমারে নিতান্ত মোহিত করিয়াছে ।  
হে শোভনে ! এই দেবকপিণী কদম-

গ্রাহিণী কামিনী কে, কাহার কামিনী এবং কোথা হইতে আগমন করিয়াছে, বল ; এই বালা আমার চিত্ত উন্মথিত করিয়া আমারে নিতান্ত বশম্বদ করিয়াছে। আহা ! এই অলৌকিক রূপলাবণ্যবতী যুবতী তোমার পরিচারিকা হইয়া কি অসদৃশ কন্ঠ করিতেছে ; অতএব এ আমার উপর আধিপত্য এবং হস্ত্যশ্বরথসুসমৃদ্ধ, প্রভূত পান-ভোজনসম্পন্ন ও কাঞ্চনময় বিভূষণশালী মদীয় ভবনের শোভা সম্পাদন করুক।

কীচক স্তূদেষণারে এই প্রকার আমন্ত্রণ করিয়া জয়ুক যেমন সিংহকন্যার সমীপে গমন করে, তক্রূপ ক্রূপদাঅজার সমীপবর্তী হইয়া তাঁহারে সাস্তু না করত কহিতে লাগিল, হে কল্যাণি ! তুমি কে, কাহার প্রিয়তমা এবং কি নিমিত্তই বা বিরাট নগরে আগমন করিয়াছ, যথার্থ করিয়া বল। আহা তোমার কি রূপমাধুরী ! কি অনুপম কান্তি ! কি মনোহর সুকুমারতা ! তোমার মুখমণ্ডল শশাঙ্কসদৃশ সুনির্মল, লোচন পদ্মপত্রের ন্যায় আরত ও বাক্য কোকিলকুজিতের ন্যায় সুমধুর ; ফলত তোমার ন্যায় রূপবতী কামিনী কুত্রাপি নয়নগোচর করি নাই। হে সর্বাঙ্গসুন্দরি ! তুমি লক্ষ্মী কি ভূতি, হ্রী বা শ্রী, অথবা কীর্ত্তি কি কান্তি ? সুন্দরি ! এই জগতে এমন কে আছে যে, তোমার অনঙ্গবিলাসিনীর ন্যায় রূপ, চন্দ্রের ন্যায় মুখ ও চন্দ্রিকার ন্যায় ঈষৎ হাস্য নিরীক্ষণ করিয়া ঐর্ধ্যাবলম্বন করিতে পারে ? তোমার হারভূষণোচিত কমলকলিকাসদৃশ কানদেবের কণার ন্যায় পীন পয়োধরযুগল আমারে নিরন্তর নির্ঘাতন করিতেছে। বলীভিত্তকচতুর, স্তনভারা বনত, করাগ্রসম্মিত মধ্যভাগ ও নদীপুলিনসম্মিত মনোহর জঘনশূল নয়নগোচর করিয়া ছুর্নিবার্ঘ্য, কামজ্বরে একান্ত জ্বলিত হইয়াছি। অধিক কি বলিব, দুঃসহ দাবানল

সদৃশ কামানল তোমার সমাগম সংকল্পে পরিবর্দ্ধিত হইয়া আমারে দগ্ধ করিতেছে। অতএব হে বরারোহে ! আত্মপ্রদানরূপ বারিধারা বর্ষণ করিয়া এই ছুর্কিষক মদনাগ্নি নির্বাণ কর। হে অসিতাপাঞ্জি ! তীব্রতর মন্থনশর আমার চিত্ত উন্মথিত করিয়াছে এবং হৃদয় বিদারণপূর্বক অন্তরে প্রবিষ্ট হইয়া আমারে উন্মাদিত করিতেছে ; তুমি আত্ম প্রদান করিয়া আমারে পরিত্রাণ কর। হে বিলাসিনি ! তুমি বিচিত্র মাল্যে ও বসন পরিধান এবং সমুদায় আভরণে বিভূষিত হইয়া আমার সহিত সমুদায় কাম্য বিষয় উপভোগ কর। তুমি সুখভাজন হইয়া কি নিমিত্ত ঈদৃশ অসুখে কাল যাপন করিতেছ ? এক্ষণে সচ্ছন্দে আমার নিকটে থাকিয়া সুস্বাদু পান ভোজন প্রভৃতি সৌভাগ্যসুখ সম্ভোগ কর। তোমার ঈদৃশ রূপ ও নবীন বয়স, অপরিহিত মালার ন্যায় মনোহর হইয়াও নিরর্থক হইতেছে। হে চারুহাসিনি ! আমি তোমার নিমিত্ত সমুদায় পুরাতন প্রণয়িনীগণকে পরিত্যাগ করিব ; তাহারা তোমার দাসী হইয়া থাকিবে এবং আমিও দাসের ন্যায় তোমার আজ্ঞাকারী হইব।

দ্রৌপদী কহিলেন, হে সূতপুত্র ! আমি কেশসংস্কারিণী সৈরিক্রী, অতি হীন জাতিতে জন্ম গ্রহণ করিয়াছি, আমারে প্রার্থনীয় বলিয়া মনে করিও না ; বিশেষত পরপত্নী দয়ার পাত্র ; অতএব ধর্মের প্রতি দৃষ্টিপাত কর। পরপত্নীতে অভিলাষ কদাপি কর্তব্য নহে। অকার্য্য পরিত্যাগই সংপুরুষগণের প্রধান ভ্রত। পাপাত্মা ব্যক্তি অন্যথা বিষয়ে অভিলাষ করিয়া ঘোরতর অযশ ও মহৎ তন্ন প্রাপ্ত হয়।

কীচক পরদারাভিমর্ষণ সর্বলোকবিগহিত বহু দোষের আকর জানিয়াও কন্দর্পশরের নিতান্ত বশীভূত হইয়া পুনরায় দ্রৌপদীরে কহিল, চারুহাসিনি ! আমি তো-

মার একান্ত বশব্দ ও প্রিয়বাদী ; আমারে প্রত্যাখ্যান করা তোমার নিতান্ত অনুচিত ; করিলে অবশ্যই তোমারে অনুতাপ করিতে হইবে। হে সূত্র ! আমি এই সমুদায় রাজ্যের অধীশ্বর ও অপ্রতিম শৌর্যশালী ; রূপ, যৌবন, সৌভাগ্য ও ভোগে আমার সমকক্ষ ব্যক্তি কুত্রাপি বিদ্যমান নাই। হে কল্যাণি ! এক্ষণ সমৃদ্ধ ভোগ সকল বিদ্যমান থাকিতে তুমি কি জন্য দাস্য কার্যে ব্যাপ্ত রহিয়াছ ? হে নিতম্বিনি ! তুমি এক্ষণে আমার মনোরথ পরিপূর্ণ কর ; আমি সমুদার রাজ্য তোমারে প্রদান করিলাম ; তুমি এই রাজ্যে আধিপত্য করত নানা-বিধ সুখ সম্ভোগ কর ।

পতিপরায়ণা দ্রৌপদী কীচকের এবশ্পকার ছুর্বাক্য শ্রবণ করিয়া তাহারে ভৎসনা করত কহিতে লাগিলেন, হে সূতপুত্র ! মোহাবিষ্ট হইও না ; কেন বৃথা জীবন পরিত্যাগ করিবে। ছুর্দাস্ত পঞ্চ গন্ধর্বে সতত আমারে রক্ষা করিয়া থাকেন ; তাঁহারা আমার স্বামী ; তুমি কখনই আমারে লাভ করিতে পারিবে না। গন্ধর্বগণ কুপিত হইলে অবশ্যই তোমারে নিহত করিবেন। সাবধান ! মৃত্যুমুখে প্রবিষ্ট হইও না। তুমি পুরুষগণের অগম্য পথে গমন করিতে ইচ্ছা করিতেছ। যেমন অজ্ঞান বালক এক কুল হইতে অপর কূলে উত্তীর্ণ হইতে ব্যগ্র হয় ; তুমি সেই রূপ উৎসুক্য প্রকাশ করিতেছ। তুমি যদ্যপি পৃথিবীর অভ্যন্তরে বা উর্দ্ধপথে অথবা সমুদ্রপারে পলায়ন কর ; তথাপি আমার স্বামিগণের সমীপে পরিভ্রাণ পাইবে না ; তাঁহারা গগনচারী দেবপুত্র ; হে কীচক ! তুমি কেন বৃথা নিব্বন্ধ সহকারে আমারে প্রার্থনা করিয়া শমনসদনে গমন করিতে বাসনা করিতেছ। যেমন মাতৃক্রোড়স্থিত বালক চন্দ্রকে গ্রহণ করিতে যায়, তদ্রূপ তুমি আমারে গ্রহণ করিবার অভিলাষ করিতেছ।

আমারে প্রার্থনা করিয়া ভূগর্ভে প্রবেশ বা অন্তরীক্ষে গমন করিলেও তোমার রক্ষা নাই। অতএব সৎপথে নৈত্র নিয়োগ করিয়া জীবন রক্ষা কর ।

পঞ্চদশ অধ্যায় ।

বৈশম্পায়ন কহিলেন, মহারাজ ! অনন্তর অনঙ্গশরজর্জরিত ছুরায়া কীচক রাজকুমারী যাজ্ঞসেনী কর্তৃক এই রূপে প্রত্যাখ্যাত হইয়া দেবী সুদেষ্ণারে কহিল, হে কৈকেরি ! গঞ্জগামিনী সৈরিন্দ্রী যে উপায়ে আমারে ভঞ্জন করে, তুমি তাহার উপায় অবধারণ কর। যদি নিতান্তই আমার সৈরিন্দ্রী লাভ না হয়, তাহা হইলে আমি নিশ্চয়ই প্রাণ পরিত্যাগ করিব ।

তখন বিরাটমহিষী সুদেষ্ণা বারংবার কীচকের এই রূপ বিলাপ বাক্য শ্রবণ করিয়া একান্ত রূপাপরবশ হইলেন এবং ক্ষণকাল দ্রৌপদীর অধাবসায় অনুধাবন করিয়া কহিলেন, হে সূতনন্দন ! তুমি পর্ব্বোপলক্ষে সুরা ও অন্ন প্রস্তুত করিও ; আমি সুরা আহরণ করিবার নিমিত্ত সৈরিন্দ্রীকে তোমার নিকট প্রেরণ করিব। তুমি সেই সুবোগে প্রতিবন্ধকশূন্য নির্জন প্রদেশে তাহারে ইচ্ছানুরূপ সান্ত্বনা করিও ; তাহা হইলে বোধ হয়, সে তোমার প্রতি অনুরক্ত হইতে পারে ।

কীচক স্বীয় ভগিনী সুদেষ্ণার আশ্রাস বাক্যে কথঞ্চিৎ পরিসাম্বিত হইয়া তথা হইতে সহসা নিষ্কান্ত হইলেন এবং অন্যত্র বিলম্বে সুপটু পাঁচক দ্বারা বিবিধ অন্ন ব্যঞ্জন প্রস্তুত ও রাজসেবনোপযোগী পরিষ্কৃত সুরা আহরণ করাইয়া রাজমহিষীরে সম্বাদ দিলেন। তখন সুদেষ্ণা দ্রৌপদীরে আহ্বান করিয়া কহিলেন, সৈরিন্দ্রী ! আমি বলহী পিপাসায় নিতান্ত কাতর হইয়াছি ; অতএব তুমি কীচকের আশ্রয়ে গমন করিয়া সত্তরে পানীয় আনয়ন কর ।

দ্রৌপদী কহিলেন, হে রাজমহিষি ! আমি কীচকের গৃহে কদাচ গমন করিতে পারিব না ; সে যেন পনির্ভঙ্ক, আপনি তাহা বিলক্ষণ জানেন । আমি আপনার আলয়ে স্বেচ্ছাচারিণীর ন্যায় বাস করিতে পারিব না । পূর্বে আমি যে নিয়মে আপনার আবাসে প্রবেশ করিয়াছিলাম, তাহা আপনি বিলক্ষণ অবগত আছেন । হে সুকেশি ! সেই কামোন্মত্ত কীচক আমারে দেখিবামাত্রই অবমাননা করিবে ; অতএব আমি কোন ক্রমেই তথায় গমন করিতে পারিব না । আপনার অন্যান্য অনেক পরিচারিকা আছে ; আপনি তাহাদিগের এক জনকে প্রেরণ করুন ।

সুদেষা কহিলেন, হে সৈরিন্দি ! তুমি মৎকর্তৃক প্রেরিত হইয়া তথায় গমন করিতেছ, কীচক কদাচ তোমার অবমাননা করিতে পারিবেন না । এই বলিয়া রাজমহিষী তাঁহার হস্তে আচ্ছাদনযুক্ত এক হিরণ্ময় পাত্র প্রদান করিলেন ।

তখন দ্রৌপদী বাম্পাকুল লোচনে ভীত মনে দৈবের উপর নির্ভর করিয়া অগত্যা সুরা আহরণার্থ কীচকালয়ে গমন করিতে আরম্ভ করিলেন । মনে মনে কহিতে লাগিলেন, আমি ভর্তৃগণ ভিন্ন স্বপ্নেও অন্য পুরুষের মুখাবলোকন করি নাই ; সেই পুণ্যবলে কীচক যেন আমারে বশীভূত করিতে না পারে । এই বলিয়া দ্রৌপদী মুহূর্তকাল সূর্য্যদেবের আরাধনা করিলেন । সূর্য্যদেব দ্রৌপদীর মনোগত ভাব অবগত হইয়া এক রাক্ষসকে প্রচ্ছন্ন ভাবে তাঁহারে রক্ষা করিতে আদেশ দিলেন । রাক্ষস তথায় উপস্থিত হইয়া তাঁহারে নিরন্তর রক্ষা করিতে লাগিল ।

অনন্তর পতিপরায়ণা ঋপদতনয়া চকিত যুগীর ন্যায় বিত্রস্ত চিত্তে ক্রমে ক্রমে কীচক-ভবনের সমীপবর্ত্তী হইলেন । ছুরাঙ্গা কীচক তাঁহারে আগমন করিতে দেখিয়া যেমন পারগামী নৌকা লাভ করিলে আনন্দিত হয়,

তরুণ সাতিশয় সন্তুষ্ট চিত্তে সত্বরে গাত্ৰো-  
স্থানপূর্ব্বক কহিতে লাগিল ।

ষোড়শ অধ্যায় ।

কীচক কহিল হে সুশ্রোণি ! নির্বিষ্মে আসিয়াছ ত ? আঃ ! অদ্য আমার রজনী স্ত-  
প্রভাত হইল ; আইস এক্ষণে আমার প্রিয়ানু-  
ষ্ঠান কর । আমার পরিচারকেরা তোমার মি-  
মিস্ত্র নানা দেশ হইতে হেমহার, শঙ্খ, বলয়,  
কুণ্ডল, কৌশিক বস্ত্র, উৎকৃষ্ট অজিন ও ষিবিধ  
রত্নজাত আহরণ করিবে । আমি তোমার  
নিমিস্ত্র এক পরম রমণীয় শয্যা প্রস্তুত করি-  
য়াছি ; চন্দ্র এক্ষণে আমরা তথায় গিয়া মধু  
পান করি ।

দ্রৌপদী কহিলেন, রাজমহিষী আমারে  
সুরা আহরণ করিবার নিমিস্ত্র তোমার নি-  
কট প্রেরণ করিয়াছেন । তিনি কহিলেন,  
আমি বলবতী পিপাসায় একান্ত কাতর  
হইরাছি, অতএব তুমি সত্বরে পানীয় আন-  
য়ন কর । কীচক কহিলেন, তুমি রাজমহি-  
ষীর নিকট যাহা প্রতিশ্রুত হইয়া আসিয়াছ  
তাহা অন্যে লইয়া যাইবে । এই বলিয়া  
ছুরাঙ্গা কীচক দ্রৌপদীর দক্ষিণ কর ধারণ  
করিল । তখন দ্রৌপদী কহিলেন, অরে পা-  
পাত্ন ! আমি গর্ভপূর্ব্বক মনেও কখন  
পতিদিগকে অনাদর করি নাই, অদ্য সেই  
পুণ্যবলে অবশ্যই তোরে পরাভূত দেখিব ।

ছুরাঙ্গা কীচক দ্রৌপদীর এই রূপ তির-  
স্কার বাক্য শ্রবণ করিয়া সহসা তদীয় উত্ত-  
রীয় বস্ত্র গ্রহণ করিল । তখন দ্রৌপদী নি-  
তান্ত্র অসহমান হইয়া ঘন ঘন দীর্ঘ নিশ্বাস  
পরিত্যাগ করত কম্পিত কলেবরে ক্রোধভরে  
বলপূর্ব্বক তাহারে ভূতলে নিক্ষেপ করি-  
লেন । কীচক তৎক্ষণাৎ ছিন্নমূল বৃক্ষের  
ন্যায় নিপতিত হইল ।

দ্রৌপদী কীচককে এই রূপে নিক্ষেপ  
করিয়া যে স্থানে রাজা যুধিষ্ঠির উপবিষ্ট

আছেন, দ্রুত পদ সঞ্চারে সেই সভামণ্ডপে  
সমুপস্থিত হইলেন। কীচকও দ্রুত পদ  
সঞ্চারে তথায় গমনপূর্বক মহাসা দ্রৌপদীর  
কেশপাশ আকর্ষণপূর্বক ভূতলে নিক্ষেপ  
করিয়া ভূপালসমক্ষে তাঁহারে পাদ প্রহার  
করিল। তখন সূর্য্যাপ্রেরিত রক্ষক রাক্ষস  
ক্রোধাবিষ্ট হইয়া বায়ুবেগে কীচককে আঘাত  
করিল। ছুরায়া কীচক রাক্ষসের আঘাতে  
নিতান্ত ব্যথিত হইয়া ছিন্নমূল বৃক্ষের ন্যায়  
তৎক্ষণাৎ নিশ্চেষ্ট ও বিঘূর্ণিত হইয়া ভূতলে  
নিপতিত হইল।

অনন্তর ধর্ম্মরাজ যুধিষ্ঠির ও ভীম প্রত্য-  
ক্ষে প্রিয়তমা দ্রৌপদীর কীচকরূত পরাভব  
দর্শনে নিতান্ত মন্তপ্ত হইলেন। মহামনা ভীম-  
সেন কীচকবধাভিলাষে রোষাবিষ্ট হইয়া দশনে  
দশন নিষ্পেষণ করিতে লাগিলেন। তাঁহার  
লোচনদ্বয় রক্তবর্ণ হইয়া উঠিল এবং উন্নত  
পক্ষ্ম সকল ক্রোধানলের ধমশিখায়রূপ  
বোধ হইতে লাগিল। ললাটদেশে স্বেদ ও  
জ্বকুটি দ্বারা নিতান্ত কুটিল হইয়া উঠিল ;  
তিনি করতল দ্বারা ললাট মর্দন ও ক্রোধভরে  
বারংবার উণ্খিত হইবার উপক্রম করিতে  
লাগিলেন। তখন ধর্ম্মরাজ যুধিষ্ঠির বৃকো-  
দিকে মন্ত মাতঙ্গের ন্যায় বনস্পতির প্রতি  
দৃষ্টিপাত করিতে দেখিয়া, আত্মপ্রকাশভয়ে  
স্বীয় অঙ্গুষ্ঠ দ্বারা তাঁহার অঙ্গুষ্ঠ মর্দন করিয়া  
নিবারণ করত কহিলেন, হে সূদ ! তুমি কি  
কাষ্ঠের নিমিত্ত বৃক্ষ অবলোকন করিতেছ ?  
যদি তোমার কাষ্ঠে প্রয়োজন হইয়া থাকে  
তবে বহির্দেশের বৃক্ষ হইতে কাষ্ঠ আহ-  
রণ কর।

অনন্তর দ্রৌপদী আকার ও ধর্ম্মানুগত  
প্রতিজ্ঞা রক্ষা করত অবিরল বিগলিত বা-  
প্পাকুল লোচনে দীনচেতা ভর্জুগণকে অব-  
লোকনপূর্বক সভাদ্বারে সমুপস্থিত হইয়া  
অতি কঠোর দৃষ্টিপাতে সমুদায় দর্শ করিয়াই  
ধেন বিরাটকে কহিলেন, হে মহারাজ ! যাঁ-

হাদিগের পক্ষিগ্রহও ভয়ে দ্বাত্রিকালে  
সুখে নিদ্রিত হয় না ; যে সমস্ত সভানিরত  
ও ব্রাহ্মণপ্রিয় ব্যক্তির অর্থীদিগকে অর্থ দান  
করিয়া থাকেন, অনোর নিকট কদাচ প্রার্থনা  
করেন না ; যাঁহাদিগের ছন্দুভিধনি ও জ্যা-  
নির্ঘোষ নিরন্তর কর্ণগোচর হইয়া থাকে ;  
যাঁহারা অসাধারণ তেজস্বী, দাস্ত, বলবান ও  
সম্ভ্রান্ত ; যাঁহারা মনে করিলে সমুদায় লোক  
সংহার করিতে পারেন ; ছুরায়া কীচক  
তাঁহাদিগেরই মানিনী প্রণয়িনী পদাঘাত  
করিয়াছে। যাঁহারা শরণার্থীর একমাত্র  
শরণ ; যাঁহারা প্রচ্ছন্ন ভাবে এই পৃথিবীতে  
সঞ্চরন করিতেছেন ; অদ্য তাঁহারা কোথায়  
রহিলেন। সেই সকল মহাবল পরাক্রান্ত  
ব্যক্তির প্রিয়তমারে কীচক কর্তৃক পরাভূতা  
দেখিয়া হীনবীর্যের ন্যায় কেনই উপেক্ষা  
করিতেছেন ; এক্ষণে তাঁহাদিগের অনর্থ  
ও বল বীর্য কোথায় রহিল ; হায় ! ছুরায়া  
কীচক আমারে পরাভব করিতেছে ;  
এক্ষণে তাঁহারাও কিছুই প্রতীকার করি-  
লেন না।

অদ্য জানিলাম বিরাটরাজ নিতান্ত  
অধার্ম্মিক ; যেহেতু তিনি এই নিরপরা  
ধিনী অবলার নিগ্রহ দেখিয়াও অনায়াসে  
উপেক্ষা করিয়াছেন। হায় ! যখন রাজা  
কিছুই বিবেচনা করিলেন না, আমি ইহার  
কি করিব। ইনি রাজা কিন্তু ছুরায়া কীচকের  
প্রতি রাজার ন্যায় কিছুই আচরণ করিতে  
ছেন না। হে মহারাজ ! আপনার দনু্য-  
জনসদৃশ এই ধর্ম্ম সভামধ্যে কিছুতেই  
শোভা পাইতেছে না। এই ছুরায়া আপ-  
নার সমক্ষে আমারে পরাভব করিল ; ইহা  
নিতান্ত বিসদৃশ হইয়াছে। হে সভাগণ !  
আপনারা কীচকের এই ব্যতিক্রমের প্রতি  
দৃষ্টিপাত করুন। কীচক অধার্ম্মিক এবং  
বিরাটও ধর্ম্মজ্ঞ নহেন আর যাঁহারা ইহার  
উপাসনা করিতেছেন, সেই সমস্ত সভ্য-

বাও ধার্মিক বলিয়া পরিগণিত হইতে পারেন না।

দ্রৌপদী অশ্রুযুগ্মী হইয়া এবল্পকারে রাজারে তিরস্কার করিলে তিনি কহিলেন, আমি তোমাদিগের বিগ্রহের বিষয় আদ্যোপান্ত অবগত নহি; অতএব যথার্থ তত্ত্ব না জানিয়া কিরূপে বিচার করিব?

অনন্তর সভ্যেরা সবিশেষ পরিজ্ঞাত হইয়া কীচকের নিন্দা ও পুনঃ পুনঃ দ্রৌপদীর সাধুবাদ করত কহিলেন, এই বরবর্ণিনী যাঁহার ভার্য্যা তিনি পরম ভাগ্যবান, কদাচ তাঁহার অন্তঃকরণে শোক সন্তাপ প্রবেশ করিতে পারে না। ঈদৃশ সর্বাঙ্গসুন্দরী নারী মনুষ্যলোককে ছর্লভ; বোধ হয়, ইনি কোন দেবী হইবেন, সভাসদগণ দ্রৌপদীকে অবলোকন করিয়া এইরূপে তাঁহার প্রশংসা করিতে লাগিলেন।

ধর্মরাজ যুধিষ্ঠির স্বীয় প্রেমসীর দুর্দশা দর্শনে নিতান্ত ক্রোধসন্তপ্ত হইলেন; রোষভরে তাঁহার ললাট হইতে স্বেদবিন্দু সমুদায় বহির্গত হইতে লাগিল। তখন তিনি ক্রোধ সম্বরণপূর্বক দ্রৌপদীকে কহিলেন, সৈরিক্তি! আর এখানে থাকিবার আবশ্যক নাই, তুমি সম্বরে স্তূদেষ্কার আলয়ে গমন কর; বীরপত্নীগণ স্বামীর নিমিত্ত অশেষবিধ ক্লেশ ভোগ করিয়া চরমে পতিলোক প্রাপ্ত হইয়েন; বোধ হয়, অদ্যাপি তোমার পতিগণের ক্রোধের সময় উপস্থিত হয় নাই; তাহা হইলে অবশ্যই সেই সূর্যাসদৃশ তেজস্বী গন্ধর্বেরা তোমার নিকট আগমন করিতেন। হে সৈরিক্তি! তুমি নিতান্ত কালানভিজ্ঞ, কেন বৃথা রাজসভার শৈলধীর ন্যায় ক্রন্দন করত ক্রীড়মান মৎস্যগণের বিম্বোৎপাদন করিতেছ; এক্ষণে গমন কর; গন্ধর্বেরা উপযুক্ত সময়ে তোমার প্রিয় কার্য্য করিবেন। তাঁহার অবশ্যই তোমার অপ্রিয়কারীর প্রাণ সংহারপূর্বক তোমার দুঃখাপনোদন করিবেন।

তখন দ্রৌপদী কহিলেন, যাঁহার জ্যেষ্ঠের দ্যুতক্রীড়া নিবন্ধন সাতিশয় শোচনীয় দর্শন প্রাপ্ত হইয়াছেন, আমি তাঁহাদের নিমিত্ত সতত ধর্ম্মানুষ্ঠান করিতেছি; তাঁহার অবশ্যই সেই অহিতকারী ছুরাঙ্গাদিগের সংহার করিবেন।

কৃষ্ণ এই কথা বলিয়া কেশপাশ বিমোচনপূর্বক রোষকষায়িত লোচনে স্তূদেষ্কার নিকট গমন করিলেন। পরিশেষে রোদনে নিরস্ত হইয়া নেত্রজল মার্জিত করিলে তাঁহার মুখমণ্ডল জলধরবিনিমুক্ত শশাঙ্কের ন্যায় শোভা পাইতে লাগিল। তখন স্তূদেষ্কা কহিলেন, হে শোভনে! কে তোমারে প্রহার করিয়াছে? তুমি কেন রোদন করিতেছ? অদ্য কাহার সুখ তিরোহিত হইল? কে তোমার বিপ্রিয়ানুষ্ঠান করিয়াছে? দ্রৌপদী কহিলেন, আমি আপনার নিমিত্ত সুরা আনয়ন করিতে গমন করিয়াছিলাম; পাপাত্মা কীচক নির্জন কাননের ন্যায় সভামধ্যে ভূপালসমক্ষে আমাকে প্রহার করিয়াছে। স্তূদেষ্কা কহিলেন, ছুরাঙ্গা কীচক কানোন্নত হইয়া তোমার অবমাননা করিয়াছে, অতএব তোমার যদি ইচ্ছা হয় তবে বল, আমি নিশ্চয়ই তাহারে বিনাশ করিব। দ্রৌপদী কহিলেন, সেই ছুরাঙ্গা যাঁহাদিগের অপকার করিয়াছে, সেই মহাআর্য্যই তাহারে সংহার করিবেন; বোধ হয়, অদ্যই তাহারে যমালয়ে গমন করিতে হইবে।

সপ্তদশ অধ্যায়।

বৈশম্পায়ন কহিলেন, অনন্তর ক্রপদ-নন্দিনী মনে মনে কীচকের মৃত্যু কামনা করত স্বীয় আবাসে গমনপূর্বক গাত্র ও বস্ত্রস্বর প্রক্ষালন করিলেন এবং আপনার শোকাবহ ঘটনা স্মরণ করিয়া, “ কি করি, কোথা যাই ” এই বলিয়া রোদন করিতে লাগিলেন। পরিশেষে মনে করিলেন, ভীম-



সেনের শরণাপন্ন হই; তিনি ব্যতীত অন্য কে আমার প্রিয় কার্য সম্পাদন করিবে?

পতিপরায়ণা দ্রৌপদী এই রূপ সঙ্কল্প করিয়া রজনীযোগে শয্যাতে পরিত্যাগ-পূর্বক বিষণ্ণ চিত্তে ভীমসেনের ভবনসমীপে সমুপস্থিত হইয়া কহিলেন, হে বৃকোদর! আমার শত্রু সেই পাপাত্মা তাদৃশ কৰ্ম করিয়াও এখন জীবিত রহিয়াছে; তুমি কি করিয়া স্মখে নিদ্রা যাইতেছ? দ্রুপদনন্দিনী এই কথা বলিয়া ভীমসেনের গৃহাভ্যন্তরে প্রবেশিত হইলেন। দেখিলেন, মহাবীর বৃকোদর মৃগরাজের ন্যায় শয়ান রহিয়াছেন। তখন সেই গৃহ দ্রৌপদীর অলোকসামান্য রূপে ও ভীমসেনের অসাধারণ তেজে প্রজ্বলিত প্রায় হইতে লাগিল।

যেমন লতা প্রকাণ্ড শাল বৃক্ষকে, মৃগ-রাজবধ প্রসুপ্ত মৃগরাজকে ও হস্তিনী মহাগজকে আলিঙ্গন করে, সেই রূপ দ্রুপদনন্দিনী ভীমসেনকে বাহুপাশে বন্ধন করিয়া জাগরিত করিলেন এবং বীণাবিনির্গত গাঙ্কারস্বরের ন্যায় মধুর বাক্যে তাহারে সম্বোধনপূর্বক কহিলেন, নাথ! গাত্রোপ্থান কর; কি আশ্চর্য্য! এখনও নিদ্রা যাইতেছ! বোধ হয়, তুমি জীবন পরিত্যাগপূর্বক শয়ন করিয়াছ; নতুবা পাপাত্মা কীচক কি জীবিত ব্যক্তির ভার্য্যারে অবমানিত করিয়া এখনও জীবিত থাকিতে পারে!

ভীমসেন দ্রৌপদীর বাক্যে জাগরিত হইয়া পর্য্যঙ্কে উপবেশনপূর্বক মেঘগম্ভীর স্বরে তাহারে কহিতে লাগিলেন, দ্রৌপদী! তুমি কি নিমিত্ত এত ত্বরান্বিত হইয়া আমার নিকট আগমন করিয়াছ? তোমার স্বাভাবিক বর্ণ নাই; তোমারে কৃশা ও পাণ্ডু বর্ণ দেখিতেছি কেন? অতএব সমুদায় বিশেষ করিয়া বল। সুখ বা দুঃখ, প্রিয় বা অপ্রিয়, সমুদায় শ্রবণ করিয়া ইতিকর্ষব্যতা অবধারণ করিব। আমি সমুদায় কার্য্যেই তোমার বিশ্বাস-

ভাজন; আপৎ কালে পুনঃ পুনঃ তোমারে উদ্ধার করিয়াছি। অতএব শীঘ্র বিবক্ষিত বিষয় প্রকাশ করিয়া, অন্য লোক জাগরিত হইবার পূর্বেই শয়নেব নিমিত্ত গমন কর।

অষ্টাদশ অধ্যায় ।

দ্রৌপদী কহিলেন, হে ভীম! রাজা যুদ্ধির যাহার ভর্তা, তাহার সুখ সচ্ছন্দতা কোথায়। তুমি আমার সমুদায় দুঃখ সবিশেষ জ্ঞাত হইয়াও এক্ষণে কেন এই রূপ দ্বিজ্ঞাসা করিতেছ? তৎকালে প্রাতিকামী আমারে দাসী বলিয়া যে সভামধ্যে আনয়ন করিয়াছিল, তাহা অদ্যাপি নিরন্তর আমার হৃদয় দন্ধ করিতেছে। দেখ, দ্রৌপদী ব্যতিরেকে অন্য কোন রাজহুহিতা ঐদৃশ দুঃখ সহ্য করিয়া জীবিত থাকে। বনবাস কালে ছুরাত্মা জয়দ্রথ বলপূর্বক আমার অবমাননা করিয়াছিল, আমা ব্যতিরেকে তাহাই বা আর কে সহ্য করিতে পারে। সম্প্রতি কীচক, ধূর্ত মৎস্যরাজসমক্ষে আমারে পদাঘাত করিয়াছে। হে ভীম! আমি বারংবার এই রূপ ক্লেশ পাইতেছি, তথাপি তুমি আমার দুঃখে কিছুই মনোযোগ করিতেছ না, অতএব আর আমার জীবন ধারণের প্রয়োজন কি?

দুর্মতি কীচক বিরাটরাজের শ্যালক ও সেনাপতি; সে আমারে সৈরিক্কা দেখিয়া “আমার প্রেমসী হও” প্রতীদিনই আমারে “আমার প্রেমসী হও, আমার প্রেমসী হও” এই কথা কহিয়া থাকে। সেই ছুরাত্মার অবমাননায় আমার হৃদয় বিদীর্ণ হইতেছে। এক্ষণে যাহার কৰ্ম্মকলে আমি এই অনন্ত দুঃখ প্রাপ্ত হইয়াছি; তুমি তোমার সেই দূতাসক্ত ভাতারে তিরস্কার কর। ঐ দূতাসক্ত ব্যতিরেকে আর কোন ব্যক্তি রাজ্য সর্বস্ব ও আপনারে ছুরোদরমুখে বিসর্জন করিয়াও পুনরায় প্রভ্রজ্যা অবলম্বনার্থে দ্যুত-

ক্রীড়া করিয়া থাকে। যদি ধর্মরাজ নিষ্ক-  
সহস্র ও মহামূল্য রত্নজাত দ্বারা অনেক  
বৎসর সায়াং ও প্রাতঃকালে ক্রীড়া করিতেন,  
তাহা হইলেও রজত, সুবর্ণ, বস্ত্র, যান, অশ্ব  
ও অশ্বতর সকল কদাচ ক্ষয় হইত না।  
কিন্তু তিনি দ্যুত বিবাদের নিমিত্ত শ্রীভ্রষ্ট  
হইয়া এক্ষণে কেবল অতীত কর্মের অনু-  
শোচনা করত নিতান্ত মূঢ়ের ন্যায় তুষ্টী-  
স্তাব অবলম্বন করিয়াছেন।

পূর্বে দশ সহস্র হস্তী ও অশ্ব সমুদায়  
যাঁহার অনুগমন করিত, এক্ষণে তিনি দ্যুত  
ক্রীড়া অবলম্বন পূর্বক জীবিকানির্বাহ করি-  
তেছেন। ইন্দ্রপ্রস্থে শত সহস্র ভূপালগণ  
যে যুধিষ্ঠিরকে উপাসনা করিতেন ; যাঁহার  
মহানসে শত সহস্র দাসী পাত্র হস্তে লইয়া  
দিবা রাত্রি অতিথি ভোজন করাইত ;  
যিনি সহস্র সহস্র নিষ্ক দান করিতেন ;  
তিনিই এখন দ্যুতক্রীড়া অবলম্বনপূর্বক  
কাল যাপন করিতেছেন। পূর্বে মধুর স্বর-  
সংযুক্ত মণিময় কুণ্ডলধারী সূত ও বৈতালি-  
কগণ যাঁহারে সায়াং ও প্রাতঃকালে উপাসনা  
করিত ; তপস্যা ও শ্রুতসম্পন্ন সহস্র সং-  
খ্যক ঋষি যাঁহার সভাসদ ছিলেন ;  
যিনি অষ্টাশীতি সহস্র গৃহমেধী স্নাতক ও  
তঁাহাদের দাসীগণ এবং দশ সহস্র অপ্রতি-  
গ্রহী উর্দ্ধরেতা যতিগণকে ভরণ পোষণ  
করিতেন ; যাঁহাতে অনুশংসতা, অনুক্রোশ  
ও সংবিভাগ এই সকল সদগুণ বিদ্যমান  
আছে ; তিনিই এক্ষণে এই রূপ দুর্দশাপন্ন  
হইয়া কাল যাপন করিতেছেন।

যিনি রাষ্ট্রমধ্যে অন্ধ, বৃদ্ধ, অনাথ,  
বালক প্রভৃতি দুর্বস্থাশ্রিত ব্যক্তিদিগকে  
সর্বদা প্রতিপালন করিতেন ; যিনি কোন  
বস্ত্র বিভাগ করিতে হইলে পক্ষপাতনির-  
পেক্ষ হইতেন ; এক্ষণে তঁাহারে সভামধ্যে  
সকলে বিরাটপরিচারক দ্যুতক্রীড়কু কঙ্ক  
বলিয়া আহ্বান করিয়া থাকে। তঁাহার এই

অবস্থা নরক প্রাপ্তির তুল্যই বোধ হইতেছে।  
ইন্দ্রপ্রস্থে অবস্থান কালে ভূপালগণ যাঁহার  
নিকট উপহার লইয়া সমুচিত অবসরে সমু-  
পস্থিত হইতেন ; তিনিই এক্ষণে জীবিকা  
নির্বাহার্থে অন্যের নিকট বেতন গ্রহণ করি-  
তেছেন। বহুসংখ্যক ভূপতিগণ সতত যাঁহার  
বশবর্তী ছিলেন ; তিনি এক্ষণে স্বয়ং পরবশ  
হইয়াছেন। যিনি তেজঃপ্রভাবে সূর্যের  
ন্যায় সমস্ত মেদিনীমণ্ডল পরিতাপিত করি-  
তেন ; তিনি এখন বিরাটরাজের সভাসদ  
হইয়াছেন। অনেক সংখ্যক ভূপতি ও ঋষি-  
গণ সমভিব্যাহারে সভামধ্যে যাঁহার উপা-  
সনা করিতেন, তিনিই এক্ষণে অন্যের সভায়  
অধ্যাসীন হইয়া তাহার প্রিয়বাদী হইয়া-  
ছেন। উহারে দর্শন করিয়া আমার ক্রোধধা-  
লন পরিবর্দ্ধিত হইতেছে। এই ধর্ম্মাত্মা ধর্ম্ম-  
রাজকে জীবিকা নির্বাহার্থে পরাধীন দেখিয়া  
কাহার না দুঃখের উদ্ভেক হয় ? হে ভীম !  
আমি অনাথার ন্যায় এবিধ বহুবিধ দুঃখ-  
ভারে নিতান্ত কাতর হইতেছি ; তুমি কেন  
আমার দুঃখ মোচনে যত্ন করিতেছ না ?

একোনবিংশতিতম অধ্যায়।

দ্রৌপদী কহিলেন, নাথ ! আমি অমুয়া  
প্রকাশ করিতেছি না ; যৎপরোনাস্তি দুঃখ  
ভোগ করিতেছি বলিয়াই কহিতেছি। তুমি  
অতি হেয় সুপকারকর্মে নিযুক্ত হইয়া বল্লব  
বলিয়াই আত্ম পরিচয় প্রদান করিতেছ ;  
ইহা দেখিয়া কাহার শোকসাগর উচ্ছলিত  
না হয়। লোকে তোমাদের বিরাটের সুপ-  
কার বল্লব বলিয়া নিশ্চয় করিয়াছে ; তুমি  
দাসবৃত্তি অবলম্বন করিয়াছ ; ইহা অপেক্ষা  
দুঃখের বিষয় আর কি আছে ! অন্ন ব্যঞ্জন  
প্রস্তুত হইলে, যখন তুমি বিরাটের উপা-  
সনা করিতে যাও, তখন আমার কদয় বিদীর্ণ  
হইয়া যায় ! যখন সন্ধ্যাটু সন্মুখ হইয়া তো-  
মারে কুঞ্জরগণের সহিত যুদ্ধে প্রবর্তিত

করেন, তখন অস্ত্রপুরস্ব সমুদায় নারীগণ  
 ক্রিয়া করিতে থাকে; তদর্শনে আমার অ-  
 স্ত্রকরণ আকুলিত হইয়া উঠে। যখন তুমি  
 অস্ত্রপুরে সুদেষ্ণার সমক্ষে শাদ্দিল, মহিষ  
 ও সিংহগণের সহিত সংগ্রাম করিতেছিলে,  
 আমি তখন শোকাবেগ সংবরণ করি-  
 তে না পারিয়া মোহাবিষ্ট হইয়াছিলাম।  
 সুদেষ্ণা আমারে মোহাভিত্তা নিরীক্ষণ  
 করিয়া উত্থানপূর্বক সমাগত রমণীগণের  
 সমক্ষে কহিতে লাগিলেন, “সুপকার প্রবল  
 পরাক্রান্ত জন্তুগণের সহিত যুদ্ধ করিতেছে  
 দেখিয়া চারুহাসিনী সৈরিন্দ্রী সহবাসনুলত  
 স্নেহে শোকাভিত্ত হইয়াছে। সৈরিন্দ্রী  
 অতিশয় কপবতী, বলব পরম সুন্দর এবং  
 স্ত্রীলোকের চিত্তবৃত্তিও দুর্জয়; ইহার  
 উভয়েই এক সময়ে রাজকুলে আশ্রয় গ্রহণ  
 করিয়াছে; বিশেষত সৈরিন্দ্রী সর্বদাই প্রিয়  
 সহবাসের নিমিত্ত পরিতাপ করিয়া থাকে।”  
 হে মহাবাহো! রাজমহিষী এই প্রকার স্বা-  
 ভিপ্রায় থাকে সর্বদাই আমারে তর্জন  
 করিয়া থাকেন; আমি তাহাতে রোষ প্রদর্শন  
 করিলে তিনি সমধিক সন্দিহান হয়েন।  
 আমি তন্নিবন্ধন নিতান্ত দুঃখিত হইয়াছি।  
 তুমি তাদৃশ পরাক্রমশালী হইয়াও যখন ঈদৃশ  
 নিরস্ত্রাগী হইয়াছ এবং ধর্মরাজ যুধিষ্ঠির  
 শোকমাগরে নিমগ্ন হইয়াছেন, আমি ইহা  
 সন্দর্শন করিয়া আর জীবন ধারণ করিতে  
 পারি না।

যে যুবা এক রথে সমস্ত দেহু ও মনুষ্যগ-  
 গকে পরাজিত করিয়াছিলেন; এক্ষণে তিনি  
 বিরাটরাজের কন্যাগণের নর্তক হইয়াছেন।  
 যিনি স্বীয় প্রভাবে খাণ্ডবারণ্যে হতাশনকে  
 পরিতৃপ্ত করিয়াছিলেন, তিনি এক্ষণে কুপগত  
 অধির ন্যায় অস্ত্রপুরে সংবৃত হইয়া বাস করি-  
 তেছেন। অরতিগণ যাঁহার ভয়ে সতত ভীত  
 হইয়া থাকে, তিনি এক্ষণে অতিশুণিত বেশে  
 কাল ক্ষেপ করিতে লাগিলেন। যাঁহার পরিষ-

সদৃশ বাহুবল মৌরী আক্ষালনে সাতিশয়  
 কঠিন হইয়াছে, তিনি এক্ষণে সেই বাহুবল  
 শংখাবৃত করিয়া রাখিলেন; ইহা অপেক্ষা  
 শোচনীয় ব্যাপার আর কি হইতে পারে।  
 শক্রগণ যাঁহার আনির্ঘোষ শ্রবণমাত্রেই  
 কম্পিত হইয়া উঠে, এক্ষণে স্ত্রীগণ রুট চিত্তে  
 তাঁহার গাতধ্বনি শ্রবণ করিতেছে। যাঁহার  
 মস্তক সূর্যাস দৃশকিরীটে স্ত্রিশোভিত হইত,  
 আজি তাহা বেণি দ্বারা বিকৃত হইয়া রহিল।  
 হে নাথ! ধনঞ্জয়কে বেণিবিকৃত ও কন্যা-  
 গণে পরিবৃত দেখিয়া আমার হৃদয় বিদীর্ণ  
 হইয়া যাইতেছে! যে মহাত্মা সমস্ত দিব্যাস্ত্রের  
 ও সমুদায় বিদ্যার আধার, তিনি এক্ষণে কুণ্ডল  
 ধারণ করিতেছেন। মহাবল পরাক্রান্ত সহস্র  
 সহস্র রাজা সমরে যাঁহার সম্মুখীন হইতে  
 পারিতেন না, এক্ষণে তিনি ছদ্মবেশে বিরাট  
 রাজার কন্যাগণের নর্তক হইয়া তাহাদিগের  
 পরিচর্যা করিতেছেন। যাঁহার রথনির্ঘোষে  
 সচরাচর ধরাতল বিকম্পিত হইত; যিনি  
 জন্ম পরিগ্রহ করিলে কুন্তীর সমুদায় শোক  
 সম্ভাপ অপনোদিত হইয়াছিল; এক্ষণে  
 তাঁহারে কুণ্ডল ও শঙ্খাদি অলঙ্কার ধারণ  
 করিতে দেখিয়া একান্ত শোকাকুল হইয়াছি।  
 ধরাতলে যাঁহার সমকক্ষ ধনুর্ধর নাই, আজি  
 তাঁহারে কন্যাগণের নিকট গান করিয়া  
 কাল যাপন করিতে হইল! যিনি ধর্ম, শৌর্য  
 ও সত্যে সমস্ত জীবলোকের প্রীতিভাজন  
 হইয়াছিলেন, আজি তাঁহারে স্ত্রীবেশবিকৃত  
 নিরীক্ষণ করিয়া নিতান্ত কাতর হইয়াছি।  
 যখন আমি সেই দেবকপী ধনঞ্জয়কে করোণ  
 পরিবৃত মস্ত মাতঙ্গের ন্যায় কন্যাগণপরিবৃত  
 ও তুর্যমধ্যস্থ হইয়া বিরাটরাজের উপাসনা  
 করিতে দেখি, তখন আমার দশ দিক শূন্য  
 হইয়া যায়। হায়! মহাবীর ধনঞ্জয় ও দ্যুতা-  
 সক্ত অজাতশত্রু যে ঈদৃশ বিপত্তিসাগরে  
 নিমগ্ন হইয়াছেন; আর্য্য কুন্তী ইহার কিছু  
 জানিতেছেন না।

হে বৃকোদর! আমি যবীর্মান সহদেবকে গোমধ্যে গোপালবেশে বিচরণ করিতে দেখিয়াই পাণ্ডুবর্গ হইয়া গিয়াছি। আমি শাস্তি লাভ করিব কি, পুনঃ পুনঃ সহদেবের বৃত্তান্ত শ্রবণ করিয়া একবারে আমার নিজাচ্ছেদ হইয়াছে। আমি সত্যবিক্রম সহদেবের এমন কোম পাপই দেখিতে পাই না, যাহাতে তাঁহারে ঈদৃশ দুঃখ ভোগ করিতে হয়। আমি তোমার প্রিয়তম জ্ঞাতারে গোচরণে নিযুক্ত দেখিয়া নিতান্ত শোকাবুল হইয়াছি। বিরাট কুপিত হইলে যখন তিনি লোহিত পরিচ্ছদ ধারণপূর্বক গোপালগণের অগ্রে অগ্রে গমন করিয়া বিরাট নৃপতিরে প্রসন্ন করেন, তখন আমার কলেবর জর্জরিত হয়। আর্ধ্যা কুম্ভী আমার নিকট মহাবীর সহদেবের প্রশংসা করিতেন। যখন আমরা রাজ্য হইতে বিবাসিত হই; তৎকালে তিনি আমারে কহিয়াছিলেন, বৎসে পাণ্ডালি! সুকুমার সহদেব সাতিশয় সুশীল, লজ্জাশীল ও যুধিষ্ঠিরের একান্ত অনুরক্ত। তুমি অতি সাবধানে অরণ্যমধ্যে ইহারে রক্ষণাবেক্ষণ ও স্বয়ং পান ভোজন প্রদান করিবে। পুত্র-বৎসলা আর্ধ্যা এই বলিয়া রোদন করিতে করিতে সহদেবকে আলিঙ্গন করিয়া রহিলেন। হায়! এক্ষণে সেই সহদেবকে গোচরণ ও বৎসচর্মে শয়ান হইয়া রাজি যাপন করিতে দেখিয়া আমি কিরূপে প্রাণ ধারণ করিতে পারি?

কালের বৈপরীত্য দেখ। যিনি রূপ, অস্ত্র ও মেধাসম্পন্ন, সেই নকুল এক্ষণে অশ্ববদ্ধ হইয়াছেন! তিনি যখন বিরাট-রাজের সমক্ষে অশ্বগণকে বেগ শিক্ষা দেন, তখন দর্শকগণ চতুর্দিকে বিক্ৰিণ্ড হইয়া পড়ে। আমি স্বচক্ষে দেখিয়াছি, ক্রীমান্ সহদেব এই প্রকারে বিরাটরাজকে অশ্ব প্রদর্শন করত উপাসনা করেন।

হে বৃকোদর! যুধিষ্ঠিরের নিমিত্ত আমার

এই প্রকার কত শত দুঃখ বিদ্যমান থাকিতেও তুমি কি প্রকারে আমারে সুখিনী বলিয়া বিবেচনা করিতেছ? ইহা ভিন্ন আর যে সকল দুঃখ বলিতে অবশিষ্ট আছে, তাহাও বলিব, শ্রবণ কর। তোমরা জীবিত থাকিতে দুঃখরাশি আমার শরীরে শোষণ করিতেছে, ইহা অপেক্ষা অধিক দুঃখের বিষয় আর কি হইতে পারে!

বিংশতিতম অধ্যায়।

দ্রৌপদী কহিলেন, হে ভীম! আমি দ্যুতপ্রিয় রাজা যুধিষ্ঠিরের নিমিত্তই রাজসংসারে সৈরিন্দীবশে অবস্থান করিয়া সুদেফার বশবর্তী হইয়াছি; দেখ আমার কিরূপ দুর্দশা ঘটিয়াছে। এক্ষণে মনুষ্যের কোন দুঃখই প্রায় চিবস্থায়ী হয় না; অর্থ সিক্তি ও জয় পরাজয় নিতান্ত অনিত্য; বিপদ ও সম্পদ সতত চক্রের ন্যায় পরিবর্তিত হইতেছে; যদ্বারা জয় হয় তাহাই পরাজয়ের কারণ হইয়া উঠে; আমি এই বিবেচনা করিয়া ভর্জগণের উদয়কাল প্রতীক্ষা করিতেছি।

হে ভীম! আমি যে জীবন্ত হইয়া রহিয়াছি তাহা কি তুমি জানিতেছ না? লোকমুখে শুনিয়াছি, মনুষ্য অগ্রে দান করিয়া পশ্চাৎ প্রার্থনা করে এবং বিনাশ করিয়া বিনষ্ট ও পাতিত করিয়া পতিত হইয়া থাকে। এই সকলই দৈবমূলক। দৈবের অসাধ্য কিছুই নাই; দৈবকে অতিক্রম করা নিতান্ত দুষ্কর। আমি কেবল দৈবই প্রতীক্ষা করিতেছি। সলিল পুষ্করিণী যে স্থানে থাকে, পুনরায় তথায়ই প্রাণিনিবৃত্ত হয়; এই বিবেচনা করিয়া আমি উদয়েরই প্রতীক্ষা করিতেছি। দৈব যাহার অর্থ সিক্তির ব্যাঘাত করে, সে নিতান্ত দুঃখবস্থাপন্ন হয়; অতএব দৈবেরই আগমে যত্ন করা কর্তব্য। হে বৃকোদর! আমি এক্ষণে যে কারণে এই কথা উল্লেখ করিলাম, তাহা শ্রবণ কর।

দেখ, আমি ক্রপদরাজের চুহিতা এবং দীপবর্ণের প্রিয় মহিষী হইয়াও এই রূপ ছুরবস্থাপন্ন হইলাম! হায় আমা ব্যতিরেকে কোন্ নারী এই রূপ অবস্থার জীবিত থাকিতে বাসনা করে! আমার এই ক্রেশ কৌরব পাণ্ডব ও পাঞ্চালদিগকে অবশ্যই অবমানিত করিবে। কোন্ নারী পুত্র, শ্বশুর ও জাতৃগণে পরিবৃত্ত হইয়া নিরন্তর এই রূপ ক্রেশে কাল যাপন করিয়া থাকে? যে বিধাতার প্রভাবে আমারে এই রূপ অত্যাচার সহ্য করিতে হইতেছে; বোধ হয়, আমি বাল্যকালে তাঁহারই কোন অপকার করিয়া থাকিব। দেখ, এক্ষণে আমি কিরূপ বিবর্ণ হইয়াছি! তাদৃশ বিবর্ণ চুঃখের সময়ও একরূপ হই নাই। পূর্বে আমার যে প্রকার সুখ সচ্ছন্দ ছিল, তাহা তোমার অগোচর নাই; এক্ষণে সেই আমি দামীভাবে প্রাপ্ত হইয়াছি, কিরূপে শাস্তি লাভ করিব? যখন মহাবল পরাক্রান্ত ধনঞ্জয় তস্মাচ্ছন্ন অনলের ন্যায় এই স্থানে অবস্থান করিতেছেন, তখন আমি এই বিষয় দৈবায়ত্ত বলিয়া অবশ্যই স্বীকার করি। প্রাণিগণের গতি বোধগম্য হওয়া নিতান্ত দুষ্কর। দেখ, তোমাদিগের যে এই রূপ ছুরবস্থা হইবে, পূর্বে কেহই ইহা বুঝিতে পারে নাই।

হে মহাবীর! তোমরা ইন্দ্রভূলা বলিয়া আমি তোমাদিগের নিকট সম্পূর্ণ সুখ প্রত্যাশা করিয়াছিলাম; কিন্তু এক্ষণে অপেক্ষাকৃত নিকট লোকদিগেরই সুখ সচ্ছন্দতার বৃদ্ধি দেখিতেছি। দেখ, ভীম! তোমরা একরূপ ছুরবস্থায় পতিত হইয়াছ বলিয়া আমার কি দুর্দশা ঘটয়াছে। কালের কি বিপরীত গতি! পূর্বে এই সমাগরা ধরা আমারই অধিকৃত ছিল; এক্ষণে আমাঙ্গের শক্তি মনে সুদেবার-বশবর্তিনী হইতে হইয়াছে। পূর্বে অনুচরেরা আমার অগ্র পশ্চাৎ গমন করিত, কিন্তু এক্ষণে আমি সুদেবার অগ্র পশ্চাৎ

গমন করিতেছি। আর এই একটি চুঃখ আমার নিতান্ত অমহ্য হইয়া উঠিয়াছে যে, আমি আৰ্য্য্য কুম্ভী ব্যতিরেকে কদাচ কাহারও গাত্র বিলেপন ও পেষণ করি নাই; কিন্তু এক্ষণে আমাঙ্গের সুদেবার চন্দন পেষণ করিতে হইতেছে। দেখ, আমার পাণিতল আর পূর্ববৎ কোমল নাই; এক্ষণে কিণাক্ষিত হইয়াছে। আমি আৰ্য্য্য কুম্ভী ও তোমাদিগকে কথম ভয় করি নাই, কিন্তু এক্ষণে রাজভবনে কিঙ্করীরূপে অবস্থান করিয়া বিরাটের নিকট ভীত হইতেছি। অমুলেপন সুমুট হইয়াছে কি না দেখিয়াই বা রাজা কি বলিবেন, সর্বদা এই শঙ্কা করিয়া থাকি; কারণ আমি ভিন্ন অন্য কেহ চন্দন পেষণ করিলে কদাচ রাজার মনোমীত হয় না।

দ্রৌপদী এই রূপে আপনার চুঃখরুস্তান্ত কীর্তন করিয়া ভীমের প্রতি দৃষ্টি নিক্ষেপ করত রোদন করিতে লাগিলেন। পরে দীর্ঘ নিশ্বাস পরিত্যাগপূর্বক ভীমের হৃদয় বিদীর্ণ প্রায় করিয়া কহিলেন, বোধ হইতেছে, পূর্বে আমি দেবগণের নিকট বিলক্ষণ অপরাধ করিয়া থাকি, নতুবা কেন কর্মকরী হইয়া এত ক্রেশে জীবন ধারণ করিতে হইবে। তখন বৃকোদর দ্রৌপদীর কিণাক্ষিত পাণিতল নিরীক্ষণ ও মুখমণ্ডলে প্রদানপূর্বক অনিবার্য্য বেগে বাষ্পবারি বিসর্জন করিয়া কহিতে লাগিলেন।

এক বিংশতিতম অধ্যায় ।

ভীমসেন কহিলেন, প্রিয়ে! যখন তোমার লোহিততল পাণিপল্লব ঐদৃশ কিণাক্ষিত হইয়াছে; তখন আমার বাহুবলে ও অর্জুনের গাণ্ডীবে ষিক্। কি বলিব, রাজা যুধিষ্ঠির সময় প্রতীক্ষা করিতেছেন, নতুবা বিরাটের সভামধ্যেই ঘোরতর সংগ্রাম অথবা আমি মহাগজের ন্যায় অবলীলাক্রমে পদাঘাতে ঐশ্বর্য্যমন্তু কীচকের মন্তক পোষিত করি-

তাম্। যাজ্ঞসেনি! যখন দুরাঅ্য কীচক তোমারে পদাঘাত করিয়াছিল; তখনই আমি সমুদায় মৎস্যদেশ বিমর্দিত করিতে উৎসুক হইয়াছিলাম; কিন্তু তৎকালে রাজা যুধিষ্ঠির কটাক্ষ তন্ত্রিতে নিবারিত করিলেন বলিয়াই আমি ক্ষান্ত হইয়া আছি। আমরা যে রাজ্য হইতে বিবাসিত হইয়াছি এবং অদ্যাপি কর্ণ, শকুনি, দুৰ্য্যোধন ও দুঃশাসন প্রভৃতি দুরাঅ্য কুরুগণের নস্তুক ছেদন করি নাই; এই দুইটি রুদিন্যস্ত শল্যের ন্যায় আমার কলেবর নিপীড়ন করিতেছে। অগ্নি নিত্যস্বিনি! ক্রোধ পরিত্যাগ কর; ধর্ম পরিত্যাগ করিও না। রাজা যুধিষ্ঠির তোমার এই প্রকার তিরস্কার বাক্য শ্রবণ করিলে নিশ্চয়ই প্রাণ পরিত্যাগ করিবেন। তিনি প্রাণ ত্যাগ করিলে ধর্মঞ্জয়, নকুল ও সহদেবও গতজীবিত হইবেন। ইহারা লোকান্তর প্রস্থান করিলে আমি কদাচ জীবন ধারণ করিতে সমর্থ হইব না।

পূর্বকালে ভৃগুবংশীর চ্যবন, বনে বন্যীকৃতা ব্রাহ্মণ হইয়াছিলেন; তথাপি তাঁহার পত্নী সুকন্যা। তাঁহার অনুগামিনী হইলেন। ভুবনবিখ্যাত রূপবতী চন্দ্রসেনা সহস্র বর্ষব্যয়ক বৃদ্ধতম স্বামীর অনুচারিণী হন। জনক-দুহিতা সীতা অরণ্যচারী রামের সমভিব্যাহারিণী হইয়া রাক্ষসহস্তে কত নিগ্রহভোগ করিয়াছেন; তথাপি পতির অনুগমনে নিরন্ত হন নাই। রূপযৌবনসম্পন্ন লোপামুদ্রা অলৌকিক ভোগ সমুদায় পরিত্যাগপূর্বক অগণ্যের সহচরী হইয়াছিলেন। মনস্বিনী সাবিত্রী যমলোক পর্যান্ত সত্যবানের অনুগমন করিয়াছিলেন। হে কল্যাণি! তুমিও এই সকল পতিব্রতীগণের ন্যায় সর্বগুণসম্পন্ন; অতএব আর অত্যাগ কাল অপেক্ষা কর; অর্ধ মাসমাত্র অবশিষ্ট আছে; ত্রয়োদশ বর্ষ পরিপূর্ণ হইলে তুমি রাজমহিষী হইবে।

দ্রৌপদী কহিলেন, নাথ! আমি রাজ্যেরে তিরস্কার করিতেছি না, ছবিবহু হুঃখ নিতান্ত কাতর হইয়াছি বলিয়াই আমার নয়নযুগল হইতে অশ্রুধারা বিগলিত হইতেছে। এক্ষণে আর অতীত বিষয়ের আলোচনা করিয়া কি হইবে? কর্তব্য বিষয়ে চেষ্টাবান্ হও। রাজা বিরাট পাছে আমার নিমিত্ত চলচ্চিত্ত হন, পাছে আমার সৌন্দর্য্য দর্শনে স্তূদেষ্ণার সৌন্দর্য্য অনাদৃত হয়; এই আশঙ্কায় রাজমহিষী কিরূপে আমায়ে স্থানান্তরিত করিবেন, প্রতিনিয়তই সেই চিন্তা করেন। দুরাঅ্য কীচক রাজমহিষীর এই প্রকার অভিপ্রায় জানিয়া সতত আমায়ে প্রার্থনা করে, আমি তাহাতে প্রথমে ক্রোধান্বিত হই; পুনরায় ক্রোধাবেগ সংবরণ করিয়া এই কথা বলি, কামান্ন কীচক! আত্মরক্ষা কর। আমি পাঁচ জন গন্ধর্কের প্রিয়তমা মহিষী; তাঁহারা সকলেই শৌর্য্যশালী ও সাহসী; কুপিত হইলে অবশ্যই তোমার প্রাণ সংহার করিবেন। দুরাঅ্য কীচক আমার বাক্য শ্রবণ করিয়া এই উত্তর করে, সৈরিন্দি! আমি গন্ধর্কগণকে ভয় করি না; শত লক্ষ গন্ধর্ক সমাগত হইলেও তাহাদিগকে সমরশায়ী করিব। আমি প্রত্যুত্তর করি, কীচক! তুমি যশস্বী গন্ধর্কগণের সমকক্ষ নও, আমি ধর্মপরায়ণা কুলকামিনী, কাহারও প্রাণ সংহার করা আমার অভিপ্রেত নহে; এই নিমিত্তই অদ্যাপি জীবিত রহিয়াছি। কীচক এই কথা শ্রবণ করিয়া উচ্চৈঃস্বরে হাস্য করে।

একদা স্তূদেষ্ণা ভ্রাতার প্রীতি কামনায় তাহার আদেশানুসারে সুরানয়নের নিমিত্ত আমায়ে কীচকের আশ্রয়ে প্রেরণ করিয়াছিল। আমি তদনুসারে কীচকের ভবনে গমন করিলে সেই দুরাঅ্য প্রথমত আমায়ে মান্যনা করিতে প্রবৃত্ত হইল। তৎপরে বল প্রকাশ করিতে সমুৎসুক হইলে, আমি

তাঁহার সংকল্প অবগত হইয়া ক্রতপদ সঞ্চা-  
রে রাজার শরণাপন্ন হইলাম । কিন্তু ছুরাআ  
সুতপুত্র রাজার সমক্ষেই আমারে ভূমিসাৎ  
করিয়া পদাঘাত করিল । বিরাট, কঙ্ক, রথী,  
পীঠমর্দ, গজারোহী ও নাগরিক প্রভৃতি  
ভুরি ভুরি লোক তাহা দর্শন করিতে লাগিল ।  
আমি তৎকালে বিরাট ও কঙ্ককে পুনঃ পুনঃ  
তিরস্কার করিলাম ; তথাপি বিরাটরাজ  
তাঁহারে নিবারণ বা শাসন করিলেন না ।

ছুরাআ কীচক ধর্মভ্রষ্ট, নৃশংস ও বীর্যাত্তি-  
মানী । ঐ ছুরাআ নিতান্ত ক্লিষ্ট রোহুদ্যমান  
জনগণের নিকটও ধন গ্রহণ করিয়া থাকে ।  
আমি ঐ কামান্ন ছুর্বিনীত পাপাআরে বারং-  
বার প্রত্যাখ্যান করিয়াছি ; এক্ষণে যদি সা-  
ক্ষাৎ হইলেই আমারে আঘাত করে, তাহা  
হইলে নিশ্চয়ই আমার প্রাণ বিয়োগ হইবে ।  
অতএব যদি তোমরা পূর্বকৃত প্রতিজ্ঞার  
অনুরোধ রক্ষা কর, তাহা হইলে তোমা-  
দিগের ভার্য্যারে রক্ষা করিতে পারিবে না ;  
তন্নিবন্ধন তোমাদের মহান্ অধর্ম হইবে ।  
বিশেষত ভার্য্যারে রক্ষা করিতে পারিলেই  
পুত্রকে রক্ষা করা হয় ; এবং পুত্র রক্ষিত  
হইলে আত্মাও রক্ষিত হয়, কারণ আত্মাই  
ভার্য্যার গর্ভে জন্ম গ্রহণ করে ; এই নিমিত্ত  
পণ্ডিতগণ ভার্য্যারে জায়া বলিয়া নির্দেশ  
করিয়াছেন আর ভার্য্যা ভর্তা তাঁহার গর্ভে  
জন্ম গ্রহণ করিবেন বলিয়া সতত সাব-  
ধানে তাঁহারে রক্ষা করে । বর্ণধর্ম বর্ণনা  
কালে ব্রাহ্মণগণের নিকটে অবগণ করিয়াছি  
যে, অরাতিগণের প্রাণ সংহার তিন্ন ক্ষত্রিয়-  
গণের অন্য ধর্ম নাই ।

দেখ, কীচক তোমার ও ধর্মরাজের  
সমক্ষে আমারে পদাঘাত করিল । পূর্বে  
তুমিই আমারে ভয়ঙ্কর জটাসুর হইতে পরি-  
ত্রাণ করিয়াছিলে এবং তুমিই ভ্রাতৃগণের  
সমভিব্যাহারে অরুণধকে পরাজয় করিয়া-  
ছিলে ; এক্ষণে আমার অবমত্তা পাপাআ

কীচককেও সংহার কর । ঐ ছুরাআ রাজার  
প্রজ্ঞার পাইয়া আমারে শোকাকুল করিতেছে ।  
ঐ পাপাআ আমার অনর্থপাতের হেতু । যদি  
ঐ ছুরাআ সূর্য্যোদয় পর্য্যন্ত জীবিত থাকে,  
তাহা হইলে বিষ পান করিয়া প্রাণ ত্যাগ  
করিব । কীচকের বশীভূত হওয়া অপেক্ষা  
তোমার সমক্ষে প্রাণ ত্যাগ করা আমার  
পক্ষে শ্রেয়ঃ । ক্রপদনন্দিনী এই কথা কহিয়া  
ভীমসেনের বক্ষঃস্থলে শয়ন করিয়া রোদন  
করিতে লাগিলেন ।

তখন ভীমসেন প্রিয়তমারে আশ্রিত  
ও তাঁহার মুখমণ্ডলের অশ্রু মার্জ্জন করিয়া  
আশ্বাস বাক্যে তাঁহারে সাহসনা করিতে  
লাগিলেন ; এবং কীচককে লক্ষ্য করিয়া  
কোপ প্রদর্শনপূর্বক স্বক্লেষ পরিলেহন  
করত বলিতে লাগিলেন ।

দ্বাবিংশতিতম অধ্যায় ।

ভীম কহিলেন, হে যাজ্ঞসেনি ! তুমি  
যাহা কহিলে, আমি তদনুষ্ঠানে সম্মত আছি ।  
অদ্য নিশ্চয়ই আমি কীচককে সবাক্রবে  
শমনসদনে প্রেরণ করিব । তুমি সমুদায়  
শোক সস্তাপ পরিত্যাগপূর্বক কল্যাণ কীচকের  
সহিত সঙ্কত করিবে । বিরাটরাজ এক  
নৃত্যশালা প্রস্তুত করিয়াছেন ; তথায় কন্যা-  
গণ দিবাতাগে নৃত্য করিয়া রাত্রি কালে  
স্ব স্ব গৃহে গমন করিয়া থাকে । সেই স্থানে  
রমণীয় এক শয্যা প্রস্তুত আছে ; ছুরাআ  
কীচক যেন প্রদোষসময়ে ঐ নৃত্যশালার  
উপস্থিত হয় ; আমি তথায় উহারে সংহার  
করিব, সন্দেহ নাই । ঐ ছুরাআ যখন তোমার  
সুহিত আলাপ করিবে, তৎকালে কেহ যেন  
তাঁহার বিম্ভু বিসর্গও জানিতে না পারে ।

তাঁহার পুরস্কার এই রূপ কথোপকথনা-  
নন্তর একান্ত দুঃখিত মনে পুরস্কার রূপে মো-  
ক্ষপূর্বক প্রত্যত কাল প্রতীক্ষা করিতে  
লাগিলেন । কিয়ৎকণ পরে ক্রপদনন্দিনী

যীর আবাসে প্রস্থান করিলেন। রজনী প্রভাত হইবামাত্র ছুরায়া কীচক শয্যা হইতে গাত্রো-  
থানপূর্বক রাজভবনে গমন করিয়া দ্রৌপ-  
দীকে কহিল, হে সুষ্রোণি! আমি ভূপালের  
সমক্ষেই তোমারে পদাঘাত করিয়াছিলাম,  
তিনি তোমার রক্ষা করিতে পারিলেন না।  
বিরাটরাজ মৎস্য দেশের নামমাত্র রাজা,  
কিন্তু বস্ত্রত আমিই এস্থানের নৃপতি ও  
সেনাপতি। হে ভীক! তুমি আমার প্রণ-  
য়িনী হও, আমি বাবঙ্কীবন তোমার দাস  
হইয়া থাকিব। আমি এই মুহূর্তেই তোমা-  
রে এক শত নিষ্ক এবং তৎসংখ্যক দাসী  
দাস ও অশ্বতরীযুক্ত রথ প্রদান করিতেছি;  
আমারে ভজনা কর।

দ্রৌপদী কহিলেন, হে কীচক! আমি  
তোমার মনোরথ পরিপূর্ণ করিতে সম্মত  
আছি; কিন্তু তোমার ভ্রাতা বা অন্যান্য  
বন্ধুগণ কেহই যেন এই বিষয় জ্ঞাত হইতে  
না পারে; কারণ পাছে সেই যশস্বী গন্ধর্ষ-  
গণের অযশ হয়, এই ভয়ে আমি সাতিশর  
ভীত হইতেছি। অতএব যদি তুমি গোপনে  
আনার সহিত সঙ্কত হও, তাহা হইলে আমি  
তোমার প্রার্থনা পূর্ণ করিতে পারি।

কীচক কহিলেন, সুন্দরি! আমি তো-  
মার বাক্যানুক্রম কার্য করিতে সম্মত আছি।  
আমি তোমার সমাগম লাভের নিমিত্ত  
একাকীই ত্বদীয় নিষ্কর্জন আলায়ে গমন করিব।  
সেই সূর্যাসঙ্কাস গন্ধর্ষগণ তোমার এই  
বিষয়ের বিন্দু বিসর্গও জানিতে পারিবেন  
না। তখন দ্রৌপদী কহিলেন, বিরাটরাজ  
এক নৃত্যশালা প্রস্তুত করিয়াছেন; তথায়  
কন্যাগণ দিবাভাগে নৃত্য করিয়া রাত্রিকালে  
স্ব স্ব গৃহে গমন করিয়া থাকে। অন্ধকার  
হইলে তুমি তথায় গমন করিবে; তাহা  
হইলে আর কোন দোষেরই অপেক্ষা নাই।

দ্রৌপদী কীচকের সহিত এই রূপ সঙ্কত  
করিয়া সত্বরে তথা হইতে প্রত্যাগমনপূর্বক

ভীমের নিকট সমুদায় বৃত্তান্ত নিবেদন করি-  
তে গমন করিলেন। তৎকালে অর্ধ দিবসুও  
তাঁহার মাস ভূলা বোধ হইতে লাগিল।  
ছুরায়া কীচকও হর্ষোৎফুল্ল লোচনে নিজ  
নিকেতনে প্রতিগমন করিল, কিন্তু সৈরিন্দী  
যে তাহার মৃত্যুস্বরূপ হইয়াছে তাহা কিছু-  
তেই অবগত হইতে পারিল না। পরে অন-  
ঙ্গশরে একান্ত অর্জ্জুরিত হইয়া অবিলম্বে গন্ধ  
মাল্য প্রভৃতি বিহারযোগ্য বেশ ভূষা দ্বারা  
আপনারে অলঙ্কৃত করিতে আরম্ভ করিল।  
তৎকালে সেই আয়তলোচনা দ্রৌপদীকে নির-  
স্তর অনুধ্যান করত তাহার মন এমন চঞ্চল  
হইয়া উঠিল যে, সেই বেশ বিন্যাস কালও  
অতি দীর্ঘ বলিয়া বোধ হইতে লাগিল। যেমন  
দশাদহনোন্মুখ দীপশিখা নির্বাণ কালে  
সমধিক সমুজ্জ্বল হইয়া উঠে; তদ্রূপ কীচকও  
অচিরাৎ কলেবর পরিত্যাগপূর্বক ত্রীভ্রম  
হইবে বলিয়া তৎকালে সাতিশর শোভ-  
মান হইতে লাগিল। ঐ ছুরায়া দ্রৌপদীর  
বাক্যে বিশ্বাস করিয়া তদীয় চিন্তায় একপ  
নিমগ্ন হইয়াছিল যে, কিরূপে দিবাবসান  
হইল, কিছুই জানিতে পারিল না।

এ দিকে দ্রৌপদী মহানসে ভীমসেনের  
সমীপে সমুপস্থিত হইয়া কহিলেন, হে ভীম!  
আমি তোমার বচনানুসারে কীচককে নৃত্য-  
শালায় আগমন করিতে সঙ্কত করিয়াছি।  
সেই গৃহ লোকশূন্য; সে শীঘ্রই তথায়  
গমন করিবে। অতএব তুমি নিশাকালে  
একাকী তাহারে বিনাশ করিবার নিমিত্ত  
প্রস্তুত হও। ঐ পাপায়া অহঙ্কারপরতন্ত্র  
হইয়া গন্ধর্ষগণের অবমাননা করিয়াছে;  
অতএব তুমি সহরে নৃত্যশালায় প্রবেশ-  
পূর্বক তাহার প্রাণ সংহার করিয়া আমার  
অবিরল বিগলিত নয়নজল মার্জন, কুলের  
মান রক্ষা ও আপনার শ্রেয় সাধন কর।

ভীমসেন কহিলেন, হে ভীক! তুমি  
যখন আমারে প্রিয় সম্বাদ প্রদান করিতেছ,



তখন অবশ্যই স্বহৃদে আগমন করিয়াছ, সন্দেহ নাই। আমি পূর্বে হিড়িম্বকে বধ করিয়া যেকপ প্রীতি লাভ করিয়াছিলাম; এক্ষণে তোমার মুখে এই প্রিয় সংবাদ শ্রবণ করিয়া ততোধিক সন্তুষ্ট হইলাম। আমি সত্য, ভ্রাতৃগণ ও ধর্মের শপথ করিয়া কহিতেছি, যেমন দেবরাজ রুদ্রাসুরকে সংহার করিয়াছিলেন; সেই রূপ আমি অন্যসাহায্যানিরপেক্ষ হইয়া কীচককে নিহত ও পোখিত করিব। যদি অত্রত্য লোকে কীচকবধে জাতকোপ হইয়া আমার সহিত যুদ্ধ করিতে সমুদ্যত হয়, তাহা হইলে আমি তাহাদিগের বধ সাধনেও পরাজিত হইব না। তৎপরে দুর্ঘোষনকে বিনাশ করিয়া এই সঙ্গার বসুন্ধরা অধিকার করিব। আমি কদাচ ধর্মরাজের অনুরোধ রক্ষা করিব না; তিনি এক্ষণে শ্বেচ্ছানুসারে বিরাটরাজের উপাসনা করুন।

দ্রৌপদী কহিলেন, হে ভীম! তুমি প্রচ্ছন্ন ভাবে দুরাশ্রয় কীচককে বিনাশ করিবে; দেখিও যেন আমার নিমিত্ত তোমাতে সত্যভ্রষ্ট হইতে না হয়। ভীমসেন কহিলেন, প্রিয়ে! তুমি যাহা কহিলে, আমি তদনুরূপ কার্য্যানুষ্ঠানে সম্মত আছি। আমি গাঢ় তিমিরে প্রচ্ছন্ন হইয়া অদ্যই কীচককে সবাঙ্কবেশমনসদনে প্রেরণ করিব। ঐ দুরাশ্রয় বারংবার তোমাতে প্রার্থনা ও তোমার অবমাননা করিয়াছে; অদ্য তাহার প্রতিফল প্রাপ্ত হইবে। গজরাজ যেমন নিম্বকল গ্রহণ করে, তক্রূপ আমি তাহার মস্তক আক্রমণপূর্বক ভূগর্ভে পোখিত করিব। ভীমপরাক্রম ভীমসেন এই বলিয়া নিশাকালে নৃত্যশালার গমনপূর্বক প্রচ্ছন্ন ভাবে উপবেশন করত সিংহ যেমন মৃগের আকাজকা করিয়া থাকে, তক্রূপ কীচকের আগমন প্রতীক্ষা করিতে লাগিলেন।

কিরংকণ পরে ছবুজি কীচক কামি-

জনোচিত অলঙ্কারে অলঙ্কৃত হইয়া দ্রৌপদী লাভ প্রত্যাশায় সেই অন্ধ ভ্রমসাক্ষর সঙ্কেত স্থানে প্রবেশ করিল। ভীমসেন ইতিপূর্বে তথায় আগমনপূর্বক একান্তে শয়ান ছিলেন। দ্রৌপদীপরাতন্ব নিবন্ধন তাঁহার কলেবর কোণে কল্পিত হইতেছিল। দুরাশ্রয় কীচক একান্ত কামমোহিত হইয়া হৃষ্ট মনে দ্রৌপদী বোধে রুকোদরকে আলিঙ্গনপূর্বক হাস্য মুখে কহিতে লাগিল প্রিয়ে! আমি তোমার নিমিত্ত অসংখ্য ধন প্রেরণ করিয়াছি এবং দাসীশতপরিবৃত্ত রূপলাবণ্যসম্পন্ন যুবতীগণে অলঙ্কৃত অন্তঃপুর পরিত্যাগপূর্বক সত্বরে তোমার নিকট আগমন করিতেছি। আমার অন্তঃপুরচারিণী রমণীগণ সতত এই বলিয়া আমার প্রশংসা করে যে, তোমার তুল্য প্রিয়দর্শন পুরুষ এই ভূমণ্ডলে আর দৃষ্টিগোচর হয় না। তখন ভীমসেন কহিলেন, হে কীচক! আমার পরম সৌভাগ্য যে, তুমি অসামান্য রূপসম্পন্ন হইয়া আশ্রয়প্রার্থনা করিতেছ। ফলত তোমা অপেক্ষা স্ত্রীলোকের প্রীতিকর পুরুষ আর দৃষ্টিগোচর হয় না। তুমিও ঐদৃশ স্পর্শসুখ কদাচ অনুভব কর নাই। আহা! তোমার কি চমৎকার স্পর্শজ্ঞান! কি রসিকতা! কি কামশাস্ত্রে বিচক্ষণতা!

ভীমপরাক্রম ভীমসেন এই কথা বলিয়া সহসা গাত্রোপাধানপূর্বক সহাস্য বদনে কহিলেন, রে দুরাশ্রয়! সিংহ যেমন পর্বতপ্রাতিম মহাগজকে অনায়াসে আক্রমণ করে, সেই রূপ আমি তোমার ভগিনীর সমক্ষেই তোমাকে ভূতলে বিকর্ষণ করিব। তুই নিহত হইলে সৈরিন্দ্রী নিরাপদ ও তাঁহার পতিগণ পরম সুখী হইয়া স্বহৃদে কাল যাপন করিবেন। মহাবল পরাক্রান্ত রুকোদর এই কথা বলিয়া কীচকের কেশ গ্রহণ করিলেন। কীচকও বাহুবলে অতি বেগে স্বীয় কেশ বিমুক্ত করিয়া তাঁহার বাহুযুগল আক্রমণ

করিল। এই রূপে উভয়ে ক্রোধপরবশ হইয়া ভয়ানক বাহুবুদ্ধে প্ররুত হইলেন। যেমন বসন্ত কালে বলবিক্রান্ত দ্বিরদযুগল করিণীর নিমিত্ত উন্নত হইয়া বৃদ্ধ করে; যেমন কপিকুলসিংহ বালী ও সুগ্রীব পত্নীর নিমিত্ত একান্ত ক্রোধাক্রান্ত হইয়া ছুরন্ত সমরসাগরে অবগাহন করিয়াছিলেন; সেই রূপ রৌব-বিষোদ্ধত ভীম ও কীচক পরস্পর জিগীষা-পরবশ হইয়া প্রচণ্ড সমরানল প্রজ্বলিত করিলেন। উভয়ে পঞ্চশীর্ষ ভুজগনদৃশ ভীষণ ভুজদণ্ড সমুদ্যত করিয়া পরস্পর নখাঘাত ও দস্তাঘাত করিতে লাগিলেন। মহাবল পরাক্রান্ত কীচক ভীমকে অত্যন্ত আঘাত করিল, কিন্তু স্থিরপ্রতিজ্ঞ বৃকোদর এক পদও বিচলিত হইলেন না। তাঁহার পরস্পর আগ্রহ ও আকর্ষণ প্রকর্ষণপূর্বক যুদ্ধ করত প্ররুদ্ধ বৃষভদ্বয়ের ন্যায় এবং নখ ও দস্ত প্রহার করত ভীষণমূর্তি ব্যাভ্রযুগলের ন্যায় শোভা পাইতে লাগিলেন। পরে অমর্ষপ্রদীপ্ত কীচক, মদস্রাবী মাতক যেমন অন্য মাতককে আক্রমণ করে; তক্রপ বেগে ধাবমান হইয়া বাহু দ্বা রা ভীমসেনকে আক্রমণ করিল। মহাবল ভীমসেনও তাহারে প্রত্যাক্রমণ করিলেন। কীচক পুনরায় বলপূর্বক তাঁহারে নিক্ষেপ করিল। তৎকালে সেই পুরুষদ্বয়ের ভুজনিষ্পেধে বেগু-বিন্ধোটনদৃশ ঘোতরতর শব্দ সমুৎপিত হইতে লাগিল।

অনন্তর মহাবীর বৃকোদর কীচককে গৃহমধ্যে আকর্ষণপূর্বক প্রচণ্ড বায়ু যেমন প্রকাশ মহীরূহকে আন্দোলিত করে; তক্রপ তাহারে সঞ্চালিত করিতে লাগিলেন। কীচক ভীমের সাক্ষর্ষণে নিতান্ত দুর্বল ও কম্পিত-কলেবর হইয়া প্রাণপণে তাঁহারে আকর্ষণ করিতে লাগিল। ভীম ক্রোধবশত ঈষদ্বিচলিত হইবামাত্র কীচক আনু প্রহার দ্বারা তাঁহারে কৃতলেপাতিত করিল। ভীমসেন

তৎক্ষণাৎ তাহাতে কিঞ্চিৎমাত্র ব্যথিত না হইয়া দণ্ডপাণি কৃতান্তের ন্যায় পুনরুৎপিত হইলেন।

বলদৃপ্ত ভীমসেন ও কীচক এই রূপ পরস্পর স্পর্ধা প্রকাশ ও তর্জন গর্জনপূর্বক নিশীথ সময়ে সেই বিজন স্থলে পরিকর্ষণ করাতে সমুদায় গৃহ মুহুমুহু কম্পিত হইতে লাগিল। তখন ভীমসেন ক্রোধভরে কীচকের বক্ষঃস্থলে এমন চপেটাঘাত করিলেন যে, সে তৎক্ষণাৎ ভূতলে নিপতিত হইল। ক্রোধানলে তাহার অন্তর্দহ হইতে লাগিল, কিন্তু উঠিবার সামর্থ্য হইল না। ভীমসেন ছুরায়া কীচককে দুঃসহ চপেটাঘাতে নিতান্ত হীনবল ও বিচেতন প্রায় দেখিয়া তাহারে নিকটে আনয়নপূর্বক দৃঢ়তর মর্দন করিতে লাগিলেন এবং পুনরায় নিশ্বাস পরিত্যাগপূর্বক তাহার কেশাকর্ষণ করিয়া পিশিতাকাক্সী শাদূল যেমন মৃগ গ্রহণপূর্বক চীৎকার করে; তক্রপ ভীষণ ধনি করিতে লাগিলেন।

অনন্তর বৃকোদর কীচককে নিতান্ত প্রাস্ত দেখিয়া তাহারে ঘৃণিত করিতে লাগিলেন। ছুরায়া কীচকসাতিশয় ব্যথিত হইয়া উচ্চৈঃস্বরে চীৎকার ও ঘন ঘন নিশ্বাস ত্যাগ করিতে লাগিল এবং বিসংজ্ঞ হইয়া পড়িল। তখন ভীমসেন দ্রৌপদীর ক্রোধানল নির্মাণ করিবার নিমিত্ত সত্বরে বাহু দ্বারা তাহার কণ্ঠ গ্রহণপূর্বক দৃঢ়তর নিপীড়ন করিতে লাগিলেন। এই রূপে ঐ ছুরায়া সর্বাদ্রবণ ও চক্ষুবিদ্ধ হইলে ভীম আনু দ্বারা তাহার কোটিদেশ আক্রমণপূর্বক বাহু দ্বারা তাহারে নিপীড়িত করত পশুর ন্যায় সংহার করিলেন।

কীচক পঞ্চম প্রাণ হইলে ভীমসেন তাহার মৃতদেহ ভূতলে সংঘটন করত কহিলেন, হে সৈরিন্দি! অন্য আমি ভার্যাপহারী ছুরায়া কীচকের প্রাণ সংহার করিয়া

ভ্রাতার নিকট স্তম্ভী হইলাম ; অন্য আমুর পরম শাস্তি লাভ হইল । রোষারূপ-নেত্র ভীমসেন এই কথা বলিয়া স্বলিতবস্ত্রাভরণ, উদ্ভাসনেত্র ও গতজীবিত কীচককে পরিত্যাগ করিলেন । তখনও তাঁহার ক্রোধের শাস্তি হয় নাই । তিনি পুনরায় হস্তে হস্ত নিষ্পেষণ ও ওষ্ঠ দংশনপূর্বক তাহার হস্ত, পাদ, গ্রীবা ও মস্তক শরীর মধ্যে প্রবেশিত করিলেন । পরে দ্রৌপদীকে আস্থানপূর্বক কহিলেন, পাঞ্চালি ! দেখ, সেই কাশ্মুকের কিরূপ ছুর্দশা হইয়াছে । এই কথা বলিয়া সেই মথিতসর্বাঙ্গ মাংসপিণ্ডাকার কীচকের মৃত দেহে এক পদাঘাত করিলেন এবং অগ্নি প্রজ্বালনপূর্বক ঐ মৃত কলেবর দ্রৌপদীকে দর্শন করাইয়া কহিলেন, হে ভীরু ! যাহারা তোমারে কামনা করিবে, তাহারা কীচকের ন্যায় পঞ্চদ্ব প্রাপ্ত হইবে, সন্দেহ নাই । মহাবল পরাক্রান্ত ভীমসেন এই রূপে দ্রৌপদীর হিত সাধনার্থে কীচক-বিনাশরূপ অতি ছুঙ্কর কর্ম সম্পাদনানন্তর শাস্তিচিন্তে প্রণয়িনীর নিকট বিদায়গ্রহণপূর্বক সত্বরে মহানসে আগমন করিলেন ।

দ্রৌপদী এই প্রকারে কীচককে নিহত করাইয়া বিগতসম্ভাপ ও পরম পরিতুষ্ট হইয়া সভাপালদিগকে কহিলেন, হে সভাসম্ভাগ ! আপনারা আগমন করিয়া দেখুন, পরস্মিকামবিমোহিত ছুরাঙ্গা কীচক আমার পতিগণ কর্তৃক নিহত হইয়া ভূতলে শয়ান রহিয়াছে ।

তখন নৃত্যশালারক্ষকগণ তাঁহার বাক্য শ্রবণ করিয়া সহস্র সহস্র উল্কা গ্রহণপূর্বক সহসা তথায় আগমন করিল এবং সেই গৃহাত্যন্তরে প্রবেশপূর্বক হস্তপদ বিহীন, রক্তাস্তকলেবর, গতাস্ত কীচককে নগ্ননগোচর করিয়া সাতিশয় ব্যথিত ও বিশ্বয়াবিষ্ট হইয়া কহিল, কি আশ্চর্য ব্যাপার ! ইহার গ্রীবা কোথায়, হস্ত পাদ ও মস্তকই বা কোথায়

গেল ! তাহারা এই কথা বলিয়া কীচকের মৃত দেহ পরীক্ষা করিতে লাগিল ।

ত্রয়োবিংশতিতম অধ্যায় ।

বৈশম্পায়ন কহিলেন, মহারাজ ! ইত্যবসরে কীচকের বন্ধুগণ তথায় সমুপস্থিত হইয়া তাহার চতুর্দিকে উপবেশনপূর্বক রোদন করিতে লাগিল । তাহারা, স্থলে সমুচ্ছত কুর্মেয় ন্যায় সস্তিম্বকলেবর কীচককে নিরীক্ষণ করিয়া একান্ত ভীত ও যোমাঞ্চিত হইল । অনন্তর তাহার ঔর্জদেহিক ক্রিয়াকলাপ নির্বাহ করিবার নিমিত্ত তদীয় মৃত দেহে বহির্দেশে নিষ্কাশিত করিবার উপক্রম করিতেছেন, এই অবসরে উপকীচকেরা অনতি দূরে দ্রৌপদীকে অবলোকন করিল ।

তখন তাহারা সমাগত অন্যান্য ব্যক্তিদিগকে কহিল, হে বান্ধবগণ ! যাহার নিমিত্ত আমরাদিগের কীচক বিনষ্ট হইয়াছেন ; ঐ দেখ, সেই অসতী স্তম্ভ আলিঙ্গনপূর্বক দণ্ডায়মান রহিয়াছে । উহারে শীঘ্র বিনষ্ট কর । অথবা এক্ষণে উহারে সংহার করিবার আবশ্যক নাই ; কামী কীচকের সহিত উহার কলেবর ভক্ষণসাৎ করা উচিত ; কারণ লোকান্তরেও কীচকের প্রিয়ানুষ্ঠান করা আমাদের কৰ্ত্তব্য । এই বলিয়া তাহারা বিরাটের নিকট সমুপস্থিত হইয়া কহিল, মহারাজ ! পাণ্ডীয়নী সৈরিকীর নিমিত্তই আমরাদিগের কীচক বিনষ্ট হইয়াছেন ; অতএব আমরা উহারে তাঁহার সহিত দক্ষ করিব ; আপনি অনুমতি প্রদান করুন । বিরাটরাজ উপকীচকগণের বলবিক্রম বিশেষরূপে অবগত ছিলেন, স্তবরাং তাহাদের বাক্য শ্রবণ মাত্র অতিমাত্র ভীত হইয়া তদ্বিষয়ে অনুমোদন করিলেন ।

তখন উপকীচকেরা দ্রৌপদীর সম্মুখীন হইয়া তাঁহারে বলপূর্বক গ্রহণ ও বন্ধন করত কীচকের মৃত দেহোপরি আরোপিত করিয়া

শ্মশানাভিমুখে গমন করিতে লাগিল। দ্রৌপদী প্রাণভয়ে নিতান্ত ব্যাকুল হইয়া শরণ লইবার নিমিত্ত করুণ স্বরে কহিতে লাগিলেন, জয়, জয়ন্ত, বিজয়, জয়ৎসেন ও জয়দ্বল ইহারা এক্ষণে আমার কথায় কর্ণপাত করুন। সূতপুত্রেরা আমারে শ্মশানে লইয়া যাইতেছে। রণস্থলে যাহাদিগের বজ্রনির্ঘোষ সদৃশ ধনুষ্টিঙ্কার, তলবারধ্বনি ও ভয়ঙ্কর রথ-বর্ষরশব্দ শ্রুত হইত, সেই সকল গন্ধর্বাগণ এক্ষণে আমার কথায় কর্ণপাত করুন। সূতপুত্রেরা আমারে শ্মশানে লইয়া যাইতেছে।

তখন ভীমসেন দ্রৌপদীর এই কুপ করুণ বিলাপ শ্রবণ করিবামাত্র সত্বরে শয্যা হইতে গাত্রোথানপূর্বক কহিলেন, হে সৈরিন্দ্র! তোমার বাক্য আমার কর্ণকুহরে প্রবিষ্ট হইয়াছে; এক্ষণে আর তোমার কোন শঙ্কা নাই। এই বলিয়া ভীমসেন সমস্ত উপকীচক সংহারার্থ প্রস্তুত হইয়া বেশ পরিবর্তন করিলেন। পরে নির্গমন দ্বার পরিহারপূর্বক অন্যান্যস্থ দিয়া বহিঃপ্রদেশে নিষ্কান্ত হইলেন এবং সত্বরে নগরপ্রাকার উল্লঙ্ঘনপূর্বক দ্রুত পদ সঞ্চারে শ্মশানাভিমুখে ধাবমান হইতে লাগিলেন।

তিনি কিয়ৎক্ষণ পরে, শ্মশানভূমিসমীপে সূতপুত্রগণের নিকট সমুপস্থিত হইলেন। তথায় দশ ব্যাম আয়ত তালপ্রমাণ এক বনস্পতি নিরীক্ষণ করিয়া তৎক্ষণাৎ মত্ত মাতঙ্গের ন্যায় ভুজদণ্ড দ্বারা তাহা উৎপাটনপূর্বক উদ্যতদণ্ড সাক্ষাৎ কৃতান্তের ন্যায় সূতপুত্রদিগের প্রতি ধাবমান হইলেন। তাহার গমনবেগে ম্যাগ্রোধ, অশ্বখ ও কিংশুক প্রভৃতি বৃক্ষ সকল অনবরত ভূতলে নিপতিত হইতে লাগিল।

তখন ভীমসেন ক্রমে সূতপুত্রগণের দৃষ্টিপথে নিপতিত হইলেন। তাহার কুপিত সিংহসদৃশ বৃক্কদরকে গন্ধর্বা জ্ঞান করিয়া

বিষাদসাগরে নিমগ্ন ও প্রাণভয়ে নিতান্ত ভীত হইয়া পরস্পর কহিতে লাগিল, ঐ দেখ, মহাবল পরাক্রান্ত গন্ধর্বা ক্রোধভরে পাদপ উদ্যত করত আগমন করিতেছেন; অতএব যাহার নিমিত্ত আমরাদিগের এই ভয় উপস্থিত হইয়াছে, সেই সৈরিন্দ্রীকে শীঘ্র পরিত্যাগ কর। এই বলিয়া তাহারা দ্রৌপদীরে পরিত্যাগপূর্বক নগরাভিমুখে ধাবমান হইল। তখন পবনতনয় ভীমসেন সূতপুত্রদিগকে ধাবমান দেখিয়া ক্রোধভরে বৃক্ষ প্রহার করত দেবরাজ যেমন অসুরগণকে নিপাত করেন; তক্রূপ সেই এক শতপঞ্চ জন উপকীচককে সংহার করিলেন।

পরে ভীমসেন বাম্পাকুললোচনা দীনা দ্রৌপদীরে বন্ধনমুক্ত করিয়া অশ্বাস প্রদানপূর্বক কহিলেন, প্রিয়ে! যাহারা নিরপরাধে তোমারে ক্রেশ প্রদান করিবে, আমি অবশ্যই এই রূপে তাহাদিগকে সংহার করিব। এক্ষণে তোমার আর কোন শঙ্কা নাই; তুমি পরম স্নেহে নগরাভিমুখে গমন কর; আমি অন্য পথ অবলম্বনপূর্বক বিরাটরাজের মহানসে প্রবেশ করিব।

হে মহারাজ! এই রূপে এক শত ও পঞ্চ কীচক বিনষ্ট হইয়া ছিন্ন পাদপের ন্যায় ধরাশয্যায় গমন করিয়া রহিল। এক শত পঞ্চ জন উপকীচক ও সেনাপতি কীচক এই ষড়ধিক এক শত মহাবির ভীমসেনের হস্তে পঞ্চত্র প্রাপ্ত হইল। তত্রত্য সমুদায় নর ও নারীগণ এই আশ্চর্য্য ব্যাপার প্রত্যক্ষ করিয়া নিতান্ত বিস্মিত হইয়া রহিল; কাহারও আর বাক্য স্ফুর্ভি হইল না।

চতুর্বিংশতিতম অধ্যায়।

বৈশম্পায়ন কহিলেন, যে সকল লোকে সূতপুত্রগণকে নিহত হইতে দর্শন করিয়াছিল, তাহারা মৎস্যরাজের সম্মিথানে গমন করিয়া কহিল, মহারাজ! গন্ধর্বাগণ মহা-

বল পরাক্রান্ত স্মৃতপুত্রদিগকে সংহার করি-  
য়াছে । যেমন প্রকাণ্ড পর্বতশিখর বজ্র-  
পাতে বিদীর্ণ ও ইতস্তত বিক্ষিপ্ত হইয়া পড়ে ;  
তক্রূপ স্মৃতগণও ধরাশয়্যায় শয়ান রহিয়াছে ।  
সৈরিন্দ্রী বন্ধনযুক্ত হইয়া পুনরায় মহারা-  
জের গৃহে আগমন করিতেছে । হে মহা-  
রাজ ! সৈরিন্দ্রী যেকপ রূপবতী, গন্ধর্ভগণ  
যেকপ পরাক্রান্ত এবং কামিনীগণ পুরুষের  
যেকপ অভিলষণীয়, তাহাতে বোধ হয়,  
এবার আপনার সমুদায় নগর সংশয়াপন্ন  
হইবে । অতএব যাহাতে বিরাট নগরের  
উচ্ছেদ না হয়, তাদৃশ নীতি বিধান করুন ।

মৎস্যরাজ তাহাদিগের বাক্য শ্রবণানন্তর  
কহিলেন, তোমরা সম্বরে স্মৃতগণের চরম  
ক্রিয়া সমাধান কর ; একমাত্র সুসমিদ্ধ  
ছতাশনে সমুদায় কীচকগণকে সরস্র ও সচ-  
ন্দন করিয়া দাহ করিবে । তৎপরে সাতিশয়  
সম্ভ্রস্ত চিত্তে স্নদেষ্কারে কহিলেন, প্রিয়ে !  
সৈরিন্দ্রী আগমন করিবামাত্র তুমি আমার  
নিদেশক্রমে তাহারে কহিবে, হে বরবর্গিনি !  
তোমার কল্যাণ হউক, তুমি যথা ইচ্ছা প্রস্থান  
করণ রাজা গন্ধর্ভগণের কার্যে অত্যন্ত ভীত  
হইয়াছেন ; এমন কি, গন্ধর্ভগণ তোমারে  
রক্ষা করেন বলিয়া তিনি স্বয়ং তোমারে  
এই কথা বলিতে সমর্থ হইলেন না । স্ত্রী-  
লোকে তোমার সহিত কথোপকথন করিলে  
গন্ধর্ভগণের মনে কোন সংশয় হইবে না,  
এই জন্য আমি তোমারে কহিতেছি ।

এ দিকে দ্রৌপদী ভীমসেনের প্রতাপে  
স্মৃতপুত্রগণের হস্ত হইতে পরিভ্রাণ পাইয়া  
গাত্র ও বসন প্রক্ষালনপূর্বক শাদ্দুলবি-  
ত্রাসিত হরিণীর ন্যায় নগরাভিমুখে গমন  
করিতে লাগিলেন । পুরুষগণ তাঁহারে নয়ন-  
গোচর করিবামাত্র গন্ধর্ভগণের ভয়ে চতু-  
র্দিগে পলায়ন করিতে আরম্ভ করিল ; কেহ  
কেহ বা নেত্রদ্বয় নিমিলিত করিয়া রহিল ।  
দ্রৌপদী ক্রমে ক্রমে মহানসের দ্বারদেশে উ-

পস্থিত হইলেন । তথায় ভীমসেন মত্ত মাত-  
ঙ্গের ন্যায় অবস্থান করিতেছেন অবলোকন  
করিয়া তাঁহার বিশ্বয়োৎপাদন করত ধীরে  
ধীরে সঙ্কেত বাক্যে কহিলেন, যিনি আমারে  
বিপদে রক্ষা করিয়াছেন, সেই গন্ধর্ভকে  
নমস্কার করি । ভীমও সঙ্কেতক্রমে উত্তর  
করিলেন, গন্ধর্ভগণ যাঁহার বশীভূত হইয়া  
পূর্বাধি এস্থানে অবস্থান করিতেছেন,  
এক্ষণে তাঁহারা তাঁহার বাক্য শ্রবণ করিয়া  
ঋণযুক্ত হইলেন ।

তৎপরে দ্রৌপদী শয়নাগারের নিকট  
দিয়া গমন করিতে লাগিলেন । ঐ সময়  
বিরাটরাজের কন্যাগণ মহাবাহু ধনঞ্জয়ের  
নিকটে নৃত্য শিক্ষা করিতেছিলেন । তাঁহারা  
নিরপরাধিনী সৈরিন্দ্রীরে আগমন করিতে  
দেখিয়া হর্ষোৎফুল্লচিত্তে অর্জুন সমভি-  
ব্যাহারে তথা হইতে নির্গত হইয়া ক্রম্ভ চিত্তে  
কহিলেন, সৈরিন্দ্রি ! তুমি সৌভাগ্যক্রমে  
সঙ্কট হইতে রক্ষা পাইয়া পুনরায় আগমন  
করিয়াছ ; এবং যাহারা তোমারে ক্লেশ প্র-  
দান করিয়াছিল, তাহারাও নিহত হইয়াছে ।

অর্জুন কহিলেন, সৈরিন্দ্রি ! তুমি  
কিকপে বিপদ হইতে মুক্ত হইয়াছ ; এবং কি  
প্রকারে সেই পাপাত্মাগণ বিনষ্ট হইয়াছে,  
ইহা শ্রবণ করিবার নিমিত্ত আমার একান্ত  
বাসনা হইতেছে ।

দ্রৌপদী কহিলেন, কল্যাণি বৃহল্লা !  
তুমি অন্তঃপুরে কন্যাগণের সহিত পরম সুখে  
বাস করিতেছ, বাস কর ; সৈরিন্দ্রীর  
বৃত্তান্ত শ্রবণ করিয়া তোমার কি লাভ হইবে ?  
সৈরিন্দ্রী যে যন্ত্রণা ভোগ করিতেছে, তাহা ত  
তোমার সহ্য করিতে হইতেছে না ; এই নি-  
মিত্তই আমারে নিতান্ত কাতরা দেখিয়াও  
সহায় বদনে জিজ্ঞাসা করিতেছ ।

অর্জুন কহিলেন, সৈরিন্দ্রি ! বৃহল্লা  
তোমার দুঃখে যৎপরোনাস্তি দুঃখ ভোগ  
করিতেছে ; তুমি তাহারে তির্বাণ্যোগ্যনি

পশু পক্ষী বিবেচনা করিও না। যাহারা সতত একত্র বাস করে, তাহাদের অন্যতম দুঃখিত হইলে সকলেই সেই দুঃখ অনুভব করিয়া থাকে; অতএব তুমি দুঃখিত হইলে আমাদের কাহার অন্তঃকরণে দুঃখের উদয় না হয়? কেহ কদাপি কাহারও রূপাত ভাব বুঝিতে পারে না; এই নিমিত্তই তুমি আমার মনের ভাব অনুভব করিতে অসমর্থ হইতেছ।

দ্রৌপদী অর্জুনের সহিত এই রূপ কথোপকথন করিয়া কন্যাগণ সমভিব্যাহারে রাজগৃহে প্রবেশপূর্বক সুদেষ্ণার সম্মিধানে সমুপস্থিত হইলেন। রাজপত্নী তাঁহারে দেখিবারাত্র বিরাটের আদেশক্রমে কহিলেন, সৈরিন্দি! এক্ষণে তোমার যথা ইচ্ছা হয় গমন কর। রাজা গন্ধর্ষগণের কার্যে অত্যন্ত ভীত হইয়াছেন। তুমি অসামান্য রূপবতী যুবতী; পুরুষগণের অন্তঃকরণেও নিতান্ত চঞ্চল; এবং গন্ধর্ষগণও অতি কোপনস্বভাব; অতএব আর তোমার এস্থানে অবস্থান করা কর্তব্য নহে।

দ্রৌপদী কহিলেন, দেবি! মহারাজ আর ত্রয়োদশ দিবসমাত্র আমারে ক্ষমা করুন; গন্ধর্ষগণ ইতিমধ্যেই কৃতকার্য হইবেন, মন্দেহ নাই। তৎপরে তাঁহারা আমারে এস্থল হইতে লইয়া যাইবেন; তাহা হইলে মহারাজ বিরাট ও আপনি সবাঙ্কবে শ্রেয়োলাভ করিবেন, মন্দেহ নাই।

কীচকবধ পর্ব সমাপ্ত।

## গোহরণ পর্বাধ্যায় ।

পঞ্চবিংশতিতম অধ্যায়।

বৈশম্পায়ন কহিলেন, মহারাজ! এই রূপে কীচক ও উদীকীচকগণ বিনষ্ট হইলে

সমুদায় লোক অত্যাহিত শঙ্কার শঙ্কিত ও যৎপরোনাস্তি বিস্ময়াপন্ন হইল। কি বিরাটনগরে কি জনপদের অভ্যন্তরে সূর্যত্রই এই কথার আন্দোলন হইতে লাগিল যে, প্রবল পরাক্রান্ত কীচক শৌর্যপ্রভাবে বিরাটরাজের নিতান্ত প্রিয়তম সৈন্যাধ্যক্ষ ও অরাতিগণের কৃতান্তস্বরূপ হইয়াছিল, এক্ষণে ছবুদ্ধিক্রমে গন্ধর্ষগণের দারাভিমর্ষণ করিয়া তাঁহাদিগের হস্তে বিধস্ত হইল।

ইতিপূর্বে রাজা দুর্যোধন পাণ্ডবগণের অনুসন্ধানার্থ দেশে দেশে চর প্রেরণ করিয়াছিলেন। তাহারা নানা গ্রাম, নগর ও যাক্টে পাণ্ডুতনয়গণকে অন্বেষণ করিয়া এই সময়েই হস্তিনা নগরে দুর্যোধনসমীপে সমুপস্থিত হইল। দেখিল মহারাজ দুর্যোধন, দ্রোণ, কর্ণ, রূপ, মহাত্মা ভীষ্ম, ও মহারথ ত্রিগর্তগণ ভ্রাতৃ সমুদায়ে পরিবৃত্ত হইয়া সভামধ্যে সমাসীন আছেন। তখন তাহারা কৃতাজলিপুটে কহিতে লাগিল, মহারাজ! আমরা অপ্রতিহত যত্ন সহকারে সেই নানাবিধ লতাগুল্ম পাদপসমারূত বিবিধ মৃগসংকীর্ণ ছুরবগাহ অরণ্যানী, গিরিশিখর, ছুর্গ, পাণ্ডবগণাধিষ্ঠিত মহারণ্য এবং অন্যান্য জনপদ, জনাকীর্ণ দেশ, অরাতিগণের রাজধানী সমুদায় তন্ন তন্ন করিয়া অনুসন্ধান করিলাম; কিন্তু দৃঢ়বিক্রম পাণ্ডবগণ যে কোন্ পথে কোথায় প্রস্থান করিয়াছেন, তাহার কিছুমাত্র অবগত হইতে পারিলাম না। একদা পাণ্ডবদিগের সারথিগণকে শূন্য রথ লইয়া দ্বারাবতী নগরীতে গমন করিতে দেখিয়া তাহাদিগের অনুগামিনী হইলাম। কিন্তু তথায় কি পাঞ্চালী, কি পাণ্ডবগণ কাহারও অনুসন্ধান পাইলাম না। তাঁহারা যে কোথায় গমন করিয়াছেন, কোথায় অবস্থিতি করিতেছেন, কোন্ কৰ্ম অবলম্বন করিয়াছেন, তাহার কিছুই অবগত হইতে পারিলাম না। বোধ হয়, তাঁহারা বিনষ্ট হইয়াছেন; অতএব

আপনিই অদ্যাবধি আমাদিগের শাসন করুন। আপনার মঙ্গল হউক। অথবা অসুস্থ হইয়া পুনরায় পাণ্ডবগণের অশ্বে-  
ষণে প্ররক্ত হই।

- মহারাজ! আর একটি প্রিয় সংবাদ প্রদান করি, শ্রবণ করুন। যে মহাবীর জি-  
গর্তগণকে ভূয়োভূয় পরাভূত ও নিহত করি-  
য়াছিল, সেই বিরাটসারথি কীচক ও তাহার  
ভ্রাতৃবর্গ রজনীবোণে অপরিদৃশ্যমান গন্ধ-  
র্কগণ কর্তৃক নিহত হইয়া নিপতিত রহি-  
য়াছে। এক্ষণে এই প্রিয় সংবাদ, শক্রগ-  
ণের পরাভব ও আমাদিগের অনুষ্ঠিত কার্য-  
জাত পর্যালোচনা করিয়া অনন্তর কর্তব্য  
কার্য্যে অভিনিবেশ করুন।

ষড়্বিংশতিতম অধ্যায় ।

বৈশম্পায়ন কহিলেন, মহারাজ! রাজা  
দুর্যোধন দত্তগণের বাক্য শ্রবণানন্তর বহু  
ক্রম নিস্তব্ধভাবে অবস্থান করিলেন। পরি-  
শেষে সভাসদগণকে কহিতে লাগিলেন,  
কার্য্যের গতি কি দুঃস্বপ্ন, কিছুই বোধগম্য  
হয় না; অতএব পাণ্ডবগণ কোন স্থানে  
প্রস্থান করিয়াছে, সকলে অনুধাবন করিয়া  
দেখ। এই তাহাদের অজ্ঞাত বাসের বৎ-  
সর; এই বৎসরের অধিকাংশই অতিক্রান্ত  
হইয়াছে, অল্প কালমাত্র অবশিষ্ট আছে।  
সত্যতত্ত্ব পাণ্ডবগণ এই অবশিষ্ট সময়  
অতিবাহিত করিলেই প্রতিজ্ঞাতার হইতে  
বিমুক্ত হইয়া প্রমত্ত মাতঙ্গের ন্যায় আশি-  
বিষের ন্যায় রোষাবেশে কৌরবগণের প্রতি-  
কূলে দণ্ডায়মান হইবে, সন্দেহ নাই। অত-  
এব সত্বরে এমন কোন অপ্রতিহত প্রতি-  
বিধানের চেষ্টা কর, যাহাতে সেই কালজ্ঞ  
পাণ্ডবগণ পুনরায় দীনবেশে অরণ্যানী প্র-  
বেশ করে এবং আমার রাজ্যও চির কালের  
নিমিত্ত নিঃসন্দ, অনাকুল ও নিঃসপত্ত্ব হয়।

অতঃপর কহিলেন, মহারাজ! আর  
কতকগুলি খুঁট প্রিয়কারী কর্ম্মকুশল বিনীত

লোক হ্রস্ববেশ ধারণ করিয়া সুসমৃদ্ধ জন-  
পদ গোষ্ঠী এবং সিদ্ধগণসেবিত জনসংকীর্ণ  
প্রত্যেক তীর্থ ও প্রত্যেক আকরে পাণ্ডব-  
গণকে অশ্বেষণ করুক আর যে সকল ব্যক্তি  
পাণ্ডবগণকে বিশেষরূপে অবগত আছে,  
তাহারাও সুসংস্কৃত বেশে নদী, কুঞ্জ, তীর্থ,  
গ্রাম, নগর, রমণীয় আশ্রম ও পর্ব্বতাদিতে  
হ্রস্বচারী পাণ্ডবগণের অনুসন্ধান করুক।

অনন্তর পাপানুরক্ত চুরাআ দুঃশাসন  
জ্যেষ্ঠ ভ্রাতারে সম্বোধন করিয়া কহিল,  
মহারাজ! যে সমুদায় চরগণ আমাদিগের  
বিশ্বাসভাজন, তাহারা স্ব স্ব প্রাপ্য পুর-  
স্কার গ্রহণপূর্ব্বক পুনরায় পাণ্ডবগণকে অশ্বে-  
ষণ করিতে প্রস্থান করুক আর মহামতি  
কর্ণ যাহা কহিলেন, উহা আমাদেরও অতি-  
শ্রেত; অন্যান্য চরগণও তদনুসারে তত্ত্বৎ  
প্রদেশে গমন করিয়া তাহাদিগের বাস ও কর্ম্ম  
প্রভৃতি সমুদায় বৃত্তান্ত অবগত হউক। হয়, তা-  
হারা অত্যন্ত গুণ্ডভাবে গতি, বাস ও অবস্থান  
করিতেছে; না হয়, সমুদ্রপারে গমন করি-  
য়াছে; অথবা মহারণ্যে হিংস্র জন্তুগণ কর্তৃক  
নিহত হইয়াছে কিম্বা অন্য কোন চুরবহস্বার  
পতিত হইয়া প্রাণ পরিত্যাগ করিয়াছে।  
অতএব হে মহারাজ! আপনি অনাকুলিত  
চিত্তে উৎসাহ সহকারে কর্তব্য কর্ম্ম সম্পাদন  
করুন।

সপ্তবিংশতিতম অধ্যায় ।

অনন্তর ষথার্থদর্শী দ্রোণাচার্য্য কহি-  
লেন, পাণ্ডবগণ অসাধারণ শৌর্য্যশালী,  
রূতবিদ্যা, বুদ্ধিমান, জিতেন্দ্রিয়, ধর্ম্মজ্ঞ ও  
রূতজ্ঞ; অতএব তাহঁরা মহাভাগ্য কদাপি  
বিনাশ বা পরাভব প্রাপ্ত হইবেন না।  
তঁহাদিগের সর্ব্বজ্যেষ্ঠ বুদ্ধিতির নীতিতত্ত্ব,  
ধর্ম্মতত্ত্ব ও অর্থতত্ত্ব সর্বিশেষ পারদর্শিতা  
স্বাত করিয়াছেন; তঁহাদি ভ্রাতৃচতুষ্টয়  
পিতার ন্যায় তঁহাদের প্রতি ভক্তি প্রদর্শন

করিয়া থাকেন ; অতএব ন্যায়পরায়ণ যুধিষ্ঠির  
অবশ্যই তাঁদৃশ বশস্বদ ভ্রাতৃগণের হিতানুষ্ঠান  
করিবেন। আমার নিশ্চয়ই বোধ হইতেছে,  
পাণ্ডবগণি বিনষ্ট হন নাই, তাঁহারা কেবল  
সযত্ন হইয়া সমুচিত সময় প্রতীক্ষা করিতে-  
ছেন। অতএব তাঁহাদিগের প্রতিজ্ঞাত সময়  
পরিপূর্ণ না হইতেই যাহা আপনা-  
দের কর্তব্য থাকে, তাহা সম্পাদন করুন ;  
পাণ্ডবগণ কোন্ স্থানে অবস্থান করিতেছেন,  
তাহা রীতিমত অনুসন্ধান করা আবশ্যিক।  
তাঁহারা সকলেই ধীর, শৌর্য্যশালী, দুঃস্বপ্ন,  
দুর্ধ্ব ও তপস্বী ; বিশেষত তেজোরশি,  
অজাতশত্রু, অতি বিশুদ্ধাত্মা, গুণবান্ ও  
সত্যপরায়ণ ; অতএব তাঁহাদিগকে অশ্বেষণ  
করা সামান্য লোকের কৰ্ম্ম নহে। যে সকল  
ব্রাহ্মণ, চর ও সিদ্ধ ব্যক্তি পাণ্ডবগণকে সবি-  
শেষ অবগত আছেন, তাঁহারা পুনরায়  
তাঁহাদিগকে অশ্বেষণ করিতে গমন করুন।

অষ্টবিংশতিতম অধ্যায়।

বৈশম্পায়ন কহিলেন, মহারাজ ! আচার্য্য  
দ্রোণ মৌনাবলম্বন করিলে দেশকালকুশল  
কুরুকুলতিলক পাণ্ডুনন্দন ভীষ্ম তাঁহার  
বাক্যের স বিশেষ প্রশংসা করিয়া সাধুসম্মত  
ও ধর্ম্মার্থসঙ্গত কথা কহিতে লাগিলেন।  
পাণ্ডবেরা সর্বমূলক্ষণাক্রান্ত, শাস্ত্রজ্ঞান-  
সম্পন্ন, সত্যব্রতপরায়ণ ও বৃদ্ধমতালম্বী।  
সেই ক্ষাত্রধর্ম্মনিরত মহাবলপরাক্রান্ত  
সময়াভিজ্ঞ বীর পুরুষেরা ক্রোধের অনুগত  
হইয়া কাল প্রতীক্ষা করিতেছেন। তাঁহারা  
কদাচ অবসন্ন হইবেন না। ঐ মহাত্মারা  
সতত সৎপথে বিচরণ করিতেছেন এবং  
ধর্ম্ম ও স্ববীৰ্য্যপ্রভাবে সতত পরিরক্ষিত  
হইতেছেন ; অতএব বোধ হয়, কেহই তাঁহা-  
দিগের অনিষ্ট সাধন করিতে পারিবে না।  
একগণে আমি তাঁহাদিগের বিষয়ে তোমা-  
দিগকে কিছু উপদেশ প্রদান করিতেছি,  
শ্রবণ কর।

নীতিজ্ঞের নীতিজ্ঞান নিতান্ত ছুরবগাহ,  
তথাচ আমরা পাণ্ডবগণের অবস্থার বিষয়  
পর্যালোচনা করিয়া যে কথার উল্লেখ করি-  
তেছি, তাহা যুক্তিসঙ্গত ; ঈর্ষামূলক নহে।  
যাহাতে যুধিষ্ঠিরের অনিষ্টাপাতের সম্ভাবনা  
তদ্বিষয়ে উপদেশ প্রদান করা মাদৃশ লো-  
কের কর্তব্য নহে ; কিন্তু সত্যশীল ধর্ম্মপরায়ণ  
ব্যক্তি সভামধ্যে ন্যায়ানুগত যথার্থ উপদেশই  
প্রদান করিবে ; এই নিমিত্তই আমি সত্বপ-  
দেশ প্রদানে প্রবৃত্ত হইতেছি।

অন্যান্য ব্যক্তি পাণ্ডবগণের নিবাস  
নিকূপণবিষয়ে যাহা কহিতেছেন, আমি  
তাহা স্বীকার করি না। আমার মত এই যে,  
মহারাজ যুধিষ্ঠির যে পুর বা জনপদে এই  
ত্রয়োদশ বৎসর অতিবাহিত করিতেছেন,  
তথাকার ভূপতিগণ অন্যান্যচরণে পরাজুখ  
হইবেন এবং জনগণ বদান্য, দান্ত, হৃষ্ট, পুষ্ট,  
প্রিয়বাদী ও লজ্জাশীল হইবে। তথায়  
অসূয়া, ঈর্ষা, অভিমান ও মাৎসর্য্যের অধি-  
কার থাকিবে না ; অনবরত বেদধ্বনি শ্রুত,  
পূর্ণাঙ্কিত প্রদত্ত, বহুদক্ষিণ যাগ যজ্ঞ সমুদায়  
সম্পাদিত হইবে ; পঙ্কজন্য প্রচুর পরিমাণে  
বারি বর্ষণ করিবেন ; পৃথিবী শস্যসম্পন্ন ও  
জাতকশূন্য হইবেন ; ধান্য বহু পরিমাণে  
জন্মিবে ; ফল সমুদর রসাল ও ধান্য সকল  
সুগন্ধ হইবে ; সকলে সতত সদালাপ করি-  
বে ; সমীরণ সূখস্পর্শ হইবে ; কোন বস্তুর  
অপ্রতিকূলদর্শন হইবে না ; ভয়ের লেশ  
মাত্রও থাকিবে না ; তথায় বহুসংখ্যক হৃষ্ট  
পুষ্ট ধেনু ইতস্তত সঞ্চরণ করিবে ; দধি দুগ্ধ  
ও ঘৃত প্রভৃতি গব্য এবং সমুদায় পানীয় ও  
ভোজনীয় দ্রব্যসমূহ সাতিশয় সুরস ও হিত-  
জনক হইবে ; রস, স্পর্শ, গন্ধ ও শব্দ সকল  
মনোহর হইবে ; সমুদায় দৃশ্য পদার্থই  
লোকের নেত্রপথ চরিতার্থ করিবে ; দ্বিজা-  
তিগণ স্বধর্ম্ম প্রতিপালন করিবেন এবং  
সকল লোকই সতত সন্তপ্ত থাকিবে ; দেব-



পূজা, অতিথিসংকার, অর্ধদান ও যাগ যজ্ঞ  
ব্রতানুষ্ঠানে সবিশেষ আদর প্রদর্শন করিবে ;  
মহোৎসাহসম্পন্ন ও স্বধর্মপরায়ণ হইবে ;  
অশুভ বিষয়ে বিদ্রোহ ও শুভ বিষয়ে আস্থা  
প্রদর্শন করিবে ; কদাচ মিথ্যা বাক্য ব্যবহার  
করিবে না এবং সতত সৎপথেই ধাবমান  
হইবে ।

হে কুরুরাজ! ধর্মরাজ্য যুদ্ধির সত্য, ধৃতি,  
দান, শাস্তি, ক্ষমা, কীর্তি, লজ্জা, শ্রী, তেজ, অনু-  
শংসতা ও সরলতা প্রভৃতি সঙ্গুণের একমাত্র  
আধার ; সামান্য লোকের কথা দূরে থাকুক,  
দ্বিজাতিগণও তাঁহাকে সম্যক্ অবগত হইতে  
সমর্থ নহেন । হে রাজন্! আমি মহাত্মা  
যুদ্ধিরের প্রচ্ছন্ন বাস নিরূপণ বিষয়ে এই-  
মাত্র উপদেশ প্রদান করিতে পারি । যদি  
আমার বাক্যে আস্থা হয়, তবে এই সমুদায়  
সবিশেষ পর্যালোচনা করিয়া যাহা শ্রেয়স্কর  
বিবেচনা হয়, তদনুলম্বনে যত্নবান্ হও ।

একোনত্রিংশত্তম অধ্যায় ।

বৈশম্পায়ন কহিলেন, অনন্তর রূপাচার্য্য  
কহিলেন, মহারাজ ! ভীষ্ম পাণ্ডবদিগের  
বিষয়ে যে সকল কথা বলিয়াছেন, তৎসমু-  
দায়ই যুক্তিযুক্ত ও ধর্মার্থসঙ্গত । আমিও  
ভীষ্মের অনুরূপ বাক্য বলিতেছি, শ্রবণ করুন ।

হে মহারাজ ! কার্য্যকুশল গৃহ চর  
দ্বারা পাণ্ডবগণের গতি বিধি এবং বাসস্থান  
নিরূপণ ও আপনার হিতকর নীতি বিধান  
করুন । কারণ যিনি জীবিত থাকিতে বাস-  
না করেন, সর্বাত্মকুশল পাণ্ডবগণের কথা দূরে  
থাকুক, অতি সাধনাত্মক শত্রুকেও উপেক্ষা  
করা তাঁহার উচিত নহে । এক্ষণে মহাত্মা পা-  
ণ্ডবেরা প্রচ্ছন্ন বেশে দেশে দেশে ভ্রমণ করি-  
তেছেন, কিন্তু প্রতিজ্ঞা পরিপূর্ণ হইলেই  
তাঁহাদিগের অভ্যুদয় হইবে, সন্দেহ নাই ;  
অতএব আপনি অরাষ্ট্র ও পররাষ্ট্রের বল  
সম্যক্ রূপে বিবেচনা করুন । মহাবল পরা-

ক্রান্ত অমিততেজা পাণ্ডবেরা প্রতিজ্ঞাসাগর  
উত্তীর্ণ হইবামাত্র মহীয়সী উৎসাহশীলতা-  
সম্পন্ন হইয়া উঠিবেন ; অতএব আপনি  
পূর্বেই কোষশুদ্ধি, বলশুদ্ধি ও নীতি বিধান  
করুন । তাঁহাদিগের তাদৃশ অভ্যুদয় দৃষ্ট  
হয়, সজ্জি করা যাইবে । হে রাজন্! কোন্  
সময়ে কি কর্তব্য কি অকর্তব্য তাহা আমি  
চিন্তা করিতেছি ; আপনি আপনার বল,  
সম্রাট্য মিত্র ও সৈন্য সামন্তগণের সামর্থ্য  
বিবেচনা করুন । আপনার নানাবিধ সৈন্য  
আছে ; তন্মধ্যে কে আপনার অনুরক্ত  
কেই বা অননুরক্ত তাহা বিশেষ পরিজ্ঞাত  
হউন ।

স্বাম, দান, ভেদ, দণ্ড ও বলি কর্ম প্রভৃতি  
উপায় দ্বারা বলবান শত্রুকে এবং বলপূর্বক  
দুর্বল শত্রুকে বশীভূত করুন । সাম্রাজ্য দ্বারা  
মিত্রমণ্ডলী ও মিষ্ট বাক্য দ্বারা সৈন্যগণকে  
পরিভূষিত করুন, তাহা হইলে আপনার কোষ-  
শুদ্ধি ও বলশুদ্ধি হইবে ; আপনি অনায়াসে  
সিদ্ধি লাভ করিতে পারিবেন এবং পাণ্ড-  
বেরাই হউক অথবা অন্য কেহই হউক,  
বলবানই হউক বা দুর্বলই হউক, শত্রু সমু-  
পাস্থিত হইলেই তাহার সহিত সংগ্রাম করি-  
তে সমর্থ হইবেন । হে মহারাজ ! যথা-  
যোগ্য সময়ে স্বীয় ধর্ম্মানুসারে ব্যবসায় বি-  
নিশ্চয় করিয়া এই রূপে কার্য্য সমাধান  
করিলে আপনি অনন্ত সুখ প্রাপ্ত হইবেন,  
সন্দেহ নাই ।

ত্রিংশত্তম অধ্যায় ।

বৈশম্পায়ন কহিলেন, মহারাজ ! পূর্বে  
মহাবল পরাক্রান্ত দুর্ভাক্ষ কীচক মৎস্য ও  
শাল্যৈয়কগণ সমাভিব্যাহারে বলপূর্বক বারং-  
বার ত্রিগর্তরাজ্য সুশস্যারে সবাঙ্কবে পরজয়  
করিলেন । এক্ষণে তিনি উপযুক্ত অব-  
সর বুঝিয়া কর্ণের প্রতি দৃষ্টিপাতপূর্বক  
ব্যগ্রত। সহকারে দুর্ব্যোধনকে কহিতে

লাগিলেন, হে রাজন্! বিরাটরাজ বলবান কীচকের সাহায্যে ছুরোভূষ আমায় রাজ্য পরাজয় করিয়াছিল; এক্ষণে সেই জুরোভূষ কীচক গজর্ষণের হস্তে প্রাণ পরিত্যাগ করিয়াছে, বিরাটরাজও তাহার মৃত্যুতে হতদর্প, নিরাশ্রয় ও নিরুৎসাহ হইয়া থাকিবে, সন্দেহ নাই; অতএব যদিও আপনি আপনার, মহাত্মা কর্ণের ও সমস্ত কৌরবগণের অভিরূচি হয়, তাহা হইলে মৎস্যরা গমন করাই কর্তব্য।

আমরা কৌরব ও ত্রিগর্ভগণ সমভিব্যাহারে সুসমৃদ্ধ বিরাটরাজ্যে গমন ও বিরাট নগর নিপীড়নপূর্বক বহুসংখ্যক সৈন্য ক্ষয় করিয়া বিভাগক্রমে বিবিধ রত্ন, ধন, গ্রাম, রাজ্য ও গো সমূহ হরণ করিয়া ন্যায়ানুসারে বিরাটরাজকে বশীভূত করিব; তাহা হইলে আপনারও বলবৃদ্ধি হইবে, সন্দেহ নাই।

কর্ণ সুশর্মার বাক্য শ্রবণ করিয়া ছুর্যোধনকে কহিলেন, মহারাজ! সুশর্মা আমাদিগের সমরোচিত হিত বাক্যই কহিয়াছেন; অতএব বিভাগক্রমে সৈন্য লইয়া অবিলম্বে প্রস্থান করা কর্তব্য। আপনি, প্রাজ্ঞভূমি পিতামহ; জ্ঞোণাচার্য্য ও রূপাচার্য্য আপনারা যে প্রকার মন্ত্রণা প্রদান করিবেন, তদনুসারেই যাত্রা করা যাইবে। হে মহারাজ! সত্বরে বিরাটরাজ্য আক্রমণ করিতে গমন করা কর্তব্য। অর্থহীন, বলহীন, পৌরুষবিহীন পাণ্ডবগণের অনুসন্ধান প্রয়োজন কি? তাহারা চির কালের মত পলায়িত বা কালকবলে কবলিত হইয়াছে; অতএব নিরুদ্ধেগ চিত্তে বিরাট নগরে গমনপূর্বক গো সমুদায় ও বিবিধ বস্তুজাত গ্রহণ করা আমাদের নিত্য কর্তব্য।

তখন রাজা ছুর্যোধন কর্ণের বাক্যে অভিনন্দনপূর্বক নিরত আজ্ঞাবহ স্বীয় অনুল্লঙ্ঘনকে আজ্ঞা করিলেন, তোমরা বৃদ্ধগণের সহিত মন্ত্রণা করিয়া শীঘ্র বাহিনী যো-

জনা কর। মহাত্মা সুশর্মা স্ব বল বাহন সমভিব্যাহারে অত্রই বিরাটরাজ্যে গমনপূর্বক গোপগণকে দুরীকৃত করিয়া বিশূল ধনজাত ও গো সমূহ হস্তগত করুন। পর দিবসে আমরা সমস্ত বকধিনী দ্বিধা বিভক্ত করিয়া গমন করিব।

অনন্তর সুশর্মা বদ্ধপরিকর হইয়া মহতী সেনা সমভিব্যাহারে গোধন অপহরণ ও বৈর নির্ধাতন মানসে রুক্মপক্ষীয় মণ্ডমীতে অগ্নিকোণাভিমুখে যাত্রা করিলেন।

কৌরবগণও পর দিনে অষ্টম্যন্তে বিরাট রাজ্যে গমনপূর্বক গো সমূহ আক্রমণ করিলেন।

একত্রিংশতম অধ্যায়।

বৈশম্পায়ন কহিলেন, মহারাজ! পাণ্ডবগণ ছদ্মবেশে মৎস্যদেশে বাস ও মৎস্যরাজ বিরাটের কার্য্যানুষ্ঠান করিয়া নিয়মিত কাল অতিবাহিত করিলেন। ছুরোভূষ কীচক নিহত হইলে তাঁহারাই বিরাটরাজের এক সহায় হইয়াছিলেন।

এ দিকে ত্রিগর্ভাধিপতি সুশর্মা বলপূর্বক বিরাটরাজের বহুতর গোধন অপহরণ করিলেন। তখন গোপ সত্বরে রথারোহণপূর্বক মহাবেগে পুর প্রবেশ করিল এবং কুণ্ডলাকদধারী মহাবল পরাজাত বহুতর যোধ, মন্ত্রী ও পাণ্ডবগণে পরিবৃত্ত মহারাজ বিরাটকে সতামধ্যে আসীন দেখিয়া সত্বরে রথ হইতে অবতরণপূর্বক তাঁহার সম্মুখে উপনীত হইয়া প্রণতিপূর্বক কহিল, মহারাজ! ত্রিগর্ভেরা আমাদিগকে সবাধবে সমরে পরাজয় করিয়া আপনার সহস্র সহস্র গোধন অপহরণ করিয়াছে। এক্ষণে ইহার যথাবিধি প্রতিবিধান করিয়া আপনার গোধন রক্ষা করুন।

বিরাটরাজ গোপের এই কথা শ্রবণ করিবামাত্র, রথমাতঙ্গসজ্জা অশ্বপদাতিগণ

সম্মানার্থে ধ্বজপটনুশোভিত স্বীয় সেনাদি-  
গকে যুদ্ধার্থে প্রস্তুত হইতে আদেশ করিলেন ।  
তখন সমুদায় রাজা ও রাজকুমারগণ বিরা-  
টের আঙ্কা শ্রবণমাত্র অতিমাত্র ব্যগ্র হইয়া  
বীরপ্রিয় বিচিত্র কবচ ধারণ করিতে লাগি-  
লেন । বিরাটের প্রিয় ভ্রাতা শতানীক হীরক-  
খণ্ডমণ্ডিত কাঞ্চনময় ও তৎকনিষ্ঠ মদি-  
রাক কল্যাণকর লৌহময় অক্ষয় কবচ ধারণ  
করিলেন । পরে বিরাটরাজ স্বয়ং শত সূর্য্য-  
সম আবর্ভুশতসম্পন্ন নেত্রোপমিত ছিদ্রশত-  
সংযুক্ত নিতান্ত দুর্ভেদ্য বর্ষ্মে বিভূষিত হই-  
লেন । রাজা সূর্য্যদত্ত সূর্য্যসঙ্কাশ নীলোৎ-  
পলালঙ্কৃত কবচ ধারণ করিলেন । তৎপরে  
বিরাটের জ্যেষ্ঠ পুত্র মহাবীর শম্ভু রজতময়  
আরসগর্ভ শতাক্ষিসংযুক্ত শ্বেতবর্ণ বর্ষ্ম  
পরিগ্রহ করিলেন এবং নানা প্রহরণধারী  
দেবরূপ মহারথ সকল সংগ্রামার্থে বিবিধ বর্ষ্ম  
ধারণ করিতে লাগিলেন ।

অনন্তর উপকরণসম্পন্ন শুভ্রবর্ণ রথে  
সুবর্ণময় বর্ষ্মসংযুক্ত অশ্বগণ যোজিত হইল ।  
মহানুভব মৎস্যরাজ সূর্য্যচন্দ্রসদৃশ হিরণ্ময়  
দিব্য রথে ধ্বজ উচ্ছ্রিত করিয়া দিলেন । পরে  
অন্যান্য মহাবল পরাক্রান্ত ক্ষত্রিয় সকল  
স্ব স্ব রথে নানাপ্রকার ধ্বজ যোজনা করিতে  
লাগিলেন । তখন মৎস্যরাজ স্বীয় কনিষ্ঠ  
ভ্রাতা শতানীককে কহিলেন, ভ্রাতঃ ! বোধ  
হইতেছে, মহাবীর কঙ্ক, বল্লব, গোপাল ও  
দামগ্রহি ইহারাও যুদ্ধ করিবেন, অতএব  
তুমি ইহাদিগকেও ধ্বজপতাকাসম্পন্ন রথ ও  
বিবিধ আয়ুধ প্রদান কর । ইহারা যুদ্ধ সূদৃঢ়  
বিচিত্র বর্ষ্ম ধারণ করুন ।

শতানীক রাজার এই কথা শ্রবণ করি-  
বামাত্র সত্ত্বরে পাণ্ডবগণকে রথ দানের আ-  
দেশ করিলেন । রাজভক্তিসম্পন্ন সারথি সকল  
তৎক্ষণাৎ বুদ্ধিষ্ঠির, ভীম, নকুল ও সহদেবের  
নিমিত্ত রথ প্রস্তুত করিল । তখন সেই  
প্রচ্ছন্নরূপী অরাতি নিপাতন যুদ্ধবিশারদ

মহারথচতুষ্টয় বিরাটনির্দিষ্ট বিচিত্র কবচ  
ধারণ করিয়া সুবর্ণমণ্ডিত বিচিত্র রথে আ-  
রোহণপূর্ব্বক সত্ত্বরে রাজধানী হইতে নির্গত  
হইয়া কৃষ্ণচিন্তে মৎস্যরাজের অনুসরণ করি-  
তে লাগিলেন ।

সহস্র সহস্র সুশিক্ষিত ষাষ্টিবর্ষব্যয়ক  
যোধগণাধিষ্ঠিত মদস্ত্রাবী মত্ত মাতঙ্গ সকল  
জঙ্গম পর্ব্বতের ন্যায় তাঁহার পশ্চাৎ পশ্চাৎ  
গমন করিতে লাগিল । যুদ্ধবিশারদ উৎসাহ-  
শীল প্রধান প্রধান মৎস্যগণ বিরাটরাজের  
অনুগমন করিবার নিমিত্তে অষ্ট সহস্র রথ,  
সহস্র হস্তী ও ষষ্টি সহস্র অশ্ব লইয়া নির্গত  
হইলেন । তখন সেই হস্ত্যশ্বরথসঙ্কুল যোদ্ধা-  
বর্গপরিবৃত গোস্থানগমনসমুদ্যত বিরাটসেনা  
সমুদায় অলৌকিক শোভা ধারণ করিল ।

দ্বাত্রিংশত্তম অধ্যায় ।

বৈশম্পায়ন কহিলেন, মহারাজ ! মহাবল  
পরাক্রান্ত মৎস্যগণ মহতী সেনা সমভিব্যা-  
হারে অপরাহ্ন কালে নগর হইতে নির্গত  
হইয়া গোধনাপহারী ত্রিগর্ভদিগকে আক্রমণ  
করিলেন । রণদুর্দ্দম ত্রিগর্ভ ও মৎস্যগণ  
গোত্রহণাভিলাষে ক্রোধাবিষ্ট হইয়া পর-  
স্পর তর্জ্জন গর্জ্জন করিতে লাগিলেন ।  
উভয় পক্ষীয় যুদ্ধকুশল প্রধান প্রধান সৈ-  
নিক পুরুষেরা গজারোহণপূর্ব্বক রণক্ষেত্রে  
অগ্রসর হইয়া তুমুল যুদ্ধ আরম্ভ করিল ।  
তাহাদিগের সেই ঘোরতর সংগ্রাম সন্দর্শন  
করিলে শরীর রোমাঞ্চিত হয় । রণনিহত  
জন সমূহ দ্বারা যমপুর পরিপূর্ণ হইল ।

ক্রমে ভগবান্ ভাস্কর অন্তাচলচূড়া অব-  
লম্বন করিলে উভয় পক্ষীয় চতুরঙ্গিণী সেনা  
অধিকতর বল বিক্রম প্রকাশ পূর্ব্বক পরস্প-  
রকে আক্রমণ করিতে লাগিল । ফলত তৎ-  
কালে সেই যুদ্ধ দেবাস্তুর সংগ্রামের ন্যায়  
অতি ভীষণ হইয়া উঠিল । সেনাগণের পাদ-  
বিকুণ্ঠ মহীতল হইতে ধূলিরাশি সমুখিত

হইয়া চতুর্দিক অন্ধকারময় করিল। পক্ষিগণ ধূলিপটলসংবৃত ও বিলুপ্তদৃষ্টি হইয়া ভূতলে নিপতিত হইতে লাগিল। সুদূরপ্রসিদ্ধ শর-জালে সূর্য্যমণ্ডল তিরোহিত হইয়া গেল ; তখন বোধ হইতে লাগিল, যেন অন্তরীক্ষ খদ্যোতমালায় বিভূষিত হইয়াছে। সব্য দক্ষিণপ্রধাবিত বলবান্ ধানুজগণের শরাসন সকল পরস্পর সংঘটিত হইতে লাগিল। রথী রথীর সহিত, অশ্বারোহী অশ্বারো-হীর সহিত, পদাতি পদাতির সহিত, ও গজাক্রুৎ গজাক্রুৎের সহিত সংগ্রামে প্রবৃত্ত হইল। মহাবল পরাক্রান্ত বীর পুরুষেরা ক্রোধে প্রজ্বলিত হইয়া অসি, পট্টিশ, প্রাস, শক্তি ও তোমর প্রভৃতি অস্ত্র শস্ত্র প্রহার করত শত শত লোক নিহত করিতে লাগিলেন। উভয় পক্ষই তুল্যবল, কেহ কাহারে পরাজুখ করিতে সমর্থ হইল না। আহত সৈন্যগণের গুষ্ঠ, নাসিকা ও কেশবি-হীন মস্তক সকল ছিন্ন ভিন্ন হইয়া ধরাভূতলে নিপতিত ও ধূলিধূষরিত হইতে লাগিল। তাহাদিগের শালক্কসন্নিভ শরীর সমুদায় নিশিত ইষু প্রহারে খণ্ড খণ্ড হইয়া ইতস্তত বিক্ষিপ্ত হইল। মহাকায কক্রিয়গণের চন্দন-চর্চিত বিশাল বাহু ও কুণ্ডল বিভূষিত মস্তক দ্বারা রণক্ষেত্রের অনির্কচনীয় শোভা হইতে লাগিল। নিহত প্রাণিগণের শোণিত-প্রবাহে ভূমণ্ডলস্থ ধূলিরাশি কর্দম ভাব প্রাপ্ত হইল।

এই রূপে ক্রমে ক্রমে সময়সাগর উদ্বেল হইয়া উঠিলে অনেকেই মুচ্ছাপন্ন হইতে লা-গিল। গৃধ্র প্রভৃতি রুধিরমাংসলোলুপ পক্ষিগণ বীরগণের শরে উষ্ণজিত হইয়াও তথায় উপবেশন করিতে লাগিল। পরস্পর নিহস্তা রণদুর্মদ বীর পুরুষদিগের সমর-প্রভাবে অন্তরীক্ষগামী প্রাণিগণেরও দৃষ্টি বিলুপ্ত হইয়া গেল।

অনন্তর মহারথ শতাব্দীক এক শত ও

মহাবল পরাক্রান্ত বিশালাক্ষ চক্রুঃশত শক্র-সৈন্য সংহার করত বিপক্ষপক্ষীয় রথত্রয় লক্ষ্য করিয়া মহতী ত্রিগুর্ভসেনামধ্যে প্রবিষ্ট হইলেন এবং বাহুবলে তাহাদিগের কেশা-কর্ষণ ও রথাক্রমণপূর্বক ঘোরতর সংগ্রাম করিতে লাগিলেন। বিরাটরাজ, সূর্য্যদত্তকে অগ্রে ও মদ্রিরাঙ্ককে পশ্চাতে লইয়া বিপক্ষ পক্ষীয় পঞ্চ শত রথী, পঞ্চ মহারথ ও অষ্ট শত অশ্ব নিহত করিয়া রণক্ষেত্রে ইতস্ততঃ বিচরণ করত সুবর্ণরথাক্রুৎ সুশর্মায়ে আক্র-মণ করিলেন। তখন সেই মহাবল পুরা-ক্রান্ত বীরযুগল পরস্পর স্পর্ধা করত গোষ্ঠ স্থিত বৃষভদ্বয়ের ন্যায় শোভা পাইতে লাগিলেন।

তদনন্তর রণবিশারদ ত্রিগুর্ভরাজ মৎসা-রাজকে আক্রমণ করিয়া দ্বৈরথযুদ্ধে প্রবৃত্ত হইলেন। যেমন জলদ কালে ঘনঘটা গভীর গজ্জনপূর্বক অনবরত বারিধারা বর্ষণ করে, তক্রূপ তাঁহারা রোষপরবশ হইয়া পরস্পর তজ্জন গজ্জন করত অবিরত শরবর্ষণ করিতে লাগিলেন। উভয়েই রুতাস্ত্র ও লঘুহস্ত ; তাঁ-হার সূতীক বাণ, অসি, শক্তি ও গদা প্রভৃ-তি অস্ত্র শস্ত্র প্রয়োগ বিষয়ে স্ব স্ব নৈপুণ্য প্রকাশ করিতে লাগিলেন। পরিশেষে বি-রাটরাজ, সুশর্মায়ে দশ বাণে ও তাঁহার অশ্বচতুষ্টয় পঞ্চ পঞ্চ বাণে বিদ্ধ করি-লেন। সর্বাস্ত্রকুশল রণবিশারদ সুশর্মাও বিরাটপতির প্রতি নিশিত পঞ্চ শত শর নিক্ষেপ করিলেন। সৈন্যপদোদ্ভূত ধূলি-পটলে চতুর্দিক সমাধূত হইলে উভয় পক্ষীয় সৈন্যগণ কে কোথায় রহিল, পরস্পর তাহার কিছুই জানিতে পারিল না।

ত্রয়স্ত্রিংশতম অধ্যায়।

বৈশম্পায়ন কহিলেন মহারাজ ! এই রূপে ভুলোক ধূলিজাল ও গাঢ়তিনির দ্বারা সমাচ্ছন্ন হইলে সৈন্যগণ মুহূর্ত্তকাল নি-

শ্বেচ্ছ হইয়া রহিল। কঠিনক পরে তগ-  
বান্ কুমুদিনীনাথক অন্ধকার নিরাকৃত  
করিয়া নভোমণ্ডলে সমুদিত হইলেন ;  
রজনী নির্মল হইল ও ক্ষত্রিয়গণ আলোক-  
লাভে পুলকিত হইয়া পুনর্বার ঘোরতর  
সংগ্রাম আরম্ভ করিলেন। তখন আর কেহ  
কাহার নয়নগোচর হইল না। ইত্যবসরে  
ত্রিগর্তাধিপতি সুশর্মা কনিষ্ঠ ভ্রাতার সহিত  
রথারোহণ করিয়া মৎস্যরাজ বিরাতের অভি-  
যুখে ধাবমান হইলেন এবং সত্বরে রথ হইতে  
অবতীর্ণ হইয়া গদাগ্রহণপূর্বক ক্রোধভরে রথ  
সকল চর্ণ করিতে লাগিলেন। তখন বিরাত-  
সেনা রৌষাবিষ্ট হইয়া গদা, খড়্গ, পরশু ও  
সুতীক্ষ্ণ পাশ হস্তে লইয়া ত্রিগর্তদিগের প্রতি  
ধাবমান হইল। মহারাজ সুশর্মা স্বীয় বল-  
বীৰ্য্য প্রভাবে মৎস্যসেনাগণকে মছন ও  
পরাজয় করিয়া মহাবেগে বিরাতের প্রতি  
ধাবমান হইলেন এবং তাঁহার পার্শ্বী ও সার-  
থী সংহারপূর্বক তাঁহারে রথচ্যুত ও স্বীয়  
রথে আরোপিত করিয়া মহাবেগে নিজ নগ-  
রাভিমুখে গমন করিতে লাগিলেন। মৎস্য-  
সেনাগণ তদর্শনে নিতান্ত ভীত ও ত্রিগর্ত-  
দিগের বলবীৰ্য্যে একান্ত পীড়িত হইয়া রণ  
পরিত্যাগপূর্বক পলায়ন করিতে লাগিল।

তখন মহারাজ যুধিষ্ঠির ভীমসেনকে কহি-  
লেন বৃকোদর! ঐ দেখ ত্রিগর্তাধিপতি সুশ-  
র্মা মৎস্যরাজকে লইয়া প্রস্থান করিতেছেন।  
তুমি সত্বরে উঁহারে মোচন কর ; উনি যেন  
কদাচ বিপক্ষের বশীভূত না হন। আমরা  
উঁহার অধিকারে সর্বকামসম্পন্ন হইয়া পরম  
সুখে বাস করিয়াছি ; অতএব এক্ষণে তুমি  
উঁহার উদ্ধার করিয়া তাহার সমুচিত নিম্ন  
প্রদান কর।

ভীমসেন কহিলেন, মহারাজ ! আমি  
আপনার নির্দেশানুসারে বিরাতকে শক্র-  
হস্ত হইতে পরিজ্ঞান করিব। আমি একাকী  
স্বীয় ব্রাহ্মবল প্রভাবে শক্রগণের সহিত সং-

গ্রাম করি ; আপনি ভ্রাতৃগণের সহিত  
একান্তে অবস্থিত হইয়া আমার অন্তত কক্ষ  
সমুদায় প্রত্যক্ষ করুন। আমি এই সম্পূর্ণ-  
স্থিত মহাক্ষয় পাদপ উৎপাটনপূর্বক ইহা  
দ্বারা শক্রগণকে বিভ্রাবিত করিব। ভীম-  
পরাক্রম ভীমসেন এই বলিয়া মন্ত মাত-  
ঙ্গের ন্যায় সেই বৃক্ষ নিরীক্ষণ করিতে লা-  
গিলেন।

তখন যুধিষ্ঠির ভীমসেনকে কহিলেন, হে  
ভীম ! তুমি কদাচ একপ সাহস প্রকাশ  
করিও না। বৃক্ষ দ্বারা শক্রগণকে পরাজয়  
করিলে সকলেই তোমার ঐ অলৌকিক  
কার্য্য দর্শনে তোমারে ভীম বলিয়া জ্ঞাত  
হইবে; অতএব এক্ষণে পাদপোৎপাটনের  
প্রয়োজন নাই ; ধনু, শক্তি, খড়্গ, পরশু  
প্রভৃতি অন্য কোন ননুযাগ্রহণোচিত অস্ত্র  
ধারণপূর্বক অলক্ষিত রূপে অরাতীগণের  
সহিত সংগ্রামে প্ররুত হও। মহাবল নকুল ও  
সহদেব তোমার চক্ররক্ষক হইবেন। তুমি  
অনতিবিলম্বে মৎস্যরাজকে মোচন কর।

তখন মহাবল পরাক্রান্ত ভীমসেন  
শরাসন গ্রহণপূর্বক বারিধারার ন্যায় অন-  
বরত শরবর্ষণকরত তিষ্ঠ তিষ্ঠ বলিয়া মহা-  
বেগে সুশর্মার অভিযুখে ধাবমান হইলেন  
এবং বিরাতরাজার প্রতি দৃষ্টিপাত করিয়া  
তাঁহারে অভয় প্রদান করিলেন। সুশর্মা  
কালান্তক যমোপম ভীমসেনকে পশ্চাত্তানে  
নিরীক্ষণ করিয়া অতিশয় ব্যাকুল হইয়া  
ভ্রাতৃগণ সমভিব্যাহারে প্রত্যাবর্তন ও শরা-  
সন গ্রহণপূর্বক তাহার সহিত ঘোরতর সং-  
গ্রাম করিতে লাগিলেন।

অনন্তর ভীমসেন নিমেষ মাত্রে বিরাত  
সন্নিধানে সহস্র সহস্র রথ, গজ, অশ্ব ও  
মহাবল পরাক্রান্ত ধনুর্ধরগণকে সংহার করি-  
লেন এবং শক্রগণের হস্ত হইতে গদা গ্রহণ  
পূর্বক পদাতিগণকে বিনাশ করিতে লাগি-  
লেন। সমরবিশারদ সুশর্মা তাদৃশ ঘোর-

তর যুদ্ধ সন্দর্শনে বিস্ময়ান্বিত হইয়া মনে করিলেন, এ কে সহস্র। আমার সৈন্যমধ্যে আগমন করিল, দেখিতেছি আমার সৈন্য প্রায় নিঃশেষিত হইয়াছে! এই রূপ চিন্তা করিয়া পরিশেষে শরাসন আকর্ণ আকর্ণ-পূর্বক অনবরত সুতীক্ষ্ণ শরনিকর নিক্ষেপ করিতে লাগিলেন। তখন পাণ্ডবেরা ক্রোধ-ভরে ত্রিগর্তদিগের প্রতি ধাবমান হইয়া শর-প্রয়োগ আরম্ভ করিলেন। বিরাটের পুত্রও পাণ্ডবগণকে যুদ্ধে উদ্যত দেখিয়া উৎসাহ সহকারে ক্রোধভরে ঘোরতর যুদ্ধ করিতে লাগিল।

রাজা যুধিষ্ঠির এক সহস্র, ভীমসেন সপ্ত সহস্র, নকুল সপ্ত শত এবং সহদেব ত্রিশত সৈন্য সংহার করিলেন। তৎপরে মহাবীর সহদেব যুধিষ্ঠিরের আদেশানুসারে আয়ুধ উদ্যত করিয়া সুশর্মার সম্মুখীন হইলেন। রাজা যুধিষ্ঠিরও সত্বরে সুশর্মার প্রতি ধাবমান হইয়া শর বৃষ্টি করিতে লাগিলেন। সুশর্মাও ক্রোধাবিস্ট হইয়া তাঁহারে নয়টি ও তাঁহার অশ্চতুষ্ককে চারিটি বাণ দ্বারা বিদ্ধ করিলেন।

তখন মহাবল পরাক্রান্ত বৃকোদর সুশর্মার অভিযুখে গমনপূর্বক তদীয় অশ্বগণকে পোষিত ও পৃষ্ঠরক্ষকদিগকে বিনষ্ট করিয়া রথ হইতে সারথিরে পাতিত করিলেন। সুবিখ্যাত চক্রবক্ষক মদিরাক্ষ সুশর্মারে রথচ্যুত দেখিয়া প্রহার করিতে লাগিল।

ইত্যবসরে বিরাটরাজ সত্বরে সুশর্মার রথ হইতে অবতীর্ণ হইয়া তাঁহারই গদা গ্রহণ-পূর্বক দ্রুতপদে তদভিমুখে ধাবমান হইলেন এবং বৃদ্ধ হইয়াও তরুণের ন্যায় রণস্থলে ক্রমণ করিতে লাগিলেন। অনন্তর ভীমসেন সুশর্মারে পক্ষায়ন করিতে দেখিয়া কহিলেন, হে রাজকুমার! প্রতিনিবৃত্ত হও; রণস্থল হইতে পলায়ন করা তোমার কর্তব্য নহে। তোমারে ধিক্! তুমি এই রূপ বলবীর্ঘ্য-

সম্পন্ন হইয়া গোধন অপহরণ করিতে আগমন করিয়াছিলে? এখন অনুচরবর্গকে শত্রুপন্থ-মধ্যে পরিত্যাগ করিয়া কি নিমিত্ত বিষণ্ণ হইতেছ? মহাবীর সুশর্মা ভীমসেনের এই কথা শ্রবণ করিবামাত্র সহস্র প্রতিনিবৃত্ত হইয়া তিষ্ঠ তিষ্ঠ বলিয়া তাঁহার অভিযুখে গমন করিতে লাগিলেন। ভীমপরাক্রম ভীমসেন তৎক্ষণাৎ রথ হইতে অবতীর্ণ হইয়া সুশর্মার বিনাশ সাধনার্থ মহাবেগে তাঁহার প্রতি ধাবমান হইলেন এবং সিংহ যেমন ক্ষুদ্র মৃগকে আক্রমণ করে, তদ্রূপ সুশর্মার কেশপাশ গ্রহণপূর্বক রোষভরে তাঁহারে উদ্ধে উত্তোলিত ও মহীতলে নিষ্পিষ্ট করত তাঁহার মস্তকে পাদ প্রহার, অরস্বি দ্বারা জজ্বা গ্রহণ ও বক্ষে জানুপ্রদান করিলেন। সুশর্মা প্রহারবেগে নিতান্ত পীড়িত হইয়া মুচ্ছাপন্ন হইলেন। ত্রিগর্তসেনাপণ তদর্শনে প্রাণভয়ে একান্ত ভীত হইয়া পলায়ন করিতে লাগিল। এই রূপে মহা-রথ পাণ্ডবগণ সুশর্মারে পরাজয় ও বিরাটের গোধন প্রত্যাহরণপূর্বক সকলে এক স্থানে উপস্থিত হইলেন। তখন ভীমসেন কহিলেন, এই পাপাত্মারে জীবিত রাখিতে আমার বাসনা নাই; কিন্তু রাজা নিতান্ত দয়াশীল, সুতরাং আমি এক্ষণে ইহার কি করিতে পারি। এই বলিয়া তিনি ধূল্যাবলুপ্তিকলে-বর বিচেষ্টন সুশর্মার গলগ্রহণপূর্বক সংযত করিয়া রথে আরোপিত করিলেন এবং রণ-মধ্যস্থিত রাজা যুধিষ্ঠিরের সম্মিষ্ট হইয়া সন্দর্শন করাইলেন। ধর্মরাজ যুধিষ্ঠির সুশর্মারে দর্শিবামাত্র হাস্যমুখে ভীমসেনকে কহিলেন, হে ভীম! তুমি ইহারে মুক্ত কর। ভীম তদীয় আজ্ঞা শ্রবণানন্তর সুশর্মারে কহিলেন, অরে মুঢ়! যদি তোর জীবিত থাকিতে বাসনা থাকে, তবে আমি যাহা কহিতেছি শ্রবণ কর। আজি সভামধ্যে তোরে বি-রাট রাজের দাস বলিয়া আপনার পরিচয়

প্রদান করিতে হইবে ; তাহা হইলে আমি তোরে পরিত্যাগ করিব। কারণ যুদ্ধে পরাজিত ব্যক্তির এই রূপই ব্যবহার করিতে হয়। তখন রাজা যুধিষ্ঠির প্রণয় সম্ভাষণপূর্বক ভীমসেনকে কহিলেন, হে ভ্রাতঃ! যদি আমার প্রতি তোমার আস্থা থাকে, তাহা হইলে অবিলম্বেই ইহা করে পরিত্যাগ কর। এ এক্ষণে বিরাটরাজের দাসত্ব প্রাপ্ত হইয়াছে। এই বলিয়া তিনি সুশর্মা কহিলেন, এক্ষণে তুমি দাসত্ব হইতে মুক্ত হইলে; আর কদাচ একরূপ করিও না।

চতুস্ত্রিংশত্তম অধ্যায় ।

বৈশম্পায়ন কহিলেন, সুশর্মা যুধিষ্ঠিরের বাক্যানুসারে মুক্তি লাভ করিয়া লঙ্কানন্দ মুখে বিরাটরাজকে অভিবাদনপূর্বক প্রস্থান করিলেন। বিরাটরাজ ও পাণ্ডবগণ সুশর্মা কহিলেন, সে ই রাত্রি সমরক্ষেত্রেই বাস করিতে লাগিলেন।

মৎস্যরাজ অমানুষ বিক্রমশালী পাণ্ডবগণকে প্রভূত ধন প্রদান ও সম্মান করিয়া কহিলেন, অদ্য আমি আপনাদিগের বিক্রমেই মুক্তি ও কল্যাণ লাভ করিলাম; অতএব আপনাদিগের এই মৎস্যরাজের অধীশ্বর। আমার ন্যায় আপনাদিগের রত্নজাত স্বচ্ছন্দে উপভোগ করুন। আমি স্বেচ্ছানুসারে আপনাদিগেকে অলঙ্কৃত কন্যা ও বিবিধ ধন প্রদান করিব।

তখন পাণ্ডবগণ পৃথক পৃথক রূতাজলিপুটে মৎস্যরাজকে কহিলেন, মহারাজ! আমরা আপনার সমুদায় বাক্যে অভিনন্দন করিতেছি। আপনি যে শত্রুহস্ত হইতে মুক্ত হইয়াছেন, ইহাতেই আমাদের যৎপরোনাস্তি সম্ভাষণ লাভ হইয়াছে।

রাজসত্তম বিরাট পাণ্ডবগণের এই বাক্য শ্রবণে অধিকতর প্রীতিসম্পন্ন হইয়া পুনরায় যুধিষ্ঠিরকে কহিলেন, মহাশয়!

আমুন, আপনাদিগের মৎস্যরাজ্যে অভিষিক্ত করি; আপনিই আমাদিগের অধিপতি। আমি আপনাদিগের মনোহর রত্ন, গো, সুবর্ণ ও মণি মুক্তা প্রভৃতি বিবিধ মহামূল্য দ্রব্যজাত প্রদান করিব। আপনি আমাদিগের সমস্ত দ্রব্যেরই অধিকারী। হে বিপ্রেন্দ্র! আপনাদিগের নমস্কার, অদ্য আপনার প্রসাদেই রাজ্য লাভ ও সম্মানগণের মুখাবলোকন করিলাম। হে মহাবীর! আপনি আমাদিগের অরাতির হস্ত হইতে উদ্ধার করিয়াছেন।

যুধিষ্ঠির পুনরায় উত্তর করিলেন, মৎস্যরাজ! আমি আপনার বাক্যে অভিনন্দন করিতেছি; অভিলাষ করি, আপনি অনুকম্পাপরতন্ত্র হইয়া অবিচ্ছিন্ন সুখপরম্পরা পরিসম্ভোগ করুন। এক্ষণে দূতগণ নগরে গমন করিয়া সুরুক্ষণকে প্রিয় সংবাদ প্রদান ও আপনার বিজয় ঘোষণা করুক।

বিরাটরাজ যুধিষ্ঠিরের বাক্যানুসারে দূতগণকে আদেশ করিলেন, তোমরা নগরে গমন করিয়া আমার রণজয় ঘোষণা কর। কুমারীগণ, গণিকা সমুদায় ও বাদ্যকর সকল নগর হইতে এখানে আসিয়া আমারে প্রত্যাশ্রয় করুক।

দূতগণ মৎস্যরাজের আজ্ঞা শিরোধার্য করিয়া হর্ষোৎফুল্ল চিত্তে সেই রাত্রিতেই প্রস্থান করিল; এবং পর দিন সূর্যোদয় কালে নগরোপকণ্ঠে উপনীত হইয়া বিরাটরাজের জয় ঘোষণা করিতে লাগিল।

পঞ্চত্রিংশত্তম অধ্যায় ।

বৈশম্পায়ন কহিলেন, মহারাজ! যখন মৎস্যরাজ গোধন প্রত্যাহরণ মানসে ত্রিগর্ভদিগের সম্মুখীন হন, সেই সময়েই রাজা ত্র্যম্বক, স্বীয় অমাত্য ও ভীষ্ম, দ্রোণ, কর্ণ, রূপ, অশ্বখামা, শকুনি, দুঃশাসন, বিবিংশতি, বিকর্ণ, চিত্রসেন, দুমুখ প্রভৃতি মহারথগণ সমভিব্যাহারে মৎস্যদেশে উপনীত

হইয়া রথ সমূহে চতুর্দিক পরিবৃত্ত করত ঘোষণাকে প্রহারপূর্বক ষষ্টি সহস্র গো হস্তগত করিলেন। সেই ভয়ঙ্কর সময়ে কৌরবাহত গোপাল ও ঘোষণা ঘোর রব করিতে লাগিল।

তখন গোপাধ্যক্ষ ভয়ব্যাকুলিত চিত্তে সত্বরে রথারোহণপূর্বক আর্তনাদ করিতে করিতে নগরে উত্তীর্ণ হইল এবং অবিলম্বে রথ হইতে অবতীর্ণ হইয় রাজভবনে প্রবেশপূর্বক রাজপুত্র উত্তরকে নিবেদন করিল, রাজপুত্র। কৌরবগণ বলপূর্বক আপনার ষষ্টি সহস্র গো গ্রহণ করিয়াছে; অতএব আপনি অচিরাৎ তৎসমুদায় প্রত্যাহরণের উদ্যোগ করুন। আপনি হিতলিপ্সু হইয়া স্বয়ং গমন করুন; মহারাজ আপনার উপরে সমুদায় ভার সমর্পণ করিয়া গিয়াছেন। তিনি সভাসভাঙ্গণের সমক্ষে আপনার নামোল্লেখ করিয়া এই রূপ শ্লাঘা করিয়া থাকেন যে, আমার পুত্র আমার অনুরূপ শৌর্যশালী, বংশধর, অস্ত্রকুশল, যোদ্ধা এবং বীর। হে রাজপুত্র! এক্ষণে সেই রাজবাক্য অম্বর্থ হউক। আপনি শরাসন বিনিক্ষান্ত সুবর্ণপুঙ্খ সন্নতপর্ক শর সমূহে অরাতিগণের সৈন্য সংহার ও তাহাদিগকে পরাজিত করিয়া গোধন প্রত্যাহরণ করুন। বিলম্বে প্রয়োজন নাই, সত্বরে সান্দনে রজতশ্বেত বাজিরাজি সংযোজিত ও সুবর্ণবর্ণ ধ্বজপট সমুচ্ছিত করিয়া সংগ্রামে গমনপূর্বক শরনিকর দ্বারা নৃপতিগণের পথ নিরোধ ও দিনকরকে আচ্ছাদিত করুন এবং যেমন সুররাজ অসুরগণকে পরাভব করেন, তরুপ কৌরবগণকে সমরে পরাজিত করিয়া বিমল যশোরাশি লাভ করত পুনরায় স্বনগরে প্রত্যাগত হউন। হে রাজপুত্র! অর্জুন যেমন পাণ্ডবগণের আশ্রয়, আপনিও সেই রূপ মৎস্যদেশবাসী মনুম্যাগণের একমাত্র অবলম্বন; অতএব বাহাতে অদ্য রাজ্য রক্ষা ও প্রজ

গণের পরিত্রাণ হয়, এবম্বিধ উপায় বিধান করুন।

উত্তর অন্তঃপুরে স্ত্রীসমাজমধ্যে এবম্বকার অভিজিত হইয়া আশ্রয়ার্থী সহকারে কহিতে লাগিলেন।

ষট্‌ত্রিংশত্তম অধ্যায়।

উত্তর কহিলেন, যদি আমি এক জন তুরঙ্গনিয়োগবিশারদ সারথি প্রাপ্ত হই, তাহা হইলে অবিলম্বেই সুদৃঢ় শরাসন ধারণপূর্বক সংগ্রামে গমন করি; কিন্তু আমার সারথ্যপদে অভিজিত হইতে পারে, একত লোক দৃষ্টিগোচর হয় না। অতএব অবিলম্বে এক জন উপযুক্ত সারথির অন্বেষণ কর। অষ্টাবিংশতি রাত্রি কি এক মাস ব্যাপিয়া যে মহাযুদ্ধ হইয়াছিল; তাহাতেই আমার সারথি গতজীবিত হইয়াছে। এক্ষণে যদি হয়যানবেস্তা কোন এক ব্যক্তিরে প্রাপ্ত হই, তাহা হইলে অচিরাৎ মহাধ্বজসমুচ্ছিত গজবাজিরথসকুল পরবলে প্রবেশপূর্বক দুয়োধন, ভীষ্ম, কর্ণ, রূপ, দ্রোণ, অশ্বখামা প্রভৃতি সমাগত মহাধনুর্ধরগণকে পরাজিত করিয়া পশুযুথ প্রত্যানয়ন করিতে পারি। কৌরবগণ শূন্য দেশ পাইয়া সমস্ত গোধন অপহরণপূর্বক প্রস্থান করিতেছে। আমি তথায় বিদ্যমান থাকিলে তাহারা কি এই ব্যাপারে ক্লতক্লতা হইতে সমর্থ হইত। বাহা হউক, এক্ষণে সমাগত কৌরবগণ অদ্য আমার বলবীর্য্য প্রত্যক্ষ করুক। স্বয়ং ধনঞ্জয় কি আমাদিগের প্রতিপক্ষে আগমন করিয়াছেন?

ধনঞ্জয় রাজপুত্রের বাক্য শ্রবণ করিয়া নির্জনে দ্রৌপদীরে কহিলেন, কল্যাণি! তুমি আমার বাক্যানুসারে শীঘ্র রাজপুত্র উত্তরকে বল, যে, বৃহল্লা পাণ্ডবগণের সারথ্য ভার গ্রহণ করিয়া মহাযুদ্ধে ক্লতকার্য্য হইয়াছেন; অতএব উনিই আপনার সারথি হইবেন।



বিরাটপুত্র অর্জুনের নাম কীর্তনপূর্বক স্ত্রীগণमध्ये বারংবার আত্মপ্লাঘা করিতেছেন শ্রবণ করিয়া ক্রপদতনয়া সহ্য করিতে পারিলেন না ; তিনি উত্তরের সমীপবর্তিনী হইয়া সলঙ্কভাবে ধীরে ধীরে কহিলেন, রাজপুত্র ! ঐ প্রিয়দর্শন বৃহদ্রাণসম্মিত বৃহল্লা পুর্বে অর্জুনের সারথি ছিলেন। উনি সেই মহাআরই শিষ্য, ধনুর্বিদ্যায় তাঁহা অপেক্ষা ন্যূন নহেন। আমি পাণ্ডবগৃহে বাস কালে উঁহার সমুদায় বৃত্তান্ত অবগত হইয়াছি। যখন ছতাশন খাণ্ডব বন দাহ করেন ; তৎকালে উনিই ধনঞ্জয়ের সারথি হইয়াছিলেন। ধনঞ্জয় খাণ্ডবপ্রস্থে উঁহারই সারথ্য সহকারে সর্ব ভুত পরাজয় করিয়াছিলেন। ফলত উঁহার সমান সারথি আর কেহই নাই।

উত্তর কহিলেন, সৈরিন্দ্রি ! ঐ নপুংসক যুবা যেপ্রকার লোক, তাহা তুমি সবিশেষ অবগত আছ যথার্থ বটে ; কিন্তু আমি স্বয়ং বৃহল্লাপারে আমার সারথ্য কার্য সম্পাদনে অনুরোধ করিতে পারি না।

দ্রৌপদী কহিলেন, রাজপুত্র ! বৃহল্লা আপনার যবীয়সী ভগ্নীর বাক্য অবশ্যই রক্ষা করিবেন। যদ্যপি তিনি আপনার সারথ্য পদ পরিগ্রহ করেন ; তাহা হইলে নিশ্চয়ই আপনি কৌরবগণকে পরাভব ও গোধন সমুদায় প্রত্যাহরণপূর্বক পুনরাগমন করিবেন।

উত্তর দ্রৌপদীর বাক্য শ্রবণ করিয়া ভগিনীরে কহিলেন, উত্তরে! যাও শীঘ্র বৃহল্লাপারে আনয়ন কর। উত্তরা ভ্রাতার আদেশক্রমে ক্রত পদ সঞ্চারে নর্তনগৃহে ছদ্মবেশী অর্জুনের সমীপে গমন করিলেন।

সপ্তত্রিংশতম অধ্যায় ।

সর্বাঙ্গসুন্দরী বিরাটকুমারী কুন্তীকুমারের সমীপে সমুপস্থিত হইয়া জলধরসংলগ্না সৌদামিনীর ন্যায়, নাগরাজসমীপবর্তিনী করিণীর ন্যায় শোভা পাইতে লাগিল। অর্জুন

উত্তরারে নয়নগোচর করিয়া সহাস্য বদনে কহিলেন, রাজপুত্রি ! এমন ক্রত পদ সঞ্চারে আগমন করিবার কারণ কি ? আজি তোমার মুখমণ্ডল অপ্রসন্ন দেখিতেছি কেন ?

উত্তরা সখীগণসমক্ষে প্রণয় সস্তাষণপূর্বক কহিলেন, বৃহল্লা ! কৌরবগণ আমাদিগের রাজ্যের সমুদায় গোধন অপহরণ করিয়াছে, আমার ভ্রাতা তাহাদিগকে পরাজয় করিতে গমন করিবেন। কিছু দিন হইল, তাঁহার সারথি সংগ্রামে নিহত হইয়াছে ; এক্ষণে উপযুক্ত সারথি আর কেহই নাই। তিনি সারথি অশ্বেষণ করিতেছেন দেখিয়া সৈরিন্দ্রী তাঁহারে তোমার হয়জ্ঞতার পরিচয় প্রদান করিলেন। হে বৃহল্লা ! তুমি পুর্বে অর্জুনের প্রিয়তম সারথি ছিলে ? তিনি তোমারই সাহায্যে ধরামণ্ডল পরাজয় করিয়াছিলেন। এক্ষণে তুমি আমার ভ্রাতার সারথ্য কর্ম সম্পাদন কর। কৌরবগণ এত ক্ষণ গোধন লইয়া বহু দূরে পলায়ন করিয়াছে। হে কল্যাণি ! যদ্যপি তুমি আমার এই প্রণয়সহকৃত অনুরোধ রক্ষা না কর, তাহা হইলে আমি নিশ্চয়ই প্রাণ পরিত্যাগ করিব।

মহাবীর অর্জুন রাজপুত্রীর বাক্য শ্রবণানন্তর অমিততেজা রাজকুমারের সমীপে গমন করিলেন। যেমন বারণবধু মদমন্ত করভের অনুসরণ করে, সেই রূপ বিশালনয়না উত্তরা স্বরিতগানী অর্জুনের অনুগামিনী হইলেন। রাজপুত্র অর্জুনকে দূর হইতে দৃষ্টিগোচর করিয়াই কহিতে লাগিলেন, বৃহল্লা ! সৈরিন্দ্রীর মুখে শুনিলাম, পুর্বে তুমি কুন্তীকুমার ধনঞ্জয়ের প্রিয় সারথি ছিলে। তিনি তোমার সাহায্যেই খাণ্ডবারণ্যে ছতাশনকে পরিতৃপ্ত ও সমস্ত ধরামণ্ডল পরাভূত করিয়াছিলেন। এক্ষণে তুমি সেই প্রকার মদীয় সারথ্য ভার গ্রহণ কর। আমি অপহৃত পশুযুধ প্রত্যাহরণ

করিবার নিমিত্ত কৌরবগণের সহিত সং-  
গ্রাম করিব।

অর্জুন উত্তর করিলেন, রাজপুত্র! সং-  
গ্রামমুখে সারথ্য কৰ্ম সম্পাদন করা কি  
আমার সাধ্য! যদি গান, বাদ্য বা নৃত্য  
করিতে বলেন, তাহা অনায়াসেই করিতে  
পারি; আমার সারথ্য শক্তি-কোথা!!

উত্তর কহিলেন, বৃহন্নলে! তুমি পুনর্বার  
গায়ক বা নর্তকপদে অধিষ্ঠিত হইবে;  
এক্ষণে আমার রথে আরোহণপূর্বক অশ্ব  
চালন কর।

ধনঞ্জয় রাজকুমারীর মুখে সমুদায় বৃত্তান্ত  
অবগত হইয়াছিলেন; তথাপি রাজকুমারের  
সহিত পুনঃ পুনঃ পরিহাস করিতে লাগি-  
লেন। তিনি পরিহাস মানসে স্বীয় কবচ  
বিপর্যস্ত করিয়া অঙ্কে ধারণ করিলেন;  
তদর্শনে কুমারীগণ হাস্য করিয়া উঠিল।  
তখন রাজপুত্র স্বয়ং তাহারে সম্রদ্ধ ও সা-  
রথ্য পদে প্রতিষ্ঠিত করিয়া স্বয়ং দিব্য কবচ  
পরিধান, রুচির ধনুর্ধার ধারণ ও সিংহধ্বজ  
উন্নমনপূর্বক যুদ্ধে যাত্রা করিলেন।

উত্তরা প্রভৃতি রাজকন্যাগণ অর্জুনকে  
কহিলেন, বৃহন্নলে! ভীষ্ম, দ্রোণ প্রভৃতি  
যোদ্ধাগণ পরাজিত হইলে তুমি তাঁহাদিগের  
রুচির, সূক্ষ্ম ও বিচিত্র বসন সকল আনয়ন  
করিও। আমরা তদ্বারা পুস্তলিকা সুসজ্জিত  
করিব।

ধনঞ্জয় হাস্যবদনে উত্তর করিলেন, যদি  
রাজপুত্র সংগ্রামে সেই মহারথগণকে পরাভব  
করেন, তাহা হইলে তাঁহাদিগের দিব্য বসন  
সকল আনয়ন করিব।

এই কথা বলিয়া অর্জুন কৌরবসৈ-  
ন্যভিমুখে অশ্ব চালনা করিলেন। তখন  
ব্রতপরায়ণ ভ্রাতৃগণ মহাভুজ উত্তরকে  
বৃহন্নলা সমভিব্যাহারে রথাক্রম নিরীক্ষণ  
করিয়া রথ প্রদক্ষিণ করিতে লাগিলেন।  
রমণীগণও মঙ্গলাচরণপূর্বক কহিলেন, হে

বৃহন্নলে! পূর্বে যেমন শাণ্ডবদাহ সময়ে  
মহাবল অর্জুনের মঙ্গল লাভ হইয়াছিল,  
অদ্য তোমরাও কৌরবসময়ে সেই রূপ  
মঙ্গল লাভ কর।

অষ্টত্রিংশত্তম অধ্যায়।

বৈশম্পায়ন করিলেন, তখন রাজকু-  
মার অকুতোভয়ে রাজধানী হইতে বহির্গত  
হইয়া সারথিরে কহিলেন, বৃহন্নলে! সম্বরে  
কৌরবগণের সমীপে রথ উপনীত কর।  
আমি অবিলম্বে সেই ছুরাআদিগকে পরা-  
জয় কবিয়া গোধন গ্রহণপূর্বক নগরে প্রত্যা-  
গমন করিব। অর্জুন আজ্ঞা পাইবামাত্র  
দ্রুতবেগে অশ্ব চালনা করিতে লাগিলেন।  
সুবর্ণ ভূষিত মারুতগামী তুরঙ্গমগণ অতি-  
বেগে ধাবমান হইলে বোধ হইতে লা-  
গিল যেন তাহারা আকাশমার্গেই গমন  
করিতেছে।

তাঁহারা কিয়দ্দূর গমন করিয়া সেই  
শুশানসমীপস্থ শমী বৃক্ষের সমীপে সমু-  
পস্থিত হইলেন। তথা হইতে সাগরোপম  
মহাবল কৌরববল তাঁহাদিগের দৃষ্টিগোচর  
হইতে লাগিল। সেই সকল সৈন্যগণের  
পাদোদ্ভূত পার্শ্বব রেণু নভোমণ্ডলে পরি-  
ব্যাপ্ত হওয়াতে বোধ হইল যেন আকাশ-  
পথে একটি বহুলপাদপ মহারণ্য বিচরণ  
করিতেছে।

বিরাটতনয় কর্ণ, ছুর্যোধন, ক্রপাচার্য্য,  
দ্রোণাচার্য্য, অশ্বখামা ও ভীষ্ম প্রভৃতি বীর  
পুরুষগণে পরিরক্ষিত গজাশ্বরথসম্বল সেই  
কৌরববাহিনী নিরীক্ষণ করিয়া রোমাঞ্চিত-  
কলেবর ও ভয়োদ্ভিগ্ন চিত্তে পার্শ্বকে কহি-  
লেন, সারথ্যে! কৌরবদিগের সহিত যুদ্ধ  
করিতে আমার সাহস হয় না। এই দেখ,  
আমার শরীর রোমাঞ্চিত হইয়াছে। বহু  
বীরপরিরক্ষিত ভয়ঙ্কর কুরুসৈন্যদেবগণেরও  
ছুরধিগম্য। অতএব আমি কিরূপে এই

ভীমকাম্বুকশালিনী পতিভ্রমসমাকীর্ণা রথ-  
নাগাশ্বসঙ্কলা ভারতী সেনামধ্যে প্রবিষ্ট হইব।  
দ্রোণ, কর্ণ, বিকর্ণ, বিবিশ্ণতি, ভীষ্ম, রূপ,  
অশ্বখামা, সোমদত্ত, বাহ্লিক ও দুর্ব্যোধন  
প্রভৃতি যুদ্ধবিশারদ বীর পুরুষেরা ধর্ম্মধারণ-  
পূর্বক নিরন্তর বাহাদিগকে রক্ষা করিতেছেন,  
তাহাদিগের সহিত যুদ্ধ করা দূরে থাকুক,  
দেখিবামাত্র আমার হৃদয় কম্পিত, অন্তঃকরণ  
নিরুৎসাহ ও শরীর অবসন্ন হইতেছে।

রাজপুত্র উত্তর সুচত্র অর্জুনের বল  
বিক্রম পরিজ্ঞাত ছিলেন না, সুতরাং তিনি  
মূর্থতাংপ্রযুক্ত তাঁহার নিকট আক্ষেপ প্র-  
কাশপূর্বক কহিতে লাগিলেন, বৃহন্নলে !  
পিতা আমারে শূন্য গৃহে রাখিয়া সমস্ত  
সৈন্য সামন্ত সমভিব্যাহারে ত্রিগর্ভদিগের  
সহিত যুদ্ধ করিতে গমন করিয়াছেন।  
আমি একাকী, বালক, বিশেষত পরিশ্রমে  
অপটু; কৌরবেরা ক্রুতাত্ম ও বহুসংখ্যক;  
উহাদিগের সহিত আমার যুদ্ধ করা কোন  
ক্রমেই যুক্তিসিদ্ধ নহে; অতএব তুমি প্রতি-  
নিবৃত্ত হও।

বৃহন্নলা কহিলেন, মহাশয়! এক্ষণে  
কাতর হইয়া শক্রগণের হর্ষ বর্জন করিতেছেন  
কেন? শক্রগণ এমন কি কর্ম করিয়াছে যে,  
আপনি এত ভীত হইলেন? আপনি পূর্বে  
আমাকে কৌরবসেনামধ্যে লইয়া যাইতে  
আদেশ করিয়াছেন; অতএব আমি আপ-  
নাকে গোধানাপহারী আততায়ী কৌরবগণের  
সমীপে লইয়া যাইব। মহাশয় যাত্রাকালে  
স্রীপুরুষগণসমক্ষে কাদৃশ গর্ভ প্রকাশ করি-  
য়াছিলেন, এক্ষণে কি নিমিত্ত যুদ্ধে পরা-  
জ্ঞ হইতেছেন? যদি গোধান অন্ন না করিয়া  
গৃহে প্রতিনিবৃত্ত হন, তাহা হইলে সমুদায়  
স্রীপুরুষ বিশেষত বীরগণ একত্রিত হইয়া  
আপনার উপহাস করিবে। অতএব আপ-  
নি ধৈর্য্যাবলম্বন করুন। সৈরিকী সর্বসমকে  
যুদ্ধকর্ত্তে আমার সারথা কার্যের ভূয়সী

প্রশংসা করিয়াছেন, ভগ্নিমিত্ত আমি খেদু না  
লইয়া কোন ক্রমেই গৃহে গমন করিতে পা-  
রিব না; আমি সৈরিকীর স্তুতিবাদ, উত্তরার  
অনুরোধ ও আপনার আদেশক্রমে আগমন  
করিয়াছি। অতএব কৌরবগণের সহিত যুদ্ধ  
না করিয়া কি রূপে ক্ষান্ত হইব?

উত্তর কহিলেন, বৃহন্নলে! কৌরবগণ  
আমাদিগের যথাসর্বস্ব অপহরণ করুক;  
আবালবৃদ্ধ বনিতা সকলেই আমাকে উপহাস  
করুক; সমুদায় গোধান অপরূত ও নগর  
শূন্য হউক বা পিতা আমারে তিরস্কার  
করুন; আমি কোন ক্রমেই যুদ্ধ করিতে  
পারিব না। বিরাটতনয় এই কথা বলিয়া যৎ-  
পরোনাস্তি ভীত হইয়া ধর্ম্মধারণের সহিত  
মান ও মর্পে জলাঞ্জলি দিয়া রথ হইতে লক্ষ  
প্রদানপূর্বক পলায়ন করিতে লাগিলেন।

তখন অর্জুন কহিলেন, মহাশয়! যুদ্ধে  
পরাজ্ঞ হওয়া ক্ষত্রিয়ের ধর্ম্ম নহে; ভীত  
হইয়া পলায়ন করা অপেক্ষা সমরে মরণও  
শ্রেয়স্কর। মহাবীর ধনঞ্জয় এই কথা  
বলিয়া সহরে রথ হইতে অবতরণপূর্বক  
পলায়মান রাজপুত্রের পশ্চাৎ পশ্চাৎ ধাব-  
মান হইলেন। গতিবেগে তাঁহার সুদীর্ঘ  
বেণী আলুলান্নিত এবং বসনযুগল শিথিল  
ও ইতস্তত বিধ্বসমান হইতে লাগিল। তদ-  
র্শনে কৌরবপক্ষীয় কতিপয় সৈনিক পুরুষ  
হাস্য করিয়া উঠিল।

কৌরবেরা তথাবিধ অস্তুরূপ ক্রুত  
পদগামী অর্জুনকে অবলোকন করিয়া বিতর্ক  
করত কহিতে লাগিলেন, ভস্মাচ্ছাদিত  
বহির ন্যায় হ্রস্ববেশী এ ব্যক্তি কে? ইহার  
অবয়বের কিয়দংশ পুরুষের ন্যায় ও কিয়দংশ  
স্রীলোকের ন্যায় দেখিতেছি। এ ক্রীকপী,  
কিন্তু ইহাতে অর্জুনের সম্পর্গ সৌন্দর্য্য  
লক্ষিত হইতেছে। ইহার মস্তকে, গ্রীবা, বি-  
শাল ব্যূহযুগল ও বল বিক্রম অবিকল  
অর্জুনের ন্যায়। অতএব নিশ্চয়ই বোধ

হইতেছে, এ ধনঞ্জয়, অন্য কেহ নহে। যেমন সুররাজ সমস্ত অমরগণ অপেক্ষা শ্রেষ্ঠ, সেই রূপ অর্জুনও সমুদায় মানবের প্রধান। সে ব্যতীত একাকী আমাদিগের সম্মুখীন হয় এমন বীর ধরাতলে আর কে আছে! বোধ হয়, বিরাটতনয় একাকী পুরমধ্যে বাস করিতেছিল; সে বালস্বভাবনিবন্ধন স্বীয় পুরুষকার বিবেচনা করিতে না পারিয়া প্রচ্ছন্নবেশী অর্জুনকে সারথি করিয়া যুদ্ধে আগমন করিয়াছে। এক্ষণে আমাদিগকে দেখিয়া ভয়ে পলায়ন করিতেছে, অর্জুন উহারে ধারণ করিবার নিমিত্ত উহার পশ্চাৎ পশ্চাৎ ধাবমান হইতেছে।

কৌরবেরা ছদ্মবেশী অর্জুনকে অবলোকন করিয়া সকলেই এই রূপ বিতর্ক করিতে লাগিলেন; কিন্তু কিছুই নিশ্চয় করিতে পারিলেন।

এ দিকে অর্জুন শত পদমাত্র গমন করিয়া পলায়মান উত্তরের কেশ ধারণ করিলেন। তখন বিরাটতনয় নিতান্ত কাতরতা প্রকাশপূর্বক কহিতে লাগিলেন, রুহ্মলে! শীঘ্র রথ নিরন্ত কর। জীবিত থাকিলে অনেক শ্রেয়োলাভের সম্ভাবনা। আমি তোমারে বিশুদ্ধ সুবর্ণনির্মিত এক শত দীনার, মহাপ্রভাসম্পন্ন হেমবন্ধ অষ্ট বৈদূর্য্যমণি, সুশিক্ষিত অশ্বসংযুক্ত, হেমদণ্ডসুশোভিত রথ এবং দশটি মত্ত মাতঙ্গ প্রদান করিব, তুমি আমারে পরিত্যাগ কর।

উত্তর এই রূপে নানাপ্রকার বিলাপ ও পরিতাপ করত মুচ্ছিতপ্রায় হইলে অর্জুন সহাস্য বদনে তাঁহারে রথের নিকট আনয়ন করিয়া কহিতে লাগিলেন, হে শক্রকর্ষণ! যদি যুদ্ধ করিতে তোমার উৎসাহ না হয়, তবে তুমি আমার সারথি হইয়া অশ্বচালন কর; আমি স্বয়ং মহারথ বীর পুরুষগণের সহিত সংগ্রাম করিতেছি; তোমার কিছুমাত্র শঙ্কা নাই। আমি স্বীয় বাহুবলে তোমারে

রক্ষা করিব। হে অরাতিনিপাতন! তুমি ক্ষত্রিয় হইয়া শক্রসমক্ষে এত বিবল হইতেছে কেন? আমি কৌরবগণের সহিত যুদ্ধ করিয়া তোমার ধেনুগণ প্রত্যানয়ন করিব। এক্ষণে প্রস্তুত হও, আর বিলম্বে প্রয়োজন নাই।

জয়শীল অর্জুন এই রূপ প্রবোধ বাক্যে ভয়পীড়িত উত্তরকে আশ্বাসিত করিয়া তাঁহাকে লইয়া রথারোহণপূর্বক প্রস্থান করিলেন।

একোনচত্বারিংশত্তম অধ্যায়।

বৈশম্পায়ন কহিলেন, মহারাজ! এ দিকে ভীষ্মদ্রোণপ্রমুখ মহারথিগণ ছদ্মবেশী অর্জুনকে উত্তর সমভিব্যাহারে রথারোহণপূর্বক শমীরূক্ষের অভিমুখে গমন করিতে দেখিয়া একান্ত শঙ্কিত হইলেন। তখন দ্রোণাচার্য্য সকলকে ভ্রমোৎসাহ ও ভয়ঙ্কর উৎপাত উপস্থিত দেখিয়া কহিলেন, দেখ, সমীরণ অনবরত কর্কর বষণপূর্বক প্রচণ্ড বেগে প্রবাহিত হইতেছে; নভোমণ্ডল ভস্মাকার গাঢ়তর তিমিরনিকরে সমাচ্ছন্ন হইয়াছে; অতি ভীষণ ঘনমণ্ডলী ইতস্তত পরিদৃশ্যমান হইতেছে; শিবাংগ সূর্য্যাভিমুখে অতি কঠোর স্বরে চীৎকার করিতেছে; দিগ্ভাহ উপস্থিত; অশ্বগণ অগ্রমোচন করিতেছে; অকস্মাৎ কোষ হইতে বিবিধ শস্ত্রজাল স্থলিত হইতেছে এবং ধ্বজদণ্ড চালিত না হইয়াও কম্পিত হইতেছে।

হে বীরগণ! এই রূপ ও অন্যান্যরূপ বহুতর ভয়ানক উৎপাত উপস্থিত হইয়াছে; অতএব এক্ষণে সাবধান হইয়া যত্নসহকারে আত্মরক্ষার্থে ব্যাহ রচনা কর এবং গোধন রক্ষা করিতে যত্নবান হও। নিশ্চয়ই বোধ হইতেছে, মহাবীর অর্জুন ক্লীববেশে আগমন করিতেছে।

দ্রোণাচার্য্য সমুদায় বীর পুরুষগণকে এই

রূপ কহিয়া পরিশেষে ভীষ্মকে সম্বোধনপূর্বক কহিতে লাগিলেন, হে শাস্ত্রমুতনয়! মহাবল পরাক্রান্ত পার্থ অদ্য আমাদিগকে পরাজয় করিয়া নিশ্চয়ই গোধন লইয়া যাইবে। বীর-বরাগ্রগণ্য ধনঞ্জয় সমুদায় দেবাসুরগণের সহিতও সংগ্রাম করিতে পরাজুখ হয় না। ঐ মহাবীর দেবলোককে দেবরাজ ইন্দ্রের সাহায্যে অস্ত্র শিক্ষা করিয়াছে। বিশেষত অরণ্য-বাসক্লেণে নিতান্ত ক্লিষ্ট ও একান্ত অমর্ষ-পরবশ হইয়া আছে; সুতরাং বিনা যুদ্ধে কদাচ নিবৃত্ত হইবে না। কিন্তু আমাদিগের মধ্যে এমন কোন বীরই নাই যে, উহার প্রতিদ্বন্দ্বী হইতে পারে। শুনিয়াছি, অর্জুন হিমাচলে কিরাতবেশধারী ভগবান্ ত্রিলো-চনকে স্বীয় যুদ্ধবিদ্যাপারদর্শিতা-প্রদর্শন-পূর্বক সন্তুষ্ট করিয়াছে।

তখন কর্ণ কহিলেন, হে আচার্য্য! আপনি সর্বদাই অর্জুনের গুণ কীর্ত্তন ও আমাদিগের নিন্দা করিয়া থাকেন; কিন্তু আমার ও মহা-রাজ ছুর্য্যোধনের যেকোন ক্ষমতা, অর্জুনের তাহার ষোড়শাংশের একাংশও নাই।

ছুর্য্যোধন কণের বাক্যানুসারে তাঁহারে কহিলেন, হে কর্ণ! যদি এই অনঙ্গবেশধারী পুরুষ যথার্থই অর্জুন হয়, তাহা হইলে আ-মাদিগেরই মনোরথ পূর্ণ হইবে; কারণ পাণ্ড-বেরা এক বৎসর অজ্ঞাতসারে কাল যাপন করিবে বলিয়া পূর্বে অঙ্গীকার করিয়াছে; এক্ষণে জ্ঞাত হইলে তাহাদিগকে পুনরায় দ্বাদশ বৎসর অরণ্যবাস স্বীকার করিতে হইবে, সন্দেহ নাই; আর যদি অন্য কেহ ক্রীববেশে আগমন করিয়া থাকে, তাহা হইলে আমি নিশ্চিত শরপ্রহারে এখনই উহার প্রাণ সংহার করিব।

ভীষ্ম, দ্রোণ, রূপ ও অশ্বখামা মহারাজ ছুর্য্যোধনের এই রূপ পৌরুষ বাক্য শ্রবণ করিয়া তাঁহারে সবিশেষ প্রশংসা করিতে লাগিলেন।

চত্বারিংশত্তম অধ্যায় ।

বৈশম্পায়ন কহিলেন, মহারাজ! এ দি-কে মহাবল পরাক্রান্ত অর্জুন সেই শমীরুকের সন্নিহিত হইয়া রাজকুমার উত্তরকে নিতান্ত সুকুমার ও যুদ্ধে একান্ত অপটু বিবেচনা করিয়া কহিলেন, হে উত্তর! তুমি আমার নিয়োগক্রমে অনতি বিলম্বে শমীরুকে আ-রোহণপূর্বক শরাসন সমুদায় আনয়ন কর। তোমার এই সমুদায় ধনু অতি অসার, সুত-রাং আমি যখন সমরাজ্ঞনে অবতীর্ণ হইয়া শত্রু জয় ও হস্তাশ্বদল বিমর্দন করিব, তৎ-কালে এই সকল শরাসন আমার বাহু বিক্ষেপ ও বলবীৰ্য্য সহ্য করিতে কদাচ সমর্থ হইবে না; অতএব তুমি সহরে পল্লব-বিস্তীর্ণ এই শমীরুকে আরোহণ কর। ইহাতে মহারাজ যুধিষ্ঠির, ভীম, অর্জুন, নকুল ও সহদেবের শর, কার্মুক ও দিব্য কবচ সমুদায় নিহিত রহিয়াছে। ঐ রুক্ষেই অর্জুনের গাণ্ডীব শরাসন সংস্থাপিত আছে। ঐ এক-মাত্র ধনু সহস্র সহস্র কার্মুকের তুল্য; উহা নিতান্ত ব্যায়ামসহ, সর্বাযুধপ্রধান, সুবর্ণা-লঙ্কত, আয়ত, ত্রাণশূন্য, ত্বর্কহভারসম্পন্ন ও চারুদর্শন। ধর্ম্মরাজ যুধিষ্ঠির, ভীম, নকুল ও সহদেবের কার্মুকও এই রূপ সূদৃঢ়।

একচত্বারিংশত্তম অধ্যায় ।

উত্তর কহিলেন, হে বৃহস্পলে! শুনি-য়াছি, এই রুক্ষে একটা শবদেহ বদ্ধ রহি-য়াছে। অতএব আমি রাজকুমার হইয়া কি রূপে উহা স্পর্শ করিব। ফলত মন্ত্রত্ৰতবিৎ কত্রিয়সন্তানের পক্ষে এই রূপ অপবিত্র বস্তু স্পর্শ করা নিতান্ত অবিধেয়। আমি এই মৃত কলেবর স্পর্শ করিলে নিঃসন্দেহ শববাহকের ন্যায় অশুচি হইব; তাহা হইলে তুমি কিরূপে আমায়ে স্পর্শ করিবে? অর্জুন কহিলেন, হে উত্তর! তোমার কিছু-মাত্র আশঙ্কা নাই, তোমায়ে অশুচি হইতে

হইবে না। উহা কার্মুক, মৃতদেহ নহে। হে মহাশয়! তুমি মহাশয়সম্মত, বিশেষত মৎস্যরাজ বিরাটের আজ্ঞা; অতএব যদি উহা বস্ত্রত শব হইত, তাহা হইলে আমি কখনই তোমারে উহা স্পর্শ করিতে অমুরোধ করিতাম না।

তখন রাজকুমার উত্তর অগত্যা রথ হইতে অবতীর্ণ হইয়া শমীরূক্ষে আরোহণ করিলেন। মহাবীর অর্জুন রথে অবস্থান-পূর্বক তাঁহারে কহিলেন, হে উত্তর! তুমি অবিলম্বে রক্ষাশ্রমণ হইতে মহার্হ কার্মুক সকল অবরোপিত ও পরিবেষ্টন বিনিমুক্ত কর। উত্তর অর্জুনের আদেশক্রমে রক্ষ হইতে সমুদায় অস্ত্র শস্ত্র ভূতলে অব-তারিত করিয়া পরিবেষ্টন পত্র বিমোচিত করিলামাত্র অর্জুনের গাণ্ডীব ও অন্যান্য পাণ্ডবগণের শরাসন সমুদায় তাঁহার নয়ন-গোচর হইল। যেমন উদয়কালে গ্রহগণের দিব্য প্রভা উদ্ভাসিত হইয়া থাকে, তদ্রূপ তৎ-কালে সেই সমুদায় শরাসনের বিচিত্র প্রভা স্ফুরিত হইতে লাগিল। রাজকুমার উত্তর, জ্বলন্তশীল ভীষণ ভূজঙ্গের ন্যায় সেই কার্মুক সকল অবলোকনে ভীত ও রোলাঙ্কিত হইলেন এবং প্রত্যেক চাপ স্পর্শ করত অর্জু-নকে জিজ্ঞাসা করিতে লাগিলেন।

ছাচত্বাবিশিষ্টম অধ্যায়।

উত্তর কহিলেন, এই শত সহস্র কোটি সুবর্ণবিন্দুপরিশোভিত শরাসন কোন্ মহাজ্ঞা ধারণ করিতেন? যাহার পৃষ্ঠভাগ সুবর্ণ আবরণে আবৃত, পার্শ্বদেশ অতি নমোহর এবং গ্রহণস্থান অতি সুখকর, এই ধনু বা কাহার হস্তে পরিশোভিত হইত? যাহার পৃষ্ঠে বিশুদ্ধ কাঞ্চনবিনির্মিত ইন্দ্রগোপকীর্টের প্রতিমূর্তি সকল লাঙ্কিত রহিয়াছে, উহা কাহার করপল্লবের শোভা সম্পাদন করিত? ঐ সুবর্ণময় সূর্য্যক্রমে

উদ্ভাসিত শরাসন কাহার হস্তে শোভা পাই-ত? যাহাতে কাঞ্চনময় শলভ সকল মণিময় ভ্রুণে বিভূষিত হইয়া শোভা পাইতেছে, ইহাই বা কাহার হস্তে বিন্যস্ত হইত?

এই কাঞ্চনময় নিষঙ্গে কোন্ মহাশয় কাঞ্চনকলক, লোমবাহী সহস্র নারাচ নিহিত রহিয়াছে? যে সকল বাণের সর্বাঙ্গ স্থূল, লৌহনির্মিত, পীতবর্ণে রঞ্জিত, গৃধপক্ষি শোভিত ও মসৃণ, ঐ সকল শর কাহার শরাসনে সংযোজিত হইত? এই যে বরাহ-কর্ণলাঙ্কিত, পঞ্চ শাদ্দলচিহ্নে চিহ্নিত দশটি শায়ক রহিয়াছে, ঐ শরগুলি কাহার? এই স্থূল, দীর্ঘ, অর্ধচন্দ্রাকার এক শত সপ্ত নারাচ কাহার? যাহার পূর্বার্ধ শুকপক্ষের ন্যায়, পরার্ধ লৌহময়, পুঙ্খ সকল কাঞ্চনময়, কল-কভাগ নিশিত, ঐ সকল শরই বা কাহার এবং এই গুরুভারসহ, শত্রুগণের ভয়ঙ্কর, সু-দীর্ঘ শিলীমুখই বা কাহার?

যাহার মুষ্টি কাঞ্চনময়, যাহা ব্যাস-চর্মনির্মিত কোষমধ্যে নিহিত, ঐ পৃথুল কিঙ্কিনীশালী খজ্জ খানি কাহার? এই গোচর্মনির্মিত কোষে বিনিহিত নির্মাল খজ্জই বা কাহার? এই ব্যাসচর্মনির্মিত কোষে নিহিত, হেমবিগ্রহ, নিষধদেশীয় অসিই বা কাহার? এই প্রজ্বলিত পাবক-সদৃশ হেমময় কোষে কোন্ বীরের নীলবর্ণ খজ্জ নিহিত রহিয়াছে? এবং এই হেমবিন্দু-পরিবৃত আশীবিসমস্পর্শ ভয়ঙ্কর খজ্জই বা কাহার? হে বৃহন্নলে! তুমি যথার্থক্রমে আ-মার নিকট এই সমুদায় অস্ত্র গুলির পরিচয় প্রদান কর। আমি এই সমস্ত অস্ত্র শস্ত্র সন্দর্শন করিয়া অত্যন্ত চমৎকৃত হইয়াছি।

ত্রয়শ্চত্বারিংশতম অধ্যায়।

অর্জুন কহিলেন, হে রাজপুত্র! আপ-নি প্রথমে যে শরাসনের বিষয় জিজ্ঞাসা করিলেন, উহা ভুবনবিধ্যাত গাণ্ডীব; ধন-

জয় এই একমাত্র কার্মক লইয়া সমুদায় দেব ও মানবগণকে পরাস্তব করিয়াছেন । দেব, মানব ও গন্ধর্বগণ বহু কাল ঐ ম্লিষ্ণ, আয়ত, অক্ষত ও উচ্চাচ শরনিকরশোভিত শরাসরের অর্চনা করিয়াছেন । প্রথমে ভগবান্ লক্ষ্মা ঐ ধনু সহস্র বর্ষ, তৎপরে প্রজাপতি শার্ক সহস্র বর্ষ, পুরন্দর পঞ্চাশীতি বর্ষ, চন্দ্রমা পঞ্চ শত বর্ষ এবং বরুণদেব শত বর্ষ ধারণ করিয়াছিলেন । মহাবীর ধনঞ্জয় বরুণদেবের নিকট এই দিব্য চাপ প্রাপ্ত হইয়াছিলেন । ইহা তাঁহার হস্তে পঞ্চাষটি বর্ষ ছিল । আরি এই সুপাশ্ব' হেমবিগ্রহ শরাসন ভীমসেনের করে শোভা পাইত; তিনি ঐ ধনু দ্বারা সমুদায় পুরুষ দিক পরাজয় করিয়াছিলেন । এই যে ইন্দ্রগোপচিত্র চারুদর্শন শরাসন রহিয়াছে, মহারাজ যুধিষ্ঠির ইহা ধারণ করিতেন । যাহাতে কাঞ্চনময় সূর্য্যত্রয় প্রকাশিত আছে, উহা নকুলের ধনু । যাহাতে নানাবিধ হেমময়চিত্র ও সুবর্ণবিনির্মিত শলভ সমূহ বিরাজিত হইতেছে, উহা সহদেবের শরাসন ।

এই যে সুরধার সহস্রটি নারাচ দেখিতেছ, মহাবীর ধনঞ্জয় ইহা লইয়া সংগ্রাম করিতেন; উহা শীঘ্রগামী ও অক্ষয়; সমর সময়ে সতেজে প্রক্ষলিত হইয়া শত্রুগণের প্রতি নিক্ষিপ্ত হইত আর ঐ সমুদায় শূল, দীর্ঘ ও অর্ধ চন্দ্রাকৃতি-শরনিকর ভীমসেনের; যে সমুদায় বাণে পঞ্চ শাদুলের চিহ্ন লক্ষিত হইতেছে ধীমান্ নকুল ঐ সমস্ত হরিষর্গ, হেমপুশ্ব নিশিত শর সমূহ দ্বারা সমস্ত পশ্চিম দিক পরাজয় করিয়াছেন । এই সমুদায় সূর্য্যসদৃশ চিত্রিত লৌহময় শরসমূহ ধীমান্ সহদেবের । ঐ সকল নিশিত শীতবর্ণ হেমপুশ্ব ত্রিপর্ক শরগুলি মহারাজ যুধিষ্ঠিরের আর ঐ সূদীর্ঘ শিলীপূর্ভ শিলীমুখ মহাবীর অর্জুনের । ঐ ব্যাসচর্মনির্মিত কোষে ভীমসেনের দিব্য খড়্গ

রহিয়াছে । রাজা যুধিষ্ঠির এই চিত্র কোষনিহিত হেমযুষ্টিশোভিত তীক্ষ্ণধার নিদ্রিংশ ব্যবহার করিতেন । শার্কুলচন্দ্রবিনির্মিত কোষে নকুলের দৃঢ়তর খড়্গ রহিয়াছে আর ঐ গোচর্মনির্মিত কোষে সহদেবের অসিপত্র লক্ষিত হইতেছে ।

চতুশ্চত্বারিংশতম অধ্যায় ।

উত্তর সেই সমস্ত অস্ত্র শস্ত্র সন্দর্শন করিয়া কহিলেন, পাণ্ডবগণের সুবর্ণবিনির্মিত মনোহর আয়ুধ সকল সমুজ্জল রহিয়াছে দেখিতেছি; কিন্তু জিজ্ঞাসা করি, এক্ষণে যুধিষ্ঠিরপ্রমুখ সেই মহাত্মা পাণ্ডবগণ কোথায়; তাঁহারা অন্ধে পরাজিত ও রাজ্যচ্যুত হইয়া কোন্ স্থানে গমন করিয়াছেন, আমরা কিছুই জ্ঞাবণ করি নাই । শুনিয়াছি, লোকবিশ্রান্ত জ্বরিত্ত পাঞ্চালীও তাঁহাদিগের সমভিব্যাহারে বন প্রয়াণ করিয়াছেন; কিন্তু সম্প্রতি তিনিই বা কোথায়?

অর্জুন কহিলেন, আমি পার্থ অর্জুন; রাজা যুধিষ্ঠির তোমার পিতার সভাসদ; ভীমসেন বল্লব নামে পাচক; নকুল অশ্বপাল ও সহদেব গোপাল হইয়া রহিয়াছেন । যাঁহার নিমিত্ত দুরাভা কীচকেরা বিহত হইয়াছে; তিনিই জ্রৌপদী, সৈরিক্ষীবেশে তোমার ভবনে কাল যাপন করিতেছেন ।

উত্তর কহিলেন, পার্থের যে দশটি নাম জ্ঞাবণ করিয়াছি; আপনি যদি তাহা কীর্তন করিতে সমর্থ হন, তাহা হইলে আপনার সমুদায় বাক্য বিশ্বাস করি ।

অর্জুন কহিলেন, হে বিরাটতনয়! আমি পার্থের দশ নাম কীর্তন করিতেছি; অবহিত হইয়া জ্ঞাবণ কর । অর্জুন, কাঙ্ক্ষম, জিহ্ব, কিরীটী, শ্বেতবাহন, বীতৎস্ব, বিজয়, রূক্ষ, সব্যসাচী ও ধনঞ্জয় ।

উত্তর কহিলেন, মহাশয়! কি নিমিত্ত আপনার এই দশটি নাম হইল যথার্থ করিয়া

বলুন। আমরা শুনিয়াছি, মহাবীর পার্থের নাম অমর্থ; অতএব আপনি যদি ঐ সকল সবিশেষ নির্দেশ করিতে সমর্থ হন; তাহা হইলে আপনার বাক্যে আর কিছুমাত্র সন্দেহ রহিবে না।

অর্জুন কহিলেন, আমি নিখিল জনপদ জয় করিয়া ধন সংগ্রহপূর্বক তন্মধ্যে অবস্থিতি করি; এই নিমিত্ত আমার নাম ধনঞ্জয় হইয়াছে। আমি সমরাজ্যে রণবিশারদ বীরগণকে পরাজয় না করিয়া প্রতিনিবৃত্ত হই না; এই কারণ লোকে আমাকে বিজয় বলিয়া থাকে। যুদ্ধ করিবার মময়ে আমার রথে শ্বেতাশ্ব সংযোজিত হয়; এই নিমিত্ত আমার নাম শ্বেতবাহন হইয়াছে। আমি হিমাচলপৃষ্ঠে উত্তরফল্গুনী নক্ষত্র যুক্ত দিবসে জন্ম গ্রহণ করিয়াছি; এই নিমিত্ত সকলে আমাকে ফাল্গুন বলিয়া সম্বোধন করে। আমি পূর্বে মহাবল দানবদের সহিত ঘোরতর সমরসাগরে অবতীর্ণ হইলে দেবরাজ প্রসন্ন হইয়া আমার মস্তকে সূর্যাসমুজ্জল কিরীট প্রদান করেন; এই নিমিত্ত আমার নাম কিরীটী হইয়াছে। আমি যুদ্ধস্থলে কদাপি বীতংস কর্ম করি নাই; এই নিমিত্ত দেবলোক ও মনুষ্যালোকে আমার বীতংসু নাম বিশ্রুত হইয়াছে। আমি বাম ও দক্ষিণ উভয় হস্তেই গাণ্ডীব ধনু আকর্ষণ করিতে পারি; এই নিমিত্ত আমার নাম সব্যাসাচী হইয়াছে। আমি এই সাগরায়রা বনুন্ধরায় সর্বদা নির্মল কর্ম করিয়া থাকি; এই নিমিত্ত লোকে আমাকে অর্জুন বলিয়া থাকে। যুদ্ধস্থলে সাহসপূর্বক কেহ আমার সম্মুখে আগমন করিতে পারে না, আমি অতি চূর্নক শত্রুকেও জয় করিয়া থাকি; এই নিমিত্ত আমার নাম জিহ্ব হইয়াছে। আর বিশুদ্ধ কৃষ্ণবর্ণ বালক লোকের সাতিশয় প্রিয়; এই নিমিত্ত পিতা আমার নাম কৃষ্ণ রাধিয়াছেন।

অনন্তর উত্তর অর্জুনের এই সমস্ত বাক্য শ্রবণে সাতিশয় বিস্মিত ও চমৎকৃত হইয়া অভিবাদনপূর্বক কহিলেন, হে মহাবাহো! আজি আমার পরম সৌভাগ্য! আপনার সাক্ষাৎকার লাভ করিয়া আজি চরিতার্থ হইলাম। আমি অজ্ঞানতাপ্রযুক্ত যে যে সকল অযুক্ত কথা বলিয়াছি; তজ্জন্য আমার অপরাধ মার্জনা করিবেন। আপনি পূর্বে যে সমস্ত অদ্ভুত কর্ম করিয়াছেন; তন্নিমিত্ত আমার হৃদয়ে ভয় সঞ্চার না হইয়া বরং প্রীতিরই উদয় হইতেছে।

পঞ্চচত্বারিংশত্তম অধ্যায়।

আমি আপনার সারথ্য কার্য স্বীকার করিতেছি; এক্ষণে আপনি এই সুসজ্জিত রথে আরোহণপূর্বক কোন্ স্থানে গমন করিবেন, আজ্ঞা করুন; আমি সেনা সমূহ পরিত্যাগ করিয়া আপনারই সহিত গমন করিব। অর্জুন কহিলেন, হে রাজকুমার! আমি তোমার প্রতি প্রীত ও প্রসন্ন হইয়াছি; এক্ষণে আর ভয় নাই; আমি একাকী তোমার শত্রু সকল সংহার করিব। তুমি আর উৎকণ্ঠিত হইও না; এই সকল তুণীর শীঘ্র আমার রথে বন্ধনপূর্বক সূবর্ণসমুজ্জল এক খড়্গ আহরণ কর।

এই কথা শ্রবণ করিবামাত্র উত্তর সত্ত্বরে অর্জুনের সমস্ত অস্ত্র গ্রহণপূর্বক শমীকৃষ্ণ হইতে অবতীর্ণ হইলেন। তখন অর্জুন কহিলেন, হে উত্তর! আমি কৌরবদিগের সহিত যুদ্ধ করিয়া অনতি বিলম্বেই তোমার গোধন সকল প্রত্যাহরণ করিব; আমার বাহ্যুগল তোমার নগরের প্রাকার ও তোরণস্বরূপ হইবে। ক্ষণকালমধ্যে তোমার নগর জ্যাঘোষিনিদিত, দুন্দুভিধনিমুখরিত হইয়া উঠিবে। ভয় কি, আমি রণস্থলে গাণ্ডীব শরাসন ধারণপূর্বক রথারোহণ করিলে শত্রুগণ কদাচ তোমাকে পরাজয় করিতে পারিবে না।



উত্তর কহিলেন, হে বীর ! আমি এক্ষণে বিপক্ষ হইতে ভীত হইতেছি না ; আপনকার বল বীর্য্য সমুদায় জ্ঞাত হইয়াছি ; আপনি যুদ্ধে বৃষ্টিবংশাবতঃস কৃষ্ণ বা দেবরাজ ইন্দ্রের তুল্য, তাহার সন্দেহ নাই। কিন্তু আপনি একরূপ সুরূপ ও শুভলক্ষণসম্পন্ন হইয়া কি প্রকারে কর্মবিপাকবশত ক্লীবত্ব প্রাপ্ত হইলেন ; ইহা মনে মনে আন্দোলন করিয়া একান্ত বিমোহিত হইতেছি। আমি নিতান্ত মন্দবুদ্ধি, সুতরাং এক্ষণে কিছুই নির্ণয় করিতে সমর্থ হইতেছি না ; বোধ হয়, আপনি ক্লীববেশধারী ভগবান্ শূলপাণি, গন্ধর্ব্বরাজ চিত্ররথ অথবা ত্রিদশাধিপতি ইন্দ্র হইবেন।

অর্জুন কহিলেন, হে রাজকুমার ! তুমি আমারে প্রকৃত ক্লীব বলিয়া বোধ করিও না ; আমি জ্যেষ্ঠ ভ্রাতার নিয়োগপরতন্ত্র হইয়া সংবৎসর কাল এই রূপ ব্রতানুষ্ঠান করিতেছি ; এক্ষণে ব্রতকাল অতীত হইয়াছে। উত্তর কহিলেন, আজি আপনি নিতান্ত অনুগ্রহ প্রদর্শন করিলেন। ফলত ঙ্গদৃশ আকার কদাচ ক্লীব হইতে পারে না ; আমি পূর্বে যে সন্দেহ করিয়াছিলাম ; তাহা এক্ষণে নিষ্ফল হইল না। আজি আমি সহায়সম্পন্ন হইলাম ; বলিতে কি, দেবগণের সহিত যুদ্ধ করিতেও আমার উৎসাহ হইতেছে। মনোমধ্যে কিছুমাত্র ভয়ের উদ্রেক হইতেছে না। আপনার কি কার্য্য সাধন করিতে হইবে ; আজ্ঞা করুন। আমি সুশিক্ষিত ব্যক্তি হইতে সারথ্য কার্য্য শিক্ষা করিয়াছি ; এক্ষণে আপনার অশ্ব চালনা করিব। বাসুদেবের দারুক ও সুররাজ ইন্দ্রের মাতলির ন্যায় আমিও অশ্বচালনার নিপুণতা লাভ করিয়াছি। যে অশ্ব রথের দক্ষিণ ধুর বহন করিতেছে ; সে ভগবান্ বিষ্ণুর সুগ্রীবতুল্য এবং গমনকালে ভ্রুতলে তাহার পাদক্ষেপ কদাচ অমুভূত হয় না। যে অশ্ব রথের বাম ধুর বহন করিতেছে ;

সে ভগবান্ বিষ্ণুর মেঘপুষ্প অশ্বের ন্যায় গমন করিয়া থাকে। যে অশ্ব বাম পাশ্চিভাগ বহন করিতেছে ; সে ভগবান্ বিষ্ণুর শৈব্য অশ্বের ন্যায় বলবান্। আর যে অশ্ব দক্ষিণ পাশ্চিভাগ বহন করিতেছে ; সে মেঘ অপেক্ষাও বীর্যবান্। আমি এই সকল অশ্ব রথে যোজনা করিয়াছি ; সুতরাং ইহা আপনারে অনারাসে বহন করিতে পারিবে ; অতএব আপনি ইহাতে আরোহণ করিয়া সংগ্রামে প্ররূত হউন।

অনন্তর মহাবীর অর্জুন বাহুযুগল হইতে বলয় উন্মোচনপূর্ব্বক কাঞ্চননির্ম্মিত বর্ম্ম ধারণ ও শুক্ল বসন দ্বারা কৃষ্ণবর্ণ কুটিল কেশকলাপ বন্ধন করিলেন, পরে পবিত্র ও প্রাজ্ঞুথ হইয়া সেই দিবা রথে আরোহণ পূর্ব্বক অস্ত্র সমুদায় ধ্যান করিতে লাগিলেন। তখন অস্ত্র সকল প্রাচুভূত হইয়া ক্রুতাঞ্জলিপুটে পার্থকে প্রণিপাতপূর্ব্বক কহিল, হে মহাভাগ ! এই আজ্ঞাবহ কিস্করগণ সমুপস্থিত ; এক্ষণে কি আজ্ঞা হয় ? তখন অর্জুন তাহাদিগকে নমস্কার ও প্রকল্প বদনে কষ্ট মনে প্রতিগ্রহ করিয়া কহিলেন, হে অস্ত্রগণ ! তোমরা রণস্থলে অবস্থান করিয়া আমার কার্য্য সম্পাদন কর।

অনন্তর তিনি অনতি বিলম্বে গাণ্ডীবে জ্যারোপণপূর্ব্বক টঙ্কার প্রদান করিলেন। যাদৃশ শৈলের উপর শৈল নিক্ষেপ করিলে ভীষণ শব্দ সমুৎপন্ন হয় ; তদ্রূপ গাণ্ডীবের প্রচণ্ড রব সকলের কর্ণকুহরে প্রবিষ্ট হইল ; পৃথিবী শব্দায়মান হইয়া উঠিল ; প্রবল বেগে বায়ু বহিতে লাগিল ; দিক্ সকল প্রগাঢ় অন্ধকারাচ্ছন্ন হইয়া উঠিল ; চতুর্দিকে ঘন ঘন উল্কাপাত হইতে লাগিল এবং নভোমণ্ডলে ধ্বজদণ্ড সকল উদ্ভাস্ত ও পাদপরাঙ্কি বিচলিত হইয়া উঠিল। তখন কৌরবগণ অশনিনির্ঘোষ সদৃশ সেই ভয়াবহ শব্দ শ্রবণ করিয়া বুঝিলেন, ইহা মহাবীর

অর্জুনের গাণ্ডীব ধ্বনি ; তাহার সন্দেহ নাই।

উত্তর কহিলেন, হে কৌন্তেয় ! আপনি একাকী, কিন্তু সর্বাঙ্গপারগ মহারথ কৌরবগণ বহুসংখ্যক ; অতএব আপনি উহাদিগকে কিরূপে পরাজয় করিবেন ; এই চিন্তা করিয়া নিতান্ত ভীত হইতেছি। তখন অর্জুন সহস্য মুখে কহিলেন, হে উত্তর ! তুমি ভীত হইও না ; দেখ, যখন আমি ঘোষযাত্রায় মহাবল পরাক্রান্ত গন্ধর্ব-গণের সহিত যুদ্ধ করিয়াছিলাম ; তখন কে আমার সহায় হইয়াছিল ? যখন সুরাসুর-পরিবৃত অতি ভীষণ খাণ্ডাবারণ্যে যুদ্ধ করিয়াছিলাম ; তখন কে আমার সহায় হইয়াছিল ? যখন দেবরাজ ইন্দ্রের নিমিত্ত মহাবল পৌলোম ও নিবাতকবচগণের সহিত যুদ্ধ করিয়াছিলাম ; তখন কে আমার সহায় হইয়াছিল ? যখন দ্রৌপদীশ্বরঘরে বহুসংখ্যক ভূপালগণের সহিত যুদ্ধ করিয়াছিলাম ; তখন বা কে আমার সাহায্য করিয়াছিল ? হে উত্তর ! আমি এক্ষণে দ্রোণাচার্য্য, ইন্দ্র, বক্রণ, যম, কুবের, বক্রি, রূপ, কৃষ্ণ ও পিনাক-পাণি মহাদেবের অনুগ্রহে অবশ্যই ইহাদি-গের সহিত যুদ্ধ করিতে সমর্থ হইব।

ষট্চছারিংশতম অধ্যায়।

বৈশম্পায়ন কহিলেন, মহারাজ ! অনন্তর মহাবীর অর্জুন রাজকুমার উত্তরকে সারথ্যে নিযুক্ত করিয়া শমীরুক প্রদক্ষিণ ও আম্রুধ ধারণ করত রথ হইতে সিংহধ্বজ অপনয়ন ও শমীরুকমূলে সংস্থাপনপূর্বক যুদ্ধযাত্রা করিলেন।

অনন্তর অর্জুন, বিশ্বকর্ষবিহিত দৈবী মায়্যা অবলম্বন করিয়া সিংহলাঙ্গুললক্ষণ, বানরচিহ্নিত পাবকপ্রসাদলক্ষ কাঞ্চনধ্বজ আরাধনা করিতে লাগিলেন। তগবান্ পাবক তাঁহার সংকল্প অবগত হইয়া তদীয়

রথপতাকার ভূত সকলকে সম্মিবেশিত করিলেন। অনন্তর ঐ পতাকা সত্ত্বর আকাশ হইতে অতি বিচিত্র তুণীরসম্পন্ন, মনোরথগতি তদীয় রথে নিপতিত হইল। অর্জুন সেই পতাকা প্রদক্ষিণ ও রথে আরোহণ করিয়া অঙ্গুলিত্র ধারণ ও শরাসন গ্রহণপূর্বক উত্তর দিকে প্রস্থান করিলেন এবং মহাবেগে অতি ভীষণ লোমহর্ষণ শঙ্খধ্বনি করিতে আরম্ভ করিলে সেই সকল বেগপামী তুরঙ্গম প্রবল বেগে গমন করিতে লাগিল। উত্তর তদর্শনে নিতান্ত ভীত হইয়া রথগর্ভে উপবেশন করিলেন।

অর্জুন রশ্মি সংঘত করিয়া উত্তরকে আলিঙ্গনপূর্বক কহিলেন, হে রাজকুমার ! তুমি ভীত হইও না ; ক্ষত্রিয় হইয়া শক্রমধ্যে কি নিমিত্ত বিয়গ্ন হইতেছে ? তুমি নানাবিধ ভেরীরব, শঙ্খধ্বনি ও রণমাতঙ্গবৃংহিত শ্রবণ করিয়াছ ; তথাপি আজি আমার এই শঙ্খধ্বনি শ্রবণ করিয়া প্রাকৃত লোকের ন্যায় কেন বিয়গ্ন ও বিত্রস্ত হইতেছ ? উত্তর কহিলেন, হে মহাভাগ ! নানাবিধ ভেরীরব, শঙ্খধ্বনি ও রণমাতঙ্গবৃংহিত শ্রবণ করিয়াছি বটে, কিন্তু এতাদৃশ শঙ্খধ্বনি ও জ্যানির্ঘোষ কদাচ শ্রবণ করি নাই এবং ঐদৃশ ধ্বজদণ্ড কদাচ আমার নয়নগোচর হয় নাই। এই সমস্ত অমানুষধ্বনি এবং রথ-ঘর্ঘর শব্দে আমার মন নিতান্ত বিমোহিত ও ব্যথিত হইতেছে। দিক্ সকল আকুল হইয়া উঠিয়াছে এবং ধ্বজপটে সমাচ্ছাদিত হইয়া আমার নেত্রপথ রোধ করিতেছে। গাণ্ডীবনির্ঘোষে কর্ণকুহর বধির হইয়া গিয়াছে। তখন অর্জুন কহিলেন, হে উত্তর ! তুমি দৃঢ়তর রূপে রশ্মি সংঘমপূর্বক সাবধানে উপবেশন কর। আমি পুনরায় শঙ্খধ্বনি করিব।

অনন্তর অর্জুন শঙ্খধ্বনি করিলে এক কালে তদীয় বজ্রবর্গের অপরিণীম আনন্দো-

দয় ও শত্রুগণের কৎকল্প উপস্থিত হইল ; দিক্ সকল মুখরিত হইয়া উঠিল ; গিরিগুহা প্রতিধ্বনিত ও ভূধর সকল বিদারিত হইতে লাগিল । তাঁহার শঙ্খধ্বনি, রথচক্রের নির্যোষ ও গাণ্ডীবের টঙ্কারশব্দে সচরাচর ধরাতল বিচলিত হইয়া উঠিল । উত্তর এই সনস্ত অদ্ভুত ব্যাপার সন্দর্শনে সাতিশয় সঙ্কুচিত হইয়া বিলীন ভাবে রথমধ্যে উপবেশন করিলে অর্জুন অভয় প্রদানপূর্বক তাঁহারে আশ্বাসিত করিলেন ।

দ্রোণাচার্য্য কহিলেন, হে কৌরবগণ ! যখন ইহার জলদগম্ভীর রথনির্যোষে বসুমতী বিকম্পিত হইতেছে ; তখন বোধ হয়, ইনি অবশ্যই অর্জুন হইবেন । এই দেখ, আমাদিগের অস্ত্র শস্ত্র সকল নিষ্পত্ত ও অশ্বগণ বিষণ্ণ হইতেছে । অগ্নির আর তাদৃশ প্রতিভা নাই এবং যে সকল বস্ত্র বাস্তবিক সমুজ্জ্বল ; তাহাও এক্ষণে প্রভাহীন হইয়া যাইতেছে ; মৃগগণ পূর্ব দিকে যোরতর রব করিতেছে ; বায়সগণ ধ্বজোপরি লীন হইতেছে ; রোরুদ্যমান শিবা সকল অশিব শব্দ করত সেনামধ্যে প্রবিষ্ট হইতেছে ; কেহ তাহাদিগকে আঘাত না করিলেও আপনারা বহির্গত হইয়া ভাবী ভয় সূচনা করিতেছে ; তোমাদিগের রোমকূপ সকল প্রকট দৃষ্ট হইতেছে ; অতএব এই সমস্ত ভয়ানক উৎপাতিক চিত্র দ্বারা স্পষ্ট বোধ হইতেছে যে, অদ্য যুদ্ধে অসংখ্য ক্ষত্রিয়ের ক্ষয় হইবে ; আজি জ্যোতিষ্কমণ্ডল সমুদায় অপ্রকাশিত ও মৃগপক্ষিগণ প্রতিকূল বোধ হইতেছে । অদ্য যুদ্ধে আমাদিগের বিনাশ যে অবশ্যস্তাবী, তাহার আর সংশয় নাই । দেখ, প্রদীপ্ত উল্কা সকল সেনাগণের অত্যন্ত পীড়া জন্মাইতেছে ; বাহন সকল ছুঃখিত চিত্তে যেন রোদন করিতেছে এবং গৃধ্ৰ সকল তোমাদিগের সৈন্যগণের চতুর্দিকে উড়্ভীন হইতেছে । হে মহারাজ ! আজি অর্জুনশরে সেনাদিগকে নিতান্ত

নিপীড়িত দেখিয়া অতীব সন্তপ্ত হইবেন । ঐ দেখুন, আমাদিগের সৈন্যগণ পরাভূতপ্রায় লক্ষিত হইতেছে ; কাহারেও সমরোৎসাহী বোধ হইতেছে না ; সকলেরই মুখ বিবর্ণ ও চিত্ত অতিভূত হইয়া গিয়াছে । অতএব গো সকল প্রস্থাপিত করিয়া বাহ নিষ্গাণপূর্বক তন্মধ্যে অবস্থিতি করা অবশ্য কর্তব্য, নতুবা আর নিস্তার নাই ।

সপ্তচত্বারিংশতম অধ্যায় ।

অনন্তর রাজা দুর্যোধন ভীষ্ম, দ্রোণ ও কৃপাচার্য্যকে কহিলেন, আমি ও কণ উভয়ে এই বিষয় বারংবার কহিয়াছি এবং গুনরায় কহিতেছি ; দ্যুতক্রীড়াসময়ে আমাদিগের এই রূপ পণ হইয়াছিল যে, যঁাহারা পরাজিত হইবেন ; তাঁহাদিগকে দ্বাদশ বৎসর অরণ্যবাস ও এক বৎসর অজ্ঞাত বাস করিতে হইবে । অদ্যাপি তাহাদিগের প্রতিজ্ঞাত সময় অতিক্রান্ত হয় নাই ; তথাপি অর্জুন আজি আমাদিগের সহিত সমাগত হইল । নিরীক্সন কাল অতিক্রান্ত না হইতেই যদ্যপি ধনঞ্জয় আগমন করিয়া থাকে ; তাহা হইলে পাণ্ডবগণকে পুনর্বীর দ্বাদশ বৎসর বনবাসী হইতে হইবে । কিন্তু পাণ্ডবেরা লোভবশত সময় ভঙ্গ করিল অথবা আমাদিগেরই ভ্রান্তি হইতেছে ; তাহা বলিতে পারি না ; কোন বিষয়ে দ্বৈধ উপস্থিত হইলে প্রতিনিয়তই সংশয় হইয়া থাকে । কোন বিষয় এক প্রকার অবধারিত হইলেও তাহার অন্যথা হইয়া থাকে । ধর্মপরায়ণ ব্যক্তিরেও স্বার্থচিন্তা-সময়ে ভ্রমরূপে নিপতিত হন । অতএব পাণ্ডবগণের প্রতিজ্ঞাত সময় অবশিষ্ট আছে কিম্বা অতিক্রান্ত হইয়াছে ; সে বিষয়ে আমি সন্দেহান হইতেছি ; কিন্তু বোধ হয়, পিতামহ বিশেষ অবগত আছেন ।

মৎস্যসেনাগণ যুদ্ধ করিবার মানসে উত্তর গোংগুহে গমন করিয়াছেন ; যদ্যপি ধনঞ্জয়

তাহাদিগের সমভিব্যাহারে আগমন করিয়া থাকে, তাহা হইলে আমাদিগের কোন অপরাধ নাই। মৎস্যগণ ত্রিগর্তদিগের বহুবিধ অপকার করিয়াছিল; তাহারা ভয়াভিত্ত হইয়া সেই বিষয় আমাদিগের নিকট কীর্তন করিতে আমরা তাহাদিগের সাহায্যার্থ এই রূপ অঙ্গীকার করিয়াছিলাম যে, ত্রিগর্তগণ সশ্রমীতে অপরাহ্নে মৎস্যগণের গোধন সকল গ্রহণ করিবে; পরে মৎস্যরাজ যুদ্ধার্থী হইয়া গোষ্ঠে আগমন করিলেও আমরা অক্ষমীতে সুর্যোদয় সময়ে এই সমস্ত গোধন গ্রহণ করিব; এক্ষণে তদনুসারে মৎস্যদিগের সহিত যুদ্ধ করিতে আগমন করিয়াছি।

বোধ হয়, ত্রিগর্তগণ বিরাতরাজের গোধন সকল আনয়ন করিবে; কিম্বা যদি তাহারা পরাজিত হইয়া থাকে; তাহা হইলেও আমাদিগের সহিত মিলিত হইয়া মৎস্যগণের সহিত সংগ্রামে প্ররুত্ত হইবে; তাহার সন্দেহ নাই। অথবা মৎস্যগণ জনপদবাসী লোক ও সমুদায় সেনা সমভিব্যাহারে কেবল এই রাত্রি আমাদিগের সহিত যুদ্ধ করিবার নিমিত্ত আগমন করিতেছে; কিম্বা তাহাদিগের কোন বীর পুরুষ অগ্রসর হইয়া আগমন করিতেছে; অথবা স্বয়ং বিরাত রাজ সমাগত হইতেছেন। মৎস্যরাজই আগমন করুন; আর ধনঞ্জয়ই বা আসুক; আমাদিগকে অবশ্যই যুদ্ধ করিতে হইবে; ইহা প্রতিজ্ঞা করিলাম। ভীষ্ম, দ্রোণ, কৃপ, বিকর্ণ, অশ্বখামা প্রভৃতি মহারথগণ এমন সময়ে কি নিমিত্ত উদ্ভ্রান্ত চিত্তে রথোপরি দণ্ডায়মান আছেন? বিনা যুদ্ধে কাহারও নিস্তার নাই; অতএব সকলেই সতর্ক হইয়া যত্ন করুন। যদ্যপি বজ্রধর বা দণ্ডধর বলপূর্বক আমাদিগের গোধন হরণ করেন; তথাপি কোন ব্যক্তি বিনা যুদ্ধে হস্তিনাপুরে প্রতিগমন করিবে? পদাতি হউক বা অশ্বারোহী হউক, সমরে পরাভূত হইলে কেহই

আমার শরে জীবিত থাকিবে না; অতএব এক্ষণে আচার্য্যাকে উপেক্ষা করিয়া যুদ্ধের নিয়ম সকল নির্ধারণ করুন; তিনি তাহাদিগের মত বিলক্ষণ অবগত আছেন; এই নিমিত্ত আমাদিগের অন্তঃকরণে ভয় সঞ্চার হইতেছে; অর্জুনের প্রতি তাঁহার সমধিক প্রীতি আছে; ফলত পাণ্ডবগণ চির কালই আচার্য্যের প্রণয়ভাজন; দেখুন, ধনঞ্জয় নিকটে আগমন করিতেছে দেখিয়াই উনি তাহার প্রশংসা করিতেছেন; তাহার অশ্বের হেষ্টিত শ্রবণমাত্রেই আচার্য্য মহাশয়ের অন্তঃকরণ বিচলিত হইয়া উঠিয়াছে; অতএব সেনাগণ যাহাতে মহারণ্যপ্রবিষ্ট বৈদেশিক ব্যক্তির ন্যায় ভ্রান্ত বা বিপথপ্রবিষ্ট না হয়, এই রূপ নীতি বিধান করা কর্তব্য।

পাণ্ডবগণ আচার্য্যের স বিশেষ প্রীতিপাত্র; তাহা উনি স্বয়ংই কহিতেছেন; নতুবা অশ্বগণের হেষ্টিত শ্রবণমাত্রেই কোন ব্যক্তি যোদ্ধার প্রশংসা করিয়া থাকে? অশ্বগণ স্বস্থানে অবস্থান বা গমন সময়ে স্বভাবতই হেঁসারব করিয়া থাকে; সমীরণ সর্বদাই প্রবাহিত হয়; বাসবদেব সর্বদাই বর্ষণ করেন; জলধরপটেলের উদয় হইলেই অশনিনির্ঘোষ শ্রুতিগোচর হইয়া থাকে; ইহাতে অর্জুনের কি অলৌকিক বীরত্ব প্রকাশিত হইতেছে? আর কি নিমিত্তই বা তিনি তাহারে প্রশংসা করিতেছেন? প্রাজ্ঞতম আচার্য্যগণ আমাদের প্রতি কোন অভিলাষ, বিদ্বেষ বা রোষপরবশ না হইয়া কারুণ্য রসবশমত ও উপায়দর্শী হইয়া থাকেন; অতএব ভয় উপস্থিত হইলে তাহাদিগকে কোন কথা জিজ্ঞাসা করা উচিত নয়। তাঁহারা বিচিত্র প্রাসাদ, সভা বা উপবনে বিচিত্র কথা উত্থাপন করিয়া পাণ্ডিত্য প্রদর্শন করিতে পারেন এবং জনসমাজে নানাবিধ অলৌকিক ক্রিয়া প্রদর্শন, যজ্ঞ, অস্ত্রশিক্ষা অথবা সন্ধিসময়ে নৈপুণ্য প্রদর্শন

করেন । পরচ্ছিত্রানুসন্ধান, লোকচরিত্র বি-  
জ্ঞান, গজ অশ্ব ও রথচর্যা, গো খর উষ্ট্র  
অজ মেঘ কার্যা পরিজ্ঞান, রথ্যা ও পুরদ্বার  
নির্মাণ এবং অন্নের সংস্কার ও দোষবিষয়ে  
ইহারা কুশলী । এক্ষণে যাঁহারা বিপক্ষের গুণ  
কীর্তন করেন ; তাদৃশ পণ্ডিতগণকে উপেক্ষা  
করিয়া শত্রুসংহারোপযোগিনী নীতি প্র-  
য়োগ করুন । চতুর্দিকে একপ ব্যূহ রচনা পূর্বক  
মধ্যস্থানে গোসমূহ সংস্থাপিত করিয়া যত্না-  
তিশয় সহকারে রক্ষা করুন ; যাহাতে  
আমুরা অনায়াসে শত্রুগণসঙ্গে যুদ্ধ করিতে  
সমর্থ হইব ।

অষ্টচত্বারিংশত্তম অধ্যায় ।

কর্ণ কহিলেন, কি আশ্চর্যা ! সমুদায়  
ধনুর্ধরগণকেই ভীত ও সমরপরাজ্যে দৃষ্ট  
হইতেছে । ঐ ব্যক্তি মৎস্যরাজ্যই হউক বা  
অর্জুনই হউক ; উহার নিকট ভয়ের বিষয়  
কি ? যেমন বেলাভূমি সমুদ্রকে রুদ্ধ করিয়া  
রাখিয়াছে ; তদ্রূপ আমি উহারে অবরোধ  
করিব ; সন্দেহ নাই । মদীয় শর সমূহ  
শরাসন হইতে মুক্ত হইলে গমনশালী আশি-  
বিষের ন্যায় কখনই প্রত্যাবৃত্ত হইবার নহে ।  
যেমন পতঙ্গকুল পাদপ সমূহ আচ্ছন্ন করে ;  
তদ্রূপ আমার রুক্মপুত্র স্ত্রীকুল শরনিকর  
পার্শ্বকে সমাচ্ছন্ন করিবে । এক্ষণে শত্রুগণ আ-  
হত ভেরীরবের ন্যায় আমাদিগের শরাসন-  
জ্যানিঘোষ ও তলশব্দ শ্রবণ করুক । ত্রয়ো-  
দশ বৎসর অতীত হইল অর্জুন আমারে  
সংগ্রামে পরাজয় করিবার নিমিত্ত একান্ত  
সমুৎসুক হইয়াছে ; অদ্য এই সংগ্রামে  
সাতিশয় উৎসাহ সহকারে অবশ্যই আমারে  
প্রহার করিবে ; তাহার সন্দেহ নাই । মহা-  
বীর ধনঞ্জয় মদীয় নিশিত শরনিকর সহ্য  
কুরিবার উপযুক্ত পাত্র । ঐ মহাবল পরা-  
ক্রান্ত ধনুর্ধর ত্রিলোকবিশ্রুত ; আমিও  
উহা অপেক্ষা কোন অংশে ন্যূন নহি । অদ্য

আকাশমণ্ডল কাঞ্চনময় পক্ষাচ্ছাদিত ম-  
দীয় শরজালে সমাচ্ছন্ন হইয়া পতঙ্গকুল-  
সঙ্কুলের ন্যায় বোধ হইবে ।

আজি আমি সমরে অর্জুনকে সংহার  
করিয়া ছুর্যোধনসমীপে পূর্বপ্রতিশ্রুত ঋণ  
পরিশোধ করিব । আজি অর্জুপথে বিচ্ছিন্ন  
শর সমূহের পুত্র সমুদায় আকাশচরী শলভ-  
কুলের ন্যায় শোভমান হইবে । যেমন উল্কা  
দ্বারা মহাগজকে নিপীড়িত করে ; তদ্রূপ  
আজি আমি মহেশ্বরসমভেদ্য ধনঞ্জয়কে বাণ  
দ্বারা ব্যথিত করিব । গরুড় যেমন সর্পকে  
অনায়াসে গ্রহণ করে ; তদ্রূপ আজি আমি  
সর্বাঙ্কবেত্তা অতিরথ পার্থকে আক্রমণ  
করিব । যেমন সৌদামিনীসনাথ জলধরপটল  
বারি বর্ষণ করিয়া প্রবল ছতাসনকে নির্বা-  
পিত করে ; তদ্রূপ আজি আমি রথারো-  
হণপূর্বক শরজাল দ্বারা সেই শত্রুকয়  
কারী মহাবল পরাক্রান্ত পাণ্ডুনয়কে বি-  
নাশ করিব । যেমন পন্নগগণ বল্লীকমধ্যে  
বিলীন হয় ; তদ্রূপ মদীয় শর সমুদায়  
আজি অর্জুনের শরীরে প্রবিষ্ট হইবে ।  
পক্ষত যেমন কর্ণিকার পুষ্প ব্যাণ্ড হইয়া  
থাকে ; তদ্রূপ ধনঞ্জয় আজি স্ত্রীকুল  
সুবর্ণপুত্র নতপর্ব মদীয় শরনিবহে পরি-  
বৃত্ত হইবে । আমি মহর্ষিসন্তন পরশুরামের  
নিকট অস্ত্র শস্ত্র শিক্ষা করিয়াছি ; সেই  
সকল অস্ত্রবলে ও স্বীয় বীর্ষ্যপ্রভাবে আমি  
অমরগণের সহিতও সংগ্রাম করিতে পারি ।  
আজি অর্জুনের ধ্বজাশ্রিত বানর মদীয়  
ভল্লপ্রহারে সাতিশয় ব্যথিত হইয়া তীষণ  
নিলাদ করত ভূতলে নিপতিত হইবে এবং  
তত্রত্য অন্যান্য প্রাণিগণও মদীয় তীক্ষ্ণ শর  
প্রহারে বিপন্ন হইয়া গগনব্যাপী যোরতর  
শব্দ করিতে করিতে ইতস্তত পলায়ন করিবে ।  
আজি আমি রথ হইতে অর্জুনকে নিপাতিত  
করিয়া ছুর্যোধনের চিরনির্দিষ্ট হৃদয়শল্য স-  
মূলে উন্মূলন করিব । আজি কৌরবগণ পুরুষ-

কারসম্পন্ন ধনঞ্জয়কে হতাশ ও বিরথ হইয়া ক্রুদ্ধ ভুজঙ্গমের ন্যায় নিশ্বাস পরিত্যাগ করিতে অবলোকন করিবেন। এক্ষণে তাহার গোপন লইয়া স্বস্থানে প্রস্থান অথবা স্ব স্ব রথে আরোহণপূর্বক আমার সংগ্রাম-নিপুণতা সন্দর্শন করুন।

একোনপঞ্চাশত্তম অধ্যায়।

রূপ কহিলেম, হে কর্ণ! কুর যুদ্ধেই তোমার নিপুণতা আছে; এবং কিরূপে মন্ত্রণা করিতে হয়, তাহাও তোমার অবিদিত নাই, কিন্তু উত্তর কালে যে কি ফল হইবে; তাহার কিছুমাত্র পর্যবেক্ষণ কর না। শাস্ত্রে বহুবিধ মায়াযুদ্ধ উল্লিখিত হইয়াছে বটে; কিন্তু পণ্ডিতগণ এই সমুদায় সংগ্রামকে পাপ-যুদ্ধ বলিয়া কীর্তন করিয়াছেন। উপযুক্ত দেশ কাল পর্যালোচনা করিয়া যুদ্ধ করিলে জয় লাভ হয়; কিন্তু অযোগ্য দেশে বা অকালে সংগ্রাম করিলে কখন ফল লাভ হয় না। হে রাধেয়! অনধিকারচর্চায় প্রবৃত্ত হওয়া বিধেয় নহে; বিজ্ঞ ব্যক্তির রথকারের ভার বহনে কদাচ প্রবৃত্ত হন না। ইহা সবিশেষ বিবেচনা করিয়া দেখিলে অর্জুনের সহিত যুদ্ধ করা আমাদের পক্ষে কোন ক্রমেই শ্রেয়স্কর নহে। এই মহাবীর একাকী কুরুদেশ রক্ষা, অগ্নির তৃপ্তি সাধন ও পঞ্চ বৎসর ব্রহ্মচর্যানুষ্ঠান করিয়াছে; এই মহাবীর একাকী সূতদ্রারে হরণ করিয়া রথে আরোহণপূর্বক দ্বৈরথযুদ্ধ করিবার মামসে রুক্ষকে আহ্বান করিয়াছিল। এই মহাবীর একাকী কিরাতরূপী ভগবান্ মহাদেবের সহিত সংগ্রামে প্রবৃত্ত হইয়াছিল। মহাবীর একাকী বনমধ্যে জয়দ্রথ কর্তৃক অপকৃত রুক্ষারে প্রতুঙ্কার করিয়াছিল। এই মহাবীর একাকী ইন্দ্রের নিকট পঞ্চ বৎসর অস্ত্র শিক্ষা করিয়াছে। এই মহাবীর একাকী অরাতি পরাজয় করিয়া কুরুকুলের যশোরানি দেদীপ্যমান করি-

য়াছে। এই মহাবীর একাকী সংগ্রামে অরিনিসুদন গন্ধর্বরাজ চিত্রসেন, নিবাতকবচর্গণ ও কালকঞ্জ দানবদলকে সংহার করিয়াছে। হে কর্ণ! এই মহাবল পরাক্রান্ত ধনঞ্জয় একাকী স্বীয় বীর্যপ্রভাবে এই সমুদায় অলৌকিক কার্যের অমুষ্ঠান করিয়াছে; তুমি একাকী কোন কালে কোন মহৎ কর্ম সম্পাদন করিয়াছ?

মহাবীর অর্জুন দিগ্বিজয়সময়ে ভূপালগণকে বশবর্তী করিয়া যেপ্রকার অসাধারণ ক্ষমতা প্রকাশ করিয়াছিল; তাহাতে বোধ হয়, সুররাজ ইন্দ্রও তাহার সহিত সংগ্রাম করিতে সমর্থ নহেন; অতএব হে সূত-নন্দন! তুমি সেই মহাতেজা পার্থের সহিত যুদ্ধ করিবার মানস করিয়া কি নিমিত্তে দক্ষিণ কর প্রসারণপূর্বক প্রদেশিনী দ্বারা ক্রুদ্ধ ভুজঙ্গমের দংশন আক্রমণ করিতে বাসনা করিতেছ। তুমি অঙ্কুশ না লইয়া মহাবনপ্রবিষ্ট মন্তু মাতঙ্গে আরোহণপূর্বক নগরে গমন করিতে বাসনা করিয়াছ; তুমি ঘটাক্ত হইয়া চীর বাস পরিধানপূর্বক প্রজ্বলিত ছত ছতাশনের মধ্য দিয়া গমন করিতে বাসনা করিতেছ; কোম ব্যক্তি গলদেশে মহাশিল বদ্ধ করিয়া বাছ দ্বারা সমুদ্র সম্ভরণ করিতে অভিলাষ করে? যে ব্যক্তি অকৃতান্ত ও দুর্বল হইয়া সেই বলবান্ কৃতান্ত্র ধনঞ্জয়ের সহিত যুদ্ধ করিতে মানস করে; সে নিতান্ত মূঢ়। এই মহাবীর আমাদের কর্তৃক পরাজিত ও অপমানিত হইয়া ত্রয়োদশ বৎসর প্রতিজ্ঞাপার্শে বদ্ধ ছিল; এক্ষণে মুক্ত হইয়া অবশ্যই আমাদের নিঃশেষিত করিবে। মহাবল পরাক্রান্ত অর্জুন যে কুপ-মধ্যস্থিত ছতাশনের ন্যায় এই স্থানে গোপমে অবস্থান করিতেছেন; ইহা আমরা পূর্বে জানিতে পারিলে কদাচ একপ কর্ম করিতাম না। যাহা হউক, এক্ষণে মহাভয় সমুপস্থিত; অতএব দ্রোণ, ছর্ষ্যোধন, ভীষ্ম,

অশ্বখামা, তুমি ও আমি এই ছয় জন রথী প্রস্তুত হইয়া থাকি ; সকলে একত্র হইয়া অর্জুনের সহিত সংগ্রাম করিব। একাকী যুদ্ধ করিব বলিয়া বৃথা সাহস বা দর্প করিবার আবশ্যিক নাই। সৈন্য সমুদায় ও প্রধান প্রধান ধর্ম্মুর্জরগণ বর্ষ্ম ধারণ ও ব্যূহ রচনা করিয়া অস্ত্র শস্ত্র গ্রহণপূর্ব্বক সাবধান হইয়া থাকুক। পূর্ব্ব দানবগণ বাসবের সহিত যেক্রপ সমর করিয়াছিল ; অদ্য অর্জুনের সহিত আমাদিগেরও সেই প্রকার সংগ্রাম হইবে ; তাহার সন্দেহ নাই।

পঞ্চাশত্তম অধ্যায় ।

অশ্বখামা কহিলেন, হে কর্ণ! গোধন সকল এখনও পরাজিত ও বারণাবত নগরে নীত হয় নাই ; তাহার স্বস্থানেই অবস্থান করিতেছে ; তথাপি তুমি কি নিমিত্ত এক্রপ অহঙ্কার প্রকাশ করিতেছ ? মহাবল পরাক্রান্ত মনুষ্যেরা বহুতর যুদ্ধে জয় লাভ ও প্রভূত অর্থ সংগ্রহ করিয়াও কদাচ আক্ষালন করেন না। হতাশন ভূমীভাব অবলম্বনপূর্ব্বক সমস্ত বস্ত্র দক্ষ করিয়া থাকেন ; দিবাকর মুক হইয়া স্বীয় প্রথর করজাল বিস্তার করেন ; অবনী মৌনাবলম্বন করিয়া এই সচরাচর লোক সকল ধারণ করিয়া আছেন। বিধাতা চাতুর্কর্ণের বিশেষ বিশেষ বৃত্তি বিধান করিয়া দিয়াছেন ; ব্রাহ্মণেরা স্বাধ্যায়সম্পন্ন হইয়া সর্ষদা যজ্ঞ ও যাজ্ঞ কার্যে নিযুক্ত হইবেন ; ক্ষত্রিয়েরা শরাসন গ্রহণপূর্ব্বক যজ্ঞা-মুষ্ঠান করিবেন কদাচ, যাজ্ঞ কর্ম্মে প্ররুত হইবেন না ; বৈশ্যেরা অর্থ লাভ করিয়া ব্রাহ্মণেরই কার্য সাধন করিবেন ; এবং শূদ্রেরা কপটতাপূন্য হইয়া বিনীত ভাবে নিরন্তর বর্ণত্রয়ের শুক্রবায় নিরত হইবেন ; অতএব বিধিবিহিত স্ব স্ব ব্যবসায়মূলত অর্থ লাভ করিলে কদাচ দুঃখিত হইতে হয় না। মহানুভব পুরুষেরা ধর্ম্মানুসারে এই

সমাগরা পৃথিবী হস্তগত করিলা গুণবিহীন গুরু জনেরও অবমাননা করেন না।

এই নৃশংস ও নিঘৃণ চূর্ব্বোধনের ন্যায় কোন ক্ষত্রিয় কপট দ্যুত দ্বারা রাজ্য লাভ করিয়া সন্তুষ্ট হইয়া থাকেন? এবং কোন ব্যক্তি বৈতংসিকের ন্যায় ছলনা ও প্রতারণা দ্বারা অর্থ সংগ্রহ করিয়া আশ্রয় করে? এক্রণে জিজ্ঞাসা করি ; তুমি যাহাদিগের ধনা-পহরণ করিয়াছিলে ; সেই মহারথ পাণ্ডবগণকে কোন দৈবরথ যুদ্ধে পরাজয় করিয়াছ? কোন যুদ্ধে ইন্দ্রপ্রস্থ অধিকার করিয়াছ? এবং কোন যুদ্ধেই বা একবস্ত্রা রজস্বলা পতিব্রতা দ্রৌপদীরে জয় করিয়া সভায় আনয়ন করিয়াছ? তোমরা পূর্ব্ব যে সমস্ত দুষ্কর্ম্ম করিয়াছ ; তাহাই এই অনর্থের মূল; কিন্তু মহাত্মা বিদুর এ বিষয়ে তোমাদিগকে যাহা কহিয়াছিলেন, তাহাও তোমরা অগ্রাহ্য করিয়াছ ; এই নিমিত্ত পাণ্ডবগণের সহিত সৌহার্দ ভঙ্গ হইয়াছে। মনুষ্যদিগের শক্ত্যানুসারে শাস্তি অবলম্বন করাই বিধেয়।

অর্জুন দ্রৌপদীর সেই সকল ক্রেশ কদাচ সহ্য করিবে না। সে ধার্ত্তরাক্ষিণের বিনাশ সাধনের নিমিত্তই প্রাচুভূত হইয়াছে। তুমি বিজ্ঞ হইয়া কি কারণে এ বিষয়ের উল্লেখ করিতেছ? মহাবীর অর্জুন আমাদিগকে সংহার করিয়া অবশ্যই বৈর নির্বাতন করিবে। সে রণস্থলে দেব, গন্ধর্ষ, অসুর বা রাক্ষসভয়ে কদাচ ভীত হয় না। খগরাজ গরুড় মহাবেগে পতিত হইবামাত্র যেমন মহীরুহ উন্মূলিত হয় ; তদ্রূপ সে ক্রোধভরে সংগ্রামে যাহারে আক্রমণ করিবে ; সে তৎক্ষণাৎ বিনষ্ট হইবে ; সন্দেহ নাই। অর্জুন বলবীর্যে তোমা অপেক্ষা উৎকৃষ্ট ; ধর্ম্মবিদ্যায় দেবরাজসদৃশ ও যুদ্ধে বাসুদেবতুল্য। অতএব কে তাহারে প্রসংসা না করিবে? তাহার সন্মান বীর পুরুষ ভূমণ্ডলে শার দৃষ্টি গোচর হয় না ; সে দৈববলে দেবগণ, বাছ-

বলে মানবগণের সহিত সংগ্রাম করে; এবং অস্ত্র ছাড়া অস্ত্র সকল প্রতিহত করিতে পারে।

শিষ্যের প্রতি আচার্য্যের অপত্যস্নেহ হইয়া থাকে; এই নিমিত্ত অর্জুন দ্রোণাচার্য্যের নিতান্ত প্রিয় পাত্র হইয়াছে। তুমি যেক্ষেপে দ্যুতক্রীড়া করিয়াছিলে; যেক্ষেপে ইন্দ্রপ্রস্থ অধিকার করিয়াছিলে ও যেক্ষেপে দ্রৌপদীরে সভায় আনয়ন করিয়াছিলে; এক্ষেপে সেই রূপে তোমারে অর্জুনের সহিত যুদ্ধ করিতে হইবে। তোমার মাতুল ক্রাভ্র ধর্ম্মকোবিদ কপট দ্যুতবেদী গান্ধাররাজ শকুনি এখন যুদ্ধ করুন। অর্জুনের গাণ্ডীব পাশক, দিক বা চতুষ্ক নিক্ষেপ করেন না; উহা কেবল অনবরত প্রজ্বলিত স্তুতীক্ল শর সমূহ বর্ষণ করিয়া থাকে। অর্জুনের নিদ্ররূপ শরজাল গাণ্ডীববিনিস্মৃক্ত হইয়া পর্ব্বত বিদারণপূর্ব্বক গমন করিতে পারে। পবন, অস্ত্রক ও অগ্নি ইহারা কদাচ সমস্ত বস্তু বিনষ্ট করিতে সমর্থ হয় না; কিন্তু ধনঞ্জয় ক্রোধাবিষ্ট হইয়া সকলেরই বিনাশ সাধন করিতে পারেন। তুমি সভামধ্যে শকুনির সাহায্য লাভ করিয়া যেক্ষেপে দ্যুতক্রীড়া করিয়াছিলে; এক্ষেপে শকুনি কর্তৃক সুরক্ষিত হইয়া সেই রূপে অর্জুনের সহিত যুদ্ধ কর। এই যুদ্ধে অন্য যোদ্ধা সকল গমন করুন। আমি কখনই অর্জুনের সহিত সংগ্রাম করিব না। যদি মৎস্যরাজ এই গোষ্ঠে আগমন করেন; তাহা হইলে আমি যুদ্ধে প্রবৃত্ত হইব।

একপঞ্চাশত্তম অধ্যায়।

ভীষ্ম কহিলেন, মহামতি রূপ ও অশ্বখামা অতি উত্তম কহিয়াছেন। কর্ণ ক্রাভ্র ধর্ম্মাবলম্বনপূর্ব্বক কেবল যুদ্ধ করিবারই অভিলাষ প্রকাশ করিয়াছেন আর আচার্য্য বাহা কহিয়াছেন; তদ্বিষয়ে দোষারোপ করা বিজ্ঞ ব্য-

ক্তির নিতান্ত অনুচিত। এক্ষেপে আমার মতে উত্তমরূপে দেশ কাল পর্যালোচনা করিয়া যুদ্ধ করাই কর্তব্য। সূর্য্যসদৃশ তেজস্বী পাঁচ জন শত্রুকে অভ্যুদয়শালী অবলোকন করিয়া কোন্ ব্যক্তি বিমোহিত না হয়? ধর্ম্মজ্ঞ ব্যক্তিরাত্ত স্বার্থচিন্তাসময়ে বিমুগ্ধ হইয়া থাকেন। হে সুর্য্যোধন! এক্ষেপে এ বিষয়ে আমার যে মত; তাহা কহিতেছি, শ্রবণ কর। কর্ণ যোদ্ধাদিগকে উত্তেজিত করিবার নিমিত্তই সমরবাসনা প্রকাশ করিয়াছেন; অতএব আচার্য্য দ্রোণ, রূপ ও আচার্য্যপুত্রের এ বিষয়ে ক্ষমা করা কর্তব্য; এবং তোমারও ইহাতে সবিশেষ বিবেচনা করা বিধেয়। এক্ষেপে মহৎ কার্য্য সমুপস্থিত; অর্জুনের আগত প্রায়; অতএব আমাদের সকলেই একত্র হইয়া যুদ্ধ করা উচিত। এক্ষেপে পরস্পর বিরোধ করিবার সময় নহে। আপনাদিগের অস্ত্রবিদ্যা সূর্য্যপ্রভার ন্যায় এবং ব্রহ্মণ্য ও ব্রহ্মাস্ত্র চন্দ্রমার স্থির লক্ষ্মীর ন্যায় সতত অপ্রতিহত রহিয়াছে। ভরতকুলাচার্য্য দ্রোণ, রূপ এবং দ্রোণপুত্র অশ্বখামা ব্যতীত আর কোন ব্যক্তিতেই চারি বেদ ও ক্রাভ্র তেজ এই উভয়ের একত্র সমাবেশ দৃষ্ট হয় না। পুরুষোত্তম দ্রোণাচার্য্য ব্যতীত আর কোন ব্যক্তিতেই ব্রহ্মতেজ, ব্রহ্মাস্ত্র ও বেদ এই তিনের সমানাধিকরণ্য অবলোকন করি না। বেদান্ত, পুরাণ ও ইতিহাস এই সমুদায় বিষয়ে পরশুরাম ব্যতীত দ্রোণাপেক্ষা শ্রেষ্ঠ আর কেহই নাই। পণ্ডিতেরা কহেন, সৈন্যের যে সমুদায় ব্যাসন আছে; তন্মধ্যে ভেদই মুখ্য; অতএব হে আচার্য্যপুত্র! আপনি ক্ষমা প্রদর্শন করুন; এখন আত্মীয়ভেদের সময় নহে।

তখন অশ্বখামা কহিলেন, আমাদিগের এই সময়ে একপ বাক্য প্রয়োগ করা কর্তব্য নহে; কিন্তু পিতা রোষপরবশ হইয়া বাহা কহিয়াছেন; তাহার কারণ এই যে, বিজ্ঞ ব্যক্তিরাত্ত শত্রুর গুণ ও দোষী শত্রুর



দোষ কীৰ্তনে পরাজুথ হন না এবং পুত্র ও শিষ্যকে সতত হিতোপদেশ প্রদান করিয়া থাকেন ।

দুর্যোধন অশ্বখামার বাক্য শ্রবণানন্তর দ্রোণকে সম্বোধন করিয়া কহিলেন, মহাশয়! ক্ষমা প্রদর্শন করুন; আপনি পরিতুষ্ট থাকিলেই আমাদিগের মঙ্গল লাভের সম্ভাবনা । এই বলিয়া তিনি কর্ণ, ভীষ্ম ও মহাত্মা রূপের সমভিব্যাহারে. দ্রোণাচার্য্যকে সাস্তুনা করিতে লাগিলেন ।

তখন দ্রোণ কহিলেন, শান্তনুন্দন ভীষ্ম পূর্বে যাহা কহিয়াছেন; আমি তাহাতেই প্রসন্ন হইয়াছি। পরে ভীষ্মকে সম্বোধন করিয়া কহিলেন, হে গাজ্জয়! এক্ষণে পার্থ যাহাতে দুর্যোধনকে আক্রমণ করিতে না পারে; যাহাতে মহারাজ দুর্যোধন সাহস বা মোহবশত শত্রুর বশীভূত না হন; তদ্বিষয়িনী নীতি চিন্তা কর । ত্রয়োদশ বৎসর অতীত না হইলে অর্জুন কদাচ আশ্রয়প্রকাশ করিত না । ঐ মহাবীর এক্ষণে গোধন মোচন করিতে আসিয়াছে; কখনই ক্ষমা করিবে না; অতএব যাহাতে অর্জুন মহারাজ দুর্যোধন ও এই সকল সৈন্যকে পরাজয় করিতে সমর্থ না হয়; এ বিষয়ে নিয়ম নির্ধারণ কর । দুর্যোধন পূর্বে এই কপ কহিয়াছিলেন; এক্ষণে তাহা স্মরণ করিয়া যাহাতে শ্রেয়োলাভ হয়; ঐদৃশ বাক্য প্রয়োগ করা কর্তব্য ।

দ্বিপঞ্চাশত্তম অধ্যায় ।

ভীষ্ম কহিলেন, মহারাজ! কলা, কাঠা, মুহূর্ত্ত, দিন, পক্ষ, মাস, গ্রহ, নক্ষত্র, ঋতু ও স্বয়ংসর লইয়া একটা কালচক্র হয় । উহাদিগের কালাতিরেক ও জ্যোতিষ্কমণ্ডলের ব্যতিক্রমবশত প্রতি পঞ্চম বর্ষে দুই মাস করিয়া বৃদ্ধি হয় । এই কপে তাহাদিগের ত্রয়োদশ বৎসর সম্পূর্ণ হইয়া পঞ্চ মাস ও ছয় দিবস অধিক হইয়াছে । তাহার

যাহা যাহা প্রতিজ্ঞা করিয়াছিল; তৎসমুদায় অবিকল অনুষ্ঠিত হইয়াছে, জানিয়া অর্জুন সমাগত হইয়াছে; তাহার সন্দেহ নাই। মহাত্মা পাণ্ডবেরা পরম ধার্মিক; বিশেষত যুধিষ্ঠির তাহাদিগের রাজা; অতএব তাহারা কি নিমিত্ত ধর্মের নিকট অপরাধী হইবে? পাণ্ডবেরা রুতী ও লোভবিহীন । তাহারা অধর্মাচরণ দ্বারা রাজ্যলাভের অভিলাষ করেনা । তাহারা ধর্মপাশে বদ্ধ আছে বলিয়া ক্ষত্রিয়ব্রত হইতে বিচলিত হয় নাই; নতুবা সেই সময়েই আপাদিগের অসাধারণ বলবীৰ্য্য প্রকাশ করিত । তাহারা অনায়াসে মৃত্যুমুখে গমন করিতে পারে; তথাপি কদাচ অনৃত পথে পদার্পণ করে না । পাণ্ডবগণের স্বভাবই এই রূপ যে, তাহারা ইন্দ্র কর্তৃক রক্ষিত হইলেও যথাযোগ্য সময়ে আপনাদিগের প্রাপ্য বিষয় পরিত্যাগ করেনা । এক্ষণে আমাদিগকে অদ্বিতীয় বীর অর্জুনের সহিত যুদ্ধ করিতে হইবে । অতএব শীঘ্র যুদ্ধোপযোগী সাধুগণাচারিত কল্যাণকর বিধির অনুষ্ঠান কর । হে রাজেন্দ্র! যুদ্ধে সিদ্ধি লাভের অবশ্যত্বে বিদ্ব কদাপি নয়নগোচর হয় নাই । জয় বা পরাজয় অবশ্যই হইয়া থাকে । তন্নিমিত্ত চিন্তিত হইবার বিষয় কি? ধনঞ্জয় আগত প্রায়; এক্ষণে সম্বরে যুদ্ধোচিত অথবা ধর্মসম্মত কর্মে প্রবৃত্ত হও ।

দুর্যোধন কহিলেন, পিতামহ! আমি কদাচ পাণ্ডবাদিগকে রাজ্য প্রদান করিব না; আপনি অবিলম্বে যুদ্ধের আয়োজন করুন ।

ভীষ্ম কহিলেন, হে করুণন্দন! যাহাতে তোমাদিগের শ্রেয়োলাভ হয়; ঐদৃশ উপদেশ প্রদান করা আমার অবশ্য কর্তব্য; যদি শ্রদ্ধা হয়, তাহা হইলে আমার অভিপ্রায় শ্রবণ কর । তুমি এই সকল সৈন্যকে চতুর্থাংশে বিভক্ত করিয়া তাহার একাংশ

সমভিব্যাহারে নগরে প্রস্থান কর। অপর এক ভাগ গোধন লইয়া গমন করুক ; পরে কৃপ, কর্ণ, দ্রোণ, অশ্বখামা ও আমি, আমরা সকলে অবশিষ্ট দুই অংশ সমভিব্যাহারে দৃঢ়প্রতিজ্ঞ ধনঞ্জয়ের সহিত যুদ্ধ করিব। যেমন বেলাভূমি উচ্ছলিত বারিনিধিকে নিবারণ করে ; তদ্রূপ যদি বিরাটরাজ অথবা স্বয়ং ইন্দ্র আগমন করেন ; তথাপি আজি আমি তাহাদিগের নিরাকরণ করিব ; সন্দেহ নাই।

মহাত্মা ভীষ্মের বাক্য কাহারও অনভিমত হইল না। কুরুরাজ দুর্যোধন তন্নির্দিষ্ট সমুদায় কার্য সম্পাদন করিলেন। তীয় প্রথমত দুর্যোধন, তৎপরে গোধন সকল প্রেরণপূর্বক সৈন্যগণকে ব্যবস্থাপিত করত ব্যূহ রচনায় প্রবৃত্ত হইয়া কহিলেন, আচার্য্য! আপনি মধ্যস্থানে অবস্থিতি করুন ; অশ্বখামা বাম পাশ্বে ও রূপাচার্য্য দক্ষিণ পাশ্বে রক্ষা করিবেন। সূতপুত্র কর্ণ অগ্রসর হইবেন এবং আমি সকলের পশ্চাত্তানে থাকিয়া সর্বতোভাবে রক্ষা করিব।

ত্রিপঞ্চাশত্তম অধ্যায়।

বৈশম্পায়ন কহিলেন, মহারাজ! মহাবীর অর্জুন রথঘর্ষরশব্দে দিগ্ভ্রুণ্ডল প্রতিধ্বনিত করিয়া কৌরবদিগের অসংখ্য সৈন্যগণসমীপে সহসা সমুপস্থিত হইলেন। কৌরবেরা তাঁহার ধ্বজাগ্র সন্দর্শন, গাণ্ডীবধ্বনি ও রথনির্ঘোষ শ্রবণ করিতে লাগিলেন। তখন দ্রোণাচার্য্য সকলের প্রতি দৃষ্টিপাত করিয়া কহিলেন, ঐ দেখ, দূরে মহাবীর অর্জুনের ধ্বজাগ্রভাগ শোভা পাইতেছে ; রথের ঘর্ষ রব শ্রবণগোচর হইতেছে ; ধ্বজাগ্রবর্তী বানর উচ্চস্বরে চীৎকার করিয়া সেনাগণের ভয়োৎপাদন করিতেছে এবং ধনঞ্জয় সুসজ্জিত রথে আরোহণ পূর্বক মুহুর্হু গাণ্ডীব শরাসনে অশনি-

র্ঘোষসদৃশ টঙ্কার প্রদান করিতেছে। দেখ, এই দুইটি শর সমবেত হইয়া আমার চরণে নিপতিত হইল ; অপর দুইটি মদীয় শ্রবণ-যুগল স্পর্শ করিয়া প্রবল বেগে অতিক্রান্ত হইল। বোধ হয়, মহাবীর ধনঞ্জয় অরণ্যবাসকালে যে সকল অলৌকিক কর্ম্ম সম্পাদন করিয়াছে ; এক্ষণে প্রতিনিবৃত্ত হইয়া অভিবাদনপূর্বক তাহা আমার কর্ণগোচর করাইল। বাহা হউক, আমরা বহু কালের পর প্রিয়বান্ধব শ্রীমান্ অর্জুনকে অবলোকন করিলাম। এক্ষণে পার্থ শর, শরাসন, তুণীর শঙ্খ, কবচ, কিরীট ও খড়্গ ধারণ করিয়া প্রজ্বলিত ছত্ৰাশনের ন্যায় শোভা পাইতেছে।

অনন্তর অর্জুন কৌরবগণকে "রণস্থলে সমবস্থিত নিরীক্ষণ করিয়া রাজকুমার উত্তরকে সম্বোধনপূর্বক কহিলেন, হে সারথ্য! সেনাদিগের প্রতি বাণপাত কালে তুমি অশ্বের রশ্মি সংযত করিবে ; আমি এই সৈন্যমণ্ডলীমধ্যে সেই কুরুকুলাধম দুর্যোধন কোথায় আছে, এক বার অনুসন্ধান করিব। এক্ষণে অন্যান্য কৌরবগণের সহিত যুদ্ধ করিবার প্রয়োজন নাই। সেই অতিমান-পরতন্ত্র দুর্যোধন পরাজিত হইলে সকলকেই পরাজয় করা হইবে। ঐ আচার্য্য দ্রোণ, উহার পশ্চাত্তানে অশ্বখামা, ভীষ্ম, কৃপ ও কর্ণ অবস্থান করিতেছেন। এস্থলে দুর্যোধনকে ত দেখিতে পাইলাম না ; এক্ষণে বোধ হয়, সে গোধন গ্রহণপূর্বক প্রাণভয়ে দক্ষিণামুখে পলায়ন করিতেছে, নিরর্থক যুদ্ধ করা অনুচিত ; অতএব প্রথমে আমরা কৌরবসেনা পরিত্যাগ করিয়া তাহারই অনুসরণ করি। তাহারে পরাজয় করিলেই অনতিবিলম্বে গো সকল প্রতিনিবৃত্ত করিতে সমর্থ হইব।

অনন্তর উত্তর পরম যত্ন সহকারে রশ্মি সংযত করিয়া যে দিকে রাজা দুর্যোধন গমন করিতেছেন ; সেই দিকে অশ্ব চালনা করিলেন। তখন রূপাচার্য্য অর্জুনের অভিপ্রায়

স্পষ্টরূপে অবগত হইয়া দ্রোণকে কহিলেন, অর্জুন মহারাজ ছুর্যোধনকে লক্ষ্য করিয়া মহাবেগে গমন করিতেছে ; অতএব আইস, আমরা ছুর্যোধনের পার্শ্ব গ্রহণ করি । অর্জুন ক্রোধাবিষ্ট হইলে দেবরাজ ইন্দ্র, দেবকীনন্দন মধুসূদন, অশ্বখামা ও দ্রোণ ব্যতিরেকে কেহই একাকী যুদ্ধ করিতে সমর্থ হইবে না । এক্ষণে গোধন বা প্রভূত ধন লইয়া আমাদিগের কি উপকার দর্শিবে ; মহারাজ ছুর্যোধন অনতি বিলম্বে নাবিকশূনা নৌকার, ন্যায় অর্জুনজলে নিমগ্ন হইবে ; তাহার সন্দেহ নাই ।

অনন্তর অর্জুন তথায় উপস্থিত হইয়া উচ্চ স্বরে আপনার নাম কীর্তন করিলেন এবং কৌরবসেনাগণের প্রতি অনবরত শালভ সমূহের ন্যায় শরজাল প্রয়োগ করিতে লাগিলেন । তখন ভূমণ্ডল ও নভস্তল পার্শ্বশরে সমাচ্ছন্ন হইয়া গেল । কৌরবসেনা সকল নিতান্ত ব্যাকুল হইয়া উঠিল ; কিন্তু তৎকালে কেহই পলায়ন করিল না ; প্রত্যহ মনে মনে মহাবীর অর্জুনের ক্ষিপ্ৰকারিতার সবিশেষ প্রশংসা করিতে লাগিল ।

ইত্যবসরে ধনঞ্জয় শঙ্খধ্বনি ও গান্ধীবটঙ্কার প্রদান করিয়া ধ্বজদণ্ডে ভূত সকল প্রেরণ করিলেন । শঙ্খধ্বনি, রথনির্ঘোষ, গান্ধীবশব্দ ও ধ্বজসন্নিবিষ্ট ধাবমান উর্দ্ধপুচ্ছ অমানুষ ভূত সকলের কলরবে পৃথিবী বিচলিত হইয়া উঠিল । তখন ধেনু সকল দক্ষিণাভিমুখে প্রতিনিবৃত্ত হইল ।

চতুঃপঞ্চাশত্তম অধ্যায় ।

বৈশম্পায়ন কহিলেন, মহারাজ ! এই রূপে ধনুর্ধরাগ্রগণ্য ধনঞ্জয় স্বীর অসাধারণ বলবিক্রমে শক্রসেনাগণকে পরাজয় করত গোধন যুক্ত করিয়া যুদ্ধাভিলাষে পুনরায় ছুর্যোধনের সমীপে গমন করিলেন । কৌরবগণ, গো সমুদায় বেগে মৎস্য্যভিমুখে গমন

করিতেছে ও মহাবীর ধনঞ্জয় ক্রুতকার্য্য হইয়া ছুর্যোধনের সম্মুখীন হইতেছেন দেখিয়া সহসা তাঁহার প্রতি ধাবমান হইলেন । অরাতিনিপাতন অর্জুনের বহুলধ্বজপতাকাশালী প্রভূত কৌরবসৈন্য সন্দর্শন করিয়া উত্তরকে সম্বোধনপূর্ব্বক কহিলেন, রাজপুত্র ! সত্বরে এই পথে রথ চালনা কর ; তাহা হইলে অনায়াসে কুরুবীরগণের মধ্যে প্রবিষ্ট হইতে পারিবে । ঐ দেখ, সূতপুত্র কণ মত্তমাতঙ্গের ন্যায় আমার সহিত সংগ্রাম করিতে সমুদ্যত হইয়াছে ; ঐ ছুর্য্যাস্ত্রা ছুর্যোধনের আশ্রয়বলে একান্ত দর্পিত ; তুমি সত্বরে উহার নিকট আমারে লইয়া চল । বিরাটতনয় অর্জুনের নিদেশানুসারে সত্বরে সুবর্ণকক্ষ শ্বেতবর্ণ অশ্ব সমুদায় চালনপূর্ব্বক শক্রসৈন্য বিনাশ করত রণস্থলে ধনঞ্জয়কে উপনীত করিলেন ।

তখন চিত্রসেন প্রভৃতি বীরগণ কর্ণের সাহায্যবলে অর্জুনের উপর শর বর্ষণ করিতে আরম্ভ করিল । মহাবীর ধনঞ্জয়ও শরাসননিমুক্ত শরানল দ্বারা অরাতিকানন দক্ষ করিতে লাগিলেন । এই রূপে তুমুল সংগ্রাম আরম্ভ হইলে পর বিকর্ণ রথারোহণপূর্ব্বক পার্শ্বসমীপে সমাগত হইয়া তাঁহার উপর শর নিক্ষেপ করিতে লাগিল । তখন অরাতিনিমূদন পার্শ্ব সুবর্ণালঙ্কৃত দৃঢ়মৌর্য্যীক শরাসন আকর্ষণপূর্ব্বক বিকর্ণকে ভূতলে পাতিত ও তাহার ধ্বজ ছেদন করিলেন । বিকর্ণ পতিত হইবামাত্র দ্রুতবেগে প্রাণ লইয়া পলায়ন করিল ।

বিকর্ণ পলায়ন করিলে পর শক্রমুপ, অরাতিনিপাতন অর্জুনের অলৌকিক কার্য্য অবলোকনে আতিশয় অমর্ষপরবশ হইয়া তাঁহার উপর শর বর্ষণ করিতে লাগিল । মহাবীর ধনঞ্জয় শক্রমুপের শরাঘাতে সমধিক সংক্রুদ্ধ হইয়া তাহারে পাঁচ বাণ ও তাহার সারথিরে দশ বাণ দ্বারা বিদ্ধ করিলেন । শক্রমুপ ঐ পঞ্চ শরাঘাতেই প্রাণ পরিত্যাগ-

পূর্বক পর্বত্যাগ্র হইতে নিপতিত বাতভয় পাদপের ন্যায় ভূতলে পতিত হইল। তখন অন্যান্য বীরপুরুষগণ অর্জুনের শরাঘাতে জর্জরিত হইয়া বায়ুবেগে বিকম্পিত মহাবনের ন্যায় কম্পিত হইয়া উঠিল। ইন্দ্র তুল্য প্রতাপশালী হিমালয়জাত মহাগজ-তুল্য পরাক্রান্ত সুবেশধারী বীরগণ পার্শ্ব-শরে প্রাণ পরিত্যাগপূর্বক পৃথীভলে শয়ান রহিল।

যেমন দাবানল নিদাঘসময়ে কানন দক্ষ করিয়া ইতস্তত বিচরণ করে; তক্রপ বীরবরাগ্রগণ্য ধনঞ্জয় সময়ে শক্রসম্মুখ সংহার করত রণস্থলে ইতস্তত বিচরণ করিতে লাগিলেন। যেমন সমীরণ বসন্তকালে পতিত পত্র ও মেঘ সমুদায় ইতস্তত বিকীর্ণ করে; তক্রপ মহাবীর অর্জুন রণস্থলে অরতিগণকে ছিন্ন ভিন্ন করিয়া সত্বরে কর্ণের ভ্রাতার অশ্বগণ সংহারপূর্বক এক বাণে তাহার মস্তক ছেদন করিলেন।

অনন্তর ব্যাস্র যেমন বৃষভের প্রতি ধাবমান হয়; তক্রপ মহাবীর কর্ণ ভ্রাতারে বিনষ্ট দেখিয়া ক্রোধভরে অর্জুনের সমীপবর্তী হইয়া দ্বাদশ বাণ দ্বারা তাহার অশ্বগণ, সারথি ও তাহারে বিদ্ধ করিলেন। গরুড় যেমন সর্পের উপর নিপতিত হয়; তক্রপ মহাবল পরাক্রান্ত ধনঞ্জয় সহসা কর্ণের সম্মুখীন হইলেন। কৌরবগণ কর্ণ ও অর্জুনের সংগ্রাম সন্দর্শন মানসে তথায় আগমন করিলে পর ধনুর্ধরাগ্রগণ্য ধনঞ্জয় ক্রোধভরে মুহূর্ত্তমধ্যে শরবর্ষণ দ্বারা কর্ণ এবং তাহার অশ্ব, রথ ও সারথিবে অন্তর্হিত করিলেন। ভীষ্ম প্রভৃতি অন্যান্য বীরগণ এবং তাহাদিগের রথ, অশ্ব ও গজ সমুদায়ও অর্জুনের শরে সনাচ্ছন্ন হইল। তখন মহাবীর কর্ণ বহুতর শর নিক্ষেপ দ্বারা পার্শ্বের সমুদায় বাণনিরস্ত করিয়া ধনুর্বাণধারণপূর্বক স্কুলিঙ্গবান্ হস্তাশনের ন্যায় নিশেপচিহ্নে

অবস্থান করিতে লাগিলেন। কৌরবগণ সন্দর্শনে সাতিশয় আছাদিত হইয়া করতালি প্রদান ও শঙ্খ ভেরী পনব প্রভৃতি বিবিধ বাদ্য বাদনপূর্বক কর্ণের প্রশংসা করিতে আরম্ভ করিলেন। কর্ণ গাণ্ডীবধন্বা অর্জুনের প্রতি দৃষ্টিপাত করিয়া সিংহনাদ করিতে লাগিলে তিনি তখন ভীষ্ম, দ্রোণ ও কৃপকে অবলোকনপূর্বক কর্ণ এবং তাহার রথ, অশ্ব ও সারথিরে লক্ষ্য করিয়া বাণ বর্ষণ করিতে লাগিলেন। কর্ণও বিবিধ সায়ক দ্বারা অর্জুনের আছাদিত করিলেন। তৎকালে সেই দুই বীরপুরুষকে মেঘযুক্ত রথাক্রম চন্দ্র সূর্যের ন্যায় বোধ হইতে লাগিল।

তৎপরে লঘুহস্ত কর্ণ সত্বরে অর্জুনের অশ্বগণকে বাণবিদ্ধ করিয়া তাহার সারথির প্রতি তিন শর ও ধ্বজের উপর তিন শর নিক্ষেপ করিলেন। সূর্য্য যেনন রশ্মি দ্বারা এককালে জগৎ ব্যাপ্ত করেন; তক্রপ মহাবীর ধনঞ্জয় সুপ্রোঞ্চিত সিংহের ন্যায় ক্রোধান্বিত হইয়া শরানিকর দ্বারা কর্ণের রথ আছাদনপূর্বক তুণীর হইতে নিশিত ভল্ল নিষ্কাশিত করিয়া ত্বরায় তাহার গাত্র বিদ্ধ করিলেন। পরে সুশাণিত শরজাল দ্বারা সূতপুত্রের বাহু, শির, উরু, ললাট ও গ্রীবা-দেশ ভেদ করিলে পর গজ যেমন অন্য গজ কর্তৃক পরাজিত হইলে পলায়ন করে; তক্রপ তিনি তখন অশনিসন্নিত শর প্রহারে নিতান্ত ব্যথিত হইয়া রণ পরিত্যাগপূর্বক পলায়ন করিলেন।

পঞ্চপঞ্চাশত্তম অধ্যায়।

বৈশম্পায়ন কহিলেন, নৃপবর! রাধের প্রশ্নান করিলে পর দুর্যোধনপ্রমুখ বীর পুরুষগণ স্ব স্ব সৈন্য সমভিব্যাহারে পাণ্ডবকে আক্রমণ করিয়া চতুর্দিক হইতে শর বর্ষণ করিতে লাগিলেন। নিতীক বীভৎস

সহস্য বদনে বেলার ন্যায় সাগরসদৃশ  
কৌরবসেনার বেগ ধারণ করিয়া দিব্যাস্ত্র  
সকল নিক্ষেপ করিতে আরম্ভ করিলেন।  
যেমন মরীচিমালীর কিরণজালে মেদনীলগুল আচ্ছাদিত হয়; তদ্রূপ  
পার্শ্বের গাণ্ডীবনির্ঘাত বিশিখসমূহে দশ  
দিক্ আচ্ছন্ন হইয়া উঠিল। অর্জুন নি-  
শিত শর দ্বারা বিপক্ষপক্ষের অশ্ব, রথ ও  
গজের শরীর সকল এমন বিদ্ধ করিলেন  
যে, তাহাতে ছুই অঙ্গুলিমাাত্র অশর রহিল  
না। কৌরবেরা অশ্বগণের অলৌকিক গতি-  
বৈচিত্র, উত্তরের শিক্ষানৈপুণ্য, অস্ত্র শস্ত্রের  
প্রয়োগকৌশল এবং পার্শ্বের দিব্য শক্তি  
ও অপ্রতিহত প্রভাব নিরীক্ষণে বিস্মিত হইয়া  
ভূয়সী প্রশংসা করিতে লাগিলেন। তাঁহা-  
দিগের বোধ হইল যেমন প্রজ্বলিত কালাগ্নি  
প্রজা সকল দগ্ধ করিতে উদ্যত হইয়াছে।  
কলত তৎকালে অর্জুন একপ প্রদীপ্ত হই-  
য়াছিলেন যে, শক্রগণ তাঁহার প্রতি দৃষ্টি-  
পাত করিতে সমর্থ হয় নাই।

সূর্য্যরশ্মি পর্ব্বতস্থ অভ্রপটলে সংক্রান্ত  
হইলে যেমন চমৎকারিণী শোভা হয় এবং  
বিকসিত অশোককুমুমসুমমায় বনভূমি যে-  
মন পরম দর্শনীয় হয়; তদ্রূপ কৌরববাহিনী  
অর্জুনশরে বিদ্ধ হইয়া অনির্বাচনীয় শোভা  
পাইতে লাগিল। ছিন্নযুগ অশ্বগণ ভীত হই-  
য়া রথাস্রদেশ বহন করত চতুর্দিকে ধাব-  
মান হইল। প্রকাণ্ড প্রকাণ্ড মাতঙ্গ সকল  
অর্জুনশরে ক্ষত বিক্ষত ও বিচ্যেতন হইয়া  
সমরাস্রনে নিপতিত হইতে লাগিল। রণ-  
ক্ষেত্রে সমরশায়ী গজমূথের শরীরে পরিব্যাপ্ত  
হইয়া মেঘাবৃত নভোমণ্ডলের ন্যায় শোভা  
পাইতে লাগিল। রাজন্! যেমন যুগান্ত  
সময়ে কালাগ্নি প্রজ্বলিত হইয়া সমুদায় স্তা-  
বর অঙ্গম নিঃশেষরূপে দগ্ধ করে; তদ্রূপ  
অর্জুন ভয়ঙ্কর সমরানল উদ্দীপনপূর্ব্বক  
রিপুকুল ভস্মাবশেষ করিলেন।

অনন্তর দুর্ঘোষণসেনা মহাবল পরা-  
ক্রান্ত কপিধ্বজের অস্ত্রপ্রভা নিরীক্ষণ এবং  
গাণ্ডীবের নিঃস্বন, ধ্বজাস্থিত ভূতগণের অ-  
লৌকিক শব্দ ও কপিগণের শ্রবণভৈরব রব  
শ্রবণ করিয়া নিতান্ত ভীত হইল। শক্রগণের  
রথাস্র পূর্ব্বেই ভয় হইয়াছে; সুতরাং শীঘ্র  
পলায়ন করিতে পারিল না। অর্জুন সাহস-  
পূর্ব্বক সহসা তাহাদিগের পশ্চাত্তাণ্ডে উপ-  
স্থিত হইয়া অনবরত শরবর্ষণ দ্বারা গগন-  
মণ্ডল অচ্ছন্ন করিতে লাগিলেন। অর্জুন-  
বাণ সূর্য্যকিরণের ন্যায় অতি তীক্ষ্ণ ও অসং-  
খ্যেয়। কলত অর্জুন যুগপৎ এত অধিক  
শর পরিত্যাগ করিয়াছিলেন যে, শক্রশ-  
রীরে তাহাদিগের স্থান পর্য্যাপ্ত হইল না এবং  
যুদ্ধাহত সৈনিকদিগের শরীর দ্বারা পথ রুদ্ধ  
হওয়াতে তাঁহার রথও শক্রমধ্যে প্রবেশ  
করিতে পারিল না। যেমন অনন্তভোগ  
ভুজগ মহার্গবে ক্রীড়া করে; তদ্রূপ অর্জুন  
অনবরত শর বর্ষণপূর্ব্বক সমরসাগরে ক্রী-  
ড়া করিতে লাগিলেন। ভূতগণ অশ্র-  
তপূর্ব্ব গাণ্ডীবনির্ঘোষ শ্রবণ করিয়া বিস্ম-  
য়াপন্ন হইল। তিনি চতুর্দিকে পরিভ্রমণ  
করিয়া সব্য দক্ষিণ পার্শ্বে অবিশ্রান্ত বাণ  
বিক্ষেপ করিতে সতত সায়কের আসন-  
মণ্ডল লক্ষিত হইতে লাগিল। যেমন চক্ষু  
রূপশূন্য পদার্থে কদাচ পতিত হয় না;  
সেই রূপ অর্জুনশর কোন ক্রমে অলক্ষ্যে  
পতিত হইল না। সহস্র গজ এককালে বন-  
মধ্যে গমন করিলে যেমন প্রশস্ত পথ হইয়া  
উঠে; আজি রণক্ষেত্রে পার্শ্বের রথমার্গও  
সেই রূপ হইল। শক্রগণ পার্শ্বশরে নিতান্ত  
নিপীড়িত হইয়া মনে মনে বিবেচনা করিতে  
লাগিল, বোধ হয় দেবরাজ পার্শ্বকে জয়ী  
করিবার মানসে অমরগণ সমাভিব্যাহারে  
সমরসাগরে অবতীর্ণ হইয়া আমাদিগকে  
সংধার করিতেছেন। কেহ কেহ মনে কারল,  
সাক্ষাৎ কৃতান্ত অর্জুনরূপ পরিগ্রহ করিয়া।

প্রজা সকল সংহার করিতে উদ্যত হইয়াছেন। কৌরবসেনার মধ্যে যাহারা পার্থ কর্তৃক আহত হয় নাই; তাহারাও অর্জুনের প্রভাবে আহতের ন্যায় অবসন্ন হইয়া রহিল।

এই কপে অর্জুনভয়ে কৌরবগণের বলবীৰ্য্য ক্রমশ হ্রাস হইতে লাগিল। অর্জুনের সূতীক্ষ্ম শরজালে তাহাদিগের কলেবর ছিন্ন ভিন্ন হইয়া গেল। রুধিরধারায় ধরণী আপ্লাবিত হইল। শোণিতলিপ্তে ধূলিপটল বায়ুবেগে নভোমণ্ডলে উড্ডীন হওয়াতে সূর্য্যদেবের রশ্মিজাল একান্ত রক্তবর্ণ হইয়া উঠিল। তৎকালে বোধ হইতে লাগিল যেন গগনতল সন্ধ্যারাগে রঞ্জিত হইয়াছে।

অস্তকাল উপস্থিত হইলে দিবাকরও বিশ্রাম করিয়া থাকেন; কিন্তু মহাবীর অর্জুন কদাচ সমরে নিবৃত্ত হইয়া নাই। তিনি সেই সমস্ত ধনুর্ধর কুরুপ্রবীরদিগকে লক্ষ্য করিয়া অনবরত দিব্যাস্ত্র নিক্ষেপ করিতে লাগিলেন। দ্রোণাচার্য্যের প্রতি ত্রিসপ্ততি ক্ষুরপ্র নিক্ষেপ করিয়া দুঃসহকে দশ, অশ্বখামারে অষ্ট, দুঃশাসনকে দ্বাদশ, রূপাচার্য্যকে তিন, ভীষ্মকে ষষ্টি ও মহারাজ দুর্গ্যোধনকে এক শত শরাঘাত করিলেন। তৎপরে কর্ণ দ্বারা মহারীর কর্ণের কর্ণদ্বয় বিদ্ধ করিয়া তাঁহার সারথিরে সংহারপূর্ব্বক রথ ও অশ্ব সকল চূর্ণ করিয়া ফেলিলেন। হৃদর্শনে তদীয় সেনাগণ নিতান্ত ভীত হইয়া চারি দিকে পলায়ন করিতে লাগিল।

তখন বিরাটতনয় উত্তর মহাবীর পার্থের অভিপ্রায় সমাক্ অবগত হইয়া কহিলেন, হে মহাত্মন! এক্ষণে কোন্ সৈন্যগণের সম্মুখীন হইতে বাসনা করেন; আজ্ঞা করুন আমি তাহাদের সমীপে রথ উপনীত করি। অর্জুন কহিলেন, হে রাজকুমার! যিনি লোহিত অশ্বসংযুক্ত নীলপতাকাপরিশোভিত রথে আয়োজন করিয়া রহিয়াছেন, উঁহার নাম রূপাচার্য্য; তুমি উঁহারই সৈন্যসমক্ষে

আমারে লইয়া যাও। আমি উঁহার সমীপে স্বীয় শরপ্রয়োগনৈপুণ্যের সবিশেষ পরিচয় প্রদান করিব। যাঁহার ধ্বজদণ্ডে সুবর্ণনির্ম্মিত কমণ্ডলু পরিশোভিত হইতেছে; উনিই ধনুর্ধরাগ্রগণ্য মহাবল পরাক্রান্ত দ্রোণাচার্য্য। ঐ মহাবীর আমার ও অন্যান্য শস্ত্রধারীদিগের মান্য ও পূজনীয়। এক্ষণে রথ হইতে অবতীর্ণ হইয়া বিধানানুসারে উঁহারে প্রদক্ষিণ করিতে হইবে। যদি আচার্য্য অগ্রে আমারে প্রহার করেন; তবে আমিও উঁহারে প্রহার করিব; তাহা হইলে উনি আমার প্রতি রোষাবিষ্ট হইবেন না।

যিনি দ্রোণাচার্য্যের অনতিদূরে অবস্থান করিতেছেন; যাঁহার ধ্বজদণ্ডে কোদণ্ড লম্বমান রহিয়াছে; উনি আচার্য্যপুত্র মহারথ অশ্বখামা; উনিও আমার এবং অন্যান্য শস্ত্রধারীদিগের মান্য ও পূজনীয়। তুমি উঁহার রথসন্নিধানে সমুপস্থিত হইলেই প্রতিনিবৃত্ত হইবে। যিনি সুবর্ণবর্ষ্ম ধারণপূর্ব্বক প্রধান প্রধান সৈন্য সমুদায়ে রক্ষিত হইয়া রথোপরি অধিকৃত রহিয়াছেন; যাঁহার ধ্বজাণ্ডে হেমকেতনলাঙ্কিত মাতঙ্গ পরিশোভিত হইতেছে; উনি ধৃতরাষ্ট্রাজ্ঞ শ্রীমান দুর্গ্যোধন। উনি নিতান্ত যুদ্ধহর্ষদ এবং ক্ষিপ্রকারিতাবিষয়ে দ্রোণাচার্য্যের প্রধান শিষ্য বলিয়া পরিগণিত। তুমি উঁহার সমক্ষে রথ লইয়া যাইবে; আমি উঁহার নিকট স্বীয় ক্ষিপ্রকারিতা প্রকাশ করিব।

যাঁহার ধ্বজাণ্ডে রমণীয় নাগবন্ধনরজ্জু লম্বমান রহিয়াছে; উনি তোমার পূর্ব্বপরিচিত কর্ণ। উনি সততই আমার সহিত স্পর্ধা করিয়া থাকেন; তুমি উঁহার রথসন্নিধানে গমন করিয়া সংগ্রামে সাবধান হইবে। যাঁহার রথে সূর্য্যতারালাঙ্কিত ধ্বজ ও মস্তকে পাণ্ডুরবর্ণ সুনির্ম্মল আতপত্র পরিশোভিত হইতেছে; যিনি জলধরসন্নিহিত প্রচণ্ড দিবাকরের ন্যায় সৈন্যগণসমক্ষে অবস্থান করিতেছেন;

যিনি চন্দ্রার্কসঙ্কাশ সুবর্ণবর্ষ ও সুবর্ণশিরস্ত্রাণ ধারণ করিয়াছেন; উনি আমাদের পিতামহ শান্তনুন্দন ভীষ্ম । ঐ মহাবীর ছুরাআ দুর্ঘোষনের একান্ত বশব্দ । আমরা সর্বশেষে উহার নিকট গমন করিব । উনি আমার অনিষ্ট সাধন করিতে পারিবেন না । আমি যখন উহার সহিত সংগ্রাম করিব; তৎকালে তুমি যত্নপূর্বক অশ্বের রশ্মি সংযত করিয়া রাখিবে । অনন্তর উত্তর যে স্থানে রূপাচার্য্য যুদ্ধ করিবার মানসে অবস্থান করিতেছেন; অর্জুনকে লইয়া তথায় সমুপস্থিত হইলেন ।

ষট্‌পঞ্চাশত্তম অধ্যায় ।

বৈশম্পায়ন কহিলেন, হে রাজন্ ! মহাধনুর্ধর কৌরবসেনা সকল তৎকালে বর্ষাকালীন মন্দমারুতসঞ্চালিত জলধরপটলের ন্যায় শোভা পাইতে লাগিল । তাহাদিগের নিকটে অশ্বারোহিণী ও তোমরাঙ্কুশনোদিত মহামাত্রপরিচালিত বিচিত্র কবচাবভূষিত মাতঙ্গ সমুদায় শ্রেণীবদ্ধ হইয়া রহিল ।

ঐ সময় ত্রিদিবনাথ শতক্রতু, রূপ ও অর্জুনের সংগ্রাম সন্দর্শনার্থ বিশ্বদেব অশ্বিনীকুমার প্রভৃতি সুরগণ সমভিব্যাহারে বিচিত্র বিমানে আরোহণপূর্বক আকাশপথে অবতীর্ণ হইলেন । দেব, যক্ষ, গন্ধর্ব ও উরগগণের সহস্র সহস্র সুবর্ণস্তম্ভাবভূষিত মণিরত্নখচিত বিমান সমুদায় মেঘবিনির্মুক্ত গ্রহমণ্ডলের ন্যায় শোভা পাইতে লাগিল । তন্মধ্যে দেবরাজের সর্বরত্নবিভূষিত কামচর বিমান সমধিক শোভিত হইল । বসু রুদ্র প্রভৃতি ত্রয়ত্রিংশৎ অমর, গন্ধর্ব, রাক্ষস, সপ, মহর্ষি ও পিতৃগণের সমাগমে নভোমণ্ডল পরিপূর্ণ হইয়া উঠিল । রাজা বসুমনা, বলাক, সুপ্রতর্দন, অর্ষক, শিবি, যযাতি, নছব, গয়, মনু, পুরু, রঘু,

তামু, কৃশাশ্ব, সগর ও নল ইহারাও তৎকালে গগনমার্গে সমাগত হইলেন । অগ্নি, ইশ, সোম, বরুণ, প্রজাপতি, ধাতা, বিধাতা, কুবের, যম, উগ্রসেন, অলম্বুস ও তুষ্করপ্রমুখ গন্ধর্বগণের বিমান সমুদায় যথাস্থানে সন্নিহিত রহিল । ফলত তৎকালে সমুদয় অমর, সিদ্ধ ও মহর্ষিগণ অর্জুনের সহিত কৌরবগণের সংগ্রাম সন্দর্শনার্থ তথায় সমুপস্থিত হইলেন ।

দিব্য মাল্যের পবিত্র গন্ধে চতুর্দিক আমোদিত হইয়া উঠিল । দেবগণের বসন, ছত্র, ধ্বজ, ব্যাজন ও রত্নজাত ইত্যন্ত শোভমান হইতে লাগিল । পার্শ্বব ধূলিপটল তিরোহিত এবং চতুর্দিক মরীচি দ্বারা অভিব্যাপ্ত হইল । সনীরণ দিব্য গন্ধ আহরণপূর্বক যোদ্ধাদিগের সেবা করিতে লাগিল । সুরোত্তমগণের সমানীত নানা রত্নসমুদ্ভাসিত বিবিধ বিমান দ্বারা গগনমার্গ অলঙ্কৃত হইয়া অতি বিচিত্র শোভা ধারণ করিল । পদ্মোৎপলমাল্যধারী সুররাজ দেবগণে পরিবৃত্ত হইয়া বিমানে অবস্থানপূর্বক রণস্থলস্থিত স্বীয় পুত্র অর্জুনকে বারংবার অবলোকন করিয়াও পরিতৃপ্ত হইলেন না ।

সপ্তপঞ্চাশত্তম অধ্যায় ।

বৈশম্পায়ন কহিলেন, নরনাথ ! এ দিকে মহাবীর ধনঞ্জয় কুরুসৈন্যগণ বাহ রচনা করিয়াছে দেখিয়া উত্তরকে কহিলেন, রাজপুত্র ! যাহার ধ্বজে ঐ সুবর্ণময়ী বেদী দৃষ্ট হইতেছে; উহার দক্ষিণ দিক দিয়া রথ চালন কর; তাহা হইলেই অনায়াসে রূপের সমীপে সমুপস্থিত হইতে পারিবে । অশ্ববিদ্যাশিষ্য উত্তর অর্জুনের বচনানুসারে মহাবেগে সেই রক্তপুঞ্জসমিত উদ্গুণ বেগবান অশ্বগণ সঞ্চালনপূর্বক কুরুসৈন্যগণসমীপে সমুপস্থিত হইয়া পুনরায় প্রত্যাবৃত্ত হইলেন । পরে স্বীয় শিক্ষাপ্রভাবে তৎ-

ক্ষণে বাম দিক্ দিয়া প্রদক্ষিণপূর্বক কো-রবসেনাগণকে সম্মোহিত করিলেন এবং অকূতোভয়ে সম্বরে রূপের সম্মিথানে গমন করিয়া প্রদক্ষিণ করত তাঁহার সম্মুখীন হইলেন ।

এই রূপে মহাবীর ধনঞ্জয় রূপের সম্মুখে উপস্থিত হইয়া আত্মপ্রকাশপূর্বক মহাবেগে দেবদত্ত শঙ্খধ্বনি করিতে আরম্ভ করিলেন । পর্বতের বিদারণশব্দের ন্যায়, অশ্বনি-নির্ঘোষের ন্যায়, পার্থের সেই শঙ্খনির্ঘোষে আকাশমণ্ডল প্রতিধ্বনিত হইতে লাগিল । কোরবগণ, কি আশ্চর্য্য ! এই শঙ্খ অর্জুন কর্তৃক আধ্বাত হইয়াও শতধা বিদীর্ণ হইল না ! এই বলিয়া সেই শঙ্খের যথেষ্ট প্রশংসা করিতে লাগিলেন । তখন মহাবীর রূপাচার্য্য অর্জুনের শঙ্খনাদ শ্রবণে যৎপরো-নাস্তি রোষপরতপ্ত হইয়া তাঁহার সহিত সংগ্রাম করিবার মানসে মহাবেগে স্বীয় শঙ্খ আধ্বাত করত শরাসন গ্রহণপূর্বক ভয়ঙ্কর জ্যাশব্দ করিতে লাগিলেন । তৎ-কালে সূর্য্যসদৃশ তেজস্বী সেই বীরদ্বয় শ-রৎকালীন মেঘের ন্যায় শোভা ধারণ করিলেন ।

অনন্তর মহাবল পরাক্রান্ত রূপ শাণিত মর্মভেদী দশ বাণ দ্বারা অর্জুনকে বিদ্ধ করিলেন । মহাবীর পার্শ্বগো গাণ্ডীব আকর্ষণ-পূর্বক রূপের উপর মর্মভেদী নারাচ সমু-দায় নিক্ষেপ করিতে লাগিলেন । রূপ নিশিত সায়ক দ্বারা অর্জুপথে সেই অর্জুন-নিক্ষিপ্ত নারাচ সকল ধণ্ডু ধণ্ডু করিলেন । মহাবীর ধনঞ্জয় তদর্শনে সাতিশর অমর্ষ-পরবশ হইয়া বিচিত্র শরনিকর দ্বারা সমুদায় দিক্-বিদিক্ আচ্ছাদনপূর্বক রূপের উপর শত শত শর নিক্ষেপ করিতে লাগিলেন । তখন আচার্য্য রূপ সেই সমুদায় অগ্নি-শিখার ন্যায় প্রজ্বলিত নিশিত সায়ক দ্বারা সমাহত হইয়া 'রোবাস্থিত' চিত্তে পার্শ্বের

উপর দশ সহস্র শর বর্ষণ করিয়া সিংহনান করিতে লাগিলেন । পরে পুনরায় শরাসন গ্রহণপূর্বক অপর দশ বাণ দ্বারা অর্জুনকে বিদ্ধ করিলেন ।

তখন মহাবীর ধনঞ্জয় গাণ্ডীব আকর্ষণ-পূর্বক চারিটি বাণ দ্বারা রূপের অশ্চতুষ্টি-য়কে বিদ্ধ করিলেন । অশ্বগণ প্রজ্বলিত ছত্ৰাশনসদৃশ অর্জুনশরাঘাতে মিতান্ত পী-ড়িত হইয়া লক্ষ প্রদান করাতে তিনি রথ হইতে নিপতিত হইলেন । তখন মহাত্মা ধন-ঞ্জয় রূপকে রথচ্যুত নিরীক্ষণ করিয়া সম্মান রক্ষার্থ তাঁহার প্রতি শর সম্মান করিলেন না । পরে রূপাচার্য্য পুনরায় সম্বরে রথে আরোহণপূর্বক অর্জুনের উপর দশ বাণ নিক্ষেপ করিলেন । অর্জুন রূপের বাণা-ঘাতে সাতিশর সংকুঞ্চিত হইয়া স্তম্ভিত তল-প্রহারে তাঁহার শরাসন ছেদন করিয়া মর্ম-ভেদী অপর এক শর দ্বারা তাঁহার বর্মচ্ছেদ করিলেন ; কিন্তু তাঁহার শরীরে কোন আঘাত করিলেন না । অর্জুনের বাণে কবচ ছিন্ন হইয়া গাত্র হইতে বিগলিত হওয়াতে আচার্য্য রূপ নির্মোকনির্মুক্ত ভুজঙ্গের ন্যায় শোভা পাইতে লাগিলেন । তখন তিনি অন্য এক শরাসন গ্রহণপূর্বক জ্যা আরো-পণ করিলে মহাবীর অর্জুন অবিলম্বে উহা ছেদন করিলেন । এই রূপে মহাবীর রূপ যত চাপ গ্রহণ করিলেন ; ধনঞ্জয় লঘু-হস্ততাপ্রযুক্ত তৎসমুদায় ছেদন করিলেন ।

বারংবার কার্মক ছিন্ন হওয়াতে রূপাচার্য্য ক্রোধভরে অর্জুনের প্রতি অশনির ন্যায় প্রদীপ্ত এক স্বর্ণবিভূষিত শক্তি নিক্ষেপ ক-রিলেন । মহাবীর অর্জুন নিশিত দশ সায়ক দ্বারা অর্জুপথে সেই শক্তি দশ ধণ্ডু ছেদন করিলেন । মহাবীর রূপ শক্তি ব্যর্থ হইল দেখিয়া পুনর্বার ধনঞ্জয়গ্রহণপূর্বক নিশিত দশ সায়ক দ্বারা পার্শ্বকে বিদ্ধ করিলেন । তখন মহাবল পরাক্রান্ত ধনঞ্জয় রোষপর-



বশ হইয়া রূপের উপর ত্রয়োদশ শর নিক্ষেপ-  
পূর্বক এক বাণে তাঁহার যুগ, চারি বাণে চারি  
অশ্ব, ছয় বাণে সারথির মস্তক, তিন বাণে  
তিন বেণু, দুই বাণে অক্ষ ও দ্বাদশ তল্ল দ্বারা  
ধ্বংস করিলেন । পরে মহাস্য বদনে  
বক্ষসদৃশ ত্রয়োদশ বাণে রূপের বক্ষঃস্থল  
বিদ্ধ করিলেন ।

মহাবীর রূপাচার্য্য এই রূপে ছিন্নশরা-  
সন, বিরথ, হতাস্ব ও হতসারথি হইয়া  
ক্রোধতরে অর্জুনের প্রতি গদা নিক্ষেপ করি-  
লেন । মহাতেজা ধনঞ্জয় বাণ দ্বারা সেই  
গদা প্রতিনিহৃত্ত করিলে অন্যান্য যোদ্ধগণ  
রূপের সাহায্যার্থে চতুর্দিক হইতে অর্জুনের  
উপর শরবর্ষণ করিতে আরম্ভ করিল । তখন  
বিরাটতনয় উত্তর বাম দিক্ দিয়া যমকমণ্ডল  
করত সেই সমুদায় যোদ্ধাদিগকে নিবারিত  
করিতে লাগিলেন । ধনুর্ধরগণ তদর্শনে  
ভীতচিত্তে রূপকে লইয়া মহাবেগে সে স্থান  
হইতে পলায়ন করিল ।

অষ্টপঞ্চাশত্তম অধ্যায় ।

বৈশম্পায়ন কহিলেন, হে রাজন্ ! রূ-  
পাচার্য্য অপসারিত হইলে লোহিতবাহন  
আচার্য্য্য জ্ঞোণ শর ও শরাসন ধারণ করিয়া  
শ্বেতবাহনের সন্মুখীন হইলেন । অয়শীল  
অর্জুন কাঞ্চনরথারোহী আচার্য্যকে সমীপে  
আগমন করিতে দেখিয়া উত্তরকে কহিলেন,  
উত্তর ! যাঁহার প্রকাণ্ড দণ্ডমণ্ডিত ধ্বজে  
বহুপতাকালঙ্কৃত কাঞ্চনবেদী সমুচ্ছিত রহি-  
য়াছে ; যাঁহার রথে স্নিগ্ধ প্রবালসদৃশ  
শোণবর্ণ প্রকাণ্ড তুরঙ্গ সকল সংযোজিত  
আছে ; যিনি যোদ্ধগণের মধ্যে সর্বপ্রধান ;  
রূপবান্, বলবান, প্রতাপবান্, গুহুরে ন্যায়  
বুদ্ধিমান্ ও বৃহস্পতির ন্যায় নীতিমান্ ;  
বেদচতুর্ভুজ, ব্রহ্মচর্য্য, ক্রমা, দম, সত্য, আ-  
জীব প্রভৃতি গুণ সমূহে বিভূষিত এবং সুং-  
হারসমবেত সমুদায় দিব্যাস্ত্র ও ধনুর্বেদের

একমাত্র আধার ; উনি তরুদ্বাজনন্দন আ-  
চার্য্য জ্ঞোণ । আমি উহার সহিত সংগ্রাম  
করিতে অভিলাষ করি ; অতএব শীঘ্র রথ  
চালনা করিয়া আমারে আচার্য্য্যসম্মিধানে  
লইয়া যাও ।

বিরাটনন্দন, কুন্তীনন্দনের বাক্যানুসারে  
জ্ঞোণরথাভিমুখে হেমতুষণ অশ্বগণকে পরি-  
চালনা করিলেন । যেমন কোন মত্ত মাতঙ্গ  
অন্য মাতঙ্গের অভিযুগীন হয় ; সেই রূপ  
জ্ঞোণাচার্য্য সমীপাগত মহারথ কোন্তেয়ের  
প্রত্যক্ষামন করিলেন । অনন্তর ভেদীশত-  
মিনাদানুকারী শব্দধনি সমুচ্ছিত হইল ;  
সমুদায় সৈন্য উদ্ধত সাগবের ন্যায় সং-  
ক্ষোভিত হইয়া উঠিল । শোণিত ও শ্বেতবর্ণ  
অশ্ব সকল একত্র হইলে সকলে বিস্মিত  
হইয়া নিরীক্ষণ করিতে লাগিলেন । গুরু ও  
শিষ্য উভয়েই মহাবীর ; উভয়েই মহাবল  
পরাক্রান্ত ; উভয়েই কৃতবিদ্যা ; উভয়েই  
দুর্জয় এবং উভয়েই মহানুভব । ঈদৃশ  
উভয় বীর সংগ্রামমুখে পরস্পর সন্মু-  
খীন হইয়াছেন দেখিয়া অতি মহতী ভা-  
রতী সেনা কম্পমান হইতে লাগিল । তখন  
মহাবাহু ধনঞ্জয় প্রীতিপ্রফুল্ল বদনে জ্ঞোণাচা-  
র্য্যকে অভিবাদন করিয়া মধুর বাক্যে বিনয়-  
পূর্বক কহিলেন, হে সমরর্জুঞ্জয় ! আমরা  
বনবাসী হইয়াছিলাম ; এক্ষণে তাহার  
প্রতিবিধান করিতে উৎসুক হইয়াছি ; অত-  
এব আমাদের প্রতি জাতক্রোধ হইবেন  
না । আমি প্রতিজ্ঞা করিয়াছি ; আপনি  
প্রথমে প্রহার না করিলে আপনারে কদাচ  
প্রহার করিব না ; এক্ষণে আপনি তাহা  
করুন ।

অনন্তর জ্ঞোণাচার্য্য ধনঞ্জয়ের প্রতি শর  
নিক্ষেপ করিলে তিনি লঘুহস্ততা নিবন্ধন  
দূর হইতেই তাহা খণ্ড খণ্ড করিলেন । মহা-  
বীর জ্ঞোণাচার্য্যও তৎক্ষণাৎ প্যার্থের কো-  
পানল প্রস্থলিত করিবার জন্যই যেন শর-

সহস্র দ্বারা তাঁহার রথ ও অশ্বগণ আচ্ছাদিত করিলেন। এই রূপে দ্রোণাজর্জনের সমর-কৃত্য সমারম্ভ হইল। তাঁহারা উভয়েই বিখ্যাতকর্মা; উভয়েই দিব্যাস্ত্রবিশারদ; অতএব উভয়ে শরজাল বর্ষণ করিয়া তত্রস্থ সমস্ত ভূপতি ও অন্যান্য যোদ্ধগণকে বিমোহিত করিলেন। তাহারা ধনঞ্জয়কে সাধু-বাদ প্রদানপূর্বক কহিতে লাগিল, “ ধনঞ্জয় ব্যতিরেকে কোন ব্যক্তি দ্রোণাচার্যের সহিত সংগ্রাম করিতে সমর্থ হইবে? ক্ষত্রিয়ধর্ম কি ভয়ানক! ধনঞ্জয় আচার্যের সহিত সংগ্রামে প্ররুক্ত হইয়াছেন।”

এ দিকে বীরদ্বয় পরস্পর নিকটবর্তী হইয়া রোষাংশে শর সমূহ দ্বারা পরস্পরকে আচ্ছাদন করিতে লাগিলেন। জাতক্ৰোধ ভারদ্বাজ চূর্নিত শরাসন বিক্ষারিত করিয়া ধনঞ্জয়কে বিদ্ধ করিলেন। তাঁহার নিক্ষিপ্ত নিশিত শরজালে দিবাকরের প্রভা আচ্ছাদিত হইল। যেমন ধারাধর বৃষ্টিধারায় ধরাধরকে আচ্ছন্ন করে; সেই রূপ মহারথ পার্থ শান্ত শর সমূহে দ্রোণাচার্যকে আচ্ছাদিত করিতে লাগিলেন। তিনি প্রফুল্ল চিত্তে গাণ্ডীব গ্রহণ-পূর্বক সুবর্ণখচিত বিচিত্র শর সমূহ নিক্ষেপ করিয়া ভারদ্বাজের শরবর্ষণ নিবারণ করিলেন। তাঁহার চাপবিনির্মুক্ত শরজালে অস্ত ত ব্যাপার উপস্থিত হইল। তিনি রথ-রোহণপূর্বক বিচরণ করত যুগপৎ চতুর্দিকে অস্ত্রজাল প্রদর্শন করিতে লাগিলেন। গগন-মণ্ডল যেন অবিচ্ছিন্ন অন্ধকারে আচ্ছন্ন হইয়া রহিল। দ্রোণাচার্য যেন নীহারপরিবৃত হইয়া একবারে অদৃশ্য হইলেন। প্রজ্বলিত পাবকধূরিবৃত পর্বতের যেকপ শোভা হয়; ধনঞ্জয়ের শর সমূহে আচ্ছাদিত দ্রোণাচার্যের রূপও সেই রূপ প্রতীয়মান হইতে লাগিল।

রণবিশারদ দ্রোণাচার্য স্বীয় রথ পার্থ-শরজালে আচ্ছাদিত দেখিয়া শরাসন বিক্ষা-

রণ করিলেন; তখন তাঁহার আকৃতি অগ্নি-চক্রে ন্যায় ও শব্দ মেঘধ্বনির ন্যায় বেধ হইতে লাগিল। তিনি যখন অর্জুনের নিক্ষিপ্ত শর সমূহ প্রতিহত করেন, তখন তাহা হইতে দহমান বংশের ন্যায় ঘোরতর শব্দ হইতে লাগিল। তিনি স্বচাপবিনির্গত কাঞ্চনময় শর সমূহে সমুদায় দিব ও সূর্যের প্রভা আচ্ছাদিত করিলেন। তাঁহার কাঞ্চন-পুঙ্খ নতপর্ব শর সমূহ সংহত হইয়া গগনমণ্ডলে সমুপ্তিত হইলে একমাত্র দীর্ঘ শর বলিয়া প্রতীত হইতে লাগিল।

এই রূপে তাঁহাদিগের কাঞ্চনপুঙ্খ শর সমূহে গগনমণ্ডল উল্কাপরিবৃতের ন্যায় বোধ হইতে লাগিল। তখন তাঁহাদিগের কঙ্কপত্রবিভূষিত শরজাল আকাশবিহারী হংসপংক্তির ন্যায় শোভা ধারণ করিল। বৃত্রাসুরের সহিত পুরন্দরের যেকপ যুদ্ধ হইয়াছিল; দ্রোণ ও ধনঞ্জয়ের যুদ্ধও সেই রূপ হইতে লাগিল। যেমন করিযুগল বিশাল দশনাগ্রভাগ দ্বারা পরস্পরকে আক্রমণ করে; সেই রূপ রণবিশারদ বীরদ্বয় রোষাবিষ্ট হইয়া দিব্যাস্ত্র প্রয়োগপূর্বক পরস্পরকে প্রহার করিতে লাগিলেন।

জয়শীল অর্জুন দর্শকগণের সমক্ষে শরজাল বর্ষণ করিয়া আচার্য্যসমুৎসৃষ্ট শিলাশিত শর সমূহ নিবারণপূর্বক আকাশ-মণ্ডল আচ্ছাদিত করিলেন। আচার্য্যপ্রধান ভারদ্বাজ উগ্রতেজা অর্জুনকে জিঘাংসা-পরবশ নিরীক্ষণ করিয়া সন্নতপর্ব শর সমূহ দ্বারা তাঁহার শর সমুদায় নিবারণ করিতে লাগিলেন। এই যুদ্ধ দেবদানবদ্বয়ের ন্যায় প্রতীয়মান হইতে লাগিল। দ্রোণাচার্য্য ঐন্দ্র, বায়ব্য ও আয়েয় অস্ত্র সমুদায় নিক্ষেপ করিবামাত্র বীরবর ধনঞ্জয় স্বীয় অস্ত্র দ্বারা তৎ সমুদায় সংহার করিলেন। পর্বতোপরি অনবরত বজ্রপাত হইলে যেকপ অরণবিদারণ অতি ভীষণ শব্দ সমুপ্তিত হয়; অর্জু-

নানিকিঞ্চ শর সমূহ সৈন্যগণের শরীরে  
লিপিত্ত হইয়া সেই রূপ শব উৎপাদন  
করিতে লাগিল। তখন হস্তী, অশ্ব ও রথ  
সমুদায় শোণিতাক্ত হইয়া কুসুমিত কিংশুক  
রক্তের ম্যায় শোভমান হইতে লাগিল।  
সৈন্যগণ সংগ্রামে কেমুরবিত্ত্বিত বাছ,  
বিচিত্র রথ, সুবর্ণময় কবচ ও ধ্বজ সকল বি-  
নিপাতিত এবং বীর সকল নিহত হইয়াছে  
অবলোকন করিয়া একান্ত উদ্ভাশ্চিত্ত হইয়া  
উঠিল। তখন তাঁহারা সেই ঘোরতর যুদ্ধে  
শরাসন কল্পিত করিয়া শরজাল দ্বারা প্রাণ-  
পণে পরস্পরকে সনাত্ত ও রক্ত রিক্ত  
করিতে লাগিলেন।

অনন্তর অন্তরীক্ষে দ্রোণাচার্যের প্রশংসা-  
সূচক শব্দ সমুখিত হইল এই যে, “ভারদ্বাজ  
অতি দুষ্কর কর্ম সম্পাদন করিতেছেন ;  
যে অর্জুন দেব ও পানবগণকে পরাজয় করি-  
য়াছিলেন ; ইনি সেই মহাবীর দৃঢ়মুক্তি দুর্ধর্ষ  
ধনঞ্জয়ের সহিত যুদ্ধ করিতেছেন !” পরে  
দ্রোণাচার্য ধনঞ্জয়ের অভ্রান্ততা, শিক্ষা, লঘু-  
হস্ততা ও দূরপাতিতা অবলোকন করিয়া বি-  
স্ময়াপন্ন হইলেন।

অনন্তর কৌন্তেয় অমর্ষপরিপূরিত চিত্তে  
গাণ্ডীব ধনু সমুদাত করিয়া দুই হস্তে আক-  
র্ষণ করিলেন। তখন সকলে শলভশ্রেণীর ন্যায়  
তাঁহার বাণবর্ষণ অবলোকনে বিস্মিত হইয়া  
সাধুবাদ করিতে লাগিলেন। তিনি একপ  
অবিহিন্ন শরজাল বর্ষণ করিতে লাগিলেন  
যে, সমীক্ষণে তাঁহার ক্ষত্যন্তরে প্রবেশ ক-  
রিতে সমর্থ হইল না। তিনি কোন সময়ে  
শর গ্রহণ করেন ও কোন সময়ে নিক্ষেপ  
করেন ; তাহা কেহই অনুভব করিতে পা-  
রিল না। তাঁহার গাণ্ডীব হইতে যুগপৎ  
শত সহস্র বাণ নির্গত হইয়া দ্রোণাচার্যের  
রথসন্নীপে লিপিত্ত হইয়া আচ্ছাদিত  
করিল। সৈন্যগণ দ্রোণাচার্যকে অর্জুন-  
পরে সম্বাদ দিয়া হালাকার করিতে লা-

গিল। পুরন্দর এবং তদ্রূপ গন্ধর্ষ ও অক্ষয়-  
গণ তাঁহার লঘুহস্ততার প্রশংসা করিতে  
লাগিলেন।

অনন্তর রথস্থান্যক অশ্বখামা মনে  
মনে মহাত্মা অর্জুনের বলবীর্ষের প্রশংসা  
করিয়া ক্রোধভরে সহসারথ সমূহ দ্বারা তাঁহার  
গতি বোধপূরক বর্ষণশীল পর্জনোর ন্যায়  
শরসহস্র নিক্ষেপ করিতে লাগিলেন। তখন  
অর্জুন অশ্বখামার গতি বোধ করিয়া দ্রো-  
ণাচার্যকে প্রশংসা করিবার অবকাশ প্রদান  
করিলেন। হিমবর্ষ হিমধ্বজ কতবি-  
কতকলেবর দ্রোণাচার্য বেগগামী তুর-  
ঙ্গের সাহায্যে সে স্থান হইতে প্রশংসা  
করিলেন।

একোনষষ্ঠিতম অধ্যায়।

বৈশম্পায়ন কহিলেন, মহারাজ ! আন-  
ন্তর অশ্বখামা বাণ বৃষ্টি করিতে করিতে  
মহাবীর অর্জুনের নিকট সমুপস্থিত হই-  
লেন। অর্জুন প্রচণ্ড বাত্যার ম্যায় অশ্বখা-  
মাকে সমীপবর্তী দেখিয়া অনবরত শর বর্ষণ  
করিতে লাগিলেন। পরে তাঁহাদিগের ঘো-  
রতর যুদ্ধ আরম্ভ হইল। বোধ হইল যেন,  
পুনরায় দেবাসুরসংগ্রাম সমুপস্থিত। ন-  
ভোমগুল শরজালে আচ্ছন্ন হইয়া উঠিল ;  
দিনকর আর দৃষ্টিগোচর হয় না। বায়ুস-  
প্ণার একবারে রুদ্ধ হইয়া গেল ; দহমান  
বংশের ন্যায় অনবরত চটচটা শব্দ সমুখিত  
হইতে লাগিল। ইত্যবসরে অর্জুন অশ্বখা-  
মার অশ্বগণকে সাতশয় প্রহার করিলে  
অশ্ব সকল প্রহারবলে একান্ত বিমোহিত  
হইয়া কোন দিকে গমন করিবে কিছুই  
নির্ণয় করিতে পারিল না।

অনন্তর মহাবল পরাক্রান্ত অশ্বখামা  
স্বযোগক্রমে ক্ষরধার কুরপ্র দ্বারা গাণ্ডী-  
য়ের মৌর্খী ছেদন করিলেন। দেবগণ এই  
অদ্ভুত কার্য সম্মর্শন করিয়া তাঁহার কুয়নী

প্রশংসা করিতে লাগিলেন। এ দিকে দ্রোণ, ভীষ্ম, কর্ণ ও কৃপাচার্য্য ইহারাও বারংবার অশ্বখামার সাধুবাদ করিতে লাগিলেন। পরে অশ্বখামা রুচির শরাসন আকর্ষণ করিয়া পার্শ্বের রুদয়ে শরাঘাত করিলে পর তিনি উচ্চ স্বরে হাস্য করিয়া বলবীৰ্য্য সহকারে গাণ্ডীবে অভিনব জ্যা রোপণ করিলেন এবং যাদুশ যুধপতি হস্তী অপর মন্তু মাতঙ্গের সহিত যুদ্ধ করিয়া থাকে; তদ্রূপ তিনি গাণ্ডীব শরাসন আকর্ষণপূর্ব্বক অশ্বখামার সহিত যুদ্ধে প্রবৃত্ত হইলেন। উভয়ের ঘোরতর যুদ্ধ হইতে লাগিল। কৌরবগণ বিস্ময়বিম্বারিত লোচনে সেই লোমহর্ষণ সংগ্রাম সন্দর্শন করিতে লাগিলেন। তাঁহারা পরস্পর প্রজ্বলিত পন্নগের ন্যায় শর প্রয়োগ করিতে আরম্ভ করিলেন। অশ্বখামা অর্জুনকে লক্ষ্য করিয়া অনবরত শর ক্ষেপ করিতে অতি শীঘ্রই তাঁহার শরক্ষয় হইল; কিন্তু মহাবীর অর্জুনের তুণীরদ্বয় ক্ষয়; সুতরাং কোন ক্রমেই তাঁহার আর শরক্ষয় হইল না। এই নিমিত্ত তিনি অশ্বখামা অপেক্ষা সমধিক উৎকর্ষ লাভ করিলেন এবং রণস্থলে অচলের ন্যায় নির্ভীক চিত্তে অবস্থান করিতে লাগিলেন।

অনন্তর সূর্য্যকুমার কর্ণ উৎকৃষ্ট কার্ম্মুক আকর্ষণপূর্ব্বক অর্জুনের প্রতি শরবৃষ্টি করিতে লাগিলেন। রণস্থলে সহসা হাহাকার শব্দ উত্থিত হইল। অর্জুন তখন ইতস্তত দৃষ্টিপাত করিবামাত্র কর্ণকে সমরাজনে অবতীর্ণ দেখিয়া ক্রোধে একান্ত অধীর হইয়া উঠিলেন এবং জিঘাংসাপরবশ হইয়া আকেকর নেত্রে তাঁহারে নিরীক্ষণ করিতে লাগিলেন। ইত্যবসরে কৌরবাধিকৃত পুরুষেরা সত্বরে অশ্বখামার বহুসংখ্যক শর আহরণ করিল। অর্জুন রোষকবায়িত লোচনে কর্ণের প্রতি ধাবমান হইয়া দ্বৈরধ যুদ্ধের অভিলাষে তাঁহারে কহিলেন।

যত্নিতম অধ্যায়।

হে কর্ণ! ভূমণ্ডলে তোমার সদৃশ ষোড়শ নাই বলিয়া তুমি পূর্বে সভামধ্যে সাতিশয় অহঙ্কার প্রকাশ করিয়াছিলে; এক্ষণে যুদ্ধ উপস্থিত; এক বার আমার সহিত যুদ্ধ কর; তাহা হইলে তুমি আপনার পরাক্রম জানিতে পারিবে ও অন্যের অবমাননার আর কদাচ প্রবৃত্ত হইবে না। তুমি ধর্ম্মে জলাঞ্জলি প্রদানপূর্ব্বক নিরস্তুর কেবল পরুষ বাক্য প্রয়োগ করিয়াছ; এক্ষণে তোমার এই ছুরতিসন্ধি সিদ্ধ হওয়া নিতান্ত ছুফর বোধ হইতেছে। তুমি আমার অসমক্ষে পূর্বে যে সকল কথা বলিয়াছ; আজি কৌরবগণসমক্ষে আমার নিকট তাহা সম্পন্ন কর। ছুরাআরা পাঞ্চালীর কেশাকর্ষণপূর্ব্বক সভামধ্যে যখন নিগ্রহ করিয়াছিল; তখন তুমি তাহাতে বাঙনিষ্পত্তি না করিয়া অনায়াসে তাঁহার সেই ছুরবস্থা অবলোকন করিয়াছিলে; আজি তাহার সমুচিত প্রতিফল প্রাপ্ত হইবে। ধর্ম্মপাশে বদ্ধ ছিলাম বলিয়া পূর্বে ক্ষমা করিয়াছি; আজি সমরে সেই ক্রোধের প্রত্যক্ষ ফল অবলোকন করিবে। ছুরাঅন! আমি বনে দ্বাদশ বৎসর যে ক্রোধ সংবরণ করিয়াছি; তাহার সমগ্র ফল প্রাপ্ত হইবে। রে ছুরাঅন! রাধেয়! তুই এক বার আমার সহিত যুদ্ধ কর; কৌরবসৈনিকেরা প্রত্যক্ষ করুক।

কর্ণ কহিহেন, পার্শ্ব! কথায় যাহা বলিলে; কার্য্যে তাহার অনুষ্ঠান কর; অনর্থ বাক্য ব্যায় করিলে ক্লি হইবে। তোমার বাগাড়ম্বরই সার ইহা সর্বত্র প্রসিদ্ধ আছে; তোমার পরাক্রম নিরীক্ষণ করিয়া বিলক্ষণ বোধ হইতেছে; তুমি পূর্বে যে ক্ষমা করিয়াছিলে; তাহা অক্ষমতা প্রযুক্তই হইয়াছে। তুমি পূর্বে ধর্ম্মপাশে বদ্ধ থাকিয়া যেমন স্বীয় ক্ষমতা প্রকাশ করিতে সমর্থ হও নাই; এক্ষণে আমার নিকটেও সেই রূপ বদ্ধ আছ;

কিন্তু কেবল অবিমূঢ়্যকারিতা প্রযুক্তই আপনাকে বিমুক্ত বোধ করিতেছ। তুমি প্রতিজ্ঞানুসারে বনে বাস করিয়া সাতিশয় ক্লেশ প্রাপ্ত হইয়াছ; এই নিমিত্ত তুমি এক্ষণে ক্রোধে অন্ধ হইয়া আমার সহিত যুদ্ধ করিবার মানস করিতেছ; তাহার সন্দেহ নাই। যাহা হউক, আজি যদি তোমার সাহায্যার্থে স্বয়ং দেবরাজ আসিয়া যুদ্ধ করেন; তাহা হইলেও আমার কিছুমাত্র হানি নাই। আমি মুক্ত কণ্ঠে ব্যক্ত করিতেছি, সমরে অপরিমিত বল বিক্রম প্রকাশ করিতে কদাচ পরাজুখ হইব না। হে কৌশ্লেয়! তোমার এই সমরাত্তিলাষ অচির কালমধ্যেই নিবৃত্ত হইবে; তুমি যুদ্ধ করিলেই আমার বলবিক্রম অবগত হইতে পারিবে।

অর্জুন কহিলেন, রে রাধেয়! তুই এই মাত্র রণস্থল হইতে পলায়নপূর্বক আপনার জীবন রক্ষা করিয়াছিস; কিন্তু এ দিকে তোর অনুজ নিহত হইয়াছে। তথাপি তুই সাধুসমাজে আত্মপ্লাঘা করিতেছিস; অতএব তোর সমান নির্লজ্জ ও কাপুরুষ আর ভূমণ্ডলে দৃষ্টিগোচর হয় না।

জয়শীল অর্জুন এই কথা বলিতে বলিতে বর্ষভেদী বাণ বর্ষণপূর্বক তাঁহার সম্মুখীন হইলে তিনিও তৎক্ষণাৎ প্রকৃষ্ট মনে অর্জুনের প্রতি শর বর্ষণ করিতে লাগিলেন। চতুর্দিক ঘোরতর শরজালে ব্যাপ্ত হইয়া উঠিল এবং তাঁহার অশ্বগণ বিদ্ধ হইতে লাগিল। অর্জুন অসহমান হইয়া আনতপর্ক নিশিত শরাঘাতে কর্ণের তুণীররঞ্জু ছেদন করিলেন। তখন মহাবীর কর্ণ অন্য এক তুণীর হইতে বাণ গ্রহণপূর্বক অর্জুনের হস্ত বিদ্ধ করিবার মাত্র তাঁহার মুক্তি শিথিল হইল। অনন্তর মহাবাহু অর্জুন কর্ণের শরাসন ছেদন করিলে তিনি ক্রোধাক্ত হইয়া তাঁহার প্রতি শক্তি ফেপ করিলেন। অর্জুন বাণ দ্বারা তৎক্ষণাৎ তাহা নিরাকরণ করিলেন। পরে এককালে

অসংখ্য কর্ণসৈন্য প্রচণ্ড বেগে অর্জুনের প্রতি ধাবমান হইলে তিনি শরাঘাতে সকলকেই শমনসদনে প্রেরণ করিলেন; এবং আকর্ণ শর সঙ্কানপূর্বক কর্ণের অশ্বগণকে বিদ্ধ করিলে তাহার তৎক্ষণাৎ ভূতলে নিপতিত হইল। পরে কর্ণের বক্ষস্থলে প্রস্থলিত সূতীক এক শরাঘাত করিলেন। সেই বাণ বর্ষ ভেদ করিয়া তাঁহার শরীরমধ্যে প্রবিষ্ট হইবামাত্র তিনি বিকলেস্ত্রিয় ও মুচ্ছিত হইয়া ধরাতলে নিপতিত হইলেন; কিন্তু তখন কি হইল কিছুই জানিতে পারিলেন না। ক্রিয়ৎক্ষণ পরে মহাবীর কর্ণ চৈতন্য লাভ করত দুঃসহ বেদনায় অধীর হইয়া রণ পরিত্যাগপূর্বক উত্তর দিকে পলায়ন করিলেন। এ দিকে মহাবীর অর্জুন ও উত্তর, উচ্চ স্বরে হাস্য করিতে লাগিলেন।

একষষ্ঠিতম অধ্যায় ।

বৈশম্পায়ন কহিলেন, মহারাজ! অনন্তর মহাবীর অর্জুন কর্ণকে পরাজয় করিয়া উত্তরকে কহিলেন, হে রাজকুমার! যে স্থানে হিরণ্ময় তালরূক্ষ বিরাজিত রহিয়াছে; যে স্থানে অমরদর্শন শাস্ত্রনুন্দন ভীষ্ম সৈন্যগণ সমভিব্যাহারে আমার সহিত যুদ্ধ করিবার মানসে রথারোহণপূর্বক অবস্থিত করিতেছেন; ঐ স্থানে লইয়া যাও। তখন বিরাটতনয় উত্তর অনবরত শরজালে জর্জরিতকলেবর ও হস্তাশ্বরথসঙ্কল সৈন্যমণ্ডলী নিরীক্ষণে নিতান্ত ভীত হইয়া অর্জুনকে কহিলেন, হে মহাভাগ! আমি আপনার অশ্বগণের রশ্মি সংযত করিয়া রাখিতে নিতান্ত অসমর্থ হইতেছি; আমার সর্বাঙ্গ বিষণ্ণ ও মন একান্ত বিহ্বল হইয়া উঠিয়াছে। আপনি ও কৌরবগণ যে সমস্ত দিব্য শরজাল প্রয়োগ করিতেছেন; বোধ হয় যেন, তাহার প্রভাবে দশ দিক্ দ্রবীভূত

হইতেছে। আমি মেন, রুধির ও বসাগকে মুচ্ছিতপ্রায় হইয়াছি; আজি এই সকল অলৌকিক ব্যাপার অবলোকন করিয়া আমার মন সাতিন্দ্রিয় অনমন ও বিবেকশূন্য হইতেছে।

আমি পূর্বে একপ বীরসমাগম কদাচ মিরীক্ষণ করি নাই। এক্ষণে সুমহৎ গদাঘাত, শঙ্খধ্বনি, সিংহনাদ, মাতঙ্গবৃংহিত ও অশনিমির্ঘোষসদৃশ গাণ্ডীবরব দ্বারা আমার কর্ণকুহর বধির, স্মৃতিভ্রংশ ও চেতনা বিনষ্ট হইয়াছে। আপনারে অলাভচক্রপ্রাপ্তিম গাণ্ডীব আকর্ষণ করিতে দেখিয়া আমার দৃষ্টি বিচলিত ও হৃদয় বিদীর্ণ হইতেছে। জ্যেধোদ্ধত ভগবান্ ব্যোমকেশের ন্যায় আপনার এই উগ্রমুর্তি ও অর্গলতুল্য ক্ষুজযুগল অবলোকন করিয়া আমার অস্তঃকরণে অপরি-সীম ভয় সঞ্চার হইতেছে। আপনি কখন বাণ গ্রহণ করিতেছেন; কখন সঙ্কান করিতেছেন ও কখনই বা প্রয়োগ করিতেছেন; আমি তাহা কিছুই অনুভব করিতে সমর্থ হইতেছি না। কলন্ত রণক্ষেত্রে আপনার ক্ষিপ্রকারিতা সন্দর্শনপূর্বক আমি নিতান্ত বিচৈতন হইয়া উঠিয়াছি। বোধ হইতেছে যেন, কুমণ্ডল নিরস্তুর ঘূর্ণিত হইতেছে। এক্ষণে আমি আর কশাঘাত ও অশ্বশিখা গ্রহণ করিতে একান্ত অসমর্থ হইলাম।

অর্জুন কহিলেন, হে উত্তর! তুমি ভীত হইও না; সুবিখ্যাত মৎস্যরাজকুলে উৎপন্ন হইয়া রণস্থলে আশ্চর্য্য কাৰ্য্য সকল সংসাধন করিয়াছ; এক্ষণে কি মিমিত্ত অবসন্ন হইতেছ; ধৈর্য্যাবলম্বনপূর্বক পুনরায় অশ্ব সংযত কর; অবিলম্বে তীক্ষ্ণদেবের সম্মিথানে যাইতে হইবে; আমি তাঁহার মৌর্খী ছেদন করিব। যাদৃশ মেঘ হইতে সৌদামিনীদাম বিনির্গত হইয়া থাকে; তদ্রূপ আজি আমি রণস্থলে দিব্যাস্ত্রজাল বিস্তার করিব। তখন কৌরবগণ আমার এই সুবর্ণ-

পৃষ্ঠ গাণ্ডীব মিরীক্ষণ করত উৎসাহ দর্শকণ কি বাম পার্শ্ব হইতে শরনিকর নির্গত হইতেছে; ইহা নির্ণয় করিতে অসমর্থ হইয়া নানাপ্রকার তর্ক বিতর্ক করিবে; সম্মেহ নাই।

আজি আমি রথাবর্তবতী নাগনক্রশালিনী অরিনাশিনী শক্রগণের শোণিততরঙ্গিনী আলোড়িত করিব এবং কর, চক্র, শির, পৃষ্ঠ ও বাহুশাখাসঙ্কুল কুরুকানন অবলীলাক্রমে ছেদন করিব। যেমন অরণ্যমধ্যে দহনোন্মুখ পাবকের গতি অপ্ৰতিহত হইয়া থাকে; তদ্রূপ যখন আমি একাকী কৌরবসেনা সকল সংহার করিতে প্রযুক্ত হইব; তখন কেহই আমার গতি রোধ করিতে পারিবে না। আমি বিচিত্র অস্ত্রশস্ত্রে সুশিক্ষিত হইয়াছি; আজি তুমি তাহা স্বচক্ষে প্রত্যক্ষ করিবে। এক্ষণে বক্ষুর প্রদেশে রথ উপস্থিত হইয়াছে; অতএব সাবধানে অবস্থান কর। আজি আমি নভোমণ্ডলগামী অতি বিপুল পর্বত বিদীর্ণ করিব। পূর্বে আমি দেবরাজ ইন্দ্রের আদেশানুসারে শত সহস্র পৌলোম ও কালকঞ্জদিগকে সংহার করিয়াছি; দেবরাজ হইতে দৃঢ় মুষ্টি ও ভগবান্ ব্রহ্মা হইতে ক্ষিপ্রহস্ততা শিক্ষা করিয়াছি। রুদ্রদেব হইতে রৌদ্রাস্ত্র, বরুণ হইতে বারুণাস্ত্র, অগ্নি হইতে আগ্নেয়াস্ত্র, বায়ু হইতে বায়ব্যাস্ত্র এবং দেবরাজ ইন্দ্র হইতে বজ্র প্রভৃতি সমস্ত অস্ত্র শস্ত্র প্রাপ্ত হইয়াছি। তুমি কদাচ ভীত হইও না; প্রবল বায়ু যেমন শীর্ণ কুলস্থ পাদপ সমূহকে উগ্রলম্ব করে; তদ্রূপ আজি তোমার সমক্ষে বৃষ্টি সহস্র পরোনিধিপারবর্তী হিরণ্যপুরগাসিগণকে পরাজয় করিয়া কুরুকুল নির্মূল করিব এবং ধ্বজবৃক্ষশালী, পশ্চিমসম্পন্ন রথিসিংহসমাকীর্ণ কৌরববন অস্ত্রাঘি দ্বারা দহন করিব এবং অসহার হইয়া আজি সমস্ত কৌরবসেনা এই বাণ সমূহ দ্বারা সংহার করিব।

অনন্তর উত্তর মহাবীর অর্জুন কর্তৃক এই রূপে আশ্বাসিত হইয়া ভীষ্মরক্ষিত সেনামধ্যে প্রবিষ্ট হইলেন। ক্রুরকর্মা ভীষ্ম জিগীষাপরবশ অর্জুনকে আগমন করিতে দেখিয়া তাঁহার পথ রোধ করিলে তিনি তখন প্রত্যাবৃত্ত হইয়া তৎক্ষণাৎ তাঁহার ধ্বজদণ্ড ছেদন করিলেন।

অনন্তর মহাবল পরাক্রান্ত দুঃশাসন, বিকর্ণ, দুঃসহ ও বিবিংশতি ইহারা আসিয়া সহসা অর্জুনকে আক্রমণ করিলেন। দুঃশাসন তল্লাজ দ্বারা উত্তরকে বিদ্ধ করিয়া অর্জুনের বক্ষঃস্থলে প্রহার করিলেন। তখন অর্জুন নিশিতধার শর দ্বারা কার্মুক ছেদন করিয়া পঞ্চ সায়কে তাঁহার অতি বিশাল বক্ষঃস্থল বিদ্ধ করিলেন। পরে দুঃশাসন পার্থশরনিপীড়িত ও তৎক্ষণাৎ সমরে পরাজুখ হইয়া সত্বরে সে স্থান হইতে অপস্থত হইলেন।

অনন্তর মহাবীর বিকর্ণ অর্জুনের প্রতি অতি তীক্ষ্ণ শর প্রয়োগ করিতে লাগিলেন। তখন অর্জুন শাণিত সায়ক দ্বারা অবিলম্বে বিকর্ণের ললাটদেশ বিদ্ধ করিলে তিনি তৎক্ষণাৎ রথ হইতে নিপতিত হইলেন। অনন্তর দুঃসহ ও বিবিংশতি, বিকর্ণের প্রাণ রক্ষা করিবার নিমিত্ত অর্জুনের প্রতি অনবরত সুতীক্ষ্ণ শর নিক্ষেপ করিতে লাগিলেন। তখন ধনঞ্জয় শর প্রয়োগপূর্বক তাঁহাদিগকে একান্ত জর্জরিত করিয়া তাঁহাদিগের অশ্ব সকল বিনাশ করিলেন। অধিকৃত লোক সকল তাঁহাদিগকে অন্য রথে আরোপিত করিয়া তথা হইতে অপসারিত করিল। তখন অর্জুন অপ্রতিহত প্রভাবে রণস্থলে ইতস্তত সঞ্চরণ করিতে লাগিলেন।

দ্বিষষ্টিতম অধ্যায়।

বেশস্পায়ন কহিলেন, মহারাজ! তখন কৌরবপক্ষীয় সমুদায় মহারথগণ একত্র

হইয়া অর্জুনকে শরাঘাত করিতে লাগিলেন। মহাবীর ধনঞ্জয়ও শরজাল দ্বারা তাঁহাদিগকে আচ্ছাদিত করিলেন। অশ্বগণের হেঁচা, করিকুলের রুংহিত এবং ভেরী ও শব্দের নিনাদ একত্র হওয়াতে এক তুমুল শব্দ সমুপস্থিত হইল। অর্জুননির্মুক্ত শরনিকর অশ্ব ও করি সমুদায়ের দেহ এবং লৌহময় কবচ সকল ভেদ করিয়া বিনির্গত হইতে লাগিল। যেমন শরৎকালীন দিব্যাকর মধ্যাহ্ন সময়ে স্বীয় প্রথর কিরণজাল নিক্ষেপ করেন; তদ্রূপ মহাতেজস্বী ধনঞ্জয় রণস্থলে অনবরত বাণ বৃষ্টি করিতে লাগিলেন। তদর্শনে কৌরবপক্ষীয় রথী সকল রথ হইতে ও অশ্বারোহিগণ অশ্ব হইতে লক্ষ প্রদানপূর্বক ভয়চকিত মনে পলায়ন করিতে লাগিলেন। পদাতিগণ প্রাণভয়ে ইতস্তত ধাবমান হইল। অর্জুনের সুশাণিত শরনিকরে বীর পুরুষগণের তাত্র, রজত ও লৌহময় বর্ম সমুদায় ছিন্ন ভিন্ন হওয়াতে কঠোর শব্দ সমুদিত হইতে লাগিল। গতজীবিত গজারোহী, অশ্বারোহী ও রথোপাস্ত হইতে নিপতিত জন সমুদায়ের কলেবরে রণক্ষেত্র একেবারে ব্যাপ্ত হইয়া উঠিল। তখন বোধ হইতে লাগিল? মহাবীর ধনঞ্জয় শরাসন হস্তে করিয়া যেন নৃত্য করিতেছেন। শর্জনিঘোষসদৃশ গাণ্ডীবনিাদ শ্রবণে সমুদায় সৈন্য বিত্রস্ত হইয়া রণ পরিত্যাগপূর্বক পলায়ন করিতে লাগিল। কুণ্ডলোক্ষীষশোভিত দিব্য মাল্যবিভূষিত মস্তক সকল রণক্ষেত্রে নিপতিত রহিল। বিশিখচ্ছিন্নকায়, দিব্যাভরণভূষিত কার্মুকসনাথ হস্ত ও অন্যান্য অস্ত্র প্রত্যঙ্গে রণস্থল পরিপূর্ণ হইয়া উঠিল। সৈন্যগণের মস্তক সমুদায় নিশিত সায়কে ছিন্ন হইয়া নিপতিত হওয়াতে বোধ হইতে লাগিল যেন, আকাশমণ্ডল হইতে শিলাবৃষ্টি হইতেছে।

মহাবীর ধনঞ্জয় ইতিপূর্বে ত্রয়োদশ বৎসর অবরুদ্ধ ছিলেন; এক্ষণে অবসৃত

প্রাপ্ত হইয়া স্বীয় পরাক্রম প্রকাশপূর্বক ধৃতরাষ্ট্রতনয়গণের উপর ক্রোধাম্বি বিসর্জন করিতে লাগিলেন। মহাধর্ম্মজ্ঞরগণ অর্জুনের শরানলে সৈন্য সকল দগ্ধ হইতেছে দেখিয়া সুর্য্যোধনের সমক্ষেই ভ্রমোৎসাহ হইয়া উঠিলেন। মহাবীর ধনঞ্জয় এই রূপে মহারথগণকে জ্বালিত ও বিদ্রাবিত করত প্রভুত সৈন্য সংক্রম করিয়া রণক্ষেত্রমধ্যে কবচোক্ষীষসঙ্কুল স্বাপদগণনির্নাদিত ক্রব্যাহনিষেবিত অতি ভয়ঙ্কর শোণিতনদী প্রবাহিত করিলেন; দেখিলে বোধ হয় যেন যুগান্তে কাল কর্তৃক নির্মিত হইয়াছে। তাহাতে অস্থি সকল শৈবালের ন্যায়, শরাসন সকল ভেলার ন্যায়, সুস্তাহারজাল উর্ম্মিমালার ন্যায়, কেশকলাপ শাঙ্গলের ন্যায়, অলঙ্কারনিকর বৃদ্ধদের ন্যায়, মাতঙ্গগণ কূর্ম্মের ন্যায়, ভীষ্ম শস্ত্র সকল গ্রাহের ন্যায়, শর সমূহ আবর্তের ন্যায় ও বৃহৎ বৃহৎ রথ সমূহ মহাছীপের ন্যায় শোভা পাইতে লাগিল। তৎকালে মহাবীর ধনঞ্জয় যে কখন শর গ্রহণ করিতেছেন, কখন শর সন্ধান করিতেছেন, কখন শর নিক্ষেপ করিতেছেন এবং কখনই বা গাণ্ডীব আকর্ষণ করিতেছেন; ইহা কেহই অবগত হইতে পারিল না।

### ত্রিষষ্টিতম অধ্যায় ।

বৈশম্পায়ন কহিলেন, হে রাজন্! অনন্তর সুর্য্যোধন, দুঃশাসন, বিবিশতি, দ্রোণ, অশ্বখামা ও মহারথ ক্রুপাচার্য্য ইহারা ধনঞ্জয়কে বধ করিবার নিমিত্ত পুনরায় স্তম্ভ শরাসন বিস্ফারিত করিয়া গমন করিলেন। ধনঞ্জয়ও বিকীর্ণপতাক রথে আরোহণপূর্বক তাঁহাদিগের প্রত্যক্ষমন করিলেন। তখন মহারথ কর্ণ ও দ্রোণ অনতিদূর হইতে বর্ষাকালীন জলধরের ন্যায় স্তম্ভ শর সমূহ বর্ষণ করিয়া অর্জুনকে

একপ আচ্ছাদিত করিলেন যে, তাঁহার কলেবরে দুই অঙ্গুলিমান স্থানও অনাচ্ছিন্ন লক্ষিত হইল না।

তখন মহাবীর অর্জুন হাস্য করিয়া গাণ্ডীবে সূর্য্যসঙ্কাশ ঐশ্বর্য্য অস্ত্র সংযোজনা করিলেন। সেই অস্ত্র হইতে আদিত্যের ন্যায় অংশুমালি বিনির্গত হইতে লাগিল। তিনি তখন তাহা দ্বারা সমুদায় কৌরবগণকে সমাচ্ছন্ন করিলেন। গাণ্ডীব শরাসন মেঘমালাবিরাজিত সৌদামিনীর ন্যায়, পর্কত-বিকীর্ণ ছতাশনের ন্যায়, অতি বিস্তীর্ণ, ইন্দ্রায়ুধের ন্যায় দীপ্তি পাইতে লাগিল। যেমন বিছাৎ বৃষ্টিসময়ে জলধরপটলে আবিভূত হইয়া সমুদায় দিক্, সমস্ত ধরামণ্ডল ও নভোমণ্ডল বিদ্যোতিত করে; সেই রূপ সমাক্রুষ্ট গাণ্ডীব ধনুও দশ দিক্ উদ্ভাসিত করিল। হস্তী ও রথী সকল মুগ্ধ হইল; তান্ত্রায়ুধ যোদ্ধাগণ বিহ্বল হইয়া উঠিল এবং অন্যান্য সৈনিক পুরুষেরা হতচেতন হইয়া সমরপরাজুখ হইল। এই রূপে সৈন্যগণ সমর পরিহার করিয়া স্ব স্ব জীবিত প্রত্যাশা পরিত্যাগপূর্বক দিক্ দিগন্তে পলায়ন করিতে লাগিল।

### চতুঃষষ্টিতম অধ্যায় ।

বৈশম্পায়ন কহিলেন, নরনাথ! তখন কুরুকুলাগ্রগণ্য মহাবীর ভীষ্ম বহুসংখ্যক যোদ্ধাগণকে বিনষ্ট হইতে নিরীকণ করিয়া অতি পরিষ্কৃত মহাশরাসন ও মর্ম্মভেদী স্তম্ভ শর সমুদায় গ্রহণপূর্বক মহাবেগে ধনঞ্জয়ের সন্মুখীন হইলেন। সুর্য্যোদয়ে পর্কতের যেকোন শোভা হয়; তাঁহার মস্তকোপরি পাণ্ডুবর্ণ আতপত্র থাকিতে তক্রপ শোভা হইতে লাগিল। মহাবীর শাস্তনুন্দন শঙ্খনির্নাদে ধৃতরাষ্ট্রতনয়গণকে রুট করত দক্ষিণ দিক্ দিয়া গমনপূর্বক পার্শ্বকে আক্রমণ করিলেন। অরাতিনিপাতন



অৰ্জুনের তীক্ষ্ণকে সমাগত দেখিয়া তাঁহার সহিত সংগ্রামে প্রবৃত্ত হইলেন ।

তখন মহাবীর ভীষ্ম অৰ্জুনের ধ্বজে খসমান ভুজঙ্গের ন্যায় অষ্ট শর নিক্ষেপ করিলে তত্রস্থ কপি ও অন্যান্য জন্তু সকল বিক্ল হইল । ধনঞ্জয় তদর্শনে রোশপবশ হইয়া স্তুতীক্স ভল্ল প্রহার করত ভীষ্মের ছত্র ও ধ্বজ ছেদনপূর্বক ভুতলে পাতিত এবং বাণাঘাতে তাঁহার অশ্বগণ; পার্শ্ব ও সারথিরে সংহার করিলেন । ভীষ্ম তাঁহারে অৰ্জুন বলিয়া অবগত হইয়াছিলেন ; তথাপি তৎকর্তৃক স্বীয় ধ্বজ ছত্র প্রভৃতি বিনষ্ট হইল অবলোকন করিয়া রোষান্বিত চিত্তে তাঁহার উপর দিব্যান্স্র সকল নিক্ষেপ করিতে লাগিলেন । অৰ্জুনও স্বীয় পিতামহের প্রতি শর সন্ধান করিতে নিবৃত্ত হইলেন না । পূর্বে বলি ও বাসবের বেকপ সংগ্রাম হইয়াছিল ; এক্ষণে অৰ্জুন ও ভীষ্মের সেই রূপ তুমুল ও লোমহর্ষণ যুদ্ধ হইতে লাগিল । যাবতীয় কৌরবগণ, যোদ্ধৃবর্গ ও সেনা সমুদায় বিস্ময়বিষ্ট চিত্তে তাঁহাদিগের সংগ্রাম অবলোকন করিতে লাগিলেন । সেই বীর পুরুষদ্বয় কর্তৃক নিমুক্ত ভল্লনিচয় অন্তরীক্ষে উখিত হইয়া বর্ষাকালীন খদ্যোতমালার ন্যায় শোভা পাইতে লাগিল । মহাবীর পার্শ্ব শর নিক্ষেপ সময়ে সময়ে এক বার বাম ও এক বার দক্ষিণ হস্তে গাণ্ডীব গ্রহণ করাতে উহা অলাতচক্রের ন্যায় প্রতীয়মান হইয়া উঠিল ।

মেঘ যেমন বারিধারায় পৰ্ব্বতকে সমাচ্ছন্ন করে ; তদ্রূপ মহাবীর ধনঞ্জয় শত সায়ক দ্বারা ভীষ্মকে আচ্ছাদিত করিলেন । যুদ্ধবিদ্যা বিশারদ শাস্ত্রনুতনয় মুহূর্তকাল মধ্যে অৰ্জুনের শরজাল ছেদন করিয়া তাঁহার রথস্বরূপে পাতিত করিলেন । তখন অৰ্জুনের রথ হইতে পুনরায় শলভরাজিসদৃশ স্তবর্ণপুঙ্খ শরনিকর বিনির্গত হইয়া ভীষ্মের

প্রতি ধাধমান হইল । মহাবীর ভীষ্ম তৎক্ষণাৎ নিশিত শত সায়ক নিক্ষেপ করিয়া তৎসমুদায় নিরাকরণ করিলেন । তখন সমুদায় কৌরবগণ ভীষ্মকে সাধুবাদ প্রধানপূর্বক কহিতে লাগিলেন, মহাবল পরাক্রান্ত শাস্ত্রনুতনয় অৰ্জুনের সহিত সংগ্রামে প্রবৃত্ত হইয়া কি অসমসাহসিক কার্যের অনুষ্ঠান করিতেছেন ! মহাবীর ধনঞ্জয় বলবান, যুবা, দক্ষ ও লঘুহস্ত । শাস্ত্রনুন্দন ভীষ্ম, দেবকী স্তুত কৃষ্ণ ও ভরদ্বাজতনয় স্রোণাচার্য্য ব্যতীত ঐ মহাবীরের সহিত যুদ্ধ করা কাহার সাধ্য !

অনন্তর সেই কুরুবংশাবতৎস বীর পুরুষদ্বয় পরস্পর অস্ত্র নিয়োগপূর্বক সমরক্রীড়া করত সকলকে চমৎকৃত করিলেন । তাঁহার প্রাজাপত্য, ঐন্দ্র, আশ্বেয়, রৌদ্র, কৌবেয়, বারুণ, যাম্য ও বায়ব্য প্রভৃতি অস্ত্র সকল প্রয়োগ করত সমরাক্ষনে বিচরণ করিতে লাগিলেন । তদর্শনে সমুদায় বীর বিস্মিত হইয়া কেহ কেহ সাধু পার্শ্ব, কেহ বা সাধু ভীষ্ম বলিয়া তাঁহাদের প্রশংসা করিতে লাগিল এবং কহিল, আমরা মনুষ্যালোকে এতাদৃশ যুদ্ধ কদাচ নয়নগোচর করি নাই । সর্বাস্ত্রবেত্তা ভীষ্ম ও অৰ্জুন এই রূপে স্ব স্ব পরাক্রম প্রদর্শনপূর্বক অস্ত্রযুদ্ধ করিলেন ।

অনন্তর শরযুদ্ধ আরম্ভ হইল । অৰ্জুন ক্ষুরধার সায়ক দ্বারা ভীষ্মের শরাসন ছেদন করিলে তিনি তখন ক্রুদ্ধ হইয়া তৎক্ষণাৎ অন্য চাপ গ্রহণ ও তাহাতে জ্যারোপণপূর্বক অৰ্জুনের প্রতি বহুসংখ্যক শর সন্ধান করিলেন । মহাবীর অৰ্জুনও তাঁহার উপর নিশিত শর সমুদায় নিক্ষেপ করিতে লাগিলেন । তৎকালে ঐ দুই মহাবল পরাক্রান্ত বীর পুরুষ একপ সময়ে বাণ বর্ষণ করিতে আরম্ভ করিলেন যে, তাঁহাদিগের মধ্যে কোন ব্যক্তি অধিকতর লঘুহস্ত, তাহার কিছুমাত্র বিশেষ বোধগম্য হইল না । তাঁ-

হারা পরস্পর অনবরত শর নিক্ষেপ করতে চতুর্দিক সমাচ্ছন্ন হইয়া উঠিল। তদর্শনে তত্রস্থ সমুদায় লোক বিস্মিত ও চকিত হইয়া দণ্ডায়মান রহিল। তখন মহাবীর অর্জুন ভীষ্মের রথরক্ষকগণকে নিহত ও পাতিত করিলেন। তাঁহার গাণ্ডীবনিমুক্ত কনকপুঙ্খবিভূষিত শর সমুদায় আকাশ-মার্গে উথিত হইয়া হংসপংক্তির ন্যায় শোভা পাইতে লাগিল।

বাসবপ্রমুখ দেবগণ অস্তুরীক্ষে অবস্থিত করিয়া অর্জুনের দিব্যাস্ত্র প্রয়োগ সকল অবলোকন করিতে লাগিলেন। প্রতাপশালী গন্ধর্বরাজ চিত্রসেন পার্থের বিক্রম দর্শনে পরম পরিতুষ্ট হইয়া দেবরাজকে কহিলেন, মহাশয়! ঐ দেখুন, পার্থনির্মুক্ত দিব্যাস্ত্র সকল যেন সংহত হইয়াই ধীবমান হইতেছে। কি আশ্চর্য্য! পার্থের কি শিক্ষানৈপুণ্য! মনুষ্যমধ্যে আর কেহই ঐ সমুদায় পুরাতন মহাস্ত্রের প্রয়োগ পরিজ্ঞাত নহে। মহাবল পরাক্রান্ত পার্থ যে কখন বাণ গ্রহণ করিতেছেন, কখন বাণ সন্ধান করিতেছেন, কখন বাণ পরিত্যাগ করিতেছেন এবং কখনই বা গাণ্ডীব আকর্ষণ করিতেছেন; তাহা কিছুনাত্র লক্ষিত হইতেছে না। সৈন্যগণ মধ্যাহ্নকালীন দিবাকরের ন্যায় অর্জুন ও ভীষ্মকে অবলোকন করিতে সমর্থ হইতেছে না। উঁহারা উভয়ে সমান বিক্রমকর্মা, তীব্রপরাক্রম ও দুর্জয়। সুররাজ ইন্দ্র চিত্রসেনের মুখে মহাবীর অর্জুন ও ভীষ্মের প্রশংসা অবগণে পরম পরিতুষ্ট হইয়া উঁহাদিগের মস্তকে দিব্য পুষ্প বৃষ্টি করিতে লাগিলেন।

অনন্তর শাস্ত্রনুন্দন ভীষ্ম অর্জুনের বাম পাশ্বে বাণাঘাত করিতে লাগিলেন। মহাবীর ধনঞ্জয় তদর্শনে সহাস্য বদনে তীক্ষ্ণধার মায়ক দ্বারা ভীষ্মের শরাসন ছেদনপূর্বক তাঁহার বক্ষঃস্থলে দশ বাণ বিদ্ধ

করিলেন। মহাবাহু শাস্ত্রনুতনয় অর্জুনের শরাঘাতে নিতান্ত ব্যথিত হইয়া রথকুণ্ডর ধারণপূর্বক বহু ক্ষণ নিশ্চেষ্ট হইয়া রহিলেন। ভীষ্মসারথি তাঁহারে সংজ্ঞাপূর্ণ্য দেখিয়া উপদেশ বাক্য স্মরণপূর্বক রক্ষা করিবার অভিলাষে, রথ লইয়া রণস্থল হইতে পলায়ন করিল।

পঞ্চাষষ্টিতম অধ্যায়।

বৈশম্পায়ন কহিলেন, মহারাজ! মহারথ ভীষ্ম সমরে পরাজুখ হইয়া সত্ত্বরে পলায়ন করিলে রাজা দুৰ্য্যোধন কাঁশ্মুক গ্রহণপূর্বক এক প্রচণ্ড সিংহনাদ পরিত্যাগ করিয়া সহসা অর্জুনের সন্নিধানে আগমন করিলেন এবং ভল্লাস্ত্র আকর্ষণ সন্ধান করিয়া সমরাস্ত্রচারী ধনঞ্জয়ের ললাটদেশ বিদ্ধ করিলেন। অর্জুন ভল্লাবিদ্ধ হইয়া এক শৃঙ্গসম্পন্ন নীল পর্কতের শোভা ধারণ করিলেন। তাঁহার ললাটদেশ হইতে অনবরত রুধিরধারা প্রবাহিত হইতে লাগিল। তখন সুর্য্যপুঙ্খশোভিত ভল্লাস্ত্র একান্ত সমুজ্জ্বল হইয়া উঠিল।

অনন্তর মহাবীর্য্য অর্জুন ক্রোধে নিতান্ত অধীর হইয়া গাণ্ডীব শরাসনে বিষায়িসদৃশ শর সন্ধান করিয়া দুৰ্য্যোধনকে বিদ্ধ করিলেন। রাজা দুৰ্য্যোধনও তাঁহারে লক্ষ্য করিয়া অনবরত শর ক্ষেপ করিতে লাগিলেন। এই রূপে তাঁহাদের ঘোরতর যুদ্ধ আরম্ভ হইলে বিকর্ণ উত্তুঙ্গ পর্কতসম্মিত এক মত্ত মাতঙ্গের আবেহণ করিয়া মহাবেগে অর্জুনের প্রতি ধাবমান হইলেন। অর্জুন সেই মাতঙ্গের কুম্ভমণ্ডল লক্ষ্য করিয়া আকর্ষণ সন্ধানপূর্বক এক শর পরিত্যাগ করিলেন। যেমন দেবরাজবিসৃষ্ট বজ্র পর্কত-শৃঙ্গ বিদীর্ণ করে; তক্রূপ অর্জুনের শর সেই করিবরের কুম্ভদেশ বিদারণপূর্বক পৃথিবীতে প্রবেশ করিল। তখন সেই নাগ-

রক্ষা নিতান্ত ব্যথিত ও কম্পিতকলেবর হইয়া তৎক্ষণাৎ ভূপৃষ্ঠে নিপতিত ও পঞ্চমুখ প্রাপ্ত হইল । তদর্শনে বিকর্ণ নিতান্ত ভীত ও সৎসা সেই করিরাজ হইতে অবতীর্ণ হইয়া ক্ষত পদ সঞ্চারে এক শত স্রষ্ট পদ গমন করিয়া বিবিংশতির রথে আরোহণ করিলেন ।

অনন্তর মহাবীর অর্জুন সেই রূপ আর একটি শর দ্বারা দুর্ঘোষনের বক্ষঃস্থল বিদ্ধ করিয়া যোদ্ধগণের প্রতি অনবরত শর নিক্ষেপ করিতে লাগিলেন । তখন যোদ্ধাগণ অর্জুনশরে ক্ষতবিক্ষতকলেবর হইয়া সত্বরে তথা হইতে পলায়ন করিতে লাগিল । দুর্ঘোষন এই অদ্ভুত ব্যাপার সকল অবলোকন ও শ্রবণ করিয়া সৎসা অর্জুনশূন্য প্রদেশে গমন করিতে উদ্যত হইলেন । তখন অর্জুন সেই ভীমকপী বাণবিদ্ধ রুধিরোক্ষিতকলেবর দুর্ঘোষনকে রণস্থল হইতে প্রস্থান করিতে দেখিয়া আশ্চর্যজনক কহিলেন, হে দুর্ঘোষন ! তুমি সমরভূমি হইতে পলায়ন করিয়া কি নির্মমত মদীয়নী কীর্ত্তি কলঙ্কিত করিতেছ ? দেখ, এখনও তুমি রাজ্যচ্যুত হও নাই এবং তন্নিমিত্ত তুর্গাও সমাহত হয় নাই । আমি ধর্ম্মরাজ যুধিষ্ঠিরের নিদেশবর্ত্তী হইয়া যুদ্ধে আগমন করিয়াছি ; অতএব এক্ষণে প্রতিনিবৃত্ত হইয়া আমার সম্মুখীন হও ; সেই সকল পূর্ব্ব কার্য্য একবার স্মরণ কর । যখন তুমি সমরে পরাজুপ হইয়া পলায়ন করিতেছ ; তখন ভূমণ্ডলে তোমার দুর্ঘোষন নামটি নিতান্ত নিষ্ফল হইল ; ঐ নামের আর গৌরব রহিল না । আজি তোমার অগ্র পশ্চাৎ কোন রক্ষক নিরীক্ষণ করিতেছি না ; অতএব তুমি সত্বরে পলায়ন করিয়া আপনার প্রাণ রক্ষা কর ।

ষট্‌ষষ্টিতম অধ্যায় ।

বৈশম্পায়ন কহিলেন, হে রাজন ! যেমন যত্ন মাতঙ্গ অঙ্কুশাঘাতে প্রতিনিবৃত্ত হয় ;

সেই রূপ পলায়নোন্মুখ দুর্ঘোষন মহাজ্ঞা অর্জুনের বাক্যে আতঁত হইয়া মহারথে আরোহণপূর্ব্বক পুনরায় তাঁহার সম্মুখীন হইলেন । ভূমণ্ডল যেমন পদাঘাত সহ্য করিতে পারে না ; তক্রূপ অর্জুনের তিরস্কার তাঁহার নিতান্ত অসহ্য হইয়া উঠিল । হেমমালী কর্ণ তাঁহারে প্রতিনিবৃত্ত দেখিয়া স্বীয় ক্ষত বিক্ষত গাত্র সৃষ্টির করিয়া তাঁহার উত্তর দিক্ দিয়া পার্শ্বকে আক্রমণ করিল । মহাবাহু ভীম প্রত্যাবৃত্ত হইয়া দুর্ঘোষনের পশ্চিম দিক্ রক্ষা করিতে লাগিলেন । দ্রোণ, রূপ, বিবিংশতি ও দুঃশাসন প্রতিনিবৃত্ত দুর্ঘোষনের সাহায্যার্থ ধর্ম্মুবাণ ধারণপূর্ব্বক অতি শীঘ্র পুরোভাগে উপস্থিত হইলেন । হংস যেমন উদয়োন্মুখ মেঘবাজির সম্মুখীন হয় ; সেই রূপ তরস্বী ধনঞ্জয় মহাপ্রবাহসদৃশ সেই সেনানিচয়কে প্রতিনিবৃত্ত দেখিয়া তাহাদিগের অভিযুখে উপস্থিত হইলেন । যেমন ঘনঘটা পর্ব্বতোপরি বারিধারা বর্ষণ করে ; সেই রূপ কোরবসেনা অর্জুনের চতুর্দিক্ বেষ্টিত করিয়া শর বর্ষণ করিতে আরম্ভ করিল ।

গাণ্ডীবধন্য ধনঞ্জয় অস্ত্র দ্বারা কোরব অস্ত্র সকল প্রতিহত করত অনিবার্য্য সম্মোহন অস্ত্র আবিভূত ও শর সমূহে দশ দিক্ আচ্ছন্ন করিয়া গাণ্ডীবনির্ঘোষে কোরবগণের হৃদয় ব্যথিত করিলেন । পরে অতি ভীমরব মহাশব্দ আধ্বাত করিলে দিক্ বিদিক্ আকাশ ও পৃথিবী প্রতিধ্বনিত হইয়া উঠিল । কুরুবীরগণ অর্জুনের শব্দনাতে সম্মোহিত হইয়া দুর্দ্ধর্ষ শরাসন পরিত্যাগপূর্ব্বক এক বায়ে চেঁকাশূন্য হইয়া ধরাশয্যায় শয়ন করিল ; তখন ধনঞ্জয় উত্তরার বাক্য স্মরণ করিয়া উত্তরকে কহিলেন, হে বীর ! কোরবগণ এখন সংজ্ঞাপূন্য হইয়াছে ; অতএব তুমি সত্বর হইয়া দ্রোণাচার্য্য ও রূপাচার্য্যের স্তব্ধ বস্ত্রধর, কর্ণের পিত বস্ত্র এবং সম্মুখী

ও ছুর্যোধনের নীল বস্ত্রদ্বয় অপহরণ কর।  
ভীষ্ম এই অস্ত্রের প্রতিঘাতকৌশল অবগত  
আছেন; বোধ হয়, উনি চেতনামূন্য হন  
নাই; অভাব উহার অশ্বগণকে বাম  
দিকে রাখিয়া সতর্কতাপূর্বক গমন করিতে  
হইবে।

মহাআ বিরাটপুত্র রশ্মি পরিত্যাগ ও  
রথ হইতে অবতরণপূর্বক মহারথিগণের  
বস্ত্র গ্রহণ করিয়া পুনরায় স্বরথে আরোহণ  
করিলেন। অনন্তর সেই শ্বেতবর্ণ অশ্বচতু-  
ষ্টয়কে পরিচালন করিলে তাহারা তৎক্ষণাৎ  
সৈন্যগণকে অতিক্রম করত অর্জুনকে লইয়া  
রণক্ষেত্র হইতে বহির্গত হইবে, এমন সময়ে  
তরস্বী ভীষ্ম পুরুষপ্রবীর অর্জুনকে শরাঘাত  
করিতে লাগিলেন। এ দিকে ধনঞ্জয় তাঁহার  
অশ্বগণকে নিহত করিয়া তাঁহাকেও দশ  
বাণে আহত করিলেন। অর্জুন এই রূপে  
ভীষ্মকে পরাজিত ও উত্তরকে আশ্রয় করত  
রথবৃন্দ হইতে বিমুক্ত হইয়া মেঘমালানিঃ-  
সৃত দিবাকরের ন্যায় শোভা পাইতে লা-  
গিলেন।

অনন্তর কুরুবীরগণ সংজ্ঞা লাভ করিয়া দে-  
খিলেন, সুরেন্দ্রকম্প সব্যাসচী সমরকৃত্য  
পরিত্যাগ করিয়া একাকী দণ্ডায়মান আছেন;  
তখন ছুর্যোধন অতিমাত্র ব্যগ্রতা প্রদর্শন-  
পূর্বক কহিলেন, আপনারা কি নিমিত্ত  
অর্জুনকে পরিত্যাগ করিয়াছেন? উহারে  
একপে আহত করুন যে, আর বিমুক্ত হইতে  
না পারে।

তখন ভীষ্ম হাস্য করিয়া কহিলেন, ছুর্যো-  
ধন! এত ক্ষণ তোমার বলবুদ্ধি কোথায় প্রস্থান  
করিয়াছিল? তোমরা যখন হতচেতন হইয়া  
সমুদায় বাণ ও বিচিত্র ধনু পরিত্যাগ করি-  
য়াছিলে; তখন মহাবীর পার্শ্ব নৃশংস-  
কার্য্য করিতে প্রস্তুত হন নাই; ইহার মম-  
কদাচ পাপ কর্ম্ম সংস্কৃত হয় না। ত্রৈলো-  
ক্য লাভ হইলেও ইনি স্বধর্ম্ম পরিত্যাগ

করেন না; এই নিমিত্তই এই সংগ্রামে অে-  
মরা সকলে নিহত হও নাই। এক্ষণে সমুদ্র  
হইয়া কুরুদেশে প্রস্থান কর; অর্জুন গো-  
ধন সকল লইয়া গমন করুন। ষাঁহাতে  
তোমার স্বার্থ বিঘ্নিত না হয়; একপে উপায়  
অনুসন্ধান কর।

অমর্ষপরবশ ছুর্যোধন পিতামহমুখে  
হিতকর বাক্য শ্রবণ করত স্বাতীক্ট বিষয়ে  
হতাশ্বাস হইয়া দীর্ঘ নিশ্বাস পরিত্যাগপূর্বক  
তৃষ্ণীভাব অবলম্বন করিলেন। অন্যান্য বীর-  
গণ ভীষ্মবাক্যের হিতকারিতা অবগত হইয়া  
এবং ধনঞ্জয়রূপ হতাশন বিবর্তমান দে-  
খিয়া ছুর্যোধনকে রক্ষা করিবার নিমিত্ত  
প্রতিনিবৃত্ত হওয়াই স্থির করিলেন।

তখন মহাধনুর্ধর ধনঞ্জয় কুরুবীরগণকে  
প্রস্থান করিতে অবলোকন করিয়া প্রকল্প চি-  
ন্তে মুহূর্ত্ত কাল শর দ্বারা তাঁহাদিগের সহিত  
সম্ভাষণ করিতে লাগিলেন। তিনি বিচিত্র  
শর দ্বারা পিতামহ ভীষ্ম, আচার্য্য জ্ঞাণ,  
অশ্বখামা, রূপাচার্য্য ও মানাতম কৌরব-  
গণকে প্রণিপাত করিয়া ছুর্যোধনের বিচিত্র  
মুকুট ছেঁদন করিলেন। অনন্তর অন্যান্য  
বীরগণকে আমন্ত্রণপূর্বক গাণ্ডীবঘোষে  
সমস্ত লোক প্রতিধ্বনিত করিতে লাগিলেন।  
পরে দেবদত্ত শঙ্খনিদাদে অরাতিগণের  
হৃদয় বিদীর্ণ এবং সোহমজাল ধ্বজ দ্বারা সমু-  
দায় শক্রগণকে অভিসৃত করিয়া বিরাটপু-  
ত্রকে কহিলেন, উত্তর! এক্ষণে অশ্বগণকে  
আবর্তিত কর; তোমার পশু সকল প্রত্যা-  
হৃত হইয়াছে; উহারা অগ্রে গমন করুক;  
পশ্চাৎ তুমি হৃষ্ট চিত্তে গমন করিবে।

অন্তরীক্ষে দেবগণ কুরুগণের সহিত অ-  
র্জুনের অন্তত যুদ্ধ অবলোকন করিয়া মনে  
মনে তদ্বিবয়ের আন্দোলন করত হৃষ্ট চিত্তে  
স্ব স্ব স্থানে প্রস্থান করিলেন।

সংগ্রামস্থল অধ্যায়।

বৈশম্পায়ন কহিলেন, মহারথীঃ নৃশংস-

গোচন ধনঞ্জয় সংগ্রামে জয় লাভ করিয়া  
বিরাটরাজের গোধন সমস্ত আনয়ন করি-  
লেন। তখন ভয়বিহ্বলচিত্ত, মুক্তকেশ, মুৎ-  
পিপাসায় নিভান্ত কাতর কতক গুলি বৈদে-  
শিক কুরুসৈন্য অরণ্যানী হইতে বিনিক্রান্ত  
হইয়া রুতাজলিপুটে অর্জুনকে প্রণিপাত-  
পূর্বক কহিল, আমরা আপনার কি করিব  
অনুমতি করুন। অর্জুন কহিলেন, আমি  
তোমাঙ্গিকে আশ্বাসিত করিতেছি; তোমা-  
দের কিছুমাত্র ভয় নাই; তোমরা পরম  
সুখে প্রস্থান কর; আমি কদাচ আর্ত ব্য-  
ক্তির প্রাণ হিংসা করি না।

সৈনিকগণ অর্জুনের অভয় বাক্য শ্রবণ  
করিয়া কীর্তিবর্ধন ও আয়ুঃপ্রদ আশীর্বাদ  
প্রয়োগে তাঁহারে অভিনন্দন করিল। অম-  
ন্তর ধনঞ্জয় বিনিবৃত্ত শক্রগণকে অতিক্রম  
করিয়া মন্ত মাতঙ্গের ন্যায় বিরাট নগরাত্তি-  
মুখে গমন করিলে কৌরবগণ আর তাঁহারে  
আক্রমণ করিতে সমর্থ হইলেন না।

এই রূপে মহাবীর অর্জুন মেঘসঙ্কাশ  
কুরুসৈন্যগণকে অপসারিত করিয়া উত্তরকে  
কহিলেন, তাত! পাণ্ডবগণ যে তোমার  
পিতার নিকট বাস করিতেছেন; তাহা  
তুমিই কেবল অবগত হইলে; কিন্তু নগরে  
প্রবেশ করিয়া উহা কদাচ প্রকাশ করিও না;  
তাহা হইলে অতিমাত্র ভয়বশত তোমার  
পিতার প্রাণনাশ হইবার সম্পূর্ণ সম্ভাবনা।  
তুমি তাঁহার নিকটে কৌরবগণের পরাজয়  
ও গোধন প্রত্যাহরণ আশঙ্কিত বলিয়া প্রকাশ  
করিবে।

উত্তর কহিলেন, মহাশয়! আপনি যে  
কর্ম সম্পন্ন করিয়াছেন; আমি যে তাহা  
সম্পাদন করি; ঈদৃশ সামর্থ্য নাই;  
তবে এই মাত্র অঙ্গীকার করিতে পারি যে,  
আপনি যাবৎ অনুমতি প্রদান না করিবেন;  
তাবৎ আপনার কথা পিতার সকাশে প্র-  
কাশ করিব না।

এই রূপ কথোপকথনের পর শরকি-  
কতশরীর ধনঞ্জয় শ্মশানবর্তী সেই শমী-  
তরুসমীপে সমুপস্থিত হইলেন। তখন  
কহিপ্রতিম, মহাকপি ভূতগণ ও দৈবী মায়ী  
সমভিব্যাহারে স্বর্গে গমন করিলেন; সান্দ-  
নে পুনরায় সিংহধ্বজ সংযোজিত হইল।  
রাজকুমার উত্তর পাণ্ডবগণের সম্মুখবিবর্ধন  
আবুধ, তুণ ও শর সমুদায় পূর্ববৎ বিন্যস্ত  
করিলে মহাত্মা ধনঞ্জয় পুঙ্খের ন্যায় বেণী  
বন্ধনপূর্বক রুহ্মলাকরে রাজপুত্রের আশ-  
রশ্মি গ্রহণ করিলেন। রাজপুত্র উত্তর পার্থ  
সারথি সমভিব্যাহারে নগরাত্তিমুখে প্রস্থান  
করিলেন।

পাশ্চিমদ্যে ফাশ্বম উত্তরকে সম্বোধন  
করিয়া কহিলেন, রাজপুত্র! অবলোকন কর,  
তোমার সমস্ত গোধন গোপালগণের সহিত  
সমানীত হইয়াছে। গোপালগণ তোমার  
অনুমতিক্রমে বাজিগণকে সলিলপান ও স্নান  
করাইয়া আশ্বস্ত চিত্তে নগরে গমনপূর্বক  
প্রিয় সংবাদ প্রদান ও তোমার বিজয় প্ৰশা-  
ষণা করুক। আমরা অপরাহ্নে গমন করিব।  
উত্তর অর্জুনের বাক্যে ত্বরমান হইয়া  
দূতগণকে আত্মা করিলেন, তোমরা নগরে  
গমনপূর্বক শক্রগণ পরাজিত ও গোধন  
প্রত্যাহৃত হইয়াছে, প্রচার কর। অনন্তর  
বিজয়পারিতুষ্ট উত্তর ও পার্থ পূর্বোৎফুট  
স্ব স্ব অলঙ্কার পরিধান করিলেন এবং উত্তর  
রথী ও রুহ্মলা সারথি হইয়া নগরাত্তিমুখে  
গমন করিতে লাগিলেন। এ দিকে পরাজিত  
কৌরবগণ অতি বিষণ্ণ বদনে দীন মনে হ-  
স্তিনা নগরে গমন করিলেন।

অষ্টবর্ত্তিতম অধ্যায় ।

বৈশম্পায়ন কহিলেন, মহারাজ! ম-  
হাত্মা বিরাটরাজ সংগ্রামে ত্রিগর্ভদিগকে  
পরাজয় করিয়া প্রভুত ধর্ম ও সমস্ত গোধন  
আধিকার করত পাণ্ডবচতুষ্টয়ের সহিত

কৃষ্ণ মনে স্ব নগরে প্রবেশ করিলেন। প্রকৃ-  
তিগণ ব্রাহ্মণদিগের সহিত তথায় আগমন  
করিয়া বিরাটরাজের আরাধনা করিতে লা-  
গিলেন। বিরাট তাঁহাদিগকে প্রতিমন্দন  
করিয়া বিদায় প্রদানপূর্বক অনতিবিলম্বে  
অস্তঃপুরে প্রবেশ করিলেন।

অনন্তর তিনি অস্তঃপুরচারিণীগণকে  
জিজ্ঞাসা করিলেন, আমার প্রিয় পুত্র উত্তর  
কোথায় গমন করিয়াছে। তখন তাঁহার স্ত্রী,  
কন্যা ও অন্যান্য সকলে কহিল, মহারাজ!  
ভীষ্ম, কৃপ ও কর্ণ প্রভৃতি মহারথ কৌরবগণ  
আপনার উত্তর গোষ্ঠের সমস্ত গোধন  
হরণ করিয়াছে, শ্রবণ করিবামাত্র রাজকুমার  
অতিমাত্র ক্রোধবিষ্ট হইয়া বৃহন্নলা সমভি-  
ব্যাহারে কেবল সাহস সহকারে বিজয়  
লাভার্থ প্রস্থান করিয়াছেন। বিরাটরাজ  
এই কথা কর্ণগোচর করিয়া একান্ত সমুগ্ধ  
মনে মন্ত্রিগণকে সম্বোধনপূর্বক জিজ্ঞাসা  
করিলেন, হে মন্ত্রিগণ! আমার বোধ হয়,  
কৌরবগণ ত্রিগর্ভদিগের প্রস্থানসংবাদ শ্রবণ  
করিয়া সে স্থানে কদাচ অবস্থান করিবেন  
না; যাহা হউক, যাহারা আমার রণস্থল  
হইতে অক্ষত শরীরে প্রত্যাগমন করি-  
য়াছে; এক্ষণে সেই সকল যোদ্ধাগণ উ-  
ত্তরের প্রাণ রক্ষা করিবার নিমিত্ত বিপুল  
সৈন্যমণ্ডলী সমভিব্যাহারে যাত্রা করুক।

এই রূপে মৎস্যরাজ চতুরঙ্গিণী সেনাগ-  
ণকে প্রয়াণের অনুমতি প্রদান করিয়া ক-  
হিলেন, হে সৈন্যগণ! তোমরা ত্বরায় কু-  
মার জীবিত আছে কি না, এই সংবাদ  
অবগত হইয়া আমার কর্ণগোচর কর;  
বোধ হইতেছে, যখন ক্রীব সারথি হইয়া  
তাঁহার সমভিব্যাহারে গমন করিয়াছে;  
তখন সে কদাচ জীবিত নাই। ধর্মরাজ যু-  
ধিষ্ঠির ঈষৎ হাস্য করিয়া কহিলেন, মহারাজ!  
আজি বৃহন্নলা রাজকুমারের সারথ্য স্বীকার  
করিয়া গমন করিয়াছে; অতএব অন্য কেহ

আপনার গোধন হরণ করিতে পারিবে না।  
আজি আপনার আশ্রয় সেই একমাত্র সা-  
রথির সাহায্যেই দেব, দানব, যক্ষ, সিদ্ধ ও  
সমস্ত কৌরবগণকে অক্লেশে পরাজয় করিতে  
সমর্থ হইবেন; তাঁহার সম্ভেদ নাই।

এই অবসরে সকল রাজসভায় সমু-  
পস্থিত হইয়া রাজকুমার উত্তরের বিজয়সং-  
বাদ নিবেদন করিল। তখন মন্ত্রী বিরাট-  
রাজকে বিজয়বার্তা শ্রবণ করাইয়া কহিলেন,  
মহারাজ! রাজকুমার উত্তর কৌরবগণকে  
পরাজয় ও গোধন সকল গ্রহণ করিয়া সা-  
রথির সহিত আগমন করিতেছেন। তখন  
রাজা যুধিষ্ঠির কহিলেন, মহারাজ! আজি  
ভাগ্যবলে কৌরবগণ পরাজিত ও গোধন  
সকল আনীত হইয়াছে; যাহা হউক, আ-  
পনার আশ্রয় যে, কৌরবগণকে পরাজয়  
করিয়াছেন; ইহা নিতান্ত অদ্ভুত ব্যাপার  
নহে; কারণ বৃহন্নলা যাহার সারথি; নি-  
শ্চয়ই তাঁহার জয় লাভ হইয়া থাকে।

অনন্তর বিরাট নৃপবর কৃষ্ণাঙ্গকরণে  
দুতগণকে পারিতোষিক প্রদান করিয়া মন্ত্রি-  
দিগকে কহিলেন, এক্ষণে রাজপথে পতা-  
কা সকল উড়্‌ডীন ও পুষ্পোপহার দ্বারা দেব-  
গণকে অর্চনা কর। যোদ্ধা, অলঙ্কৃত গণিকা,  
বালক ও বাদকেরা উত্তরের প্রতিগমন ক-  
রুক। অধিকৃত লোকেরা মত্ত বারণে আ-  
রোহণ করিয়া চতুষ্পথে জয় ঘোষণা করুক;  
আর উত্তরা উজ্জ্বল বেশ বিন্যাস করিয়া  
কুমারীগণ সমভিব্যাহারে সম্বরে উত্তরকে  
আনয়ন করিবার নিমিত্ত গমন করুক।

তখন রাজ্যের আদেশক্রমে ডেরী, তুরী  
ও শম্ব সকল বাদিত হইতে লাগিল; প্রম-  
দারা উজ্জ্বল বেশে উত্তরের প্রত্যাদয়ন  
করিল; মৃত ও মাগধ সকল রাজকুমারকে  
আনয়ন করিবার নিমিত্ত নগর হইতে বিনি-  
র্গত হইল। তখন মৎস্যরাজ প্রফুল্ল মনে  
সৈরিঙ্গীয়ে আস্থান করিয়া কহিলেন, হে

সৈরিন্দি ! এক্ষণে অক্ষি আময়ম কর; আমি কঙ্কের সহিত দ্যুতক্রীড়া করিব। অনন্তর ধর্মরাজ যুধিষ্ঠির এই কথা শ্রবণ করিয়া কহিলেন, মহারাজ! শুনিয়াছি, কষ্ট ও ধর্মের সহিত ক্রীড়া করা নিতান্ত অন্যায় ও গর্হিত; আজি আপনারে সাতিশয় সন্তুষ্ট দেখিতেছি; অতএব আপনার সহিত কদাচ দ্যুতক্রীড়া করিব না; যদি অভিলাষ হয়, বলুন, আমি অবশ্যই আপনার অন্য কোন প্রিয়ানুষ্ঠান করিব।

বিরাট কহিলেন, কঙ্ক ! যদি আমার অভিলষিত দ্যুতক্রীড়াই না হইল; তবে অকিঞ্চিৎকর স্ত্রী গো হিরণ্য প্রভৃতি সমস্ত ধনসম্পত্তি বুঝা করিবার প্রয়োজন কি? দ্যুতক্রীড়ায় সর্বস্ব প্রদান করিলেও আমার কিছুমাত্র ক্লেশ বোধ হয় না; অতএব আইস, আমরা উভয়ে ক্রীড়া করি। কঙ্ক কহিলেন, মহারাজ! বহু দোষাকর দ্যুতক্রীড়া করিয়া আপনার কি উপকার দর্শিবে? বরং উহা পরিত্যাগ করাই বিধেয়। বোধ হয়, আপনি শ্রবণ করিয়া থাকিবেন, পাণ্ডুনন্দন ধর্মরাজ যুধিষ্ঠির দ্যুতাসক্ত হইয়া সমস্ত রাজ্য ও অমরোপম জাতৃগণকে হারিয়াছেন; অতএব দ্যুতক্রীড়া আমার নিতান্ত অপ্ৰীতিকর। অথবা যদি আপনার একান্ত অভিলাষ হইয়া থাকে, বলুন, আমি এই ক্ষণেই দ্যুতে প্রবৃত্ত হইব।

অনন্তর দ্যুতারম্ভ হইলে মৎস্যরাজ রাজা যুধিষ্ঠিরকে কহিলেন, কঙ্ক ! আজি আমার আশ্রয় মহাবীর কৌরবগণকে রণস্থলে অনায়াসে পরাজয় করিয়াছে। যুধিষ্ঠির কহিলেন, মহারাজ! বৃহস্পতি যাহার সারথি; সংগ্রামে অবশ্যই তাঁহার জয় লাভ হইবে। মৎস্যরাজ বারংবার এই কথা শ্রবণ করত ক্রোধে নিতান্ত অধীর হইয়া কহিলেন, হে কঙ্ক ! আমার পুত্র উত্তর, ভীষ্ম ভ্রোগ প্রভৃতি কৌরবগণকে কি দ্বিমিত্ত পরাজয় করিতে

অসমর্থ হইবে? তুমি আমার পুত্রের সমান স্ত্রীবের প্রশংসা করিলে; তোমার বাচ্য-বাচ্য জ্ঞান নাই; তুমি এক্ষণে আমারই অবমাননায় প্রবৃত্ত হইয়াছ, যাহা হউক, আজি বয়স্যভাব প্রবৃত্ত তোমার এই অপরাধ মার্জনা করিলাম; কিন্তু যদি জীবিত লাভের অভিলাষ থাকে; তাহা হইলে আর কদাচ একপ কহিও না।

যুধিষ্ঠির কহিলেন, মহারাজ! আচার্য্য ভ্রোগ, ভীষ্ম, অশ্বখামা, কৃপ, কর্ণ, দুর্য়োধন ও অন্যান্য মহারথ রাজগণ এবং সুসমুহ-পরিবৃত্ত দেবরাজ ইন্দ্রও যদি রণস্থলে উপস্থিত হন; তাহা হইলে বৃহস্পতি ব্যতিরেকে তাঁহাদিগের সহিত কেহই যুদ্ধ করিতে সমর্থ হন না। তাঁহার তুলা বাহুবলসম্পন্ন আর কেহ হয় নাই ও হইবে না; ঘোরতর সংগ্রাম দর্শন করিলে তাহার মনোমধ্যে সাতিশয় হর্ষ-সঞ্চারণ হইয়া থাকে। যে ব্যক্তি একত্র সমবেত দেব, দানব ও মানবগণকে অক্লেশে পরাজয় করিতে সমর্থ হয়; তাহার সাহায্যে কোন ব্যক্তি সংগ্রামে জয় লাভ না করিবে?

বিরাট কহিলেন, কঙ্ক ! আমি বারংবার তোমারে নিষেধ করিতেছি; তথাপি তুমি বাক্য সংযমন করিতেছ না; বোধ হইতেছে, নিয়ন্তা না থাকিলে কোন ব্যক্তিই ধর্মপথে প্রবৃত্ত হয় না; যাহা হউক, তুমি আর কদাচ একপ বাক্য প্রয়োগ করিও না। মৎস্যরাজ এই কৃপ ভৎসনা করিয়া ধর্মরাজ যুধিষ্ঠিরের মুখমণ্ডলে অক্ষাঘাত করিবামাত্র তাঁহার নাসিকা হইতে রুধিরধারা নির্গত হইতে লাগিল; কিন্তু ঐ রুধিরধারা ধরাতল স্পর্শ করিতে না করিতেই তিনি অঞ্জলি দ্বারা গ্রহণ করিলেন। অনন্তর পাশ্চ বর্ত্তিনী রুপদনন্দিনীর প্রতি এক বার দৃষ্টিপাত করিবামাত্র তিনি তাঁহার অভিপ্রায় অবগত হইয়া বারিপূর্ণ এক সুবর্ণপাত্রে সেই শোণিতধারা ধারণ করিলেন।

ইত্যবসরে রাজকুমার উত্তর বিবিধ পবিত্র গন্ধমালো আকীর্ণ হইয়া স্বচ্ছন্দে নগরে প্রবেশ করিলেন। পুরবাসী ও জনপদবাসী স্ত্রী পুরুষগণ তাঁহারে অর্চনা করিতে লাগিল। এই কাপে রাজকুমার স্বীয় ভবনদ্বারে সমুপস্থিত হইয়া পিতারে সংবাদ প্রদান করিবার নিমিত্ত দ্বারবানকে আদেশ করিলেন। দ্বারী রাজপুত্রের আদেশানুসারে সত্বরে মৎস্যরাজসমীপে গমনপূর্বক কহিল, মহারাজ ! রাজকুমার উত্তর বৃহন্নলা সমভিব্যাহারে দ্বারে সমুপস্থিত হইয়াছেন।

মৎস্যরাজ পুত্রের আগমনবাস্তা শ্রবণে সাতিশয় প্রীত হইয়া কহিলেন, দ্বারপাল ! সত্বরে উত্তর ও বৃহন্নলাকে আনয়ন কর; উহাদিগকে অবলোকন করিতে আমার নিতান্ত অভিলাষ হইতেছে। তখন ধর্মরাজ যুধিষ্ঠির দ্বারবানের কর্ণকূহরে কহিলেন, তুমি একাকী উত্তরকে আনয়ন কর; বৃহন্নলা যেন এখানে আগমন না করে। মহাবাহু বৃহন্নলা প্রতিজ্ঞা করিয়াছেন যে, “সংগ্রাম ব্যতিরেকে যে ব্যক্তি আমার কলেবর হইতে শোণিত নিষ্কাশণ বা আমার অঙ্গ ক্ষত করিবে; সে তাহারে কদাচ জীবিত রাখিবে না;” অতএব বৃহন্নলা যদি এখানে আসিয়া আমার অঙ্গে শোণিত সন্দর্শন করে; তাহা হইলে অবশ্যই বিরাটকে অমাত্য ও বল বাহনের সহিত সংহার করিবে।

অনন্তর উত্তর সত্ৰামগুপে প্রবেশপূর্বক পিতার চরণ বন্দন করিয়া কঙ্ককে প্রণাম করিলেন এবং দেখিলেন, তিনি শোণিতসিক্ত কলেবরে ব্যগ্র চিত্তে একান্তে ধরাসনে আসীন রহিয়াছেন; সৈরিন্দ্রী তাঁহার শুশ্রুসা করিতেছেন। তখন তিনি নিতান্ত সন্তপ্ত হইয়া সত্বরে পিতারে কহিলেন, মহাশয় ! কে ইহাঁরে প্রহার করিয়াছে? কোন্ ব্যক্তি এই প্রকার পাপানুষ্ঠান করিল?

বিরাট কহিলেন, বৎস ! আমি তোমার

বিজয়বাস্তা শ্রবণে পরম আত্মানন্দিত হইয়া তোমার প্রশংসা করিতেছিলাম; তখন কুটিলস্বভাব এই ব্রাহ্মণ তাহাতে অনুমোদন না করিয়া কেবল বৃহন্নলার প্রশংসা করিল; আমি তন্নিমিত্ত ক্রুদ্ধ হইয়া উহারে প্রহার করি যাছি।

উত্তর কহিলেন, মহারাজ ! আপনি ইহাঁরে প্রহার করিয়া নিতান্ত অকার্য্য করিয়াছেন; শীঘ্র প্রসন্ন করুন; নচেৎ দারুণ ব্রহ্মবিষে সমূলে নির্মূল হইবেন; তাহার সন্দেহ নাই।

মহারাজ বিরাট পুত্রের বাক্য শ্রবণানন্তর ভস্মাচ্ছন্ন ছতাশনসদৃশ ধর্মরাজ যুধিষ্ঠিরের নিকট ক্ষমা প্রার্থনা করিলে তিনি কহিলেন, মহারাজ ! আমি অনেক ক্ষণ ক্ষমা করিয়াছি; আমার আর ক্রোধ নাই। যদি আমার ক্রোধের ভূতলে নিপতিত হইত; তাহা হইলে তুমি অবশ্যই বিনষ্ট হইতে; তোমার রাজ্যও উৎসন্ন হইয়া যাইত; তুমি আমারে নিরপরাধে প্রহার করিয়াছ বটে; কিন্তু আমি তন্নিমিত্ত তোমার অণুমাত্রও অপরাধ গ্রহণ করি না। ইহা প্রসিদ্ধই আছে, বলবান্ প্রভুরা সহসা অধিকৃতের উপর ক্রোধপরবশ হইয়া উঠেন।

যুধিষ্ঠিরের নাসিকানিসৃত শোণিত অপনীত হইলে বৃহন্নলা তথায় প্রবেশপূর্বক বিরাট ও তাঁহারে অভিবাদন করিলেন। মৎস্যরাজ বৃহন্নলাকে অভিনন্দন করিয়া তাঁহার সমক্ষেই সংগ্রামসমাগত উত্তরকে প্রশংসা করিতে লাগিলেন, হে বৎস ! তোমা হইতেই আমি পুত্রবান্ হইয়াছি; তোমার সমান পুত্র আমার আর হয় নাই ও হইবে না। যিনি অহোরাত্র যুদ্ধ করিয়া কদাচ শ্রান্ত বা ক্লান্ত হন না; তুমি কি প্রকারে সেই মহাবীর কর্ণের সহিত সংগ্রাম করিয়াছিলে ! এই মনুষ্যালোকে যাহার সমকক্ষ যোদ্ধা বিদ্যমান নাই; তুমি কি প্রকারে সেই মহাবীর ভীষ্মের সহিত সংগ্রাম করিয়াছিলে !



ক্রীড়ার পরাজিত হইয়া যিনি ষাদব, কৌরব  
শর আচার্য্য ; তুমি  
নিয়াছেন ; ইহা হইয়া মহাবীর দ্রোণের সহিত  
করিয়াছিলে ! যিনি সমস্ত অস্ত্রধারীর  
অগ্রগণ্য ; তুমি কি প্রকারে সেই মহাবীর  
অশ্বখামার সহিত সংগ্রাম করিয়াছিলে ।  
যাঁহারে নিরীক্ষণ করিলে কৃতসর্কস্ব বর্ণকের  
ন্যায় অবসন্ন হইতে হয় ; তুমি কি প্রকারে  
সেই মহাবীর রূপের সহিত সংগ্রাম করিয়া-  
ছিলে ! যিনি শর দ্বারা পর্কিত বিদীর্ণ  
করিতে পারেন ; তুমি কি প্রকারে সেই  
মহাবীর ছুর্য্যোধনের সহিত সংগ্রাম করি-  
য়াছিলে ! যাহা হউক, বলশালী কৌরবগণ  
আমার যে সমস্ত গোধন আত্মসাৎ করি-  
য়াছিল ; তুমি আমিষহর ব্যাঘ্রের ন্যায়  
তাহাদিগকে দূরীকৃত করিয়া তৎ সমুদায়  
প্রত্যাহৃত করিয়াছ ; অতএব অরতিগণ  
অবসন্ন হইয়াছে এবং সুখসেব্য অনুকূল  
সমীরণ প্রবাহিত হইতেছে ; সন্দেহ নাই ।

একোনসপ্ততিতম অধ্যায় ।

উত্তর কহিলেন, হে তাত ! আমি স্বয়ং  
সেই সকল বিপক্ষকে পরাজয় করিয়া গো-  
ধন প্রত্যাহরণ করি নাই ; এক দেবপুত্র  
ঐ সমুদায় কার্য্য নিরূহ করিয়াছেন ।  
আমি ভীত হইয়া পলায়ন করিতেছিলাম ;  
তিনি আমারে নিবারণপূর্ব্বক স্বয়ং রথে  
অধিষ্ঠান করিয়া কুরুগণকে পরাজয় ও গো-  
ধন প্রত্যাহরণ করিলেন । তিনি একাকী  
শর সমূহ নিক্ষেপ করিয়া রূপ, দ্রোণ, অশ্ব-  
খামা প্রভৃতি ছয় জন রথীক্রে সমরপরাঙ্খ  
করিয়াছিলেন । তদর্শনে ছুর্য্যোধন ও বিকর্ণ  
ভয়ে পলায়ন করিতে উদ্যত হইলে সেই  
দেবকুমার ছুর্য্যোধনকে সর্ব্বোধনপূর্ব্বক কহি-  
লেন, “কুরুরাজ ! কোথায় পলায়ন করি-  
তেছ ? হস্তিনা নগরে গমন করিলেও তো-  
মার নিস্তার নাই । এক্ষণে স্বীয় বলবীৰ্য্য

প্রকাশপূর্ব্বক সংগ্রাম করিয়া জীবন রক্ষার  
চেষ্টা কর ; তুমি পলায়ন করিলেও কোন-  
ক্রমে পরিভ্রাণ পাইবে না । অতএব আজি  
যুদ্ধ করিতে প্ররুত হও ; যদি তাহাতে জয়  
লাভ কর ; তবে সমুদায় মেদিনীমণ্ডলে  
একাধিপত্য সংস্থাপন করিবে ; আর যদি  
নিহত হও ; তাহা হইলেও পর লোকে স্বর্গ  
লাভ করিতে পারিবে ; সন্দেহ নাই ।”

মানধন ছুর্য্যোধন দেবপুত্রের এই রূপ  
বাক্য শ্রবণে ক্রোধে অধীর হইয়া সচিবগণ  
সমভিব্যাহারে অশনিসদৃশ শরনিষ্কর নি-  
ক্ষেপ করত প্রতিনিরুত হইলেন । তখন কুরু  
ভুজঙ্গমের ন্যায় ছুর্য্যোধনের অতি ভীষণ  
মূর্ত্তি সন্দর্শনে আমার রোমহর্ষ ও উরুকম্প  
হইতে লাগিল । কিন্তু সেই সিংহসদৃশ  
দেবকুমার একাকী ছয় জন রথীক্রে পরাজয়  
করিলেন ; পরিশেষে অসংখ্য শরনিকর  
প্রহার দ্বারা সমুদায় কুরুগণ ও তাহাদিগের  
সৈন্য সমূহকে জয় করিয়া কৌরবগণের ব-  
সন অপহরণপূর্ব্বক তাহাদিকে উপহাস করি-  
তে লাগিলেন । অধিক কি, যেমন রোষা-  
ভিভূত শাদ্দুল অনায়াসে বনচর মৃগগণকে  
বশীভূত করে ; তক্রূপ সেই মহাবল পরা-  
ক্রান্ত দেবকুমার অতি অল্প কালমধ্যেই  
সসৈন্য কৌরবগণকে পরাজয় করিলেন ।

বিরাট উত্তরের বাক্য শ্রবণানন্তর কহি-  
লেন, বৎস ! যে দেবপুত্র কৌরবগণের নিকট  
হইতে আমার গোধন ও তোমারে রক্ষা  
করিয়াছেন ; তিনি কোথায় ? আমি তাঁ-  
হারে দর্শন ও অর্চনা করিতে নিতান্ত অভি-  
লাষী হইয়াছি ।

উত্তর কহিলেন, হে তাত ! তিনি এক্ষণে  
অন্তর্হিত হইয়াছেন ; কল্যা হউক বা পরশ্বই  
হউক ; পুনরায় আবিভূত হইবেন । তখন  
মৎস্যরাজ প্রচ্ছন্নবেশী মহাবীর অর্জুনের  
বৃত্তান্ত কিছুই অবগত হইতে পারিলেন না ।  
অনন্তর মহাবীর অর্জুন বিরাটরাজের

আদেশানুসারে স্বয়ং উত্তরার সমীপে গমনপূর্বক তাঁহারে সেই অপকৃত বস্ত্র সমুদায় প্রদান করিলেন। রাজপুত্রী মহামুগ্ধা বিবিধ মৃতম বসন প্রাপ্ত হইয়া পরম পরিতুষ্ট হইলেন। পরে ধনঞ্জয় বিরাটপুত্রের সহিত মন্ত্রণা করিয়া ইতিকর্ষব্যতা অবধারণপূর্বক ধর্মরাজ যুধিষ্ঠিরসমীপে নিবেদন করিলেন; পরিশেষে পঞ্চ জাতা একত্র মিলিত হইয়া উত্তরের সহিত হৃষ্ট মনে মন্ত্রিত বিষয়ের অন্তষ্ঠানে প্রবৃত্ত হইলেন।

গোহরণ পর্ব সমাপ্ত।

## বৈবাহিক পর্বাধ্যায়।

সপ্ত ততম অধ্যায়।

বৈশম্পায়ন কহিলেন, মহারাজ! অনন্তর প্রতিজ্ঞামুক্ত পাণ্ডবগণ তৃতীয় দিবসে স্নানানন্তর শুক্ল বসন ও নানাবিধ আভরণ পরিধানপূর্বক বিরাটরাজের সভায় আগমন করিয়া রাজসিংহাসনে আসীন হইলেন। যেমন মদমত্ত মাতঙ্গগণ দ্বারদেশে স্তম্ভোত্তিত হয়; যেমন গৃহমধ্যে অগ্নি সকল অপূর্ণ শোভা ধারণ করে; সেই রূপ মহাতেজা পাণ্ডবগণ তথায় শোভা পাইতে লাগিলেন। ইত্যবসরে বিরাটরাজ রাজকার্য পর্যালোচনা করিবার নিমিত্ত সভায় আগমন করিয়া পাবকসম্মিত পাণ্ডবগণকে কল্পনগোচর করত রোষাভিভূত হইলেন। পরে মুহূর্তকাল চিন্তা করিয়া দেবগণপরিবৃত্ত দেবরাজসদৃশ যুধিষ্ঠিরকে কহিলেন, হে কঙ্ক! আমি তোমারে দ্যুতকারী সভারূপে বরণ করিয়াছিলাম; তুমি এক্ষণে কি নিমিত্ত অলঙ্কৃত হইয়া রাজসিংহাসনে উপবেশন করিলে?

অর্জুন বিরাটের বাক্য শ্রবণ করিয়া সহান্য বদনে পরিহাস কাসনার কহিলেন, হে

রাজন! এই মহাভয়ে পরম আত্মক্লান্ত হইয়া আরোহণ করিবার উৎকর্ষিত হইলাম; তখন ন্য, স্তুতিমান্ ধর্ম ও অলৌক্যে অনুমোহিত হইয়া ধরামণ্ডলে ইহার অপেক্ষা অধিক আর কেহই নাই। ইনি পৌর ও জ্ঞানপদগণের প্রীতিপাত্র; ধনসঞ্চয়ে যক্ষরাজের সমকক্ষ; মহাতেজা মনুর ন্যায় প্রজাগণের অনুগ্রাহক ও প্রতিপালক; ইনি কুরুবংশাবতংস ধর্মরাজ যুধিষ্ঠির; ইহার কীর্তি সমুদিত সূর্য্যপ্রভার ন্যায় চতুর্দিক্ উদ্ভাসিত করিয়াছে। ইনি যৎকালে কুরুমণ্ডলে আধিবাস করিতেন; তখন দশ সহস্র মত্ত মাতঙ্গ, ত্রিংশৎ সহস্র অশ্বসংযোজিত ও সুবর্ণমণ্ডিত রথ ইহার অনুযাত্র ছিল; যেমন ঋষিগণ পুরন্দরের উপাসনা করেন; তক্রূপ মণিকুণ্ডলমণ্ডিত অষ্ট শত সূত মাগধগণের সহিত মিলিত হইয়া ইহার স্তুতিবাদ করিত; যেমন অমরগণ সর্বদা কিঙ্করের ন্যায় কুবেরের উপাসনা করে; সেই রূপ কুরু ও রাজগণ ইহার উপাসনা করিত; ইনি স্বাধীন ও পরাধীন সমুদায় মহীপালকেই বৈশ্যের ন্যায় করপ্রদ করিয়াছিলেন; অক্কাশীতি সহস্র স্নাতক ইহার নিকটে জীবিকা লাভ করিত; ইনি বৃদ্ধ, অনাথ, পঙ্গু, অন্ধ ও প্রজাগণকে অপত্যান্নিক্রিশেষে প্রতিপালন করিতেন; ইনি দান্ত ও জিতক্রোধ; ইহার ক্রী ও প্রতাপে দুর্ঘোষন, তাহার অনুচরগণ, কণ ও শকুনি নিরন্তর পরিতাপিত হইতেছে। এই রূপ অসীম গুণসম্পন্ন রাজা যুধিষ্ঠির কি নিমিত্ত আপনায় সিংহাসনের যোগ্য হইবেন না?

একসপ্ততম অধ্যায়।

বিরাট কহিলেন, যদি ইনিই রাজা যুধিষ্ঠির; তাহা হইলে ইহার জাতা ভীষ্ম, অর্জুন, নকুল ও সহদেব এবং সহধর্মিণী যশস্বিনী দ্রৌপদীই কে? তাহার দ্যুত

ক্রীড়ার পরাজিত হইয়া কোথায় গমন করিয়াছেন ; ইহা ত কেহই অবগত নহে ।

অর্জুন কহিলেন, হে নরাধিপ ! যিনি আপনার রূপকারকার্যে নিযুক্ত হইয়া বল্লব নামে পরিচয় প্রদান করিয়াছেন ; তিনি এই ভীমপরাক্রম ভীম । ইনি দ্রৌপদীর নিমিত্ত গন্ধমাদন পর্বতে ক্রোধবশ যক্ষগণকে বধ করিয়া দিব্য সৌগন্ধিক কুম্ভম সকল আহরণ করিয়াছিলেন । যিনি ছুরায়া কীচকগণকে সংহার করিয়াছিলেন ; ইনিই সেই গন্ধর্ষ । ইনি আপনার অন্তঃপুরে ব্যাঘ্র, ভল্লুক ও বরাহগণকে হনন করিয়াছিলেন । যিনি আপনার অশ্বপাল ; তিনি এই নকুল এবং যিনি আপনার গোপালক ; তিনি এই সহদেব । ইহার পরম রূপবান্ ও প্রত্যেকে সহস্র যোদ্ধার সমকক্ষ । এই অলোকসামান্য রূপসম্পন্ন পতিপরায়ণা সৈরিন্দ্রীই দ্রুপদনন্দিনী । কীচকগণ ইহার নিমিত্তই নিহত হইয়াছে । আর আমিই ভীমসেনের অহুজ ও নকুল সহদেবের পূর্বজ অর্জুন ; আপনি আমার বৃত্তাস্ত সম্যক্রূপে শ্রবণ করিয়া থাকিবেন । হে রাজন ! সম্ভান যেমন জননীর্ গর্ভে অবস্থিতি করে ; সেইরূপ আমরা আপনার আলয়ে পরম সুখে অজ্ঞাতবাস করিয়াছি ।

অর্জুনের পরিচয়প্রদান পরিসমাপ্ত হইলে বিরাটতনয় উত্তর পুনরায় তাঁহাদিগের পরিচয় প্রদানে প্ররুত হইলেন । হ্যাত ! এই যে সুবর্ণের ন্যায় গৌরবর্ণ, সিংহের ন্যায় প্ররুত, উন্নতনাসাসম্পন্ন ও লোহিতায়তনেত্র পুরুষকে দেখিতেছেন ; ইনি রাজা যুধিষ্ঠির । এই যে মন্তুমাতঙ্গামী, তথুকাঞ্জনবর্ণ, স্থলক্কর ও দীর্ঘবাহু পুরুষকে দেখিতেছেন ; ইনি বৃকোদর । ইহার পাশ্বে যে বারণষুধপতিসদৃশ, সিংহের ন্যায় উন্নতক্কর, গজরাজগামী, কমলাবস্ত্রলোচন, শ্যামকলেবর, বুবা দণ্ডারমান

আছেন ; ইনিই মহাধর্ম্মধর অর্জুন । এই যে উপেন্দ্র ও মধেন্দ্রসদৃশ দুইটি পুরুষ রাজা যুধিষ্ঠিরের পাশ্বেদেশ উজ্জল করিয়া উপবিত্ত আছেন ; মনুবালােকে বাঁহাদিগের রূপ, লাভণ্য, বল, বিক্রম ও সুশীলতার তুলনা নাই ; ইহারাই নকুল সহদেব । আর এই যুধিষ্ঠিরী পার্বতীর ন্যায়, স্নিগ্ধদর্শন ইন্দীবরের ন্যায়, মনোহারিণী সুরকামিনীর ন্যায়, বিপ্রহবতী লক্ষ্মীর ন্যায় যে রমণী ইহাদিগের পাশ্বেদেশে উপবেশন করিয়া আছেন ; ইনিই দ্রুপদনন্দিনী কৃষ্ণা ।

এই রূপে রাজকুমার উত্তর পিতার সমক্ষে পাণ্ডবগণের পরিচয় প্রদান করিয়া পরিশেষে অর্জুনের বল বিক্রম বর্ণন করিতে লাগিলেন । ইনিই যুগকুলসংহারকারী কেশরীর ন্যায় অরতিগণকে নিপাতিত করিয়াছেন ; এবং রথ সমূহ তপ্ত করিয়া অর্জুক চিত্তে সমরে বিচরণ করিয়াছিলেন ; প্রকাণ্ডকলেবর মাতঙ্গগণ ইহারই একমাত্র বাণে আহত হইয়া বিশাল মশনদ্বয় ধরাতলে প্রোথিত করত প্রাণ পরিত্যাগ করিয়াছে ; ইনিই গোসমন্ত প্রত্যানীত ও কোরবগণকে পরাজিত করিয়াছেন ; ইহারই শঙ্খনাদে আমার কর্ণদ্বয় বধির হইয়াছিল ।

মৎস্যরাজ উত্তরের বাক্য শ্রবণ করিয়া কহিলেন, তবে পাণ্ডবগণকে প্রসন্ন করিবার প্রকৃত সময় সমুপস্থিত হইয়াছে ; অতএব যদি তোমার মত হয়, বল, আমি এক্ষণেই ধনঞ্জয়কে উত্তরা প্রদান করি ।

উত্তর কহিলেন, আমার মতে মহাত্মা পাণ্ডবগণ পুজনীয় ও মাননীয় ; এবং প্রকৃত সময়ও সমুপস্থিত হইয়াছে ; অতএব সংকারোচিত মহাত্মগ পাণ্ডবগণকে পূজা করুন ।

বিরাট কহিলেন, আমিও শত্রুগণের হস্তগত হইয়াছিলাম ; ভীমসেন আমারে মুক্ত করিয়া গোধন সকল প্রত্যানয়ন করিয়া-

## বিরাট পর্ব।

হেঁদ। কলত আমরা ইহাঁদিগেরই বাহুবলে সংগ্রামে জয়ী হইয়াছি। অতএব এক্ষণে আমরা অমাত্যগণ সমভিব্যাহারে রাজা যুধিষ্ঠির ও তাঁহার অনুজগণের সৎকার করি। আমি বা অজ্ঞাতসারে ইহাঁদিগকে যাহাঁ কিছু কহিয়াছি; বোধ হয়, ধর্ম্মাশ্রয় যুধিষ্ঠির তৎসমুদায় ক্ষমা করিবেন; তাহার সন্দেহ নাই। বিরাটরাজ এই কুথা কহিয়া প্রফুল্ল বদনে প্রথমে রাজা যুধিষ্ঠিরের সমীপবর্ত্তী হইয়া তাঁহারে শিক্ষাচারসহকারে সৎকারপূর্ব্বক দণ্ড, কোষ ও নগর সমেত সমস্ত রাজ্য প্রদান করিলেন; এবং কি সৌভাগ্য! কি সৌভাগ্য! বলিয়া অর্জুন, যুধিষ্ঠির, ভীম, নকুল ও সহদেবের মস্তক আশ্রয়, তাঁহাদিগকে আলিঙ্গন ও বারংবার দর্শন করিয়াও পরিতৃপ্ত হইলেন না। অনন্তর রাজা বিরাট প্রীতিপূর্ব্বক যুধিষ্ঠিরকে কহিলেন, মহাভাগ! ভাগ্যক্রমে আপনারা নির্বিঘ্নে অরণ্য হইতে আগমন এবং ছুরাআদিগের অজ্ঞাতসারে অবস্থান করিয়াছেন। আমার রাজ্যাদি যাহা কিছু আছে; আপনারা নিঃশঙ্ক চিত্তে তৎসমুদায় প্রতিগ্রহ করুন। সব্যসাচী ধনঞ্জয় উত্তরার উপযুক্ত ভর্ত্তা; এক্ষণে ইনিই তাহার পাণিগ্রহণ করুন।

রাজা যুধিষ্ঠির বিরাটরাজের বাক্য শ্রবণ করিয়া অর্জুনের প্রতি দৃষ্টিপাত করিবামাত্র তিনি মৎস্যরাজকে কহিলেন, হে রাজন্! মৎস্য ও ভরতকুলের পরস্পর সম্বন্ধ নিবন্ধ হওয়া একান্ত সমুচিত; অতএব আজি আমি স্বস্বার্থ আপনার কন্যারে গ্রহণ করিলাম।

দ্বিসপ্ততিতম অধ্যায়।

বিরাটরাজ কহিলেন, পাণ্ডবপ্রবীর! আপনি কি নিমিত্ত আমার প্রদত্ত উত্তরারে ভার্য্যাধ্বৈ প্রতিগ্রহ করিতে অস্বীকার করিতেছেন?

অর্জুন কহিলেন, মহাশয়! আমি নিরন্তর অন্তঃপুরে আপনার কন্যার সহিত একত্র বাস করিতাম; তিনি কি রহস্য কি প্রকাশ্য সকল বিষয়েই আমারে পিতার ন্যায় বিশ্বাস করিতেন; আমি তাঁহারে পরম প্রযত্ন সহকারে নৃত্য গীত শিক্ষা করাইতাম বলিয়া তিনিও আমারে সম্মানভাজন আচার্য্যের ন্যায় বোধ করিতেন। আমি এই রূপে সেই যুবতীর সহিত এক বৎসর একত্র বাস করিয়াছি; এক্ষণে যদি তাঁহার পাণিগ্রহণ করি; তাহা হইলে আপনার ও অন্যান্য ব্যক্তির সাতিশয় সন্দেহ জন্মিতে পারে। আমি নিদোষ, জিতেশ্রিয় ও দাস্ত হইয়া আপনার কন্যার বিশুদ্ধ সম্পাদন করিয়াছি। তিনি পুত্রবধূ হইলে কেহ আপনার ছুহিতার প্রতি, আমার পুত্রের প্রতি অথবা আমার প্রতি কোন সন্দেহ করিতে সমর্থ হইবে না। আমি অভিশাপ ও মিথ্যাপবাদকে অত্যন্ত ভয় করি; অতএব উত্তরারে পুত্রবধুরূপে গ্রহণ করিতেছি। বাসুদেবের প্রিয়তম ভাগিনেয় সাক্ষাৎ দেবকুমারসদৃশ অস্ত্রকোবিদ আমার পুত্র অভিমন্যু আপনার জামাতা ও উত্তরার ভর্ত্তা হইবার একান্ত উপযুক্ত পাত্র।

বিরাটরাজ কহিলেন, হে কৌন্তেয়! আপনি নিতান্ত ধর্ম্মপরায়ণ; উত্তরার পাণিগ্রহণ অস্বীকার করা আপনার পক্ষে সম্যক্ উপযুক্তই হইয়াছে। এক্ষণে যাহা কর্তব্য তাহাই করুন। আমি যখন আপনার সহিত সম্বন্ধ বন্ধন করিলাম; তখন আমার সমুদায় কামনা সম্পন্ন হইল। অনন্তর রাজা যুধিষ্ঠির তাঁহাদিগের পরস্পর সম্বন্ধ বন্ধনে অনুমোদন করিলেন। উভয়ের মিত্রগণের নিকট চর প্রেরিত হইল। ধর্ম্মরাজ যুধিষ্ঠির অপর এক চর দ্বারা বাসুদেবকে এই সংবাদ অবগত করিলেন।

ত্রয়োদশ বর্ষ অতিক্রান্ত হইলে পাণ্ডব

## বৈবাহিক পরীক্ষায় ।

গণ বিরাট নগরে অবস্থান করিতেছেন ; ইহা সর্বত্র প্রচারিত হইল। অর্জুন জনার্দন, অভিমন্যু ও বাদবগণকে আনয়ন করিবার নিমিত্ত দূত প্রেরণ করিলেন । কাশীরাজ ও শৈব্য যুধিষ্ঠিরের নিতান্ত প্রিয় পাত্র ছিলেন । তাঁহারা প্রত্যেকে অক্ষৌহিণী সেনা সমভিব্যাহারে তথায় আগমন করিলেন । মহাবল ক্রপদও অক্ষৌহিণী সমভিব্যাহারে তথায় উপস্থিত হইলেন ; দ্রৌপদীর পঞ্চ পুত্র, শিখণ্ডী ও ধৃষ্টদ্যুম্ন তাঁহার সমভিব্যাহারে আগমন করিলেন ; ইহারা সকলেই অক্ষৌহিণীনায়ক, যাগশীল ও বেদাধ্যয়ন-সম্পন্ন । পরম ধার্মিক বিরাট নানা দিগদেশাগত ভূপতিগণ ও তাঁহাদিগের সমভিব্যাহারীদিগকে সমুচিত সম্মানপূর্বক সৎকার করিলেন । অভিমন্যুরে কন্যা প্রদান করিবেন বলিয়া তাঁহার আর আত্মাদের পরিসীমা রহিল না ।

অনন্তর আনন্তদেশ হইতে বাসুদেব, বলদেব, ক্রতবর্মা, হার্দিকা, যুযুধান, সাত্যকি, অনাধৃষ্টি, অক্রুর, শাম্ব এবং বলদেব-নন্দন নিষঠ ইহারা অভিমন্যু ও সুভদ্রারে সমভিব্যাহারে লইয়া আগমন করিলেন । ইন্দ্রসেন প্রভৃতি পাণ্ডবসারথীগণ এক বৎসরের পর তাঁহাদিগের সেই সমস্ত রথ লইয়া আগমন করিল । দশ সহস্র হস্তী, দশ অযুত অশ্ব, অর্কুদ রথ, নিখর্ব পদাতি এবং বৃষি, অন্ধক, ভোজবংশীয় বহু ব্যক্তি বাসুদেবের সমভিব্যাহারে সমাগত হইলেন । বাসুদেব পাণ্ডবগণকে রাজোচিত অর্থ, স্ত্রীরত্ন ও পৃথক পৃথক পরিচ্ছদ প্রদান করিলেন ।

অনন্তর যথাবিধি বিবাহকার্য্য সমারম্ভ হইল । শম্ব, ভেরী, পনব প্রভৃতি বাদ্য সকল বাদিত হইতে লাগিল । উচ্চাচ মৃগ, মৎস্য ও মৈরের প্রভৃতি প্রভূত সুরা সকল সমারম্ভ হইল । গায়ক, আখ্যানক,

নট, বৈতালিক, সূত ও মাৎস্ততি পাঠ করিতে লাগি মৎস্যনারীগণ মণিকুণ্ডল আভরণ ধারণপূর্বক ইচ্ছতা উত্তরারে লইয়া সূত তথায় আগমন করিলে নন্দিনীর অসীম রূপ ল সন্দর্শনে সকলেই পরাধনঞ্জয় নিজ পুত্র বিরাটকন্যা উত্তরারে ইন্দ্রের ন্যায় শোভা রাজা যুধিষ্ঠির উত্তরা রিয়া জনার্দনকে পুরন্দ্রের উদ্ধাহক্রিয়া সম্পন্ন রাজ বিরাট প্রভৃতি হোম ও দ্বিজগণকে প্রীতিপূর্বক সপ্ত সতুরি ধন, রাজ্য, বহু প্রদান করিলেন ।

উদ্ধাহক্রিয়া যুধিষ্ঠির ব্রাহ্মণদি ধন, গোসহস্র, রথান, শয়ন, রমণীয় প্রদান করি মৎস্যনগর মহে পাইতে লাগিল ।

বৈ

।

আসিয়া  
যে মূল ম  
পুস্তক নক